

ایستیمیشن  
مصطفی امین

إيستيميشن / رواية  
مصطفى أمين  
الطبعة الأولى ، ٢٠٠٩



دار اكتب للنشر والتوزيع  
القاهرة ، اش المعهد الديني ، المرج  
هاتف : ٠٢٢٤٤٠٥٠٤٧  
موبايل : ٠١٢٩٢٥١٥٩٢ - ٠١٨٢٣٦٣٠٣٥  
E - mail : dar\_oktoob@gawab.com  
المدير العام :  
يحيى هاشم  
تصميم الغلاف :  
حاتم عرفة  
تدقيق لغوي :  
أحمد منتصر  
رقم الإيداع : ٢٠٠٨/١٩٨٧٩  
I.S.B.N: ٩٧٨- ٩٧٧- ٦٢٩٧- ٤٧- ٠  
جميع الحقوق محفوظة ©

# إيستيميشن

## رواية

مصطفى أمين

الطبعة الأولى

٢٠٠٩



دار الكتب للنشر والتوزيع





إلى ليلى الحقيقية حبيبة عمرو الزيفة

إلى كل الأشخاص الحقيقيين المستوحاة منهم هذه الرواية حتى  
العاهرات فيهن حتى الأندال فيهم .. حتى أنا منهم



## البداية

علمنى أحدهم تلك اللعبة فأردفت حينها بأنها تبدو  
مسلية.. وهنا بدأ الكثير من الضحك و الدموع و الهراء ..  
أحكى لعلنا نتقابل بين السطور .. تذوب حينها حروف  
الكتاب و سكورات اللعبة

\_\_\_\_\_

## الفصل الأول

### "الجيم ده صانز، وحشيش"

أصبحت "إستيميشن كافيه" مؤخرًا من أشهر أماكن التلاقي لدى طلاب المدارس الفرنسية في الإسكندرية مثل سان مارك وسان جيراثيل وجان أنتيد ونوتردام دي سيون، على عكس "شيكسبير كافيه" الذي يقال إنه قد اكتسب شهرته بسبب أن صاحب المكان "شاف" (قائد كشافة) سابق في حركة "الكيرفايون" (حركة الكشف الخاصة بمدرسة سان-مارك)، بـ "إستيميشن كافيه" أكثر من عشرين عاملاً من الإسكندرية، خاصة أنهم -على غير الحال في القاهرة- لا يواجهون منافسين أقوياء للغاية في ذلك المجال، لا أحد يتذكر بالضبط متى ظهر "إستيميشن كافيه" ومتى ذاع صيته ليصل إلى ما هو عليه الآن، المكان يمتلك كل المقومات التي تؤهله لهذا النجاح، أسعاره غير منطقية بالطبع ولكنها ليست فلكية مثل "كارلوس" و"ستار باكس" مثلاً، اللجوء صاحب المكان استخدم نفوذه ليحصل على رخصة تسمح لرواد الكافيه بأن يلعبوا الأوراق في المقهى بدون أية مسائل قانونية، كما أن من السهل أن تجد مكاناً قريباً من "الكافيه" تركز فيه سيارتك.

لكل ما ذكر من أسباب كان "إستيميشن كافيه" هو المكان المفضل لدى خريجي سان مارك خاصة خالد ومارك ونادر

وبالطبع صديقة مارك الحميمة نيفين، و عندما أقول صديقه الحميمة فإن هذا اللفظ ليس تعبيرا مؤدبا عن أي شيء خارج عن التقاليد، و لو أنك رأيت مرة واحدة مارك ونيفين و هم يتكلمان معا، لو أنك خرجت معهم "خروجة" واحدة، لفهمت تماما ما أحاول أن أقوله، علاقة مارك بنيفين لا تختلف كثيرا عن علاقته بخالد أو بنادر، علاقة لا تخرج عن حدود "الأئمة"، هذا كله من وجهة نظر مارك، لم يقال أي شيء بعد عن رأي نيفين في كل هذا، إنها القصة التقليدية جدا، نيفين تحلم بأن تكون شريكة حياته، وخالد ونادر بما أنهم أعز أصدقاء مارك فلهم لم يقابلوا في حياتهم شخصا قادرا على أن يفهم مارك وأن يقرأ أفكاره من قبل حتى أن يفكر كما تفعل نيفين، كل الناس ترى ذلك فيما عدا "مارك" "مارك" الذي أضاع آخر سنتين من عمره ساعيا بشدة وراء فتاة سيئة السمعة تسمى "يارا"، كل الناس تراها شيطانا يمشي على الأرض فيما عدا هو، إنه ليس ساذج بطبيعته بل بالعكس فإنه من الأشخاص القلائل الذين تقابلهم فتستطيع أن ترى الذكاء في أعينهم قبل أن يقولوا أو يفعلوا أي شيء، رغم كل ذلك فإنه غير قادر على أن يرى أن "يارا" ليست مناسبة له، أو أن يرى أن نيفين منجذبة إليه بشكل آخر غير الذي في مخيلته، كان الأربعة جالسين في مكانهم المفضل في "إستيميشن كافيه" يلعبون الإستيميشن، عندما أخبرهم خالد

أن شريف أبيه الذي كان في القاهرة منذ فترة سوف يصل إلى الإسكندرية في صباح اليوم التالي، و عندما فاجأهم نسيقين بالسؤال:

"شريف مين؟"

رد عليها مارك سؤاها بسؤال آخر كعادته: مش عارفة شريف؟ ما إنتي قابلتيه، بابا خالد. نظرت نيفين هذه المرة إلى خالد وسألته: و إنت بتنادي باباك باسمه على طول كده؟ استعجب خالد من سؤاها الخارج عن المنطق قبل أن يرشف آخر رشفة من كوب هوت شوكليت كان في يده ويتركه ليسألها: عايزاني أقوله إيه مثلا يعني؟ Papy و الشغل ده؟ لا، ده يضايق جدا.

ثم قرر نادر أن يشارك في المناقشة التي لا تهمه ولا تشكل أي فارق له أو للجالسين بأي حال من الأحوال سوى أنه لاحظ أن هناك شيء ما في الموضوع يخرج خالدا و هو يتكلم عنه فأرخص ظهره وبدأ شكله مثيرا للسخرية وهو يسأل بأسلوب استجوابي: ده ليه كده؟

رد خالد وقد ظهر عليه الانزعاج الشديد هذه المرة: معرفش هو بيعجب يبقى التعامل ما بينا على أساس إن إحنا أصحاب مش أب و ابنه، هو دماغه كده. كان "شريف الكفراوي" والد خالد الذي يمتلك مكتباً للمحاماة في القاهرة خفيف الظل إلى

أبعد الحدود، طريقة كلامه وأسلوب حركته ومشيه تشعره بأنه شاب في الثلاثينيات رغم أنه قد أشرف على بدايات العقد الخامس من عمره، هو أفضل من تنطبق عليه عبارة "الشباب شباب الروح"، و عندما يأتي "مارك" و "نادر" أصدقاء ابنه إلى البيت و هو موجود في الإسكندرية، يجلس معهم ويشتم "خالد" ابنه بالأم، يشرب معهم الحشيش، لم يكن يهتم كم يبدو سخيفا ما دام استطاع أن يضحك الشخص الذي يجالسه، تلك الصفة التي تجعل "خالد" ينجح من أيه أحيانا.. و رغم أن مارك قد لاحظ عدم ارتياح خالد من الموضوع إلا أنه لم يستطع ألا يعلق، قال بلهجة حذرة: بس سوري يعني، لما باباك بيحجي يقعد معانا مبحسش إنه أب، أول لما بيبتدي يهزر وكده بحس إنه واحد صاحبنا. أما نيفين فأبدت رأيها: و إنت أصلا باباك من النوع إللي يقول النكتة و ميضحكش عليها فيضحكك أكثر.. فاهمني؟ رغم أن خالد ونادر أصدقاء من الطفولة إلا أن الود - لأسباب معقدة يطول شرحها- لم يكن له مكان في علاقتهما ولكنهما ليسا أعداء كذلك، يبدو أن نادر عندما فشلت محاولة إحراج خالد أمام مارك ونيفين وإنقلبست المحاولة لصالح خالد قرر أن يغير الموضوع الذي هو كان أول من اهتم به، قاطع نيفين بفظاظة: "ما علينا مش هو ده الحوار دلوقتي، في مشكلة أهم، حفلة التخرج قربت ومحدش فكر يعمل حاجة.. مش في الحفلة نفسها، أقصد بعديها يعني.. إيه اللي هيتعمل؟"



و لم يدر أحد منهم إن كان خالد يوافق نادر فعلا أم أنها كانت فرصة يستغلها ليتحول مسار الكلام إلى شيء آخر غير أيه عندما قال: الراجل ده بيتكلم صح جدا على فكرة.

قال "نادر" و كأنه تذكر شيئا ما : هو مش "منير إسكندر" هيعمل زي عشا كده بعد الحفلة ما تخلص في سالتنا لوتشيا,الدفعة كلها هتروحها باين؟

لم ينظر مارك حتى إلى نادر فلسبب ما كل ما يخرج من فم هذا الأخير مرفوض دون تفكير , أشعل سيجارة قبل أن يقول: ما إحنا مش هنستنى لحد ما حد يعمل حاجة,افرضوا معملوش,

نظر نادر إلى مارك وسيجارته باستغراب فهو لم يعتقد أن يراه يدخن,ليس بعد أن طلبت منه صديقه يارا الإقلاع عن التدخين,لكنه على كل حال قرر التفاوضى و سأل: خالد هو إحنا ممكن نروح عندك في شرم؟

أجاب خالد بارتباك قد لوحظ من طرف نيفين: مينفعش كان لازم نحجز من فترة,تأيم شير أصله.

- فاضل على الحفلة إسبوعين,إسبوعين مش كفاية؟و إحنا أصلا في الشتا.

- معرفش هشوف.

و للمرة الثانية فى نفس الدقيقة تطوع شخص ما لتغيير الموضوع و لكن هذه المرة كانت نسيڤين اللى لاحظت اضطراب "مارك" فشلت فى تخمين سبب (جلجة الكلام) اللى بدأت فى الظهور على لسان خالد لكنها ربطته بذكر اسم مدينة شرم الشيخ فقالت : مش لازم حاجة كبيرة, ممكن تعملوا أى حاجة. كان خالد قد فقد اهتمامه نسبيا لما يقال : اللي عايز يسكرت يلحق اللمة دي بتاعتي.

قالها ولم ينتظر ردا و رشف رشفة أخرى من الكاكاو الساخن الذي ظنه الجميع قد انتهى. نظر إليه مارك بظرف عينيه لكنه لم يهتم لما قاله و قرر أن ما يتكلم فيه أهم فأقترح: ممكن نخش سينما.

أضاف نادر ضاحكا: معاكم إنتم؟ انسى يا معلم.

بدا مارك وكأن شخصا ما أهانه عندما أردف معترضا: إيه المشكلة يعني؟ تحولت لهجة نادر من المزاح إلى الشكوى: مبتطلوش كلام و أنا بتفرج على الفيلم, و بتيجي على أهم حنة وتقعدها ترغوا.

أردف مارك فى مزيج ما بين الاتهام و الاستخفاف: يجد والله؟ فكربي بحرة.

أوضح نادر الذى لم يتوقع السؤال: مرة بوظتوا عليا الفيلم وأنا بتفرج؟

فاجئهم نادر بصوت عال وبحماس غير مبرر: "لاك  
هاوس!!", بتاع ساندرابولوك واسمه إيه ده بتاع "ماتريكس"؟

سأله مارك باستخفاف: "كيانو ريفز", ماشي وبعدين  
يعني؟

أضاف نادر الذي كان يتوقع ردة فعل أقوى من تلك:  
وبعدين معرفتش أفرج, أولا خالد كان تقريبا مش فاهم أي  
حاجة من الفيلم وعمال يسألني عن كل حاجة ..

ثم توجه بكلامه إلى نيفين التي بدت الوحيدة المهتمة بما  
يقول بمعاملة ليس أكثر واستطرد: لأ ومارك بقي وعلى اللي  
عمله في آخر حنة في الفيلم, مشوفتيش إنتي, كان في حنة ساندرابولوك  
والتاني ده ببوسوا بعض في آخر الفيلم.

قال خالد بانزعاج لنادر الذي بدا في هذه اللحظة طفلا  
صغيرا يتعرض للتوبيخ من أبيه: أنا مش فاكرو إنت بتتكلم عن  
إيه؟ بس هو إنت فعلا ناوي تقعد تقول الكلام ده وفي بنت  
قاعدة؟

و لأول مرة أظهر مارك بعض التعاطف لنادر الذي يتلقى  
الإهانات من بداية الجلسة فقال مازحا: مين؟ نيفين؟ دي  
أرجل مني!

كانت "الخروجة" من بدايتها مليئة بالكلام غير المريح و  
الارتباك و الاضطراب و لكن تلك الجملة الأخيرة، تلك الجملة  
التي نطقها مارك بعفوية كانت كفيلة بأن تربك ثلاثتهم.

\*\*\*\*\*

بعيدا عن الإسكندرية، و في وقت متزامن تماما، بدت تلك  
الليلة في القاهرة عندما عادت مروة زوجة "أحمد شمس" مهندس  
الكمبيوتر إلى منزلها ليلة هادئة تقليدية جدا، لم تكن تتوقع ما  
سوف يحدث، دخلت من باب الشقة فلمحت زوجها جالس  
هو و ابنه ذو الأربع سنوات نائم بجانبه، و كعادتهما دون أن  
تتوقف و هي تمشي بسرعة نحو الحجرة نطقت بعبارة  
الشهيرة "أنا جيت"، مشيت بضع خطوات سريعة ثم تسمرت في  
مكانها فجأة كأنها نسيت شيئا أو فوجئت بشيء ما، رجعت إلى  
حجرة الجلوس التي قد رأت أحمد جالسا فيها، لم تكن عند أول  
دخولها قد لاحظت كوب الخمر الذي يمسكه في يده، فوجدت  
نفسها تسأله في دهشة: إيه ده يا أحمد هو إنت رجعت تشرب  
تاني؟

تجاهل أحمد ما قالتة تماما، أطفأ التلفاز وأيقظ ابنه النائم. أمره  
بالذهاب إلى حجرته ، توصل الطفل في بلهجة ضاعت معظم  
حروفها في التثاؤب والنعاس فشل فيها أن يتظاهر بأنه يبكي إلا

أن أحمد لم يصدر منه سوى حمل ابنه من على الأريكة و وضعه  
برفق على الأرض

- تصبح على خير يا بابا.

قبله أحمد بطريقة سينمائية وقال بلهجة درامية عجيبة:  
تصبح على خير يا حبيبي.

الحجرة أصبحت خالية إلا من تساؤلات مروة و هـدوء  
أحمد

- إنت ليه لابس هدومك دلوقتى إنت رايع حته ؟ .. مالك  
يا أحمد في إيه ؟ .. مبتردش عليا ليه ؟ هو أنا مش بكلمك؟

لم يكن أحمد خلال نطق تلك الجمل الأخيرة قد نظر إلى  
مروة مرة واحدة, ليس حتى الآن, التفت إليها بكره و قال هـدوء  
عجيب: إنتي كنتي فين لحد دلوقتى؟

- هكون فين يعني ؟ كنت في الشغل أكيد.

قال أحمد الذي عاد يتأمل في كوب الخمر مرة أخرى:  
غريبة يعني!! مع إني عمال أتصل بيكي على الشغل قالولي مش  
موجودة.

قالت بروتينية وهي تخلص معطفها: هو لازم الشغل يبقى  
جوه الشركة يعني ؟ إنت عارف إني بقعد طول اليوم أتشطط  
من حطة لحطة.

- و إنتي النهارده بقي كنتي بتنططي على أهو سرير ؟ في  
أوضة نوم مين من الآخر ؟

ثارت مروة اضطربت و إرتفع صوتها وقالت بعصبية لم  
تعتدها هي نفسها من نفسها: إنت إزاي تتجراً و تفكر في  
حاجة زى كده ؟ إنت سكران و لا إيه ؟

قال أحمد مبتسماً وغاصبا في نفس الوقت في لهجة مما يسمى  
في اللغة العامية بـ "الاستعباط": أنا آسف أنا فعلاً مش عارف  
أنا إزاي قولت حاجة زى كده، هاتي موبايلك كده ثانية  
واحدة!!

و هنا بدأت النهاية لما بين من أحمد و مروة، منذ أكثر من  
شهرين و أحمد سمع و شك و قيل له كلام من أكثر من مصدر  
معناه إن مروة زوجته من ستة سنوات على علاقة برجل آخر و  
لكنه حينها لم يكن يعرف من هو بالضبط.. أما الآن فالجديد  
إنه وصل إلى مشتبه به، كان يشبه وكلاء النيابة فعلاً عندما بدأ  
يستجوب مروة التي غلبها الارتباك و لم تجد ما تقوله، لم يرا  
الاثنان ابنيهما "علي" وهو واقف خلف باب حجرته نصف  
المفتوح ويراقبهما خلفه، المفترض أنه لا يفهم ما يحدث أو ما  
يقال لكن غريزته أنبأته بأن شيئاً ما يحدث، شيء سيء للغاية و

"مين شريف كفرأوي ده؟ حد مهم يعني في الشركة عندكو؟" نطقها أحمد وهو يبذل مجهودا ملحوظا لكي يتثبت بهدوئه

- ده عميل قلم و بطل يتعامل معانا نسيت أمسح نمرته، في إيه يا أحمد مالك؟

- بس النمرة مش مهمة، هه؟ أمال بتعمل إيه على السيد دايل؟

ملخص كل ما حدث في الدقيقتين السابقتين أن أحمد يفاجيء مروة مفاجأة تلو الأخرى، ولكن لا شك أن مروة هي التي فاجأته هذه المرة عندما هدأت و جلست بجانبه و تصنعت لهجة سخرية وهي تقول : لأ الحقيقة ظبطتني أنا فعلا مش عارفة أقولك إيه؟

ثم تغيرت ملاحظتها إلى خليط من الجدية والحنان وهي تستكمل : أحمد، إنت طول عمرك بتغير بزيادة بس مش لدرجة إنك تحوِّي، مش لدرجة إنك تتهمني بحاجة زي دي، أحمد إنت بتعمل إيه؟

وضع ذلك الأخير اصبع السبابة على فمه بهدوء غريب إشارة إليها أن تصمت، مسك الهاتف الجوال ثم اتصل بنمرة شريف

و شغل الـ"لاود سييكر" و انتظر الرد.

جرس، ثم جرس، ثم جرس، كان من الممكن ومن المنطقي ومن الطبيعي بل ومن المطلوب أن تقول لأحمد بأن هذا وقت غير مناسب للاتصال بأي شخص إن كان، وإنه بذلك يخرجها أمام الناس، بل وخطرت على بالها فعلا أن تقوم بذلك، ولكن بنظرة سريعة إلى وجه أحمد أدركت أنها ليست فكرة جيدة، بغض النظر عن صوت الجرس ساد الصمت ما بين الاثنين فقط نظرات قاتلة من أعين أحمد إلى مروة التي بدت مثل المتهم الذي ينتظر تنفيذ حكم الإعدام، لم يخترق ذلك الصمت سوى صوت شريف الكفراوي الذي خرج من سماعة الموبايل أخيرا: "أيوه يا حبيبي ممكن تبطلني تنسي حاجتك عندي في البيت، كل ما آجي أنا ما ألاقى حاجات غريبة في السرير"

نظر أحمد إلى مروة وعلى وجهه تعبير ما بين البكاء والضحك الخفيف ونزلت الدموع من عينيه في نفس اللحظة.

شريف : ألو ألو، إنني لو كنتي بتتكلمي دلوقتي أنا مش سامع حاجة، روجي في حطة فيها إرسال، الموبايل فتح في جيبيها بساين دي ولا إيه؟

وضع أحمد الموبايل على الطاولة ولكن لم يعمل صوته ولم يتحرك من مكانه، قال بنفس الهدوء وبعنتهى الروتينية التي لا تناسب معاني كلماته : طبعا دلوقتي إنني طالق



قام , مشى ونزل على ركبتيه أمام ابنه الذي أخرجه الصوت المرتفع من مخبأه ونظر إليه و استكمل كلامه: و"علي" هي فضل معايا.

و كأن مروة في هذه اللحظة لا تسمع ما يقوله أحمد, كانت تنظر في اللا مكان و لا تقول شيئا, كانت تعاني من تلك الحالة التي تجعلك الصدمة فيها تفقد إحساسك بالعالم الخارجي وبما يحدث حولك مهما بلغت أهميته.

استكمل أحمد وهو يرتدي الجاكت ويمسك شنطة ملابس كان قد وضعها بجانبه قبل أن تبدأ تلك المناقشة بساعات, ويتجه نحو باب الشقة.

"الحقي اشيعي منه الكام يوم اللي جايين لحد يسوم الثلاث, لحد لما أحدد مكان أقعد فيه في إسكندرية"

لم يتغير أي شيء, مروة ما زالت تنظر في اللا مكان ولكن هذه المرة بدأت عيناها تتلألأ بالدموع.

و قبل أن يبلغ أحمد باب الشقة استدار وسألها: بالمناسبة كنت عايز أسألك سؤال, هو إحنا سينا إسكندرية و جينا نعيش في القاهرة علشان فرص شغلك هنا أحسن فعلا والليلة اللي إنني عملتيها لي دي ؟ ولا علشان هو طلب منك كده؟

نظرت مروة أخيرا إلى أحمد, وكان هذا هو آخر ما فعلته لم تقل أو تفعل أي شيء واكتفت فقط بتلك النظرة الخائفة, هز أحمد رأسه, لم يكن غيباً .. فهم الإجابة من تلقاء نفسه.

قبل أن أستكمل سردي لحديث نيفين ومارك وخالد ونادر الذين يجلسون في "إستيميشن كافيه" في هذه اللحظة أود أن أقدم لكم رباعيا آخر من الأصدقاء يقطنون بالإسكندرية أيضا -:

كانت لعبة الإستيميشن وفن الحشيش بمثابة ثنائي لا يفترق بالنسبة إلى عمرو سلامة ورامي وكريم شمس (أخو أحمد شمس السابق ذكره) و محمد البارودي، والغريب أن كل واحد منهم كان لديه فيما سبق ماض أفضل، عمرو منذ سنين كان ملتزما دينيا بشكل يسر الناظرين، كريم كانت له ميول سياسية حزبية، ورامي كان أقل جرأة وأكثر أدبا مع الجميع، ومحمد البارودي كان الأول على فصله في المدرسة، إنهم النموذج الشهير للنوع من البشر الذين يبحثون عن استجابة الدُعاء في أكواب الخمور، ووجدوا الشفافية السياسية في شفافية ورق البفرة (ورق لف السجائر) الشفاف بدلا من الوعود الانتخابية، وكأي مجموعة أصدقاء تتكون من أكثر من ثلاث كانت العلاقات ما بينهم متفاوتة، فعمر و سلامة و رامي الذين جمعتهم مدرسة سان جابريل، علاقتهم أقوى من علاقة عمرو سلامة بمحمد البارودي خريج الأي جي، والذي عرفه عن طريق كريم الذي ترك سان جبرائيل في الثالثة الإعدادية وذهب إلى الأي جي ليتعرف هناك بمحمد البارودي - أو الكيسنج -

كما يطلقون عليه-، فظل وضع محمد البارودي في تلك المجموعة أنه "تبع" كريم، عمرو ورامي ظلا وسيظلا طوال حياتهم لأسباب غير واضحة لا يستأمنون البارودي على سر، أما غير ذلك فإن البارودي لا يعد ثقل الظل كما أنهم يحتاجونه في أي حال من الأحوال عندما يريدون التحضير لجلسة حشيش تماما مثل تلك التي يجلسون فيها الآن، في المكان الذي عدّوه "مُكنّتهم"، و"المُكنّة" حسب تعريف محمد البارودي هي المكان الذي "يتمكن" فيه الإنسان أن يفعل أي شيء دون أن "يقطع" أحد عليه أو يكشف شخصا ما أمره، فالمُكنّة هي مكان لممارسة الفحشاء وتدخين الممنوعات، تشبه العُرزة ولكنها لعدد أقل من الناس و لم تُبن لهذه الأغراض في الأصل، و لا تبرح من الحرام، فهي في العادة من ممتلكات أحد المساطيل، و مُكنّتهم هذه المرة هي بيت رامي الذي يقيم أهله في دبي بشكل دائم ويعمل أبوه دكتورا جامعيّا هناك، هو يعيش وحيدا في تلك الشقة الكبيرة معتمدا على مبلغ المال الذي ترسله العائلة على حسابه البنكي كل شهر، نظر رامي في شك إلى المنضدة و امتنع تماما عن اللعب حتى سأل "هو مين اللي نزل الداما دي؟"

أوضح له عمرو سلامة أنه هو الذي أنزلها، و أضاف "وبعدين إنت فارقة معاك في إيه؟ دي كده كده مش لمُتِك"

أردف البارودي موجهّا كلامه لرامي وهو لا ينظر إليه مشغولا بدبوس الحشيش الذي في يده: فين الولاة اللي ..

قطع ذلك الأخير كلامه بنفسه عندما ناوله رامي القداحة  
التي يقصدها.

انتفض كريم في كرسيه كأنه تذكر شيئا ما : هي الساعة  
كام ؟

نظر عمرو سلامة في ساعته الثمينة وقال في لا مبالاة: لسه  
ثمانية ..

اقترح كريم وقد بدت على وجهه علامات الضيق: طب  
بقولك إيه يا بارودي يا ريت ننجز بقى علشان مش عايزين  
نلطحهم، لو قادر دلوقتي تتعامل في جوينتات يبقى أحسن.

استفسر عمرو وهو يطفئ سيجارته : نلطح مين؟ هو إحنا  
رايحين لحد؟

أوضح كريم: آه هنا و ريم رايحين "إستيميشن" النهارده ,  
علشان كده يا ريت يا بارودي تنجزنا في جوبات

أوضح البارودي الذي لم يستسغ الفكرة: لأ فكك في الآخر  
ماشي، بس خلينا على الأقل نعلق دبوس واحد علشان متبقاش  
القعدة نفخ، أنا كده كده محتاج أعلى شوية علشان أعرف  
أتعامل مع "ريم" النهارده، إنت عارف أنا مشربتش دبوس بقالي  
قد إيه؟

قال رامي محاولا أن يتوقع مسبقا ما سيُقال : من ساعة  
الطلعة بتاعة مارينا.

البارودي : مين قال ؟ مارينا خد بالك مكانتش دبايس  
كانت مشنقة,

كريم: ومين اللي تعامل في المشنقة بقي؟ إنت طبعا.

البارودي : أمال عايزني أسيب أحمد علي وفرقة Born  
In Hell دي تتعامل فيها؟

و لم تكن Born In Hell هذه سوى إحدى فرق  
ال Heavy Metal في الإسكندرية,اشتهروا بكثرة  
خلافاتهم فيما بينهم وبكثرة مشاكلهم في كل مكان يذهبون  
إليه.

كل ذلك كان عمرو صامتا ينظر إليهم بقلق,يترقب  
المسكين اللحظة المناسبة لكي يسأل السؤال السذي يعتصر  
تفكيره,وعندما وجد أن اللحظة المناسبة قد لا تأتي أبدا,قرر أن  
يلفظ السؤال"وخلاص": هيا لينا جاية النهاردة؟

نظر كريم إلى عمرو و قال بحذر : إشمعني يعني ؟ معرفش  
المفروض لأ,إنت لو رحت لقيتها هتعرف تهندل الموضوع  
وكده؟

عمرو : "بصراحة , مش هعرف غير لما أتخط في الموقف  
نفسه.. إيه اللي خلاك تسأل السؤال ده؟! و أنا من إمى  
مبعرفش أهندل (وأتحكم في نفسي)؟المشكلة كل مرة بتبقى  
فيها هيا وإنت عارف"

و كأنه القدر، قبل أن يفكر كريم فيما سيقوله أصيب محمد  
فجأة بحالة سعال غير طبيعية.

البارودي أعطى الكوب لرامي و قام إلى الشرفة بحثاً عن  
بعض الهواء النقي وليس هناك أحد غريب عن عمرو سلامة  
جالس معهم، رأى كريم أن هذا هو الوقت المناسب لكي يبلغ  
عمرو بذلك الخبر، أخذ نفساً عميقاً من الأكسجين كأنه سوف  
يغطس تحت الماء، ثم استجمع شجاعته : علي حسوار لدينا  
ده، ممكن أوي تلا، بص أنا مش قصدي أختنك يا عمرو.. بس  
لو هي جاية احتمال تلاقي صاحبها موجود معاها هناك.

\*\*\*\*

رغم إن بولة الإستيميشن كانت في منتصفها ورغم التركيز  
الذي تطلبه لعبة كهذه إلا أن مارك قد وجد الوقت الكافي  
للاتصال بشخص ما مرارا و تكرارا، و ليروه و هو يخرج من  
فمه عبارات ساخطة غير مفهومة بالمرّة عندما يجده مشغولا.

و عندما سأله "خالد" هامساً عن هوية الشخص الذي يحاول  
الاتصال به و إن كان هذا الشخص يارا هز رأسه غير راض.

أما نادر فكان ما زال يتكلم مع نيفين ويحكي لها الموقف  
الذي يظن وحده أنه مضحك.

نادر: شوفت الفرنشاية ومش شوفت الفرنشاية وبتساع..  
أولا جملة ملهاش أي لازمة، آه أكيد شوفتها وكنت مركز فيها  
لحد ما إنت فتحت بقلك وفصلتني.

وبالرغم من الصمت الذي كان سائدا وجو الارتباك الذي  
لا يشجع على سرد الحكايات، استكمل نادر: و بعدين إنت  
إيش عرفك، هي جامدة و لا لأ؟

سأله خالد: هي إيه دي إल्ली جامدة و لا لأ ؟

فأجاب: "البوسة إल्ली في الفيلم"

قال مارك الذي ترك الموبايل من يده: لأ دي مش  
فاهمها، يعني إيه إيش عرفك هي جامدة و لا لأ ؟ هو مش  
شايفها قدامه ؟

أوضح نادر بحكمة تبعث على الضحك: لأ يا مارك ، إنت  
في حاجة مهمة جدا محتاج تتعلمها.

غمغم خالد بملل دون أن يرفع عينه عن الأوراق: اللي هي  
إيه بقي ؟ أتخف اللي جابوا أمنا.

استكمل نادر و كأنه مُحاضر جامعي يتكلم عن أسس علم  
الاجتماع و فن الجماع: في قاعدة مهمة جداً بتقول إن  
الفرنشاية زي العربية السبور، مهما كان شكلها حلو مينفعش  
تحكم على أدائها من بره ومهما كان شكلها جذاب مش لازم  
تكون مُريحة من جوه، لازم تسوقها علشان تعرف.

هذا هو نادر "الميتاليست"، كان مظهره وحده كاف لأن يجعله محطاً للسخرية قبل أن يفتح فمه ويتفوه بأية كلمة، شعره طويل ممسوك بـ "توكة" في مؤخرة عنقه (و هذا شيء غير معتاد في الإسكندرية)، دائماً ما يلبس "تي- شيرت" أسود عليه اسم إحدى فرق موسيقى الـ "هافي-ميتال" بجانب بعض الجماحم و الكثير من الدماء، و بغض النظر عن لدغته في حرف الرءاء (و كانت هذه إحدى مشاكل حياته لأنه «نادر رفعت عبد الرؤوف»)، كان نادر كمعظم الذين يعانون في اللدغة في ذلك الحرف المزعج يلجأون إلى إستخدام اللغة الإنجليزية و الفرنسية بشكل مفرط، مستغلين أن اللغتين تخفيان اللدغة تماماً، فأنتهى به الأمر بلغة غريبة تحمل الألفاظ الإنجليزية وتكوين الجمل العربية وطريقة نطق فرنسية، و بالرغم من كل ذلك كان لـ "نادر" تأثير قوي على بعض الناس، عندما تستمع إليه تحتار، أهو مجرد شخص أبله يهذي بكلام لا معنى له؟ أم أنه عبقرى وأن تلك البلاهة المحيطة به هي من صفات جنون العباقرة؟ فهو رغم كل شيء ليس مجرد شاب متفرغ للهراء بل كان المغني الـ Vocal ولاعب الجيتار والمؤسس لفرقة:

**Born In Hell** والتي أصبحت مؤخراً من أهم فرق الهافي ماتيل في الكثير من المناسبات الثقافية التي تقع في مكتبة الإسكندرية وغيرها من الأماكن التي لا يذهب إليها الكثيرون، كانت لديه نظرية اجتماعية غريبة للغاية، كان يشبه العلاقة ما بين أي شاب و فتاة بالسيارة!، فالسيارة العائلية



عندما تشتريها يكون بها في الخلف مكان للأطفال، فهو ينوي أن يؤسس عائلة، وكذلك "الصحويات العائلية"، وهناك "صحويات سبور" تماما مثل العربيات السبور، عمرها الافتراضي قصير وصعبة الإصلاح و غالية الثمن ولكن أى راكب في أي سيارة عائلية عندما يراها يتمنى أن يقودها و يطير بسرعة جنونية، وهناك التاكسي ويأتي دوره عندما تكون بالفعل مرتبط بعلاقة (سيارة) أصابها عطل ما، فينتهي الأمر بصاحب السيارة التي تحولت إلى خردة (علاقة فاشلة) إلى التنقل من تاكسي إلى آخر، حتى يجد سيارة أخرى ..

استمع "مارك" و "نيفين" و "خالد" و هم يرتبون ورقهم ويتبادلون نظرات السخرية والضحكات المكتومة، حتى انتهى "نادر" من كلامه الذي كان أشبه إليهم بأحد فصول مسرحيات "عادل إمام" فهتف مارك و نيفين بصوت واحد ساخرين: يا سلام.

قاطعهم خالد الذي لم يكن مهتما منذ البداية: أنا كده مايدت خلاص آخر ورقة الأس الكارو يتزل بقي.

أجاب أحدهم بأنه قد أنزل الورقة المقصودة منذ فترة..  
"خلاص الجيم ده صعايدة"

لم يرد خالد على نيفين بل وضع ورقه على الترابيزة والتفت إلى "نادر" فجأة، و سأله بغضب وكأن نادرا هو المسئول عن

خسارته : ثانية واحدة بس, هو إنت أصلا في عمرك إديت  
فرنشاية لبنت قبل كده ؟

قرر نادر الذي لم يتوقع السؤال (ولم يفهمه كذلك) أن يرد  
عليه بمزحة : لأ بس ركبت عربيات سبور كثير, ضيقة أوي من  
جوه على فكرة.. هاهها !

لاحظ نادر تلك النظرة الساخرة التي أعطاها خالد لمشارك  
وليفين المشغولة بتوزيع الأوراق عندما أنهى جملة, فقرر أن  
يصحح من موقفه : إيه ده ثانية واحدة, إنت بتسأل بجد؟ إنت  
فعلا بتسألني أنا إديت فرنشاية قبل كده و لا لأ؟

أوضح خالد بملل: أيوة بسال بجد..

ثم التفت إلى الباقيين و سأل: هو دور مين اللي يوزع مين  
اللي وزع المرة اللي فاتت نيفين صح؟ إيه ده إنسى أولريدى  
بتوزعي محتش بالي معلش.

ثم عاد ببرود إلى "نادر": "معلش يا نادر مكنتش سامع ,  
كنت بتقول إيه إنت؟"

قال نادر بلهجة ما بين الدفاع و المزاح: "بتسأل بجد ؟ طب  
تصدق وجعت هنا"

أشار إلى صدره قاصدا قلبه عند نطقه للعبارة الأخيرة قبل  
أن يستطرد: "أنا كان ممكن أقبلها من أي حد إلا منك, عيب

عليك يا معلم أنا أول فرنشاية في حياتي كانت وأنا عندي بالضبط عشر سنين"

استفتسر مارك ضاحكا وهو مشغول بعد أوراقه: ده اللي هي لما إيه إلهي حصل يعني ؟

انخفض صوت نادر هذه المرة و هو يقول: لأ فكك من تفاصيل مبحش أحكيها, سيبك يعني, أنا بس عايز أوصلك فكرة معينة.

نظر "مارك" و "خالد" و "نيفين" إلى بعضهم بفرح, لقد وجدوا شيئا يخاف "نادر" أن يحكيه, يا للتسلية !

سأله مارك مصطنعا الغضب: يعني إنت فاكر إن لو في حاجة بتضايقك في الحوار إحنا هنروح نحكيه لحد ؟

قال نادر بارتباك: هو مين الكينج ؟ ..

قال مارك في فخر: أنا طبعا إيه الجديد ؟

قال نادر: لأ بس هيجيلك يوم وتحتاج.

نظرت نيفين إلى نادر بلوم: متغيرش الموضوع يا نادر.

وضع "نادر" هذه المرة الأوراق أملا في أن يغلق هذا الموضوع نهائيا: مش كده يا جماعة, هو الموضوع نفسه مخرج أنا نفسي مبحش أفكره, مش فارقة معاكم في حاجة إنكو تعرفوا .

ثم في وسط كل ذلك نظر خالد إلى ورقه و استكمل: نيفين متوزعش تاني ورقك زى الخ, زى الزفت.

مارك :يعني إحنا هنقعد نقلس عليك يعني؟ لا مفيش حاجة,بس بعد كده متجيش وترعل.

رد نادر بياس هذه: أو كيه خلاص ماشي,بس الحوار ده مايطلعش بره..

"أو كيه"قالتها نيفين و انكمشت في مقعدها وقد ملأها الحماس كأنها طفلة تنتظر حكاية ما قبل النوم.

نظر نادر حوله وكأنه سوف يقول سرا خطيرا,أخفض صوته واقترب أكثر,فاقتربوا بدورهم:"و أنا صغير لما كنا أنا وخالد قاعدين لسه في العجمي كان في بنت اسمها"مايا"و كانت معانا في المدرسة

قال خالد محاولا التذكر : إيه ده؟ إيه ده ؟ استناني بقي,كانت جريجة أو يونانية حاجة زي كده صح؟"

- أيوة , ممكن تسييني أحكي ؟

أشار مارك على خالد وقد بدا على وجه الأول علامات الاستخفاف: سيبه يكمل يا عم.

أخذ نادر نفسا عميقا قبل أن يستكمل: يوم كده بعد المدرسة لقيتها طلبت مني إني أروح معاها بيتها,المهم طلعتنا أوضتها,قعدنا نلعب على الكمبيوتر كان عندها كمبيوتر DOS كده غريب.

سألته نيفين فجأة : و بعد كده بوستها؟

رد نادر و قد زاد انزعاجه نسبيا : لأ بعديها قعدنا نذاكر.

سأله مارك هذه المرة: و بعد كده اديتها فرنشاية,مش كده؟

كان انزعاج نادر قد وصل إلى حده الأقصى عندما أجاب في غيظ: لأ بعد كده قعدت أعلمها إزاي تلعب كورة,هي والشغالة بتاعتهم.

من المؤكد أن أيا منهم لم يكن مهتما فعلا بمعرفة حقيقة ما حدث,و لكنهم وجدوا أن لأسئلتهم المتكررة رد فعل كرتوني مُضحك يخرج من "نادر" كل مرة,فكان من الطبيعي أن تسأله "نيفين": وبعد كده بوستها ؟

استكمل نادر الذي قرر أن أسهل طريقة لتخطي الأسئلة الغبية التي لا جدوى منها هي أن يتجاهلها تماما: كان عندها كلب كده طلعت من الكوخ بتاعه علشان يلعب معانا.

مارك: بعد كده إديتها فرنشاية.

نادر: لأ ، اصبر شوية,مممكن؟المهم بعديها مش فاكرك حصل إيه كده,دخلت هي البيت وسابتنى مع الكلب والشغالة و أخوها الصغير ده,و غابت شوية صغيرين,خمس دقائق ربع نص ساعة ساعتين أربعة وأنا لسه عمال ألعب مع أخوها و مع الشغالة و الكلب إللي معاهم,بس مكوتتش عامل حسابي على إللي هيحصلني بعد كده.

سألته نيفين وقد غلبت السخرية على لهجتها: إيه بوست الشغالة؟

رد نادر ضاحكا: بوست الشغالة؟ يا ريت، كان يبقى أرحم.

توقع مارك بصوت عال: يبقى بوست الولد الصغير في بقه، صح؟

و في هذه اللحظة بالضبط مر رجل مُلتح بجانبهم ونظر عند الجملة الأخيرة إليهم باشمزاز قبل أن يستغفر الله العظيم من كل ذنب عظيم بصوت عالي غاضب ثم رفع حاجبيه لينظر إليهم نظرة استحقار أخيرة ليرحل بعدها و يتعد عنهم، بدا بعدها شكل نادر مضحكا للغاية وهو يميل إلى "مارك" و يقول في قلق بصوت يقرب إلى الهمس: "ما توطى صوتك يا مارك إيه السياح ده؟ لا طبعاً، إيه اللي يخليني أعمل حاجة زى كده؟ مزقتش، هو يعني البيت مفيهوش غير الشغالة والولد بس؟"

فجأة اعتدل خالد في كرسيه و نظر إلى نادر واتسعت عيناه خالد وهو يتصنع الخوف و الدهشة: إيه ده؟

ارتبك نادر ونظر حوله بدوره و قال: إيه في إيه؟

قال خالد بلهجة درامية مضحكة وهو يلوح بأصبع السبابة: أنا طول عمري عارف إنك واطي بس مش للدرجة دي، إنت بوست الكلب؟

وانفجر ثلاثتهم في الضحك.

أعاد نادر ظهره مرة أخرى إلى الوراء بعد أن كان مقتربا من الترابيزة و اشتكى: مش أسلوب خالص على فكرة، أنا مش عارف أحكي حاجة.

قالت نيفين و هى تحاول جاهدة أن تقلل من ضحكها :  
طب احكي احكي.

نادر: المهم الكلب عضني، مش عضه جامدة يعني، الظاهر ماميتها كانت دكتورة أو بتشتغل في صيدلية حاجة كده يعني ، طلعتني أوضتها علشان تعالج الجرح وبتاع.

اتسعت عينا خالد وهو يسأله (بدهشة): إيه ده مع مامتها؟

أوما نادر برأسه موافقا: ال. M.I.L.F شخصيا.

سأله "مارك" بسخرية: شخصيا ؟

و سأله "خالد" بنفس اللهجة: بشحمها ولحمها؟

كانوا "خالد" و "نادر" و "نيفين" قد اندمجوا في السخرية من نادر وقصته الغريبة، و لم يفهم أحد منهم ما هو المخرج بالضبط فيما حدث، و لماذا حاول أن يتفادها في حديثه في البداية، بل و عندما زاد الضحك كان الجميع يضحك فيما عدا هو، نظر إليهم بقلق وقال باضطراب : بقولكم إيه ! أنا حكيتركم الحوار ده علشان واثق فيكم، يا ريت الموضوع ده مايطلعش لحد،

و قبل أن يرد أحد وقبل أن يثبت أي منهم أنه لم يخطئ  
عندما وثق بهم، زاد الضحك أكثر عندما فوجئوا بمبارك واقفا  
فوق كرسيه و قد مسك كأسا وملعقة و حبطهما ببعض مثلما  
يفعل الأرستقراطيين الإنجليز قبل أن يقترحوا أن يشربوا نخب  
شيء ما و قال بعد أن كان قد لفت انتباه عدد لا بأس به من  
رواد المكان: "يا جماعة أن عايز أقولكم إن نادر.."

\*\*\*

"صاحبها 11؟"

نطق أو بمعنى أصح صرخ "عمرو سلامة" بالعبرة السابقة، قبل  
أن تتجمع عضلات وجهه ويلتقي حاجباه اللذان لا يلتقيان إلا  
نادراً.. لتغير ملامحه الهادئة تماما و ليراه كريم و رامي وقد بلغ  
مرحلة من الغضب لم يروه قد وصل إليها في حياته من قبل.

كان الارتباك واضحا على "كريم" عندما أوضح بصوت  
خافت : مكنتش عايز أكلمك في الحوار ده بس ان انت تعرف  
مننا أحسن.

لم يُعلق "عمرو" على تلك الجملة الأخيرة وأكمل اعتراضه  
كأنه لم يسمع شيئا: "صاحبها؟.. صاحبها ده اللي هو حسام ده  
طبعا" قالها في شيء من التهكم قبل أن يلوح كريم بيده محاولا



أن يتغاضى عن ذلك السؤال الصعب: "حسام أو مش حسام  
مش هي دي الفكرة"

قاطعهم عمرو بصرامة: "يقي هو حسام"

قالها ثم أراح ظهره على الأريكة وبدأ وكأنه سوف  
يهدأ (فقط كأنه)، نظر إلى السقف وتسللت إلى شفتيه ابتسامة  
ساخرة، أعاد رأسه إلى مكانها الطبيعي ونظر إليهم، قال وهو  
يحرك يده يمينا وشمالا لكي يساعده في توصيل وجهة نظره:  
آخر حاجة كان ممكن أتخليها إنها توصل للدرجة دي، للدرجة  
إنها تسبب واحد بيحبها و تروح لواحد أهلها بيحبوه وكانت  
طالبة مني إني أقنع إن هي ليها شخصية .. عارف لما"

قاطعهم كريم بحسم، كان وقتا عجيبا لكي يأخذ موقفا دفاعيا  
لصالح "لينا" صديقتة ضد "عمرو سلامة" أنثيمه ولكنه فعل، لا أحد  
يستطيع أن ينكر ذلك، احمر وجهه في وجه صديقه الحميم وهو  
يقول: على فكرة هي بتحبه، أنا قولتلك انسى وإنت مش عايز  
تنسى.

و بعد أن فشل "كريم" تماما في أن يحتوي الموقف، و  
عجز "عمرو" أن يتقبل الواقع بشكل عاقل، و ككل المصائب التي  
لا تأتي إلا دفعة واحدة، قرر "رامى" أن يترك دكة المشاهدين  
ويشارك فعلا في ذلك الحديث الرهيب: "ثانيا إنت ملكش حق

تتكلم، إنت بغباءك ضيعت فرصة في غيرك بيحفوا علشان يلاقوها"

كان رامي بالطبع يتكلم عن نفسه، وعن حكايته التي لا تنتهي مع فتاة من مدرسة شامبليون تسمى "بمى"، هو يحبها ومن الواضح أنها تحبه ولكن بسبب أحداث وقعت قبل أن تعرفه تخشى هي أن ترتبط بعلاقة به أو بغيره، هي خائفة، وها هو يحاول أن ينسى كل ذلك و ينظم قاعدة حشيش في بيته، ولكنه يجد نفسه يستمع إلى مشاكل "عمرو سلامة"، كيف يحق للجحيم توافق فتاة أحلامه على أن ترتبط به ومع ذلك يجد الفرصة ليفسد كل شيء؟ كم يجب أن يكون المرء غيبا لكي يفعل شيئا كهذا؟ إذا كانت هذه هي وجهة نظر "رامي" فلا عجب أنه اختار "عمرو" لكي يصب عليه غضبه، ولكنه نسي أن "عمرو" في تلك اللحظة ليس "عمرو" الذي اعتاده، "عمرو" الآن بغض النظر عن تأثير الخمر والحشيش الذي بدأ يحتل تدريجيا خلايا عقله، غير قادر على امتصاص غضب أي شخص غيره.. ولذلك كان التصادم لا بد منه.

صرخ هذا الأخير: والني يا رامي متذاكاش إنت مش سامع بيقولك إيه؟ أنا بره الموضوع ده و الليلة دي أصلا من

الأول، مكانتش فارقة أعمل إيه ومعملش إيه، هي كسده كسده  
مقررة من قبل ما أي حاجة تحصل.

قال كريم جملة لا تقل استفزازا عن جملة الأخيرة : أنا  
بصراحة شايف إن لأ كانت فارقة.

عاد الصمت بسرعة غريبة إلى الحجرة مع عودة البارودي  
من الشرفة، تركهم "البارودي" ثلاثة فرجع فوجدهم أربعة ومعهم  
الصمت جالسا، بات الاكتئاب واضحا على الوجوه لذلك كان  
سؤال البارودي بديهيا: إيه في إيه مالكم ؟ عاملين كده ليه؟

رد رامي بضيق وهو ينظر في اتجاه آخر: مفيش حاجة يسا  
عم.

لم يحاول البارودي حتى أن يفهم سبب المشكلة، هو يعرف  
جيدا أنه ليس في تلك المكانة القريبة التي تجعل ثلاثتهم يفتحون  
قلوبهم و يحكون له "بابا بارودي" ما حدث فاكتمى بقوله : لأ  
!بقولكو إيه!.. إحنا جايين نتكيف مش ننكد على بعض  
،خلاص؟

كان السكوت لا زال سائدا ..إلا أن هذه المرة أوماً كريم و  
رامي برأسهما موافقين.

ضحك كريم وهو يشير إلى الكوب: بص الكباية بقست  
عاملة إزاي دلوقتي.

نظر "رامي" و"البارودي" إلى الكوب الذي نسيه فتكاثف  
الدخان بداخله فأصبح يحمل اللون الأبيض، أصبح شبيه تمامًا  
بكوب اللبن إن غضضت النظر عن غطاء الكوب، لاحظ  
رامي وكريم أن "عمرو" وقد تألأت عيناه بالدموع عاد ينظر إلى  
السقف مرة أخرى.

فسأل "كريم" "رامي" في لهجة مسرحية محاولاً أن يجذب  
انتباه "عمرو": دور مين ده يا رامي؟

- دور المكتئب اللي قاعد جنبك.

قرر عمرو أن يضرب عصفورين بحجر واحد أن يجاملهم  
وأن يدخل نفسه في جو "التهيس" الذي يحتاجه في لحظة  
كهذه، أمسك "عمرو" الكباية و أعطى تعابير وجه كوميدية  
( تنتمي إلى مدرسة "محمد سعد - اللمعي" ) يمكنك أن تصفها  
بالمهمل وقال بصوت مضحك: مين الأنسة؟

هنا انفجر ثلاثتهم ضاحكين، فهم لم يروا "عمرو" يمزح منذ  
زمن بعيد.

أوضح بعد ركوبهم السيارة متوجهين إلى "إيستيميشن كافيه" أنه ليس هناك أي حدث مهما بلغت أهميته يستطيع أن يرجعه إلى حالة التركيز الطبيعية مرة أخرى، وكأي توقع خاطيء قاله "عمرو" وهو لا يدري ما سيحدث له في هذه الليلة قبل أن تنتهي.

\*\*\*\*

"هل تركت لينا عمرو سلامة لترتبط بحسام، وإرضاء لأهلها؟؟؟" علاقة عمرو سلامة ولينا لم تدم طويلا لم تطل أكثر من شهرين على أقصى تقدير، لكن لينا في تلك الفترة كانت قد قامت بفعل أشياء كثيرة لا تقوم بها إلا فتاة قد أحببت عمرو سلامة فعلا، وإن كان مقياس حب الفتاة لشاب هو أن تقول له صراحة إنها تحبه فإنها قد قالت له ذلك بالفعل في تلك الليلة التي اتصل بها بناء على نصيحة "رامى" و"كرم" بعد أن عادت من امتحان "الفرنساوي"، ليسألها عما فعلت، وكان المفترض ألا تدوم المكالمة أكثر من ربع أو نصف ساعة بالأكثر، خاصة أن أهلها موجودون في البيت ومن الممكن أن يلاحظوا فقط إن رفعوا سماعة الهاتف أنها تكلم "وليد" و ليس "هنى" كما حاولت أن تقنعهم، كما أن المفترض من عمرو سلامة الذي كان يتحدث لها عبر هاتفه الجوال هو أن يذكر من أجل امتحان اليوم التالي فهو كان حينها في "ترم أول" في كلية مصاريفها ليست بقليلة، رغم كل ذلك انتهى هما المطاف

بأن استكملا ثلاث ساعات على الهاتف و بدأ في الرابعة، لم نمل هي من الكلام مع عمرو، كانت تسمع إلى نكاته وتضحك، أحيانا تضحك من طريقة كلامه عندما يقلد رامي أو كريم، أو تضحك خجلا عندما يلوح عن مستقبلهما بحمل مثل "هو أنا شكلي هتعلق بيكي ولا إيه؟"، و عمرو بالطبع الذي ضحى بجلسته مع أصدقائه من الكلية في "Cilantro" (كانت هتلم له المنهج في ليلة) لم يمنع بتاتا، وصل إلى بيته و اتصل بها من هاتف منزله بأي حجة تافهة ليستكمل حديثه، ليلتها قالت له بالحرف أنها تحبه، لكنه قالها قبل أن تقولها، و طلب منها أن تقولها فقالتها، مهما كانت الظروف لا توجد في العالم فتاة تقول "بحبك" بحامنة.

كانت "هي" في ذلك اليوم في "إستيميشن كافيه" قد فقدت تماما اهتمامها بكل شيء حولها و لم تعر انتباها لأي شيء يدور في المكان، تنظر إلى لينا وحسام الجالسان أمامها، تدرس كل كلمة، حركة، أو ردة فعل صادرة من أي منهما تحاول أن تربط الأحداث والمعلومات لكي تفهم السبب (الحقيقي) الذي جعل "لينا" تترك "عمرو" من أجل "حسام"، هل رأت مثلا أن ذلك سيكون أكثر إرضاء لأهلها على أساس أن "حسام" قريبها و أن الأسرتين كانا قد تكلمتا عنهما من وهما صغيرين قد كده، هذا ما قالت "لينا" لـ "كريم" ولـ "رامي" و أيضا لـ "ريم" التي تجلس مع ثلاثتهم الآن ومن الواضح أنها أرادت أن تصل تلك الفكرة

إلى "عمرو" عن طريق شخص ما، ولكن "هني" لأنها الصديقة "الأنتم" لـ "لينا" كانت تعلم أن الحقيقة عكس ذلك تماماً، صحيح أن والد "لينا" كانت لها محاولات مع أختها - خالة لينا - لكي تجمع ما بين "لينا" و ابنها "حسام" لكنها محاولات تمت بالفعل وفشلت قبل أن تقابل "لينا" "عمرو سلامة" بشهور، فما الذي جد؟ بل والألعن والأضل سيلاً أن والد "لينا" نفسه غير موافق على ارتباط "لينا" و "حسام"، وكذلك "لينا" لم تكن تكره حسام و لكنها لم تحبه يوماً كذلك، أو على الأقل هذا ما هو واضح، ربما رأت أن مستقبلها سيكون أفضل مع حسام، لا، لا، من المستحيل أن تكون بهذا الغباء "عمرو" المتعلق بها بجنون لا مثيل له هو ابن جراح شهير في الإسكندرية وأسرته ليست ثرية بشكل مبالغ فيه و لكنه ولا شك غني للغاية، وأقل سيارات عائلة "سلامة" أغلى ثمنًا بكثير من سيارة "حسام" هذا ومن سيارة والد "لينا" نفسه، ولفنترض أن لينا لم تكن قط مسن المهتمين بالمادة، إذن ما الذي كانت تبحث عنه "لينا" ولم تجده إلا مع حسام هذا؟ مفات الاحتمالات و الأفكار اعتصرت عقل "هني" وهي جالسة معهما ومع "ريم" صديقتهم التي لا تشارك "هني" في الحيرة بل جلست هادئة تماماً ولم تقل أو تعط أي انطباع عن أي شيء سوى فرحتها بكوب الهوت شوكلت عندما وضعه النادل أمامها، لم يكن سرا أن "هني" كانت

متعاطفة بشكل كبير مع "عمرو سلامة" ولأن علاقتها بكريم (وبالتالي برامي وعمرو) لا تزال جيدة، فإنها (على عكس ريم ولينا) كانت ترى عمرو سلامة في أكثر من مناسبة بعد مشكلته مع لينا، كان في كل مرة يفشل أن يخفي حزنه .. كان في كل مرة يزداد نخافة "عمرو سلامة" الذي كان رغم عدم وسامته أنيقا ورغم خجله مرحا، أصبح الآن غير مرتب، يلبس أي شيء مع أي شيء بغض النظر عن تناسق الألوان، شعره أصبح مجرد شعيرات خشنة على رأسه ينسى أن يحلقها أو يهذبها على الأقل، عيناه تميل دائما إلى اللون الأحمر الدموي، رغم أنها لم تسأل "كريم" أو "رامي" صراحة إلا أن "هني" لا تحتاج إلى أن تكون عبقرية لكي تفهم أن هذا هو تأثير المخدرات، وليست أية مخدرات بل المخدرات التي يتعاطاها صاحبا بشكل مستمر ومكثف خلال فترة قصيرة.. كان عمرو قبل مشكلة "لينا" دائما مبتسما بسبب وبدون سبب، كانت عنده قدرة هائلة على أن يجد الجانب الساخر لأي موقف كئيب والتعليق الهزلي المناسب على أي مشهد بشع، كان يضحك كلما تنفس، كان قادرا على الابتسام مهما كانت الظروف، أما الآن فهو هادئ قليل الكلام -على عكس طبيعه-، هذا كله قبل أن يعرف أن "لينا" تلك التي قتلته قد وجدت شخصا آخر !، كل ما سبق كان بتأثير خير أن علاقته معها



أصبحت متوترة (!). حمدت "هني" الله على أنها ليست "كريم" أو "رامي" ..

و أنها ليست الشخص الذي سوف يضطر أن يبلغ "عمرو" خبرا كهذا، كان من المؤكد أنه ليس هناك أي شيء قادر أن يلفت انتباه "هني" في تلك اللحظة أو أن يخرجها من حالة الشروود التي فيها، حتى أتى ذلك الصوت فجأة "يا جماعة أن عايز أقولكم إن نادر..". جاءت العبارة بصوت عالي ومن "الترابيزة" المجاورة، نظر "حسام" و "لينا" و "هني" و "ريم" إلى مصدر الصوت ليجدوا شابا أسمر ذا شعر قصير يمسك في يده كأسا من الماء ويحبط عليه بملعقة و يعامله وكأنه كأسا من الخمر وكأنه يشرب نخب شيء ما، لم يميزه أحد من الجالسين فيما عدا "حسام"، إنه "مارك" زميله في الدراسة وهؤلاء الجالسون معه هم "خالد الكفراوي" و "نادر" ومعهم فتاة لم يرها من قبل. لو أنك راجعت في ذهنك كل الرياضيين الذين عرفتهم وبحث عن المشترك في طريقة كلامهم ستجد أن معظمهم على الأقل يمتلك لهجة سريعة تضيق فيها ملامح الجمل فتصبح عبارات وهممة غير مفهومة، ولا تختفي تلك الصفة إلا عندما يتكلمون عن رياضتهم التي يحبونها فتجد الجمل فجأة قد أصبحت منظمة وواضحة ومرتبطة، وكذلك كان حسام "بطل مصر في رياضة الإسكواش للعام الماضي" و صديق "لينا" الحالي، كان غير اجتماعي بطبعه، تبنى "حسام" قبل انتهاء الدراسة في "سان مارك" أن تربطه صداقة مع أي منهم (مارك أو خالد أو نادر) .. كسم تبنى أن

يخرج من شرنقته و أن يكون له أصدقاء كثيرون ومعارف أكثر، وحاول ذلك بالفعل و لكنه شعر أن ثلاثهم يتجنبونه بدون سبب مفهوم.

و قبل أن يستكمل "مارك" حملته الإعلانية، كان "نادر" قد جذبته بشدة وبعبصية، ليجد نفسه جالسا على كرسيه مرة أخرى، وارتفع الضحك الصادر من "نيفين" و "خالد" لسبب غير واضح، ربما لو كانوا يضحكون لسبب تفهمه "هني" لما اعترضت ولكنهم يضحكون لسبب غير معلوم وهذا ما تكسره هي، أن يحدث شيء لا تفهمه أو يتكلم أصدقاؤها عن شخص لا تعرفه أو يقوم شخص ما بفعل لا تستطيع تفسيره، و لذلك كان من المنطقي أن تزجر "هني" بغيظ في تلك اللحظة بالذات

"ممكن توطوا صوتكوا شوية لو سمحتم؟.. في واحدة بتحاول تكلم مامتها" توقف الأربعة عن الضحك تدريجيا، نظر "مارك" إلى "الترابيزة" المجاورة، فوجد تلك الفتاة الغاضبة التي لم يقابلها في حياته من قبل، ومعها فتاتان أخرتان واحدة منهن تجلس مع "حسام" زميل الدراسة ثقيل الظل وتضع يدها على ركبته وتتكلم في جوالها والأخرى جميلة بشكل ملحوظ وتحيط يدها بكوب به مشروب ساخن بحثا عن الدفء، تجاهل "مارك" "حسام" تماما ونظر إلى "هني" وهو يقول معذرا: سوري، معلش.

واستكملت "نيفين": مكوناش قصدنا بجذ.

هنا فقط وفي هذه اللحظة، تركت "هنى" لهجتها الغاضبة، وتركت "لينا" هاتفها، كانا قد شعرنا بأنهن سمعن ذلك الصوت الأنثوي في مكان ما من قبل، وعندما اكتشفت "هنى" أنها "نيفين" قامت و رسمت على وجهها ابتسامة وهتفت: إيه ده نيفين!، إنتي بتعملي إيه هنا؟

\*\*\*\*

كانت نهاية يوم مرهق بما فيه الكفاية بالنسبة إلى "شريف الكفراوي" المحامي السكندري اللامع، و"شريف" بطبعه كثير الحركة، يتمتع بنشاط هائل و طاقة لا تقنى، هو أحد المحامين الذين تقرأ أسماءهم في الصحف، صحف المعارضة بالذات، ظهر في برنامج "القاهرة اليوم" أكثر من مرة وارتبط اسمه بقضية "عبارة السلام ٩٨" و بقضايا أخرى شهيرة للفساد، ولكنك تجد دائما بجانب اسمه عبارة تفيد بأنه المترافع عن الطرف الفاسد من الموضوع..

"مش فاهم يعني!، إيه خلاص اللي اسمه أدهم ده ساب المكتب، مفيش حد عارف يمسك الكام قضية بتوعه؟ هو أنا لازم أعمل كل حاجة بنفسى ولا إيه مش فاهم!!، و اتصليلى بالزفت "صالح" ده شوفيه مجاش ليه النهارده بروح أمه ده راخر"

صرخ "شريف" بالعبارات السابقة في وجه سكرتيرته التي كانت قد تعلمت على مدار سنوات عملها معه أن تلزم الصمت تماما عندما تتنابه أية حالة صراخ وثورّة وعصبية بالضبط كذلك التي تتنابه في هذه اللحظات، نظّر إليها "شريف" بدهشة، وقال: "مستنية إيه!!؟"، إنّي هاتفضلي واقفالي كده ما تتصلي بيه!"

- "أتصل بيه دلوقتي يا فندم؟"

قالتها السكرتيرة بحذر وقد جعلها القلق من ردة فعله تضغط بأسنانها على شفتيها، وقبل أن يعلق على غرابة سؤالها نظّر إلى ساعته، لم يكن قد انتبه بعد أنّها الثانية عشرة مساءً، لم يصدق، وقرر أن يكذب عقارب الساعة، فتح ستارة النافذة التي تقع خلف كرسي مكتبه ليجد أن الليل قد غطى شوارع القاهرة بالفعل. كان "شريف الكفراوي" طوال عمره من النوع الذي إذا اندمج في عمله انعزل عما يحدث حوله، ويفقد إحساسه بالوقت والمسافات والأماكن، تماما كذلك المرة التي كان جالسا في حاله فخطرت على باله فجوة هائلة في القوانين التجارية تضمن له مخرجا مضمونا من قضية "الريان" الشهيرة، فقام ومشى في أنحاء الحجرة ذهابا وإيابا وتظاهر بأنه يترافع أمام القاضي، كانت هذه هي طريقته في التمرين، تمكنت منه العصبية وبرزت عروق عنقه بشكل ملحوظ، وعندما علا صوته بشكل ملفت للنظر، خبطت زوجته و أم ابنه "خالد" على الباب ليكتشف "شريف" أنه في الحمام في بيته بالإسكندرية، ومرة أخرى عندما خطرت له فكرة

قانونية هائلة تضمن له مخرجا من قضية صعبة، فمد - في حركة غريزية - يده إلى جيبه ليخرج موبايله ويبلغ مساعده بالفكرة قبل أن ينساها، ولكنه عندما فعل شعر ببرد غريب يتسلل إلى يده، نظر حوله ليجد أنه في وسط البحر في مارينا مع عائلته، والكثير والكثير من الأمثلة و المواقف التي تصل إلى حد الطرافة في بعض الأحيان، كان "شريف" يعشق عمله كمحام، وكانت لقراءة القضايا تأثير عليه يشبه تأثير البانجو والحشيش ..

يا له من يوم، كان أدهم المحامي الشاب الموهوب بالفطرة قد ترك لتوه العمل تحت يده في مكتب "شريف الكفراوي" للشئون القانونية ليعمل مستقلا، و يفتح مكتبه الخاص، وعلى قدر ما حزن "شريف" على خسارة المكتب لشاب كفء مثله، إلا أنه لا يستطيع كذلك أن ينكر سعادته، كان "أدهم" هذا قد أظهر في الفترة القصيرة التي عمل بها معه مهارة وسرعة بديهة لم يعدها العاملون بالمكتب حتى من شريف نفسه، و كان قد بدأ تدريجيا يسحب الضوء من على شريف، و صار هو نجم المكتب بلا منازع، و بدأ بقية المحامين الصغار في المكتب يسألون "أدهم" ويرجعون إليه في أية تفصيلة قانونية بدلا من "شريف"

"طب مش تقولي إن الوقت اتأخر، أنا مش واخد بالي خالص!!" قالها بلهجة مرحة لا تخلو من الوقار محاولا أن يخفي

إحراجة، وقبل أن ترد السكرتيرة، رن هاتف "شريف" الجوال، نظر إلى الشاشة من تحت نظارته، إنها مروة، ومروة هذه هي عشيقه شريف التي تورط معها في علاقة من دون علم زوجته وتورطت هي في علاقة معه دون علم زوجها "أحمد شمس"، اختارها متزوجة منعاً للمشاكل، فالمتزوجة لن تطلب منه أن يتزوجها ولن تهدده بأن تبلغ زوجته بما بينهما لأنه ببساطة يمكنه أن يفعل المثل وهذا هو ما يحتاجه "شريف" بالضبط وتفرضه عليه ظروف عمله التي تجعله سهل الابتزاز، كثير القلق على موقعه الاجتماعي وعلى مصداقيته أمام الناس، وكان من الأشخاص الذين لا يعترفوا بكلمة ألو "عندما يجيبون على المكالمات، بل يدخل في الموضوع مباشرة.

"أيوه يا حبيبي ممكن تبطلني تنسي حاجتك عندي في البيت، كل ما آجي أنام ألاقى حاجات غريبة في السرير .."

قالها عبر الهاتف بمرح غير مكترث بوجود سكرتيرته، ولكنه لم يسمع الرد من الطرف الآخر، غير مكانه وعلا صوته ونظر إلى مقياس الشبكة في موبايله بلا فائدة، فقط صوت بعيد غير واضح لرجل يتكلم بعبارات غير مفهومة بالمرة، تعجب و أعاد هاتفه إلى جيبه مرة أخرى ووجه كلامه هذه المرة إلى السكرتيرة التي لا تزال واقفة مكانها في تسأؤل، تخاف أن ترحل

فيعيدها "شريف" بمطر من السباب والشتائم، و خشيت أن تبقى مكانها فيعدها "شريف" تتطفل عليه "طب خلاص شوفيلي إنسي بس أنا مواعيد بكرة مع مين وروحي كفاية عليك كده"

"هو مش حضرتك كنت بكرة هنتزل إسكندرية؟" خبط شريف بقبضة يده على جبينه عند سماع الجملة، كان قد نسي تماما الوعد الذي قطعه لعائلته أن يقضى معهم أيام نهاية الأسبوع، فكر أن يعتذر لهم ولكنها ستكون المرة الرابعة على التوالي، كما أنها فرصة جيدة ليزور أعمامه الذين يعيشون في الإسكندرية، حان الوقت لكي يصلوا إلى حل نهائي في قضية الورث، لقد طال هذا الأمر بما فيه الكفاية، ولقد صبر عليهم كثيرا ، أكثر مما يجب هكذا أكد لنفسه.

\*\*\*\*

كانت "نيفين" تتمتع بمهارات اجتماعية عدة، و لكن لم يكن من ضمن تلك المهارات: "اصطناع المشاعر": لم تستطع قط أن تخفي إعجابها بشخص وهي تتكلم معه، أو كرهها لأحد عندما تقابله، وكانت تكره تلك الصفة في نفسها، و تمنى من كل قلبها أن تغيرها أو تخفيها على الأقل، لا تبغض في حياتها أكثر من تلك المواقف التي تجد نفسها فيها مضطرة أن تفعل ذلك، تماما كما حدث عندما ابتسمت "هنى" واقتربت منها لتسلم عليها، حاولت نيفين أن تجاملها بابتسامة، لكنها انتهى بها

الأمر بابتسامة صفراء مرتبكة وفاشلة وقالت في ضيق واضح:  
عاملة إيه يا "هني" إزيك؟

سألته "هني" وهي تحضنها: "الحمد لله، إني اللي فينك؟ إني  
دخلتي إيه صحيح؟"

أخبرتها نيفين بأنها التحقت بكلية تجارة "إنجلش"، وكم  
كانت تتمنى أن تنتهي المناقشة عند هذا الحد، أن  
تخبرها "هني" أنها سعدت برؤيتها وتعود إلى مكانها،  
كانت "نيفين" ترد على كل سؤال من أسئلة "هني" وتسكت  
وتنظر إليها ببرود، ولكن تلك الأخيرة كانت تجد موضوعا  
جديدا تجذب به أطراف الحديث من جديد، وبعد فترة  
معينة كان من المخرج ألا  
تعرف "مارك" و"خالد" و"نادر" "هني" وأصدقائها، وقبل أن  
تدري ما سوف تفعل كان "حسام" قد قام من مكانه بالفعل  
واتجه نحوهم قائلا بتردد: عاملين إيه يا جماعة إزيكم؟

ابتسم "خالد" وقال متظاهرا بأنه لم يلحظ وجوده حتى الآن:  
"إيه ده إنت بتعمل إيه هنا؟"

نظرت "هني" إلى كليهما في استغراب وسألت: إيه ده هو  
إنتو تعرفوا بعض ولا إيه؟

و قبل أن ترد "هني"، صدرت عن "نيفين" ضحكة  
مرتبكة، واعتذرت لكل الجالسين عن خطئها الفادح ونسيانها



بأن تعرفهم ببعضهم , فبدأت بـ"هني": هنا كانت معايا  
السنة اللي فاتت في درس"رامز طوبيا" , قال"مارك"برود وهو  
يطوي نتائج ورقة الإستيميشن ويضعها في جيبه , "عاملة إيه  
إزيك؟"

استكملت"نيفين": مارك وخالد ونادر معايا في الكلية مش  
نفس الكلية , نفس المجموع يعني .

التفتت ريم وهي جالسة نحوهم , سلمت على"خالد"الذي  
بدا لأول مرة تلك الليلة مهتما بشيء ما وهو يقول:"إيه  
الأخبار؟",قالها وفي عينيه نظرة إعجاب شديد,وهنا بدأ كل  
شيء.

\*\*\*

ماذا تفعل لو اكتشفت أن زوجتك وأم ابنك الوحيد  
خانتك؟

لو طرحت نفس السؤال على عدد كبير من الناس سواء  
كانوا متزوجين أو لا , من سيجيبك منهم ستراوح إجاباتهم  
ما بين :

إن ذلك من المستحيل أن يحدث مع شخص مثلي، أو ,

سوف أضربها , ثم أقتلها أو .. أو .. أو

لكنها إحدى تلك المواقف التي لا تدري ما سوف تفعله عند وقوعها إلا إذا حدثت لك فعلا , و"أحمد شمس" هو أحد هؤلاء الذين مروا بتلك التجربة القاسية منذ بضعة ساعات فقط, فماذا فعل؟ لا شيء, بعد أن ترك شقته نزل وركب السيارة, وجد نفسه يهرب من شوارع القاهرة, ويتعد على قدر ما يستطيع عن المدينة, هل تدري ردة الفعل تلك التي تتنبأك عندما تتابع فيلما بوليسيا لتكتشف في النهاية أن أحد أصدقاء البطل الطيب هو الشرير الحقيقي؟ تلك ردة الفعل التي تجعلك تراجع في ذهنك كل مشاهد الفيلم وتراجع طريقة تصرف الشخصية على مدة الأحداث وتقف عند حبل لم تسترع انتباهك عندما قلت أول مرة , هذا بالضبط ما كان يدور في ذهن "أحمد شمس" , بعد أن اكتشف حقيقة زوجته, أخذ يراجع كل كلمة قالتها له , كل مرة كانت تتأخر لأسباب واهية كاذبة, وكل مرة كانت تنجح في أن تخدعه, أجهده الأفكار وأثرت على قيادته , وكاد أن يصطدم بسيارة ما بالفعل, ولكنه استمر في القيادة, كانت استراحة "الماستر" على بعد عشرين كيلومترا على أية حال, وعندما وصل إلى هناك, تذكر أن هذا هو المكان الذي قابل فيه مروة للمرة الأولى, في أواخر التسعينيات أثناء دراستهم في الكلية, عندما ذهب في رحلة نظمتها كلية الهندسة, كان قد رأى مروة من قبل أكثر من مرة في المجمع أمام كلية الهندسة, ولكن لم تأت له الفرصة ليتجاذب معها أطراف الحديث إلا في هذا المكان عندما نظمت كلية

المهندسة في الإسكندرية رحلة للقاهرة , تجاهل وهو يعبر  
الحدائق متجها إلى الـ "كوفي شوب" الأزواج السعداء  
وأولادهم, والشباب و لفتيات الذين نزلوا للتو من أوتوبيس  
رحلات, كان يرى فيهم على الأقل عشرة "أحمد  
شمس" وعشرين "مروة", عشرة مغفلين والكثير من الفتيات  
المحترفات في الخداع, عاهرات مع وقف التنفيذ, دخل إلى  
المبنى, اشترى علبة سجائر من النوع المحلي الثقيل الذي يساعده  
على التفكير, طلب قهوة, وجلس , فقط جلس في هدوء شديد,  
عقد يديه وأسند عليهما جبهته وانكمش داخل نفسه , وأخذ  
يفكر ويعيد ترتيب أوراقه, إذا كان هناك شيء إيجابي واحد في  
كل ما حدث, هو أن ذلك قد حدث له و هو ما زال في مستقبل  
عمره وأمامه الفرصة لكي يبدأ من جديد, لم تكن مروة هي  
محور تفكيره, بل كانت صورة "علي" ابنه هي التي لا تفارق  
ذهنه, وعندما أنهى "أحمد" قهوته وترك المكان, كان قد عرف  
بالضبط ما سوف يفعله, لا مزيد من الارتباك, اتجه نحو  
سيارته, أدار المحرك وقبض بيده على المقود وعلى وجهه ابتسامة  
ثقة, انطلق بسيارته, نحو الإسكندرية, نحو البداية الجديدة.

\*\*\*

كان "رامي" ومعه "البارودي" و "كريم شمس" و "عمرو  
سلامة" في السيارة قد وصلوا تقريبا إلى "إستيميشن كافيه" عندما  
أكد لهم عمرو وهو في مكان ما بين الوعي والسُكر: عليا

النعمة يا جدعان أنا ظابط وفايق، متقاعدوش تشككوني في  
نفسى لحد ما أفور بجد،

استدار إليه كريم وقال بسخرية تحمل نوعا من الهم : هو  
إنت كده ولسه ما أفورتش؟ أمال لما تأفور هتعمل إيه؟

اتجه عمرو بكلامه هذه المرة إلى "رامي" و اشتكى له بلهجة  
مدرسية طفولية: بص يا كريم، بص رامي عمال يقوللى إيه؟

صرخ كريم بعصبية: أنا كريم اللي بيسوق ده رامي اللي  
قاعد جانبك ده البارودي.

شك عمرو في صحة كلام "كريم" حتى نظر بجانبه فوجد  
البارودي الذى غلبه الضحك، مد "عمرو" له يده وقال مرحبا:  
إيه ده إنت هنا؟ تصدق لسه واحد بالي دلوقتي.

وفي محاولة يائسة و أخيرة قام بها "كريم" لاختبار  
قوى "عمرو" العقلية في تلك اللحظة.. أعاد مرة أخرى أسماء  
الجالسين في السيارة مع الإشارة بيده على صاحب الاسم وبدأ  
صوته معالج رقميا وهو يقول: كريم رامي عمرو بارودي، كريم  
رامي، "ما خلاص يا عم ما خلاص يا جدع، عمال تعيد و  
تزيد في اسمي لما قربت أحفظه" انتفض "عمرو" وهو يصرخ  
بالعبارة الأخيرة، مما أفزع "كريم"، الموقف الذي  
أضحك "رامي" و "البارودي" بشدة، وبدأ "محمد البارودي" و كأنه  
يغرق وهو يصارع ضحكاته ليكون جملة مفيدة: فيه إيه يا

كريم مالك ؟ سيبه في حاله ؟ بتزاوّل الراجل ليه ؟ ما هو قاعد  
آخر حلاوة وزى الفل أهو.

ولأن عمرو لم يكن في حالة تسمح له بالتعلم من أخطائه  
وجد نفسه يكلم كريم كأنه البارودي مرة أخرى وهو يشكو  
حاله: قوله هو الكلام ده مش عارف مش سايبني براحتي ليه.

ولكن هذه المرة لم يهتم كريم حتى بأن يصحح له  
الخطأ، تنهد و استكمل كلامه : مش طالباها سياح أصلها، أنا  
نفسى لما بكون عارف إني مش قادر أفصل بروح البيت من  
نفسى، خصوصا لما يكون في قعدة بنات يعني.

تقدم الباودى بجسمه لكي يقترب من "كريم" الذي يجلس  
أمامه في السيارة ليقول: ده على أساس إهم مش قاطعين علينا.

رد كريم وقد فاض به الأمر : يا عم معاك قاطعين وكل  
حاجة بس منجيش واحد مسطول نقعده معاهم.

أكد رامي: إنت هتعرف عمرو أكثر مني يعني؟ هو هيفصل  
أول ما نترل من العربية.

\*\*\*\*

ألا تجد الطريقة التي يتعرف بها الناس ببعضهم مدهشة ؟ أعني  
عندما لا يكون ما بينهم أي شيء مشترك ومع ذلك

يستكملون بإصرار وبحماس غريب التعارف بحثاً عن حلقات  
الوصل، في أي مكان آخر في العالم يستمر الطرفان في ذلك حتى  
يعلّي ويذهب كل منهما إلى حاله، ولكن في مدينة مثل  
الإسكندرية التي لا يتعدى سكانها أربعة ملايين نسمة، أي  
شخصان يتقابلان.. إن كان كلاهما من نفس الطبقة  
الاجتماعية فلا بد أن لهم صديقاً مشتركاً أو صلة قرابة، إن لم  
يتحقق كل ذلك فإنهما بالتأكيد قد تقابلا من قبل في مكان أو  
مناسبة ما، "لأ أنا لسه في تالته ثانوى"

قالتها "هني" موضحة رداً على سؤال "خالد"، وهنا  
قاطعها "مارك" مستفسراً: ثانية واحدة، آمال إزاي كنتي مع  
نيفين في الدرس؟

استطردت "هني" ضاحكة: لأ ما أهو أنا اتكعبلت شوية.

أوماً "مارك" برأسه وقال مازحاً: آه استعباط يعني، عادي  
عادي، حصلتلنا كلنا.

استكملت "هني": مكنش بإيدي ما هو لما أنا جيت دخلت  
ثانوية عامة..

قاطعها خالد في توقيت غريب وكأنه ينتظر أن تبدأ الكلام  
خصيصاً لكي يفعل: معلش سوري يا هنا، مش قصدي أقطع

كلامك بس ممكن لو ناويين نكمل كلام نقعد كلنا على  
تراييزة واحدة علشان أنا كده رقيتي ابتدت توجعني؟

كان اقتراحا جريئا بعض الشيء، ولكنها بعض المميزات التي  
تأتي مع الشكل الجذاب، لو أن "نادر" كان هو الذي قال تلك  
الجملة لما انتهى الموضوع إلا بمشكلة كبيرة، لم تدر أي  
من "هني" أو "لينا" أو "حسام" أو "ريم" ما يقول، نظروا إلى بعضهم  
حتى بادر حسام بالخطوة الأولى: "قشطة ماشي مفيش مشاكل"

\*\*\*\*

في العصور القديمة كانت واجبات الصديق تجاه صديقه  
بسيطة وسهلة للغاية، أن يصونه في غيابه و ألا يضره في  
وجوده، أما الآن بعد انتشار الحشيش زادت واجبات  
الصديق، زادت واجبا واحدا جديدا وهو أن يفكر بدلا منه  
عندما تسيطر النشوة على عقل الأول وأن يتكلم بدلا منه  
عندما تثقل المسكرات لسانه، حتى لا يستيقظ من حالته هذه  
فيجد نفسه في مشاكل لم يكن في وعيه عندما افتعلها، و  
كان "كريم" من ضمن هؤلاء،

الواقع أن "كريم" لم يهتم كثيرا لموقفه هو أمام "هني" صديقتها  
أو "ريم" صديقة البارودي، بل كان السبب الحقيقي وراء رفضه  
لدخول "عمرو سلامة" إستيميشن كافيه "وهو بهذه الحالة هو ألا

تراه "لينا" كذلك، من الأفضل لـ "عمرو سلامة" أن لا تراه "لينا" ثانية، أو أن تكره لبقية حياتها على أن تراه في هذه الهيئة فتشفق عليه، بعد أن نزلوا و وقفوا على الرصيف منتظرين "رامى" الذي يركن سيارته، وضع "كريم" يده على كتفي "عمرو سلامة" ليمنعه من الاهتزاز، وسأله هذه المرة برفق: هتعرف تفصل؟ لو مش هاتعرف قول إحنا لسه قرييين من بيتك، هه؟

رد سلامة بصوت مخنوق وهو يدعك عينيه: هعرف يا عم بقي متصدعنيش.

أما "البارودي" فلقد كان طوال الوقت و هو واقف معهم في الخارج ينظر وراء الباب الزجاجي، يحاول أن يخترق ببصره إلى الداخل باحثا عن أى شخص يعرفه كعادته عندما يذهب إلى أى مكان، و فعلا،

"إيه ده ؟ ده هاني قاعد جوه أهوا!!"

قالها وهو يدخل بالفعل إلى المكان.

كان "هاني" هو رفيق الكأس والحشيش بالنسبة لـ "محمد البارودي"، تعرف به البارودي في كليته، في هندسة أبو قير، و "هاني" رغم إنه يشارك "البارودي" في معظم الاهتمامات إلا أنه مختلف معه في الطباع، فهو هادىء، لا يتكلم إلا عندما يريد



أن يوصل معنى محددا مهما للذي يسمعه, و هو أخف ظلا و أحسن شكلا من "البارودي" بكثير, و أنبل أصلا كذلك, فعائلته تمتد إلى الباشاوات,

دخل "عمرو سلامة" و "كريم شمس" و "رامي" المفهوى وراء البارودي, اقترب "عمرو" من "كريم" و سأل به بصوت خافت و بلهجة غلبها القلق : بقولك إيه, أنا عنيا حمرة؟

يا له من سؤال غبي يصمم كل المساطيل أن يسألوه !, فلنفترض أن "كريم" رد على سؤاله بالإيجاب فهل سيغير ذلك من شيء؟ إلا أنه سوف يزيد من قلق "عمرو" ممن حوله, تظاهروا كريم بالنظر لعيني سلامة التي سوف تقطر الدماء إذا ازدادت احمرارا وأجاب ببرود: "لا"

أخذ "عمرو سلامة" نفسا عميقا وهو يقول: الحمد لله.

ولكنها كانت مسألة وقت قبل أن يعود بعدها بلحظة واحدة القلق إلى ملامحه مرة أخرى وهو يسأل: طب كويس إنها مطلعتش حمرة.. طب بتحرقني؟

نظر إليه "كريم" بدهشة: هي إيه دي يا بني اللي حمرة وبتحرقك؟

رد "عمرو" ببراءة و تلقائية شديدين: "عينيا.. هتكون إيه يعني؟"

قال "كريم" وقد صاحبت دهشته هذه المرة الكثير من  
السخط: "طب يعني بذكاء أهلك كده: لو عينيك إنت  
بتحرقك أنا بروح أمي هاعرف منين؟!!"

و قبل أن يكمل "كريم" نقده المليء بالأهالي وأولياء الأمور  
لـ "عمرو سلامة" الذي لا يسمعه ونسي أنه يكلمه، كان ذلك  
الأخير قد اصطدم برجل في طريقه إلى خارج  
الـ "كافيه"، اتسعت عيناه "سلامة" ورجع خطوة إلى الوراء، قرر  
أن يعتذر، حاول أن يكون جملة صحيحة، و لكن الضمائر و  
المبتدآت و الأخبار والأفعال كانوا قد بدلت أماكنهم فخرجت  
الجملة كالآتي: "إيه ده سوري مكانش قصدك تحبط في كتفي  
وكده.. ها ها ها!"

لم يحتاج أي شخص في العالم لأكثر من ثانية واحدة ينظر  
فيها إلى "عمرو" لكي يفهم أنه تحت تأثير مخدر ما، وسهلت  
المهمة تلك الابتسامة البلهاء التي من الواضح أنه قد ابتسمها  
منذ زمن بعيد ولكنه نسي أن يزيلها من على وجهه،

"صباح الفل" قالها الرجل ضاحكا وهو يحيه مؤدياً بيديه  
بنفس الحركة التي يقوم بها "سايس" الجراج بعد أن يحصل على  
البقشيش، وبدلاً من أن يضحك "عمرو" أو يعد تلك الحادثة تنبيهها  
له لكي يفيق.. انتظر حتى رحل الرجل ليبتسم وهو يميل

على "رامي" هذه المرة و هو يقول: "بص ابن المسطولة ده، حد يقول صباح الفل بالليل كده؟ شكله مش نايم بدري ده ولا إيه؟"

و قبل أن يسأله "رامي" عن علاقة النوم مبكرا بكل ما قاله من قبل كان "عمرو" قد بدأ فى سؤال آخر بالفعل: "أمال البارودي راح فين؟"

رد كريم بملل وهو يشير برأسه: أهو قاعد قدامك أهوه.

و لم تنته أسئلة "عمرو" المزعجة عند هذا الحد، بدت على وجهه علامات الدهشة المبالغ بها وكأنه رأى شبحا: إيه ده؟ مين الناس اللي معاه دول؟

"معرفش ناس يعرفهم من الكلية باين" قالها رامي وهو يتجه نحو "هاني" و أصدقائه الذين كان "البارودي" قد جلس معهم بالفعل و تبعه كريم وعمرو سلامة وسلموا على "هاني" و أصدقائه الذين لم يمنعوا أنفسهم من أن يلاحظوا تصرفات عمرو الغريبة "هو إنتو إيه طالعين من قعدة ولا إيه؟" قالها "هاني" ضاحكا قبل أن يسحب نفسا آخر من "لاي" الشيشة الذي فى يده، ليختفي وجهه وراء الدخان الثقيل الصادر من فمه، رد عليه "رامي" في مزيج ما بين الحذر والسخرية "نقدر تقول حاجة زي كده، آه" وفي هذه الأثناء

استغل انشغال الجميع ليقوم ويشد" البارودي""كريم"من ذراعه  
و هو يقول : "تعالى يا كريم عايزك في حوار كده", وابتعد به  
عن المسامع, فسأله "كريم" بتلقائية : "هو محدش جه و لا إيه؟"  
و بدلا من أن يرد عليه "البارودي" بالكلام أشار برأسه إلى  
الأمم, نظـر "كـريـم" إلى الاتجاه الذى  
يقصده "البارودي" ليحد "هني" صديقه و "ريم" صديقة البارودي  
ومعهن "لينا" صديقة عمرو سلامة جالسين مع أولاد وبنات لم  
يروهم من قبل في حياتهم, حاول "كريم" بخنكته السياسية في  
احتواء الأزمات عن طريق تجاهلها أن يخفي ارتبائه عن "محمد  
البارودي" وهو يسأله في بساطة: طب ماهما قاعدين أهم أمال  
مروحتش قعدت معاهم ليه !!؟

تجاهل "محمد البارودي" محاولة "كريم" الفاشلة وسأله بغضب  
:"تعرف اللي ريم قاعدة معاه ده؟"

نظر إليه مرة أخرى, هذه المرة بتمعن أكثر, ليدير وجهه مرة  
أخرى إلى "محمد" صاحب السؤال و يرد: "لا، تعرفه إنتا؟"

رد "محمد" وقد صاحب غضبه هذه المرة بعض المرح: "لا  
معرفوش بس هنعرف دلوقتي هي شغلانة يعني؟" قالها ثم عاد إلى  
الترابيزة الذى يجلس عليها أصدقاء الكلية ليسأل هاني هذه  
المرة: "هاني موبايـلك فيه رصيد؟"

قالها البارودي مستفسرا وقد أصبح الموبايل في يده بالفعل، رد عليه "هاني" بالإيجاب وطلب منه بلطف "إنه ميطلّش"، في وسط كل ذلك كان "رامي" يبحث بعينه عن أي أثر لـ "عمرو سلامة"، كان بجانبه منذ لحظات، غاب عن بصره لثوان قليلة عندما سلم على "هاني" وأصدقائه ليستدير "رامي" مرة أخرى فلا يجد "عمرو" بجانبه، لقد اختفى، يا للهول ماذا لو رأى "لينا" مع صديقها الجديد، انتاب "رامي" عندما خطرت نلك الفكرة المخيفة إلى ذهنه الخوف، الكثير من الخوف، قام من مكانه وكأنه أب يبحث في قلق عن ابن تائه له، بل بالفعل لأن "عمرو سلامة" عندما يكون تحت تأثير المخدرات كما هو الحال الآن يصبح تماما كالطفل الذي لا يستوعب عقله ما يمكن أن تؤدي إليه أفعاله، بحث عنه في كل مكان وتحرك في كل الاتجاهات بسرعة كالجنون، حاول أن يطرد من ذهنه احتمالات ردود فعل "عمرو" إذا رأى "لينا" وهي جالسة في منتهى السعادة مع "حسام"، فجأة ظهر أمامه "عمرو"، لم يدر "رامي" من أين أتى بالظبط، ولكنه ها هو أمامه واقف، نظر رامي بطرف عينيه إلى شلة "لينا" و"هني" فوجدها غارقة في الضحك، من الواضح أن "عمرو" لم يذهب إلى هناك و أنه لم يحاول أن يلتفت حتى انتباه "لينا"، ولكن هل رآها معه؟! نعم، نظرة سريعة إلى وجهه كانت كفيلة بتأكيد ذلك، تفرقت عيناه بالدموع وهو

ينظر في اللا مكان لا حول له و لا قوة، نعم، لقد رأى كل شيء، بعينه، رأى "لينا" ويدها الرقيقة تتحرك في حنان على ركة "حسام" .. وراه وهو يضع .بمنتهى الوقاحة يده على كتفها، هي لم تمنع ذلك بالطبع، كم يبدوان ثنائيا مثاليا، كم يليق كل منهما بالآخر، كم هي سعيدة، إنه لم يرها في تلك الدرجة من السعادة من قبل، و عندما رآها اليوم لم تكن معه، بل والأحرى أنها سعيدة لأنها تخلصت منه هو، ماذا جلب لها هو إلا المتاعب والمشاكل؟ بالطبع كان يحبها، كان ومازال يحبها حبا لا يوضحه الكلام، كان يعد أن الله في السماء وأن "لينا" في الأرض، إن "لينا" هي هدية الله له، بدأ ولأول مرة في حياته بالانتظام في أداء فريضة الصلوات الخمس فقط ليدعو الله أن يجعل حياتهما سعيدة معا (هو ولينا)، ولكن هل فعل أي شيء ليسعدها؟ لقد دمر بيديه كل شيء، وأدرك في لحظة واحدة أن الجنة التي وجدها في "لينا" والتي كان قد بنى لنفسه فيها بيتا، لم تُكتب لكي تكون من نصيبه، لقد جعله القدر يلقي نظرة سريعة على جنة خلقها الله عز وجل لناس آخرين غيره، تماما مثل جنة آدم، فكما تسبب آدم بطرده هو و "حواء" من الجنة بسبب التفاحة، تسبب عمرو سلامة لنفسه بتدمير كل ما بينه و ما بينها، إلا إن آدم كان أوفر حظا منه، فآدم عندما نزل إلى الأرض كانت معه "حواء" تونسسه وتفكر معه في حل المشكلة التي وقعوا

فيها، أما "عمرو" عندما طُرد من جنته فقد كان وحيداً تماماً، وتغيرت ملامح الدنيا في عينيه أصبحت سوداء، ليس هناك شخص واحد من الملايين الذين يقطنون ذلك الكوكب قادراً على أن يفهم ما يمر "عمرو" به في هذه اللحظة، ولا حتى "رامي" الذي ينظر إليه الآن في قلق يحاول أن يفكر فيما سيقوله لصديقه "عمرو" ليهون عليه مصيبته، ولكنه لا يدري في كل كلمات اللغة العربية أي شيء مناسب يُقال، لذلك كان من الطبيعي أن يبدأ "عمرو" بالكلام، قال بصوت عاقل متحشرج بالبكاء لا يليق أن يصدر من سكران في حسم: أنا هروّح يا جماعة.

كان محمد البارودي على مقربة من كليهما عندما اصطدمت بمسامعه عبارة "عمرو" الأخيرة فوجد نفسه يسأل ذلك الأخير في دهشة: هو إنت لحقت تقعد يا بني؟

و هنا بالضبط هربت من عين "عمرو" أول دمة لتفتح الباب لكثير من الدموع بعدها، قال في وسط بكائه وغضبه: أنا مينفعش أقعد هنا.

قالها ثم أسرع إلى الخارج، حاول رامي أن يهدئته لكنه لم يستطع، فوجد رامي نفسه يلحق به وهو يخرج من الكافيه، نظر إليهم "كريم" بارتباك لا يدري ما يفعل، ولكنه حسم أمره وتوجه

بكلامه إلى البارودي وهو يبلغه: "بقولك إيه؟ أنا مضطر أمشي  
علشان أوصل عمرو، عايزك تفكك من اللي بيحصل  
دلوقتي، كبر دماغك خالص، متغاباش"

كان كريم في الحملة الأخيرة يتكلم عن حقيقة أن ريم  
جالسة مع أولاد لا يعرفهم البارودي، لم يعره البارودي أى  
اهتمام وهو يضغط على أزرار موبايل "هاني" ليتصل بشخص  
ما، وأوضح البارودي لكريم أن هذا ليس مهما الآن وأنه من  
الأفضل أن يذهب ليرى ما حدث لصديقه.

"أنا جايك على طول هه، متمشيش" قالها كريم متجها إلى  
الباب، ثم اختفى في وسط زحمة رواد المكان.

\*\*\*\*

عندما جلست المجموعتان مع بعضهما، وأصبح في تلك  
اللحظة "مارك" و"خالد" و"نيفين" و"ريم" و"هني" و"حسام" و"لينا"  
على "تراييزة" واحدة، بغض النظر عن "حسام" الذي قل كلامه  
وكثر مزاحه الثقيل ساد جو غريب من الارتياح، تبادلوا النكات  
و آراءهما في فيلمي "عادل إمام" و"أحمد حلمي" وبقية أفلام  
موسم إجازة نصف السنة، على مستوى صوت ضحكهم، وفي  
وسط كل ذلك كانت "ريم" في الحمام عندما مالت "نيفين" على  
أذن "خالد" وسألته بصوت خافت: إنت اللي خلاك تعمل كده؟



أنا شايقة"هني"دي من ساعة ما قعدنا وأنا مش عايزة أقوم أسلم  
عليها، تقوم تجهيها تقعدنا معانا؟؟!!

- "مكنش قصدي والله، في بنت فيهم كده شعرها طويل؟  
كنت عايزك تكلميهالي مش أكثر .."

نظرت إليه نيفين بشك وسألته : أهو واحدة فيهم، ريم ؟  
رد خالد بحماس على المعلومة التي لم يكن متأكدا منها: هي  
اسمها ريم؟

ردت نيفين بلهجة عاقلة: أيوة بس دي مصاحبة يا خالد.  
وعندما رأت ريم تقترب منهم قالت في حذر: طب سيد  
سيد أهى جاية أهيه.

قام خالد مرحبا بريم سألها إن كانت في حقوق  
فرنساوي، فجاءه ردها روتينيا خاليا من أية مشاعر بأنها ليست  
كذلك، وأنها في "حقوق إنجليش عادي"

جلس خالد مرة أخرى وحاول أن يفسر لها سبب  
سؤاله: "لأ أصلي بشوفك في الجمع كثير، وأنا أصلي عارف  
كل دفع تجارة وآداب، فإنتي أكيد"

وقطع خالد كلامه بنفسه عندما رن  
جوالها، استأذنته "ريم" "براحتك عادي" قالها خالد في خيبة

أمل، وقامت هي دون أن تسمعه، و رغم أنها وجدت أن المتصل بها غير مسجل من قبل، ردت: ألوه، مين معايا؟ لم يكن أحد غيرها قادرا على أن يسمع أي صوت من الطرف الآخر لدرجة أن خالدا قد شك أنها قد افتعلت تلك المكالمة خصيصا لكي تقوم، و لكن عندما ارتفع صوتها، أدرك الجميع و تأكد الجالسون بأن ذلك ليس تمثيلا.

"إيه مش قدرة أفهمك يعني؟، أنا عمري ما شفت حد بيتلرق كده، ملقنتيش برد عليك قلت تتصل من نمرة واحد صاحبك، ما هو لو عندك كرامة"

هدأت أعصابها وهي تستمع إلى رد محدثها على الهاتف.

- مش عارف أنا متضايقة من إيه ؟ طب لما تعرف ابقى، بقولك إيه الموضوع ده اتقفل أنا مش عايزة أشوفك تاني، خلاص؟

بدا وكأن ذلك الشخص المجهول لم يعطها الإجابة التي تنتظرها، فجرت هذه المرة على أسنانها وأكدت على سؤالها مرة أخرى:

"خلاص؟"

-

- يعني إيه لأ مش خلاص،؟

.. -

مش عايزة أسمع حاجة أنا، افرض أنا مش عايزة أسمعك.  
وضعت يدها على وسطها ونظرت إلى السقف بملل و قالت  
بشكل مستفز:

- مع بنات صحابي وإنت مالك يعني عايز تعرف ليه وهو  
أنا دلوقتي أهمك في حاجة مثلاً؟

لم تلاحظ "ريم" أن "محمد البارودي" صديقها واقف معها في  
نفس المقهى ويراقبها، و يشاهد كل ردة فعل صادرة منها وهي  
لا تدري.

"مع بنات صحابك هه ؟ ماشي، على كل حال إنت لازم  
تديني فرصة إني أكلمك علشان أشرحلك، يا إما تكوني إنت  
بقي ما صدقتي إنك تسييني" قالها واقفا بجانب  
صديقه "هاني" وهو ينظر إليها.

- "أ مش بعد اللي حصل ده، تقعد تحوّر عليا وتقوللي  
الكلمتين اللي إنت حافظهم دول"

قالتها ريم ثم أغلقت الخط في وجهه.

عندما عادت "ريم" مرة أخرى لتجلس معهم لم يسألها أحد  
عن المكالمات، تظاهروا كلهم بأنهم لم يسمعوا  
شيئاً "هني" و "لينا" كانتا الوحيدتان اللتان تستطيعان أن يسألها

ولكنهما لم يفعلن ذلك أمام كل هؤلاء الغرباء أما عن الباقيين فكان رد فعلهم التجاهل، فيما عدا "خالد" الذي تجاهل ما حدث تماماً مثل الآخرين فيما عدا أنه ابتسم في سره، فهذا بالتأكيد صديقها التي كانت "نيفين" تقصده، وها هو الآن قد أصبح صديقها سابقاً، والطريق مفتوح أمامه، لم يسمحوا أن تفسد حادثة تافهة مثل تلك الجو الرائع الذي كان قد غطى الجلسة، عادوا تدريجياً إلى الضحك وعلا صوتهم مرة أخرى في المكان، لدرجة أنهم لم ينتبهوا لمرور الوقت، ليس قبل أن تستقبل "نيفين" مكالمات من والدتها فبدأ الجميع ينظر إلى ساعته،

"طب إنتو معاكمو عربية ولا نروحكوا على سكتنا؟" كان خالد يقولها وهو يمشي عند البار كينج وقد استدار ليسألهم هذا السؤال ..

"لا أنا هوصل" ريم "معاًيا" فهم خالد بسرعة ما تحاول أن تفعله نيفين من أجله، فوافق، أما "حسام" فلقد تطوع بأن يوصل "هنى" و"لينا" بالطبع إلى البيت بسيارته، كان الموقف رائعاً خالد ترك لريم الانطباع الذي أراد أن يتركه بالضبط، و"نيفين" سوف توصل "ريم" إلى بيتها وهذا يعني أنها قد تجد فرصة لتكلمها، كان كل شيء مثالياً حتى ظهر البارودي، دخل في وسط المجموعة فجأة دون أنت يسلم على أحد، حتى اقترب تماماً من "ريم"

"تعال يا ريم عايزك في حوار" قالها البارودي مهدوء.

قالت ريم وقد سيطرت عليها صدمة المفاجأة: "إيه ده إنت بتعمل إيه هنا؟"

قال البارودي وهو يشدها من يدها هذه المرة: "معلش تعالي معايا بس ثانية واحدة" كان الجميع قد التفت نحوهم، وشعر "مارك" و"خالد" و"نادر" و"حسام" لسبب ما أن هذا الواقف أمامهم هو نفس الشخص الذي كانت تتكلم معه على التلفون، أرادوا أن يتدخلوا وتربصوا و استعدوا وانتظروا إشارة البدء من "ريم"، وها هي "إيه ده ماتمدش إيدك، الله!"، هنا وضع "مارك" يده على كتف "البارودي" وهو يقول بحكمة: "إنت اسمك محمد مش كده؟ ممكن اكلمك ثانية واحدة بس؟"

لم يرد البارودي بل أطاح بيد "مارك" بعنف ودفع مارك نفسه بكلتا يديه وهو يقول: "ما توسع يا عم من خلقي لأحسن أزعلك"، قبل أن يقسوم مارك بأية ردة فعل كان "نادر" و"خالد" و"حسام" قد حوطوا بـ "البارودي" بالفعل "ما تحترم نفسك يا كابتن إنتا، وخذ بالك إنت بتقول إيه علشان ممدش إيدى عليك؟"

"طب وربي كده هتمدها إزاي بروح أمك!!"

قالها البارودي وهو يرفع يده في الهواء لكي يلکم "حسام" ولكن الفرصة لم تنح له قط فقد

أخذ "حسام" خطوة إلى الوراء ومسك يد "البارودي" وحاول أن يكسره لكن البارودي كان قد أفلت يده، دامت المشاجرة بالأيدي أكثر من خمس دقائق كاملة، ما بين حركات "البارودي" الاستعراضية أكثر مما هي مؤثرة و"مارك" الذى إحتار مشاهديه إن كان يحاول أن يطرح "البارودي" أرضاً أو أنه يحاول أن يهدئه، كل ذلك قبل أن تصطدم قبضة يد "خالد" بوجه البارودي لتصدر صوتاً مكتوماً مرعباً صدر من عظام جمجمة "البارودي"، و ليفقد البارودي الوعي ويقع على الأرض

\*\*\*\*

## الفصل الثانى

### “الشايب و مراحل الليل الطويل”

“شريف الكفراوي” الشايب .. العايب .. المراهق متأخراً..  
في مكتبه عالي الصوت وقليل الحركة، وفي المحكمة كثير الحركة  
و منخفض الصوت، ومع زوجته وابنه “خالد” ومع أصدقاء ابنه  
(مارك ونادر) في الإسكندرية هو “راجل مسخرة” خفيف  
الظل متصايب بشكل مفاجيء ومخرج لابنه أمام أصدقائه في  
بعض الأحيان، و مع عشيقته مروة عندما يقابلها في مقرهما  
السري (شقة في منطقة المهندسين) يتحول تماما ويتغير صوته  
وتختلف مشيته وحركته ما بين الغرف، و يلبس “روبا” أنيقا لا  
يلبسه إلا هناك، فتراه يشبه هؤلاء الرجال الذين يظهرون في  
إعلانات العطور الأجنبية، حكمته في الحياة “لكل مقام  
مقال” ولهذا فهو أحد هؤلاء “المتحولون” - إذا صح التعبير -،  
كلما ذهب إلى مكان اختار لنفسه لونا مختلفا عن كل من  
حوله، فالأمان بالنسبة له أن يبقى مميزا أمام من ينظر إليه، إذا  
أردت أن تثير سخطه فحاول أن تقاطعه وهو يتكلم، أو الأسهل  
ألا تعطى اهتمامك الكامل له ولما يقول عندما يعبر عن رأيه في  
أي شيء، ولذلك كان من الطبيعي أن يستفزه سلوك “مروة” تلك  
الليلة، رغم أنها هي التي اتصلت به وجعلته يؤجل سفره إلى  
عائلته في الإسكندرية إلى الصباح الباكر لكي يأتي إلى شقتهم  
في “المهندسين”، إلا أنها تجاهلته تماما عند دخولها، اتجهت إلى

الدولاب و بدلت ملابسها بثوب نوم مثير كانت تحتفظ به هناك، وتجاهلته مرة أخرى وهي تتجه نحو الشرفة وتشعل سيجارة، كانت على غير عادتها الليلة، كلما حاول أن يقترب منها، كان يجد على لسانها جملة واحدة لا تتغير ولا تبدل "سيبي في حالي دلوقتي يا شريف أنا مش طايفة نفسي" لم تكن تلك إجابة تروق له بأية حال من الأحوال، استطاع بطريقة ما أن يجعلها تحكي له المشكلة وأن تدخل مباشرة إلى صلب الموضوع.

"أحمد طلقني، ارتحت؟" قالتها مروة بعصبية قبل أن تعود إلى سيجارتها، رجع "شريف" برأسه إلى الوراء لم يستطع أن يخفى قلقه من الخبر، فلقد اختار "شريف" عشيقته "مروة" متزوجة لسبب، أما الآن فحدث كهذا قد يعني الكثير من المتاعب بالنسبة له في المستقبل إلا إذا تصرف بشكل صحيح، فكرر للحظات و قرر أنه يحتاج إلى أن يكسب مودة "مروة" في هذه الفترة أكثر من أى وقت قبل ذلك.

"إمتي حصل الكلام ده؟" قالها وعلى وجهه ملامح الجدية التي كان من المفروض أن يتركها في المكتب.

"النهاردة من كام ساعة كده قبل ما أتصل بيك بحاجة بسيطة".

قالتها بصوت منخفض حزين وهي تلوح بسيجارتها يمينا ويسارا، تنهد ووضع يديه في جيوب الـ "روب" وأسند ظهره



على سور الشرفة ليصبح مواجهها لـ "مروة" بعد أن كان واقفا وراءها، وسألها وهو يعرف الإجابة على سؤاله مسبقا : يعني مفيش أمل إنه يرجعك تاني؟

نظرت إليه "مروة" بطرف عينيها بغضب، فأومأ برأسه وقد فهم ما تريد قوله.. سألتها هذه المرة دون أن ينظر إليها : طب والكلام ده حصل إزاي؟

عادت إلى مروة عصبيتها : يعني إيه إزاي يا شريف؟ هيكون إزاي يعني؟ اتخانقنا قاللي إنتي طالق.

شريف (مهدئا) : أبوه ما أنا فاهمك، بس بسبب إيه ؟

مروة (بحث) : متخافش مش بسببك.

شريف (في انزعاج) : هو ده بس اللي مزعلك؟

أجابت مروة وقد صاحبت عصبيتها هذه المرة الكثير من الاندهاش: وهي دي شوية يعني؟

وضح شريف قصده بسؤال آخر: زعلانة عليه أوي كده؟

هدأت مروة هذه المرة و هي تقول : مش عليه هو، اللي إنت مش قادر تفهمه إن إحنا عايشين في مصر، وأنا دلوقتي اسمي مُطلقة.

قال شريف بحماس وكأنه يترافع في قضية: أنا أمي كانت  
مُطلقة، وكانت في مصر برضه، بس في الستينات، عارفة يعني إيه  
الستينات؟ مع ذلك ربنا وكانت هي المستفيدة من الطلاق  
ده، وإنني كمان أنا عن نفسي شايف إن إنني المستفيدة.

- طب و"علي" هو كمان مستفيد؟ مستفيد إنه يعيش مع  
أبوه ويفضل لحد ما يكبر يسمع عن مامته كلام زي الزفت؟  
قالتها ببعض الحزن "مروة" التي لم تتخل عن هدوئها ثم دخلت في  
نوبة بكاء شديدة، لم يكن يجيد التعامل في مواقف كذلك، سألها:  
هو(علي) إبنك فين دلوقتي؟

لاحت بيدها وهي تقول بعدم اهتمام: "سيته عند أختي"

- "قوليلها؟"

- "لسه"

قال "شريف" بثقة وهو يهز رأسه: "علي العموم مش فارقة  
كثير، أنا هعمل كل حاجة ممكن تتعمل علشان (علي) يفضل  
معاكي إنني، علي الأقل لحد ما يبقى عنده ١٦ سنة ولا حاجة ده  
علي أقل تقدير.. خلاص بقي أظن كده حلتهالك"

قالت مروة مبتسمة وهي لا تزال تمسح دموعها: خلاص.

ابتسم شريف بدوره و هو يسأل: هو علشان الموضوع ده  
مكتتش بتردى عليا؟

قالت مروة و هي تعود معه إلى الداخل مرة أخرى: معلىش كنت قافلة موبايلي.

أجاب شريف و هو واضح يده على كتفها وهو يمشي بجانبها: أبوه يس في مرة اتصلي بيا, يس ملقتش حد على الخط. أردف "مروة" في ارتباك : تلاقيه فتح في جيبي ولا حاجة.

علق "شريف" ببرود وهو يغلق وراءه باب الشرفة: "مممكن, أنا قولت كده برضه" كان الموقف غريباً بما فيه الكفاية "البارودي" ملقياً على الأرض, وكل من "حسام" و "خالد" و "نادر" و "نيفين" و "ريم" و "هنى" و "لينا" واقفين حوله لا يدرون ما سيفعلون, ولحسن الحظ كانوا عند وقوع المشاجرة واقفين في مكان ناء وشبه مهجور في آخر جزء من الـ Parking, وتحمد الموقف للحظات وكأنه لا أحد يدري ما يجب أن تكون عليه الخطوة التالية أسند "خالد" ظهره على شنطة سيارة, وأخذ يلهث في تعب, نبهه "نادر": "خالد خللي بالك في دم على رقبتك"

اتسعت عيننا "خالد" وهو يتحسس رقبته حتى شعر بسائل دافئ قد غطى أصابعه, إنها الدماء, لم يكن "خالد" يكره أي شيء في حياته أكثر من أن يتسبب أحد له بضرر يؤدي إلى نزف الدماء, فـ "خالد" عندما يحكي عن أية مشاجرة ما بين المدارس و يقول رأيه, يقول جملة واحدة "اللي علم على التاني هو اللي يجيب منه دم"

"استنى معايا منديل" قالتها "ريم" وهي تناوله لـ "خالد" الذي نظر بدوره إليها بدهشة، هل أصبح شكله مثيراً للشفقة إلى هذه الدرجة؟!!

"أنا هطبق منه الجاكت"

قالها خالد الذي لمعت عيناه بحماس غريب وهو يبعد ظهره عن السيارة ليقف منتصباً وقد توقف لهاته وعاد تنفسه منتظماً من جديد، "إيه؟!!" هتف "نادر" بذلك السؤال ذي الحرف الواحد ليتأكد من صحة ما سمعه، و ليطمئن أن "خالد" لم يفقد عقله، فحتى لو أراد أن يسرق سترة "محمد البارودي" وهو في تلك الحالة فلا داعي لأن يكشف عن نواياه في وجود صديقه (ريم)، والتي تقف في تلك اللحظة معهم عاقدة ساعديها تراقب كل ما يحدث و على وجهها تعابير حيادية لا تظهر لمن يراها أي شعور أو انطباع سلمي كان أو إيجابي، إلا أن ما خشيته "نادر" كان حقيقة، كما أكد له "خالد" فيما بعد. "فكك من الهطل ده يا خالد" قالها "مارك" وتبعته "نيفين" بقولها "إيه العبط ده؟ مش فاهمة في إيه يعني؟!!" نطقتها وهي تحاول أن تشير برأسها إلى "ريم" بإحراج ولكن رد "خالد" هذه المرة لم يكن أقل إحباط مما قبله. "وهو إنتو إيه اللي حارقكو بس؟.. دي فكركي أنا وأنا لوحدي اللي مسؤول عنها" ثم توجه بكلامه إلى "حسام" وصديقه التي لا يتذكر اسمها بالنسبة لكم إنتو.. لو عايزين تخلعوا إنتو الاتنين من أولها كده، مقيش مشاكل بالنسبة لي"

قال "حسام" ساخرا و هو يدير ظهره ويمشي في الاتجاه الآخر "لا ما أهو إحنا كنا مستنيين منك الإذن، يلا بينا يا "لينا"!" هنى!! شوفي إيه نظامك جاية معانا ولا إيه؟" رحلت "هنى" مع "حسام" و "لينا"، ولم تمنع "نيفين" نفسها من أن تنظر بدهشة إلى "ريم" التي لاحظت ذلك فسألتها ببرود مقصود: "بتصلي كده ليه؟ يا جماعة اعملوا اللي إنتو عايزينوا أنا مليش دعوة بالشخصية وبأي حاجة تحصلها".

وبعد محاولات فاشلة مع "خالد" لكي يغير رأيه قررت "نيفين" أن ترحل هي الأخرى مع "ريم" التي سوف توصلها، وركب "خالد" و "نادر" و "مارك" ومعهم "الجاكت" في سيارة "مارك" التي أكد وهو يقود عن استيائه مما فعله "خالد" إلا أنه لم يأت به رد سواء من خالد الذي يجلس بجانبه أو من "نادر" الجالس بالخلف والذي قرر أن يفتش في جيوب الجاكت لسبب غير مفهوم، و ساد صمت غير مريح لفترة طويلة حتى هتف "خالد" فجأة "إيه ده؟" التفت إليه "مارك" و "نادر" و سألوه في صوت واحد "في إيه؟"

أخرج من الجيب كيسا بلاستيكا شفافا به حبوب صغيرة، طلب خالد من "نادر" أن يدعه لكي يلقي نظرة بنفسه على ما وجدته، ناوله الكيس وتابعهما "مارك" وهو يقود مستعينا بمرآة السيارة، أضائوا نور السيارة الداخلى وقرب عينيه من محتويات الكيس قبل أن يعلن الماهية الحقيقية لما بين يده قائلا: "دي مخدرات يا عم الحاج"

لم يكد "مارك" يسمعها حتى "فرمل" بالسيارة فجأة.

\*\*\*

على عكس الأرياف، في المدن الكبيرة نسبيا مثل الإسكندرية، الليل لا يأتي إلا مرة واحدة، و لا تتاح أمامك الفرصة لكي ترى بعينيك غروب الشمس إلا قليلا، لا مفر إذن من النظر إلى عقارب ساعتك من حين لآخر.. فالسما قد استقالت من عملها كمؤشر للوقت منذ زمن بعيد، و جرت العادة في الإسكندرية بأن تقسم مراحل انتهاء الليل كالآتي:

المرحلة الأولى :- تبدأ من الساعة التاسعة مساء حيث إن كنت جالسا في مكان عام ستري الكثير من الفتيات اللاتي لا يستطيع أحد أن يلومهن على البقاء خارجا حتى هذه الساعة، على الأقل ليس بعد.

ثم تأتي المرحلة الثانية:- تبدأ تقريبا من الساعة الحادية عشرة مساء إلى الواحدة و النصف مساء على أقصى تقدير، إنه الوقت الذي تبدأ فيه أية فتاة محترمة لها عائلة بالقيام والاستعداد للرجوع إلى المنزل، حتى إن كثيرا من الكافيهات تغلق أبوابها في تلك الأثناء، (فما الجدوى من البقاء و تحويل الكافيه إلى ناد للرجال فتعلو أصوات الشتائم وتكثر المشاجرات!!؟)، و يعد الزحام المروري من الصفات الأساسية للمرحلة الثانية، فتجد السيارات التي ملأت الشوارع وتوقفت في مكانها من تأثير الزحام أشبه بالكوليسترول الذي ملأ شرايين وشوارع المدينة

القدمة فتصبح بأكملها وكأنها صورة ثابتة لا أحد يستطيع الحراك فيها, ثم تقل السيارات تدريجيا..

و يذهب الزحام إلى حاله تمهيدا لبداية المرحلة الثالثة : التي تبدأ بدورها ما بين الساعة الواحدة والثانية صباحا وتنتهي عند ظهور المؤشرات الأولى للفجر, في تلك المرحلة تغلق المتاجر أبوابها و يخلو الشارع تماما إلا من السكارى وفتيات الليل وبعض المخبرين, ويبقى الشارع على هذه الحالة المهجورة حتى ينادي مناد لصلاة الفجر, فتجد بعض الناس قد تركوا بيوتهم ونزلوا إلى الطريق و بدؤوا يتجهون إلى المسجد لأداء الصلاة.. بينما لا تزال أعينهم موطنا للنعاس حين تلتقي نظراتهم مع نظرات سكارى الليلة الماضية الذين يسلكون الاتجاه المعاكس تماما, ألا وهو أي مكان في العالم إلا المسجد وأي اتجاه في الدنيا يظنون أنه لا يوصل إلى الله ..

كل ما سبق من أحداث (سواء مع "شريف" أو "ريم" أو البارودي" أو "خالد" أو غيرهم) وقعت في ذلك الجزء الأول المسالم من الليل, وفي هذه اللحظة حسب التوقيت المحلي لمدينة الإسكندرية نحن في نهاية المرحلة الثانية وعلى مشارف الثالثة, في نفس الوقت الذي ضاقت فيه مصائد الزحام حول سيارة "ريم" ومعها نيفين وأحاطت بهم السيارات من كل ناحية استطاع في الطرف الآخر للمدينة "مارك" و "خالد" و "نادر" بشكل ما أن يجدوا شارعاً مظلماً في منطقة كفر عبده.. نفس المنطقة الراقية التي يسكن "خالد" فيها, توقفوا بالسيارة في منتصف

الطريق الخالي من الحياة، حيث إنهم سئموا من الانتقال إلى آخر، ليتشاوروا فيما بينهم حول كيفية التصرف في الكثر الذي وجدوه، الحبوب المخدرة التي وصلت إلى أيديهم والتي لم تكن في الحسبان. من الواضح أنه في وقت ما دون أن يلاحظ أحد من الجالسين معهم، نجح "نادر" شاكراً أن يتسلل إلى المطبخ ليقابل "سيد"، و"سيد" هذا هو نادل (جرسون) يعمل في إستيميشن منذ أكثر من عام، يعرفونه جيداً ويعرفهم هو كذلك، جرت العادة بينه وبينهم أن يشتري لهم الحشيش بدلا منهم وأن يعطيه لهم، فيعطونه الثمن الأصلي للكمية ومعه الكثير من البقشيش، "نادر" هذه المرة قد اشترى منه "رُبع قرش حشيش" كاملاً، فأصبح الآن يجوز لهم رُبع من الحشيش والحبوب التي وجدوها أو بمعنى أصح سرقوها من البارودي ..

على أنغام شريط إليسا الجديد الصادرة من السيارة اقترح "نحالد" أن يبدؤوا بالـ "Hash" (الحشيش) وبعد أن ينتهوا من الجويات يبدؤوا في تناول الحبوب ليضمونوا لأنفسهم أكبر وأقصى و"أغبي" تأثير، أما "نادر" فبعد تفكير عميق اقترح أن يذهبوا إلى محل "درينكيز" الشهير ويرتشفوا بعض الخمور المخففة ذات النسبية الكحولية الضعيفة مثل الـ "I.D." بجانب كل ذلك بشرط أن يبدؤوا بالحبوب، أما "مارك" فلم يبد رأيه في أي شيء، كان هاتفه المحمول أقرب وأهم إليه من أي شخص في تلك اللحظة، ألصقه بأذنه وانكمش داخل نفسه في ضيق، اتصل بـ "يارا" آلاف المرات، واستمع في كل مرة بدلا من صوتها



الدافئ إلى صوت تلك المرأة الشهيرة برسائلها المسجلة التي تسمعها من الطرف الآخر من المكالمات لتوضح لك أن الهاتف الذي طلبته ربما يكون مغلقا وتنصح بلهجة أمومة لا تتناسب مع الموقف أن تحاول في وقت لاحق، لكن في حالة "مارك" هذا الوقت اللاحق لا يأتي أبدا، إنه يحاول أن يصل إلى "يارا" منذ أكثر من أسبوع.

"هاه يا عم هتخش معانا في الليلة دي ولا إيه؟"

منذ أربعة أيام فقط لم يكن من المنطقي أن يطرح "نادر" سؤالاً كهذا على "مارك" ولكن اليوم شيء آخر.

"مارك" منذ أيام الإعدادي في "سان - مارك" والمخدرات عامة والسجائر خاصة لا تفارق يده وإن فارقته فهي في فمه وإن لم تجدها في أي من الاثنين فهي في جيبه وإن لم يكن معه منها شيئا تجده في بحث دؤوب عن المزيد منها، حتى أتى ذلك اليوم وطلبت منه "يارا" أن يقلع عن الحشيش والمخدرات، فوافق "مارك" بدون تردد بل إنه أقبل أيضا عن السجائر ليغلق الصفقة معها، لم يعترض حينها أي من "خالد" أو "نادر" أو "نيفين"، بالذات "نيفين" التي رأت أن هذا هو أفضل ما فعلته "يارا" بـ "مارك" في حياتها، ولكن فيما بعد أعرب "خالد" ومعه "نادر" عن استيائهما، ونصحوه أنه إذا أراد أن يقلع عن السجائر فلا هدف من الإقلاع عنها إرضاء لفتاة، إما أن يقلع عنها لخوفه هو على صحته ولأنه هو الذي اتخذ القرار

بنفسه، وإما لا، فكلاهما لا يؤمننا بالحللول الوسط التي تغضب جميع الأطراف مع فارق بسيط أنها تتزع من كل طرف حق الشكوى، كما أن "يارا" على أية حال عندما طلبت منه ذلك لم تهدف إلى صحة "مارك" من قريب أو من بعيد بل أرادت أن تقيس الحد الذي يمكن أن يصل إليه هذا الشخص من أجلها، فلقد كانت تستمتع بالتحكم فيه وفي أعصابه بشكل مرضي غريب، ولأن ترك السجائر وغيرها من شروط مرافقة "يارا" بالنسبة إلى "مارك" فبالتالي عند وقوع المشكلة الأخيرة فيما بينهما رأى "مارك" أنه ليس هناك حرج عليه أن يعود إلى السجائر مرة أخرى، وعلى الأقل بشكل مؤقت، و اشتري علبتين بالفعل من نوعه المفضل و شرهما في "إستيميشن" حتى آخر نفس أمام مرأى الجميع وفي وسط دهشة كل من رآه، لكل ما سبق من أسباب عرض عليه "نادر" الاشتراك معهم فيما سيفعلون، فربما يكون قد غير رأيه في المخدرات كما غير رأيه في السجائر فجأة، وكما أن السؤال لن يضر أحدا .

نظر "مارك" وعلى وجهه علامات القرف و كأنه إستيقظ لتوه من نوم عميق إلى "نادر" الذي كان قد ترك السيارة المكونة ليسند ظهره على سور فيللا، قال "مارك" بعدم اكتراث و هو يلوح بيده "معرفش يا جماعة شوفوا إنتو هتعملوا إيه وأنا دايس معاكوا.."

\*\*\*\*

قد لا تشترك "هني" مع "ريم" صديقتها في كثير من الصفات سواء في الشكل أو الشخصية، ولكنهما اشتركتا في صفة واحدة شكلت شخصيتهما، ألا وهي الفضول القاتل، الاثنان لا تحتلان أن يحدث شيء من حولهما لا يفهمانه، ولكن لكل واحدة منهن طريقة لكي تحصل على ما تريده "هني" ليس عندها المقدرة على الصبر عندما تحاول أن تصل لمعلومة معينة فتجدها تسأل الناس أسئلة محرجة و جريئة مما يخيفهم و يجعلهم يفكرون أكثر من مرة قبل أن يشاركوا معها أى حادثة سواء إن كانت مهمة أو لا، أما "ريم" صديقتها فكانت أذكى من ذلك، عندما تجلس مع مجموعة من الناس تلتزم الصمت حتى ينسوا تماماً أنها جالسة معهم فيتكلمون براحتهم و تأتي إليها المعلومات "لحد عندها"، هذا هو ما لم تعرفه "نيفين" التي تكره "هني" و تخشى أن تطلعها على أسرارها بسبب فضول "هني" الزائد، إن "ريم" فضولية بالضبط مثل "هني"، و لكن بشكل أذكى و أخطر. و في محاولة مرتبكة لتخفيف الأجواء ليس أكثر، حاولت "نيفين" طوال الطريق إلى بيتها و هى بجانب "ريم" في السيارة أن تتكلم في أى موقف تافه و مضحك لعل "ريم" تبتسم فتجد بعد ذلك لنفسها فرصة أن تفاتحها في موضوع خالده، وعندما وجدت "ريم" أن "نيفين" تحاول أن تتقرب إليها و أن تخلق ما بينهما صداقة رأت أن هذه نقطة لصالحها، وقررت أن تستغلها

ولكن ليس الآن.. الزحام عند إشارة "صفية زغلول" قد حاوط  
السيارة عندما قالت "ريم" في ملل: "إيه اليوم الغريب ده؟ أهرب  
من الخناقة ألافى زحمة!!؟ مش ممكن يعنى!!"

هنا مالت عليها "نيفين" ثم رجعت إلى مكانها مرة أخرى  
فأصبح من الواضح أنها همت أن تقول شيئا ما ثم  
تراجعت، سألتها "ريم" بنجث: "إيه؟ شكلك كنى عايزة تقوللى  
حاجة"

قالت "نيفين" دون أن تنظر في عيني "ريم": "لا لا لا، إيه إल्ली  
خلاكى تقوللى كده؟"

ردت و هي تمزكتفيها و تمط شفتيها: "معرفش حسيتك  
كده، لو مستغربة من حاجة حصلت النهاردة قوليلى عادى"

تهدت "نيفين" و أغمضت عينيها لكي تكوّن الشكل النهائى  
للجملة في عقلها قبل أن تنطقها: "مش مستغربة ولا حاجة،  
بس لاحظت إن ال Re-Action بتاعك كان غريب أوى  
للحصل من شوية ده"

- "الخلاقة قصدك"

- "بالظبط كده"

ردت "ريم" و هي تتصنع الدهشة: "لأ مش فاهمة غريب إزاي  
يعنى؟"

- لأ خلاص إنسى الموضوع.

- لأ غريب إزاي؟ عايزة أعرف، مش هزعل بجد.

- كان الطبيعى إن إنتى مهما تكونى مش طايفة البارودى ده  
تكونى مخضوضة شوية من إللى بيحصل، إن فيه ولد كسان  
المفروض إنه كان صاحبك فى يوم من الأيام بيتضرب قدامك ،  
على الأقل تحاولى تبينى قدامنا إن خلاص يا جماعة مفيش حاجة  
علشان ماتحصلش خناقة، مش عارفة، حسيتك بتتصرفى كأنك  
عايزة المواضيع توصل لكده

ردت "ريم" بروود عجيب و لا مبالاة مثيرة للدهشة : "لا والله  
أبدا ، بس إنتى ممكن إللى تخلىنى كده إن التعامل ما بينى و ما  
بين محمد وصل لأسوأ حاجة ممكن يوصلها"

ثم استكملت و هى تستعين بتحريك يدها لكى تشرح  
فكرها : "عارفة لما تكون حاجة ماشية كده وخلاص؟، مفيش  
ثقة و محدش فينا طابق الثانى و أنا ببقى عارفة كويس أوى إنه  
بيمشى كذا مرة مع بنات غيرى منهم أعرفهم كويس و كانوا  
معايا فى المدرسة"

لم تكن "ريم" غبية لدرجة أن تشارك معلومة حساسة كتلك  
مع فتاة تقابلها للمرة الأولى بل كان لها هدف، "ريم" هى من  
القاتل الذين يفهمون شخصية الناس بمجرد النظر إليهم، لذلك

فهمت أن "نيفين" شخصية عاطفية تستعين بالمشاعر أكثر مما تستعين بعقلها، وإن رأتها "نيفين" وهي تتحدث معها. عمتسهي الصراحة عن مشكلتها مع "البارودي"، فستصبح بعدها "نيفين" كتاب مفتوح أمام "ريم".

- و إيه إल्ली يخليكي تستحملي حاجة زى دى؟

قالت "ريم" في نفس البرود و قد أعادت نظرها إلى الطريق: "حطى نفسك مكانى هتعملي إيه يعني؟ إتعودتى عليه خلاص بقى، و عمرك ما فكرتى إنك تسيبيه، بعد كده تصحى الصبح تقوللى إيه إल्ली أنا بعمله فى نفسى ده؟ فتخدى قرار إنسك تسيبيه، و فى وسط و أنا بفكر أقولها له إزاي، و صلى كلام إن فى حاجة بينى و بين واحدة صاحبتى، فقولت أهى فرصة بقى، مع إنى لعلمك البنيت دى دلوقتي بكلمها عادى جدا، المشكلة مش فيها، المشكلة فى محمد نفسه"

- "مش قصدى أدخل يا ريم فى حاجة ماتخصنيش بس شكله بيعحبك يعني" فكرت نيفين كثيرا قبل أن تقول الجملة الأخيرة بحذر شديد.

أغمضت ريم عينيها و أرخت رأسها ضاحكة على كرسي القيادة للتخيل كيف يبدو الأمر من عيني "نيفين" ثم أضافت بجدية و هى مازالت مبتسمة: لآ، ميغركيش كل إल्ली هو عمله على باب الكافيه ده، صدقيني أنا مش فارقة معاه فى حاجة.

فكان سؤال "نيفين" طبيعيا و متوقعا إلى أقصى الحدود : آمال  
عمل كل ده ليه؟ هباله يعني؟

اختفت هذه المرة الضحكة التي كانت ريم قد رسمتها على  
شفتيها و هي توضح : مش هباله، بس هي الفكرة كلها إن أنا  
كبرت في دماغه ، هو مش متعود حد يقوله لأ"  
هنا هدأت نيفين في هم ثم قالت بصوت لم تدرك أنه  
مسموع: بتفكريني بحد اعرفه

ضحكت ريم مرة أخرى و هي تسألها : حد مين؟ مارك ده  
يعني؟

خشت "نيفين" أن تصل لريم فكرة خاطئة عن "مارك" ففسرت  
كلامها سريعا : "مارك مش كده مش ندل هو بالعكس، ده  
أرجل ولد ممكن تتعملى معاه، بس مشكلته إنه ماشى كده مع  
واحدة"

قاطعتها ريم في دهاء و خبت : دى إल्ली هي كان عمال  
يقوم يكلمها كل شوية على الموبايل دى؟ صح؟

نظرت إليها نيفين في دهشة لمدة ثانية واحدة ثم استكملت  
كلامها : أنا مش عارفة إنتي أخذتي بالك إزاي من الحاجات  
دى، بس أيوة هي، المهم البنيت دى فيها عيوب الدنيا  
والآخرة، و هو عارف بس بيعمل نفسه مش وانخد باله علشان

هو ميعرفش غيرها بقاله ثلاث سنين ولا حاجة, و هو على فكرة محترم أوى و هى مسرأة سمعته فى كل حنة, بس لما بيتخاصموا تلاقيه هو إالى بيجرى وراها"

استنتجت ريم دون أن تنظر لنيفين :بيحبها يعنى؟

هنا انتفضت نيفين بشكل لم يفاجئ ريم و قالت أو بمعنى أصح صرخت دفاعا عن وجهة نظرها: استحالة يكون بيحبها, هو زى ماننى قولتى بالظبط اتعود عليها, مش قادر يتخيل نفسه مع حد تانى, الموضوع ده كده و لا أكثر ولا أقل.

نزلت نيفين من سيارة "ريم" لتدخل إلى عمارتها عند حوالى الساعة الواحدة و الثلث صباحا, هذا بالظبط بعد أن تبادلت مع "ريم" رقم الهاتف الجوال ,أكملت "ريم" طريقها وحدها إلى منزلها بالسيارة, كانت المرحلة الثالثة من الليل قد بدأت للتو, فساعدها المرور على عكس عادته للوصول إلى بيتها قبل أن يتأخر بها الوقت أكثر من ذلك فتجد نفسها تسمع ما لا تريد أن تسمعه من أختها "مى", وصلت أخيرا إلى الشارع الذى تقطنه, نظرت بمساعدة مرآة سيارتها إلى المكان الذى كانت قد اعتادت أن توقف فيه سيارتها فوجدته شاغرا بالفعل, هددت نفسها بأن ذلك اليوم العصيب الملىء بالمشاكل قد انتهى بالفعل و لا يمكن أن تزداد أحداث تلك الليلة التى لا تنتهى سوءاً أكثر مما هى سيئة بالفعل, أو هكذا ظنت, فـ "ريم" شأها شأن كل



البشر لا تستطيع أن تتنبأ بالمستقبل, تمكنت من العثور على مكان لسيارتها في الشارع المجاور, ألقت وهي متجهة نحو المنزل نظرة خاطفة على شبابيك البيت, فلاحظت شيئاً غير معتاد, أضواء جميع الحجرات, لم تحاول أن تنكر أمام نفسها وهي تصعد سلالم العمارة في قلق أن هناك شيئاً ما ليس على ما يرام, باب الشقة التي تعيش فيها هي وأختها مع أمهم المريضة مفتوح, في البداية ظنتها عملية سرقة, لكنها لم تكن كذلك بأسوأ بكثير كما اتضح فيما بعد, دفعت الباب بأطراف أصابعها في حذر فوجدت أمامها ما لم تتوقعه و لم يكن في الحسبان قط.

\*\*\*

"مش هاتقوللى بقى إنت متضايق من إيه؟" طرحت "لينا" ذلك السؤال على حسام في طريقهما إلى بيتها, كانا قد أنزلا "هني" من فترة أمام بيتها, و انتظر "حسام" بناءً على طلب "لينا" حتى تطمئن بنفسها و هي ترى صديقتها قد دخلت إلى باب العمارة التي تقطنها بسلام, كانت قد طرحت ذلك السؤال الأخير بينما السيارة التي تقلهما و يقودها حسام متجهة إلى بيتها هي رد وهو يهز كتفيه العريضين وجسده الرياضي الضخم في مقعد السائق في غير ارتياح: "ما طبعى يا "لينا" بعد الخناقعة والليلة إللى مالهاش لازمة دى أكون متضايق شوية" كان من الواضح انه يخفى شيئاً ما.

ردت في حنان: "أولاً: إنت عمرك ما كنت بطبق حد من  
دفعتك في سان-مارك علشان تحاول تقنعني إنك ممكن تضايق  
لأى حوار يحصلهم, ثانياً: إنت متضايق أصلاً من ساعة ما  
دخلنا في "إستيميشن"

ثم استكملت و هى تضع إحدى يديها على كتفه بلهجة  
أمومة حتى كادت يدها التى أربكته و نجحت أن تهرج جسده  
بأكمله أن تحيل بينه و بين القيادة الصحيحة: "يا حسام" هو أنا  
لسه عارفك إمبراح؟ أنا فاهمك أكثر من نفسك, و بحس لما  
تكون في حاجة مضايك"

نظر إليها "حسام" بشك للحظات, كم يحبها!! كم يريجه  
صوتها الناعم الطفولي الذى ينجح في كل مرة أن ينسيه همومه  
كلها!, كان (وإن أستطاع أن يضع فاصلاً من الهيبة بينه وبين  
كل الناس) لا يملك أمامها من أمره سوى أن  
يذوب: "هاقولك, بس ماتقعديش تقوليلي عملت كده ليه  
ومعملتيش كده ليه, أنا مش ناقص"

طمأنته "لينا": "حاضر, بس قول بس"

أعاد نظره إلى الطريق وقال في اضطراب: "أنا ضربت كابتن  
علاء, المدرّب بتاعى"

قالها بسرعة وقلق و كأنه طفل يعترف بذنب ما و يخشى  
توبيخ والديه.

لم تنكر "لينا" أنها لم تتوقع إجابة كهذه، بل إنها حتى لم تفهمها فكان سؤالها القادم منطقياً: "لأ مش فاهمة، ضربته إزاي يعني؟"

رد "حسام" هذه المرة بعصبية: "إيه إللى مش فاهماه؟ إيه إللى أنا قولتوه صعب؟ نرفزنى و طول لسانه عليا فى التمرين، مستحملتش لقيت نفسى بلكمله، مقدرتش أمسك نفسى بصراحة"

احتل الصمت تلك المناقشة لفترة قليلة قبل أن يستكمل هو بحزن: "قالى مش عايز أشوف وشك تانى، و ابقى قابلى لو حد رضى يدربك بعد كده، فى سبورتنج، و لا سموحة، و لا حتى فى إسكندرية كلها"

رجعت "لينا" إلى مقعدها و قد أحزنها الخبر فعلاً فنصحته: "لأ يا حسام إنت لازم تشوفلك حل فى عصيتك دى" نظر إليه "حسام" بغضب و فى لحظة ما و هو ينظر إليها، ندم بالفعل أنه قد حكى لها مشكلته، ها هو يسمع منها ما يسمعه من كل من يهتم لأمره، عن عصبيته المفرطة، و عدم قدرته على التحكم فى عواطفه، و رغم أنه يعلم صحة كلامها و أنها لم تقل ذلك إلا حرصاً على مصلحته إلا أنه وجد نفسه يذكرها باتفاقهما فى سخط: "لسه قايلك إيه أنا قبل ما أحكى؟"

أدركت "لينا" خطأها بسرعة فقررت أن تحول مسار الكلام من أسباب المشكلة إلى البحث عن حل: "طب خلاص خلاص، هتعمل إيه دلوقتى هتجيب مدرب من القاهرة مثلاً؟"

جاء رد حسام هذه المرة محبطاً: لا مینفعش طبعاً.  
فسألته فی قلق: "مش هتنحش البطولة اللي جاية یعنی ولا  
إیه؟"

رد "حسام" فی حماس و قد اختلطت علیه الخطوط الفاصلة  
بین الغرور و الثقة بالنفس: لأ هأخشها، أنا إلی هادرب نفسي.  
سألته لینا فی فرحة كادت أن تتحول إلی البلاهة: إیه ده هو  
ینفع؟

رد حسام بإصرار: معایا أنا.. آه , ینفع.  
قالها ثم أوقف السيارة، كانا قد وصلا إلی بیتها بالفعل، اتفق  
معها أنه سيقابلها غدا فی النادي، و طلب منها و هو یودعها ألا  
تخبر والدتها فهو لم یخبر هو والدته بعد و خشی أن یتناقلا  
الوالدتان الأخبار فیما بینهما شأنهم شأن كل ربات  
البیوت، قالت له إنها لن تفعل، ثم طلبت منه هی هذه المرة: "ما  
تطلع معایا یا حسام بابا كده كده مسافر، علشان "مامی" کمان  
تعرف إنی كنت معاك لما اتأخرت"

رد علیها وقد غلبه التعب: "سوری یا لینا أنا یجد مش  
قادر، أنا هبقى أقولها إنی كنت معاكی، و أهو عامة الوقت لسه  
مابقاش متأخر أوی للدرجة دی"

\*\*\*

عندما تغلبت "ريم" على مخاوفها و قلقها اللذين كانا يحيلان بينها وبين دخولها إلى باب الشقة، لكي تدخل أخيراً لتدري ما حدث بالفعل، وجدت أمامها رجلاً وقوراً في العقد الرابع من عمره واقفاً مع أختها "مى"، وحمّنت "ريم" أنه طبيب وأنه صاحب سيارة الإسعاف التي احتلت المكان المخصص لسيارتها، وبجانب معطفه الأبيض الذي قد تميز به الأطباء على مر العصور ساعدها على تخمينها نوعية الكلام الذي كان يوجهه إلى أختها مى: "إن شاء الله هتبقى كويسة، هتزلها في عربة الإسعاف بس ياريت لو معاكم عربة تيجوا و رانا علشان الزحمة جوه"

معنى الكلام واضح للغاية، فالرجل يتكلم عن امرأة مريضة وبما أن أختها وافقة أمامها سليمة معافاة تنصت إلى كلام الدكتور بكثير من الاهتمام والكثير من القلق، إذن فهو بالتأكيد يتكلم عن والدتهما المريضة، من المفترض أن تفهم "ريم" كل ذلك دون مساعدة أحد، إلا أن هذا لم يمنعها من التقدم نحوها لتسأل أختها في فرع "إيه ده إيه إلهى حصل لماما؟" لم تمنع الظروف الكثيرة من أن تسأل "مى" أختها السؤال الروتيني التي كانت قد اعتادت عليه: "إنّى كسنتى فين لحد دلوقتى؟"

كادت ريم أن تفقد صوابها، أو فقدته بالفعل و هى تسألها :  
و ده وقته؟! إيه إلهى حصل؟

ردت عليها "مى" بلهجة تعليمية تأديبية لا تتناسب مع الموقف: "هاتعمللى إيه يا ريم" لو قولتلك إني رجعت من الشغل لقيتها قاعدة و مش عارفة تتنفس, جاتلها أزمة و أنا و إنتى بره البيت, و أنا و إنتى كل واحدة فينا بتتنفس مع صاحباتها فى حتة لحد دلوقتى" ثم فرت من عينيها دمعة غير مكترثة لوجود الطبيب الذى قد اعتاد لظروف عمله الدرامية مواقف كتلك وهى تستكمل "تقدرى تقولى لى إحساسك هيبقى إيه؟؟؟"

\*\*\*

"أنا مش حاسس بحاجة على فكرة" قالها "مارك" و هو يقود سيارته الجيب على طريق البحر (الكورنيش) معبرا عن أن تلك الحبوب التى تناولوها لم تؤد إلى أى تأثير ذهنى, و وافقه نادر الجالس بجانبه رآيه بقوله: "و لا أنا على فكرة برضه, أنا يمكن دايع شوية بس ده من الحشيش إالى شربناه قبلها مش أكثر"

هنا وبالذات كان تدخل "خالد" الجالس فى المقعد الخلفى للسيارة لا بد منه, فخالد بطبعه هو أكثرهم خبرة بكل ما يمت بالمخدرات بصلة سواء من قريب أو من بعيد, فوضح فى ثقة و كأنه يدرى عما يتكلم: "دى حبوب يا جدعان مش حشيش, لازم تسببها لغاية ماتأثيرها يبان, جربوا تشغلوا حاجة Heavy Metal فى ال CD Player بدل القرف إالى شغال ده" انتبه "نادر" لأول مرة إلى الصوت الصادر من السماعات المثبتة فى أرجاء السيارة, و التى ما زالت

أنغام "إليسا" الهادئة صاردة منها، أوصل  
ال "MP3 Player" الخاص به و الذى لا يحتوى بالطبع إلا  
على أغاني Heavy Metal بالمذايع حسب نصيحة "خالد"

ثم رد "مارك" الذى لم يكن قد اقتنع بكلام "خالد" من الأصل  
فى سخط مشيراً إلى نفسه: "خللى بالك أنت بتكلم واحد مبطل  
حشيش ومية (مشيراً إلى الخمر بأنواعه) بقاله سنة  
و شوية، المفروض إن أنا أول واحد تعملى دماغ"

قال نادر و هو ينظر فى اللا مكان: "شكلها كده مش  
مخدرات أصلاً، جايز تطلع دوا سكر مثلاً، ممكن أوى يكون  
الواد إللى ضربناه ده عنده حاجة و شايل الدوا بتاعه فى  
الجاكتة .. شوفت إنت وقع مننا بسرعة إزاي؟"

كان خالد قد بدأ دون أن يلاحظ أن يمشى مع وجهة  
نظرهم نسبياً، فقال بصوت مرهق و هو يضع إحدى يديه على  
صدره: "مش عارف أنا حاسس بزي حاجة طابقة على نفسى  
كده، لأ هى شكلها مخدرات وكل حاجة بس مضروبة، وستفة  
(Stuff) ثقيلة أوى"

سأله "مارك" فى اهتمام: "عايز تشرب مية؟"

قالها و هو يتاوله نفس زجاجة المياه المعدنية التى كانوا قد  
استعانوا بها ليلتلعوا ما ابتلعوه من الحبوب.

رفض خالد الزجاجة بلطف و قال إنه "هيفى كويس بعد شوية"

ثم ساد الهدوء فى السيارة لفترة ليست بقليلة قبل أن يقطع مارك حاجز الصمت بضحكته:

"هاهاها, ممكن تكون فياجرا, هاهاهاها"

ثم استكمل "مارك" ضحكته وحيدا بهيستريا على "نكتته البايخة", بينما أخذ كل من "نادر" و "خالد" النظر إلى الآخر فى دهشة, فسأله ذلك الأخير: "إيه يا مارك إنت عبيط ولا إيه؟"

لم يأبه "مارك" لسؤال "خالد" بل استمر فى ضحكته..: "هاهاها, تخيل لو دى طلعت فى الآخر فياجرا, هنقععد بقى هاهاها".. نظر خالد لنادر مرة أخرى ليتأكد من أنه ليس الوحيد الذى يرى ما يحدث غريبا, لكنه هذه المرة وجد ما لم يكن يتوقعه, وجد "نادر" هو الآخر غارقا فى الضحك "فلم يملك" خالد "من أمره سوى أن يقول فى لهجة إحتفالية:

"إيه يا جدعان هى الدماغ إشتغلت و لا إيه؟"

على أنغام الأغنية: I Dissapear الصادرة من مذياع السيارة لفرقة "ميتالিকা" الغنية عن التعريف, بجانب الكثير والكثير من الأصوات المختلطة, بعضها حقيقى وبعضها لا وجود له إلا فى أذهان المختلط فيها الواقع بالخيال, فوجأ "مارك" و "خالد" بـ "نادر" و قد أخرج النصف



الأعلى من جسده من شبك السيارة الأمامي ليصرخ بأعلى  
صوته: "يا نهار إسود على دى دما" غ يا  
معلمي, هاهاها"

\*\*\*

"على النعمة ما باين عليك حاجة والله العظيم"  
قالها "كريم" لعمرو سلامة في ملل قبل أن  
يستكمل "رامى": "معلش يعنى لو إنت باين عليك حاجة  
هنسيك تروح و يتقطع عليك؟"

كانت المرة العاشرة التي يحاول فيها كريم و رامى أن يقنعوا  
عمرو سلامة بنفس المعنى, و هو أنه الآن يبدو طبيعيا للغاية و  
من المستحيل في هذه الفترة أن تشك من مظهره أنه تعرض  
لأى نوع من أنواع المخدرات في ذلك اليوم أو ذلك الأسبوع  
أو هذا الشهر, كان وافقا خارج السيارة أمام فيلته (بيته) مترددا  
أن يدخل منزله فيكتشف أهله أنه تناول الحشيش اليوم, و أخيرا  
اقتنع "عمرو" بفكرهم, وودعهم, نصحه "رامى" و هو يسلم عليه: "  
لما تخش بيتك اطلع على أوتك نام على على طول متتريش  
(ماتتعاملش) مع حد هاه"

اتفق عمرو معهم و هو يتعد تدريجيا عن السيارة على أنه  
سوف يتصل بهم في اليوم التالى.

دخل "عمرو" إلى باب الفيلا و بالرغم إن "رامى" و "كريم" كانا بعيدين عنه فى السيارة و بالرغم من أن كلام "عمرو" مسموع لأى منهما، إلا إن هذا الأخير بدا من بعيد و هو يتكلم مع بواب "فيلا" عائلة الجراح سلامة إسماعيل "متوازنا تماما مدركا لما يقول، و بعد أن دخل عمرو إلى بيته ، بدلا من أن يتحرك "رامى" بالسيارة و يذهب إلى محطته التالية فى تلك الليلة، لم يلمس حتى مفتاح السيارة، إنما وجد نفسه يدير بدلا من المحرك وجهه ناحية "كريم" الجالس بجانبه، و يسأله: "بس أنا مستغرب من حاجة، دلوقتى إحنا كلنا لما دخلنا "إيستيمش" عمرو شاف لنا مع حسام قعد يعيط زى العيال و نسى الدماغ إالى هو عملها و بقى زى ما إنتو شوفتوه كده، و البارودى إالى هو المفروض بارد، كان هيشيط لما شاف "ريم" قاعدة مع ولاد ميعرفهوش، إشمعنى إنت؟.. إشمعنى إنت متضايقتش ما هى "هى" كانت قاعدة معاهم برضه".

و كأن كريم كان يتوقع سؤاله، تخلص من بعض رماد سيجارته من شبك السيارة و هو يقول فى نوع من الهم: "تقدر تقول إنى كنت متزاول إنى أهدى "عمرو" و "بارودى"، فماكانش عندى وقت أبين لحد إن أنا متضايق، ثانياً : كده كده حوار هنا ده "أخذ نفسا حزيناً من سيجارته قبل أن يستكمل آخر كلمتين من جملته و التى عادة ما تحمل أهم معنى فى كلامه كله قائلا "مبقتش فارقة معايا" قالها و رمى سيجارته .

سأله "رامى" فى اهتمام : "يعنى خلاص، نويت إنك تفر كرش وكده؟"

استدار إليه "كرم" فى بعض الدهشة : "و هو مين كان قال إن إحنا هنفر كرش؟"

رد "رامى" ببساطة: "محدث قال يا كريم أنا إल्ली بسألك دلوقتي ؟ إنت ناوى تفر كرش مع هنا؟ يا إما (آه) يا (لأ)"

رد "كرم" دون أن ينظر إلى "رامى" و كأنه يكلم نفسه : "أنا بحبها أوى، يمكن حتى أكثر ما" عمرو" إल्ली كان بيعيط قد املك ده بيحب "لينا"، بالنسبة لى أوحش حاجة ممكن تحصل هى الفر كشة، دى لما بتقفش عليا كام يوم بلاقى نفسى مش طابق كلمة من حد، و لما بتقوللى إن هى زعلانة منى حتى و لو بهزار ببقى نفسى الأرض تنشق و تبلعنى قبل ما كنت أزعلها فى حاجة، و هى كمان، واضح إن هى بتحبني بس هى إल्ली مابتقولش ده أو مبتبينوش"

بدا كريم وكأنه معالج نفسى محترف و هو يقول فى ذكاء: "كل الكلام ده حلو أوى و إحنا كلنا عارفينه، لسه مارديتش على سؤالى إنت بقى، هو أنت ناوى تفر كرش مع "هنى"؟"

- "لو متعدلتش معايا آه، بس مش قبل ما أديها فرصة و اتنين و ثلاثة"

قالها "كريم" بحزم شديد هذه المرة، قبل أن يسود صمت عجيب في السيارة، و لكن "رامي" كعادته قطع الصمت مرة أخرى بسؤال أجراً من سؤاله الأخير "إنت ناوى تتجوز هنا يا كريم؟"

نظر كريم الذى لم يتوقع السؤال إليه و لم يدر ما يقول.  
هنا هز رامي رأسه بالإيجاب كأنه وجسد في سكوت "كريم" إجابته التى كان ينشدها وقال فى هدوء مستفز: "أنا قولت كده برضه"

هتف كريم فى مزيج من الغضب والشكوى: "متقولاتيش كلام انا مقولتوش، أنا فعلا ساعات بفكر إن لو كل حاجة مشيت تمام لحد سن الجواز و كده، إنى أرتبط هنا لبقية حياتى، يا إلا ماكونتش عرضت عليا حوار الخطوبة و إنت عارف الليلة دى إنت و'عمرو' و كأن كريم لم يقل أى شىء.. تمسك رامي بنفس هدوئه المستفز و هو يتمتم بصوت مسموع: "ماشى" .. ثار كريم و كانت ثورته أكبر من المرة الأولى و هو يسأله فى انزعاج: "إيه" "ماشى" دى ؟!، لو بتفكر فى حاجة قولها، متعودتش تزاولى أنا مش ناقص"

تنهد "رامي" بثقل و كأنه مطرب مغمور قد أصبح الميكروفون أخيراً فى يده، فكر جيداً قبل أن ينطق: "متزعلىش منى بس ساعات بحس إنك بتحب هنى أوى و ساعات بحس إنك

بتخاف تحبها، و بتحط بينك و بينها زى سد أو حاجز، علشان  
يوم ما نسيها تعرف تعيش من غيرها، فى كذا موقف أنا  
حضرتة على الأقل"

سأله كريم و قد قل انزعاجه نسبيا هذه المرة ليحصل محله  
الفضول: "كذا موقف؟ زى إيه مثلا؟"

رد رامى عليه فى حسم سؤاله بإجابة تتكون من كلمتين قد  
اشتهرتا مؤخرا ما بيننا: "لأ فُكك"

فزاد إصرار كريم و أعاد سؤاله: "لأ زى إيه يجد؟"

كان "رامى" قد أوقع بنفسه هذه المرة فى منطقة من المناقشة لم  
يكن يتمنى أن يجد نفسه فيها، فصد إصرار "كريم" بقوله: "لأ  
خلاص فُكك يجد أنا آسف إني فتحت الحوار ده، أنا مين يعنى  
علشان أنضحك فى حوارات بنات بص عليا أنا و على  
التريبات (المشاكل) إللى بتحصللى فى حوارى"

سأله "كريم" فى دهاء يُحسد عليه: "هو النهاردة، قبل ما عمرو  
يجيلنا، لما كنا قاعدين مع "بارودى" و كنت بتكلم "منى" على  
الموبايل، كانت قفلت هى السكة فى وشك و إنت قعدت تكمل  
عادى هياس علشان إحنا منلاحظش، صح؟"

نظر "رامى" إلى "كريم" فى شك قبل أن يضحك "رامى" ضحكة  
خفيفة و هو يقول فى مرح يتخلله بعض الخجل: "مكتنش  
متخيل إنك نعدت بالك"

ابتسم "كريم" ابتسامة لم يستطع "رامى" أن يفسر إن كانت تلك ابتسامة نصر أم هي ابتسامة بريئة خالية من أية شماتة، لكنه استبعد على أى حال الاحتمال الأول، بالرغم من ذلك استكمل مفسراً: "لأ ما هو مكانش بإيديها، تلاقى حد دخل عليها و هى بتتكلم فى التليفون"

- "بس إنت مش متأكد إن هو ده إالى حصل؟"

بدا "رامى" هذه المرة هو المترعج و هو يقول: "أصله هيكون إيه يعنى غير كده؟"

اتسعت ابتسامة كريم و هو يرد على "رامى": "ماشى"

استدار "رامى"، تجمدت ملامح وجهه للحظة ثم ضحك، هذه المرة ضحكة مدوية عندما أدرك فجأة كيف نجح "كريم" شمس "أن يتلاعب بالحديث ليقرب موازين المناقشة لصالحه، وشاركه "كريم" فى الضحك، ولم يقطع قهقهتهم إلا صوت أذان الفجر.. سأل "رامى" "كريم" فى حماس: "ما تيجى نروح نصلى الفجر"

غمغم "كريم" فى ارتباك يمتزج مع الخجل: "لأ مش هينفع أنا مش متوضى"

اقترح "رامى" دون أن يتخلى عن حماسه: "طب ما أنا كمان، ما نطلع نتوضى فى الجامع، مش مشكلة يعنى"

قال كريم هذه المرة بشبه عصبية: لأ مش هينفع برضه.

بدا رامى حائرا تماما و هو يعيد سؤاله بإصرار: إيه إالى  
حصل مش فاهم علشان شربت حمرة يعنى؟  
رد كريم بتلقائية و هو يهز كتفيه فى إستسلام: لأ هيفاء  
عملت فيديو كليب جديد.

هنا و انفجر الصديقان بالضحك هذه المرة دون أن يقطع  
ضحكهما أى شىء, و نُحِيل لهما أن تأثير الحشيش الذى تناولوه  
فى شقة رامى لم يظهر تأثيره إلا الآن, خاصة عندما استكمل  
كريم فى وسط ضحكاته "لأ ما هى هيفاء دلوقتى بقت جامدة  
جدا, بقى عندها إمكانيات لا يُستهان بها بصراحة"

\*\*\*

"مكانيتش كده زمان" صدرت تلك الكلمات الثلاث  
الحاسمة من فم "مى" شقيقة "ريم", كانا فى مستشفى "المدينة  
الطبية" فى مصطفى كامل, منذ أن وصلت الشقيقتان و "مى" تنظر  
إلى ذلك الزجاج الذى يفصل ما بين ردهة الانتظار فى  
المستشفى و الحجرة المظلمة الكئيبة التى تحتوى على سرير واحد  
ترقد عليه أمهما فى هدوء و قد أوصلها الأطباء من الجزء  
الأعلى من جسدها بأسلاك شفافة مخيفة من المفترض أن تقيس  
لها النبض و تعد عليها أنفاسها, منذ أن وصلت "مى" و وقفت  
فى تلك البقعة من المكان و هى تراقب أمها فى حزن لم تغفل  
عينيها لحظة واحدة, على عكس "ريم" التى كانت قد استسلمت

للتعب و للمشاعر المختلفة و الأحداث المتناقضة التي مرت بها  
في ليلة واحدة، فنامت، و لم يوقظها من سباتها العميق إلا صوت  
أختها عندما نطقت بالثلاث كلمات الأخيرة، هُنا فقط أفأقت  
من نومها، سمعت الجملة و هي نائمة فأيقظتها، كانت تحتاج أن  
تسمع إليها ثانية هذه المرة لتفهم معناها "بتقوللي  
إيه؟" طرحت "ريم" ذلك السؤال على "مى" و هي مازالت تطرد  
من عينيها و من ملامح وجهها آثار النعاس.

استدارت "هى" إلى "ريم" و أوضحت معنى جملتها  
الغامضة: "مكانتش كده زمان، كانت قوية أوى و إحنا صغيرين  
كانت بتعمل كل حاجة بنفسها عمرها ما  
تعبت" أدركت "ريم" لأول مرة بعد انتهاء هذه الجملة أن أختها  
كانت تتحدث عن أمهما، فردت "ريم" في حكمة تليق أكثر  
برجل عجوز: "كبرتي يا هبة كبرتي ما كلنا لما هنكبر هنبقى  
كده" و رغم أن ذلك الرد لم يحتو على أية إهانة إلا  
أن "مى" لسبب غير واضح قد تصرفت على عكس  
ذلك، استدارت إلى أختها لتكلمها وجها لوجه لأول مرة منذ  
بداية تلك المناقشة واقتربت منها و هي تهتف في سخط: "كبرت  
يا "ريم" يبقى لازم نخللى بالننا منها دلوقتي زى ما هى نخلت بالها  
مننا زمان، و لو كان في حد جنبها يناولها الدوا أول لما الأزمة  
جاتلها مكانش كل ده حصل، المرة دى ربنا ستر، لو لا قدر الله  
بعد كده حصل حاجة مش هيبقى ذنب حد غيرنا أنا



ولانتي، إنا لازم ننظم الخروجات مع بعض بحيث إن ماما  
متقعدتش لوحدها أبدا، ماشي؟"

على عكس المتوقع، لم تشعر "ريم" بأي تهديد من ذلك  
الاقتراح الغاضب كان التعب و الحزن و الصدمة مسيطرين  
عليها، لكنها وافقت تماما على كلام "مى"، إلا أن هذا لم يمنع  
تلك الأخيرة من الاستمرار في الصراخ: "آه ما هو أصل كده  
مينفعش مش اقعد أنا بقى لسه.. "قاطعتها" ريم "لأول مرة و هى  
تحاول أن تتمسك بهدوئها التى تتميز به: "خلاص يا"مى" ده  
إلى مفروض يحصل من زمان، أنا معترضتش"

نظرت إليها "مى" بغیظ، لسبب ما كانت تسمى أن تفرغ  
شحنة القلق التى بداخلها عن طريق الصراخ إلا أن "ريم" بجملتها  
الأخيرة كانت قد نزعّت منها هذا الحق، فلم تملك "مى" من  
أمرها إلا أن تنظر إلى أختها فى غضب غير مفهوم و كادت أن  
تفتح فمها مرة أخرى و لكنها هذه المرة لم تجد ما تقول، فألقت  
بنفسها دون أن تشعر فى أحضان شقيقتها التى تصغرها بحوالى  
سبع سنوات و لتستسلم ما بين يدها للبكاء، للكثير منه

\*\*\*

رفض "كريم" اقتراح صديقه "رامى" بشدة، كان "رامى" قد اقترح  
عليه ألا يعود هذه الليلة إلى بيته و أن يبيت حتى الصباح معه فى  
الشقة، وأن يطلبوا وجبة Delivery لشخصين من

Macdonald رفض "كريم" لأنه لم يرغب في أى شىء أكثر من أن يلقي بجسده المنهك على سريريه الدافئ و يغمض عينيه ليذهب من ذهنه تدريجيا تأثير الحشيش و الحزن والضحك و التوتر و الغضب الذى مر بهم فى يومه هذا، أن يغلق جفنيه فلا يعود يرى شيئا سوى الظلام الهادئ المحايد الخالى من أية أحداث أو أشخاص حتى ظهر اليوم التالى، بعد أن نزل من سيارة "رامى" دخل إلى "منور" سلم عمارته المظلم، خطى على باله أن يشرب سيجارة، كان يخشى سحائره داخل شرخ كبير واسع فى إحدى الجدران التى تحيط بالسلم، مد يده داخل الفجوة

"أنا أخذت ثلاث سجائر من العلبة التى إنست كنت حاططها لى مكسنش عندك مانع"، ارتجف كل جسد "كريم" دفعة واحدة عندما سمع ذلك الصوت، استدار حوله فى رعب ليحدد مصدر الجملة فلم يجد إلا الظلام الذى يحيطه من كل ناحية، وظل على هذا الحال لثوان، حتى شق السواد نور ضعيف للغاية اتضح فيما بعد إنه صادر من شاشة موبايل أخيه "أحمد شمس" الجالس على درجات السلم المجاورة لباب الشقة و بجانبه شنطة ضخمة، ابتسم كريم فى إرتباك و هو ينظر إلى أخيه و يسأله: "إيه ده، خضضتنى يا عم، مالك قاعد كده؟" قالها و هو يضغط بيده على صدره محاولا أن يهدىء من تسارع ضربات قلبه، و "أحمد شمس" هو شقيق "كريم" الذى ترك الإسكندرية منذ أكثر من ثمان سنوات ليستقر فى القاهرة مع

زوجته "مروة"، هناك في العاصمة وجد لنفسه وظيفة و كذلك فعلت زوجته، هذا كله قبل ولادة ابنهما "على"، الذى لم يكن "كريم" و أمه يروه إلا نادرا عندما يأتى إلى الإسكندرية مع أبيه في الأعياد و المناسبات الدينية السنوية في بعض الأحيان، لم يمنع كريم نفسه من الحيرة، سأل نفسه عن سبب حضور "أحمد" أخيه في هذه الساعة من الليل، و عن الفترة الزمنية التى قضاها جالسا في مكانه هذا، و الأغرب من كل ذلك عن السبب الذى جعله جالسا في مكانه و حال بين دخوله إلى البيت، و جاء الرد سريع "تسيت مفتاحى و مرضاتش أصحى مامتك، قولت أستاك لحد أما تيجى"، قالها أخيه و هو يقوم في تعب من على درجات السلم غير مريحة، رد عليه "كريم" معتذرا: "ما هى ماما مقاتليش أصلها، إنك جاي من القاهرة" قالها كريم و هو يحمل حقيبة أخيه بيده و يحاول بيده الأخرى أن يفتش في جيبه عن المفتاح الصحيح للشقة، رد عليه في هذه الأثناء "أحمد" مهدوء: "لا ما هو انا جيت، على غافلة كده ماكتش عامل حسابى يعنى"

لاحظ كريم بعد أن وجد المفتاح المطلوب و هو يحاول متحديا الظلام أن يدخله في الباب، أن يده ما زالت ترتجف أثر الظهور المرعب الغير مقصود لأخيه، دخلا إلى الشقة في هدوء، حتى وصلا إلى حجرة نوم "كريم" التى كان منذ زمن بعيد يشارك فيها "أحمد"، أشعل مفتاح النور، كانت أول مرة يراه كل منهما الآخر منذ بداية المناقشة، و كأن "أحمد" قد خشى تلك

اللحظة أشاح بوجهه إلى الاتجاه الآخر في الثانية التي احتل فيها النور الحجر، كان "كريم" (وإن منعت الظروف من رؤية أحمد لفترة ليست بقليلة) يعرف أخيه جيداً، نظر إليه و سأله بقلق: "مالك يا أحمد في إيه؟"

تظاهر "أحمد" بالدهشة و هو يجيب مضطراً على السؤال الذي لا يروق له: "إيه مالي يعني؟"

رد كريم محتفظاً بقلقه و هو يحلل ما يراه أمامه و كأنه يصف حلماً: "فيك حاجة مش طبيعية"

ثم قاطع نفسه عندما وقعت عيناه مرة أخرى على وجه أخيه و خاصة على عينيه التي هيا له إنه قد رأى فيها ما لم يتمنى أن يراه يوماً في عين أخيه الأكبر و مثله الأعلى، رأى شبح لدمعة قد أحاطت عين الأخير مترددة أن تخرج منها لتتزل على وجهه، سأله في اضطراب إن كان يبكي، كان يتمنى أن يحبه "أحمد" بأن النور المفاجيء قد أذى عينيه التي كانت قد اعتادت ظلام السلم لأكثر من ساعة، أو حتى أن يرد على سؤاله بالإيجاب، إلا أن "أحمد" لم يرد، لم يعد في حاجة إلى ذلك، فالدمعة التي كانت خائفة من الظهور قد أعلنت عن نفسها و هي تشق طريقها المتبل على خده، و شجع ذلك دمعة زميلة لها في العين الأخرى كان "كريم" قد غفل عنها مسبقاً، قال "أحمد" في نبرة تمايل ما بين الصوت العالي و الخمس اشتهر بها الباكين: "كريم أنا مش عارف إنت كبير كفاية إنك تفهم حاجة زى دى ولا لا؟"

وجد كريم نفسه يسأله في قلق: "حاجة زى إيه؟"

"أنا طلقت مروة يا كريم" نطقها "أحمد" في حسم و قد أفرد ظهره و كأنه يتظاهر بعدم الندم, سكنت "كريم" للحظة, لم يجد بصراحة ما يقوله, فهو لم ير أخاه الذى يكبره بحوالى عشر سنوات ييكى من قبل, فاستكمل "أحمد", و قد عادت إليه لهجته التى قضى البكاء على وضوح كلماتها: "مش عارف هقول الخير ده إزاي لما"

نظر "كريم" إلى ما خلف "أحمد", و قال و هو يشير برأسه على أخيه أن ينظر خلفه بلهجة تهكمية حزينة: "لا ماتقلش من الحوار ده بقى خلاص"

لم يفهم "أحمد" فى البداية معنى الجملة, حتى نظر خلفه فوجد أمهما, من الواضح أن الجلبة التى أحدثوها و هم فى طريقهم إلى الحجرة و صوت خبط الحقيبة الثقيلة التى كان يحملها "كريم" فى يده أيقظوها, لتقف فى المكان التى تقف فيه الآن و على وجهها كم من القلق لا يمكن أن تحمله ملامح شخص واحد, لم يدرك "أحمد" منذ متى و هو واقفة مكانها و ما الذى سمعته بالضبط من حديثهما, و لكنه فهم من عبارة أخيه الأخيرة أنها واقفة مكانها منذ زمن ليس بقليل, سأله: "إنت جيت إمتى؟"

ارتبك الإثنان لم يدرك أي منهما إذا كان ذلك السؤال موجها له أم للآخر, إلا أن "أحمد" رد على أية حال محاولا بكل

جهده أن يكون جملة لها معنى: "دلوقتي كنت .. لسه ملحققتش  
يعني"

و نجح ارتبأكه في أن يجعل أمهم تتغاضى عن السؤال, و لكن  
لتسأل سؤالا آخر: "إللى أنا سمعته ده حصل فعلاً؟"

نظر إليها أحمد ثم حول بصره إلى الأرض و هو يوميء  
برأسه أسفا, غير واجد لما يقوله, أو يفعله

## الفصل الثالث

### تانى يوم

من المستحيل أن يساوى حزنه على ضياع "لينا" خمسة أو عشر دقائق من البكاء، يوجد حُزن مازال دفيناً هناك، في قلب عمرو سلامة، رد فعله الذى ظن الجميع قد انتهى على أبواب "إستيمشن كافيه" هو فى الواقع لم يبدأ بعد ، ما زال يبكى سراً فى غرفته الكئيبة يستسلم لأحلامه يرى "لينا" يقول لها شعراً ، يمد إليها يده ، ولكنها ليست هناك ، متى سيفيق ؟

\*\*\*

إنها الساعة التاسعة صباحاً يوم الاثنين اللاحق ليوم الأحد وما حدث فى "إستيمشن" ، على عكس أى أب تقليدى كان المحامى "شريف الكفراوى" والد "خالد" أب (سبور) إذا صح التعبير، كان يحرص أن ينظر إليه ابنه دائماً على أساس أنه صديق يشاركه أسراراً و ليس أباً يخفى عنه مشاكله خوفاً من العقاب، هذا هو المنهج التربوى الذى اتبعه "شريف" أثناء نشأة ابنه، فولادة "خالد" منذ ثمانية عشر عاماً جاءت بعد طول انتظار و نتيجة لخضوعه هو و زوجته لثلاث سنوات من العلاج فى مجال الخصوبة، لن يشعر "شريف" بالارتياح لو أضطر للصراخ فى وجه ابنه الوحيد بسبب و بدون سبب، لو فعل سيتذكر أبيه مدمناً الخمر السيد "رافت الكفراوى" و هو يصرخ فى وجهه هو

عندما كان طفلاً، و سيدرك الحقيقة المرعبة أنه أصبح أباه، فـ "شريف" يكره أبيه (جد خالد)، لأسباب لا يجب أن يحكيها لابنه الذى لم ير جده قط فى حياته و لم يسمع عنه شيئاً، و بدلاً من محاولة وصف الطريقة غير الاعتيادية التى يتعامل بها "شريف" مع ابنه، يمكنك أن تفهم كل شىء إذا رأيتهما جالسين فى إحدى الكافيهات الشهيرة.. "شريف" طلب القهوة و اثنتين من فطائر "الدونات"، و "خالد" بجانبه يشرب السجائر الواحدة تلو الأخرى دون حرج، بل إنه كان يستخدم ولاعة أبيه الثمينة فى إشعال كل سيجارة، لم يعترض "شريف" قط، و لم يرفع عينه عن جريدة "المصرى اليوم" التى يطالعها فى اهتمام، حتى مرت فتاة ذات جسد جذاب فوجد نفسه دون وعى يترك الجريدة و مقالاتها الساكية من أحوال البلاد ليتفرغ تماماً لدراسة منحنيات جسمها الواضحة من تحت ملابسها الضيق و بفضل اختراع رائع يُسمى "الستوميك" كان قادراً على تحديد مكان كل شىء و حجمه دون خطأ. "إيه يا شريف مالك فى إيه؟ و إالى قاعدة فى البيت دى إيه نظامها معاك" قالها "خالد" ضاحكاً مشيراً إلى والدته، لم يرتبك "شريف" بل نظر إلى ابنه بانزعاج: "إنت إيه إالى نزلك معايا؟.. مش فاهم أنا، أنا جاي أفطر فى هدوء كده و أقرأ الجرنان، إنت إالى خلاك تنط معايا فى العربية؟"

- "فيها إيه يعنى؟ عايز أقعد مع أبويا شوية، أنا مبلحش أشوفك إنت طول السنة فى المكتب فى مصر"



- "ما هو كل ده علشان مين؟! مش علشان أجبلكو فلوس  
تخش بيها مدارس محترمة و تعيش فى مستوى كويس و لما تنزل  
مع صحابك الصيغ يبقى معاك فلوس تجيب بيها حشيش"..  
كان من عادة "شريف" أنه إذا وجد نفسه قد بدأ فى جملة جديدة  
مع ابنه ينقذ الموقف بتحويلها إلى مزحة, ضحك "خالد" بشدة  
على ذلك التعليق الأخير, فاستطرد "خالد" من وسط  
ضحكاته: "آه و الله كام مرة قولت هابتطل و بعد كده  
معرفتش"

بدا أبيه فى البداية و كأنه قلق من مغزى ضحكته قليلا  
عندما وضع لإبنه: "بص .. براحتك, أنا من و إنت قد كده-  
صغير - عمرى ما أجبرتك على حاجة, متوقعش منى إني أقولك  
بطل, لأن لو عملت كده أول حاجة هتعملها هتروح تشرب  
من ورايا.. إنت لو عايز تبطل هتبطل, بس يوم ما تبطل بقى ولا  
إنت ابني ولا أعرفك"

هذه المرة ضحك الاثنان, و لم يقاطع ضحكهما إلا شرود  
"خالد" ... تعلق عيناها بفتام ما ... أليست هذه هى "ريم"  
ليلة أمس؟

سأله أبيه: "مين إالى عدت دى؟"

- "مين؟؟"

- "هيقعد يستعبط بقى"

- "دى بنت عايز أصحابها ارتحت؟"

- "كلمتها يعنى؟"

- "لا"

- "ليه؟ ملاكش كلام معاها خالص؟"

- "لا ليا بس هخللى نيفين تكلمها لى"

بدت خيبة الأمل واضحة على وجه شريف و هو يقول: "تصدق إنك ابن كلب, و أنا إल्ली طول الفترة دى فاكر إنى ربيت راجل, البنت تقول عليك إيه لما تلاقيك بتصدر نسوان فى حاجة زى دى؟"

- "إنت مش فاهم دلوقتى مفيهاش حاجة عيب, غير أياميكوا, كده أحسن"

- "إيه أيامى دى هو أنا جاي من عصر الديناصورات؟ ما هى قدامك أهيه ماتتيل على عين أهلك روح كلمها, كان فى بنت كنت بشوفها فى الكلية زمان فضلت سنة ممكن أخللى أى بنت تانية تكلمها بس إستنيت لحد مايقى بينى و بينها كلام علشان أكلمها أنا"

- "إنت إल्ली غاوى تعذب نفسك بقى أنا مالى"

استكمل شريف كلامه و كأن "خالد" لم يقل شيئا: "لما  
قولتها الموضوع ده، قالتلى إن هى ممكن مكاتتش تحترمنى لـ  
كنت خلّيت حد غيرى يكلمها"

- "إنت عايز تفهمنى إن البنت دى محترمة يعنى؟"

ابتسم شريف فى لوم و هو يقول: و الله أنا اتجوزتها و  
خلقتك إنت بقى غاوى تشتت نفسك إنت حر.  
صرخ خالد من الصدمة : ماما؟ إنت ليه بتحكيلى  
الحاجات دى؟

رد شريف بإصرار: علشان تروح تكلمها.

حاول خالد أن يصرف إصرار أبيه بجمل مثل "قعدة الراجل  
بعيت ست، معقول أسيبك و أمشى علشان أروح أكلم  
بنت" لكنه فوجيء بأبيه بيلغه: "لا ما أنا كده كده همشى  
دلوقتي أنا و عمك رايحين مشوار كده"  
- "موضوع العيلة ده برضه؟"

خبط شريف يده مصطنعا الدهشة: "قولتلك ميت مرة  
ملكش دعوة بالحاجات دى .. و بعدين إنت فى إيه و لا إيه؟  
البنت هتمشى"

قال خالد بعد أن قام و هو يتعد عن الكافية: طيب حاضر  
حاضر هروح أنا، هتيجلنا أنا و مارك و نادر النهارده قهوة  
"الرید" صح؟ رد شريف ضاحكا و هو يرتشف القهوة: أيوه  
جاي روح بقى يلعن أبوك ابن كلب صحيح.

## - ما حكاة "مارك" -

"أنا مش لاقية أى سبب لكل إلتى إنت بتعمله فى نفسك ده يا "مارك"! أنا لو شايفة إن العلاقة دى فى منها أمل و لو حتى واحد فى المية, كان زمانى أول واحدة موافقك, بس بصراحة إنت و يارا دى ماتنفعوش لبعض خالص, مفيش أى حاجة مُشتركة ما بينكم, و إنت فى الآخر كده كده مش دماغها علشان إنت محترم "وجهت نيفين تلك العبارة الأخيرة لى و هى تحاول أن تخفى غيظها فى صباح يوم اللاحق لما حدث فى إستيميشن, عندما كنا جالسين فى كافيتريا جامعة الإسكندرية أنا و هى و معنا "نادر", "نيفين" عند نطقها الجملة تحاول إقنعاى بالتخلى عن فكرة الاستمرار مع "يارا" التى لم تجلب لى سمن وجهة نظرها- سوى المتاعب والفضائح المهينة منذ أن تعرفت عليها, و أظن أن الدهشة كانت قد باتت واضحة على وجهى و أنا أوجه سؤالى إليها وإلى "نادر" الجالس معنا: "هو إنتو ليه بتتكلموا عنها كأنها شخصية زبالة!!!"

هذه المرة رد على "نادر" و هو ناظر فى ساعته ببساطة مستفزة و هو يهز كتفيه و يمط شفثيه فى لا مبالاة وكأن ما يقوله ليس بيده: "لأن هى فعلا شخصية زبالة"

قالها ثم بدأ يقلد طريقة كلامه يارا بشكل مُهين, على الأقل بالنسبة إلى, فـ "نيفين" لم تتزعج مما يفعله, بل نظرت إليه بإعجاب ودخلت فى نوبة من الضحك حتى عجزت تقريبا على التنفس, هذا قبل أن تستلم منه الراية لكى تظهر هى الأخرى

مواهبها الدفينة في إهانة "يارا"، ثم أضاف "نادر" بعد أن التفت إلى وقال بحكمة وكأنه يهون علي مصيبة ما واضعاً يده على كتفي: "أنا مش قصدي إني أضايقك يا "مارك" بس ده مش رأيي أنا لوحدى، اسأل أى حد يعرفها"

لم أعلق على ما قاله "نادر" أو "نيفين" فأنا أعلم جيداً أنهما لن يتخليا عن رأيهما في شخصية "يارا"، كما أن "نادر" لم يعطني الفرصة لكي أفعل ذلك على أى حال، فاللحظة التي كان قد أنهى فيها جملته الأخيرة هي نفس اللحظة التي قام فيها من على مقعده و حمل في يده كراسة محاضراته التي لا يكتب فيها شيئاً (و لا تحتوي إلا على رسومات شيطانية دموية رسمها هو ) و هو يستكمل: "أنا على فكرة محاضراتي كلها خلصت من زمان و قاعد معاكو كده من غير لازمة"

ألححت عليه بالبقاء معنا إلا أنه رفض طلبي: "معلش هموت و أنا، مطبق أنا أصلى، و بعدين أنا كده كده هقابلك إنست و نحالد في "الريد" النهاردة"

- "بقولك إيه عايزين نكمل البولة بتاعة إمبراح، متحيش على آخر ثانية و تتمن.."

قاطع نادر مستعجلاً اللفظ الخارج الذي كنت على وشك أن أستخدامه: "خلاص ماشى ماشى، سلام"

رحل "نادر" و أصبحت أنا و "نيفين" وحدنا، ربما هذا هو الوقت المناسب لمفاتحتها في موضوعي.

\*\*\*

### - ما حكته نيفين -

بعد رحيل "نادر" و بعد أن أصبحت أنا و "مارك" وحدنا  
تماما، ربما في مكان مزدحم و لكن من الصعب أن يستمع أحد  
إلى حديثنا، و رأى أنها أفضل فرصة له ليروح لى عما فى  
صدره، كان يريد منى أن أذهب إلى "يارا" و أن أحاول جاهدة  
أن أصلح فيما بينهما، اقترب منى بكرسيه ..صوته الآن أقرب  
إلى الهمس: بقولك إيه يا نيفين!!..

لم اتح له حتى الفرصة لكى يكمل جملته، فهمته كعادتى قبل  
أن يتكلم، فوجدت نفسى أعترض على كلامه الذى كان ينوى  
أن يقوله و أرفض طلبه الذى لم يطلبه بعد  
"مش هكلمها لك تانى يا مارك، إنت قولتلى المرة إल्ली  
فاتت إلهما آخر مرة"

و كأن "مارك" كان يتوقع إجابتى هذه، بل إنه قد رتب لها ردا  
مُسبقا: "على فكرة أنا ممكن أخلي أى حد يكلمها ، أنا بس  
خايف، إنتى ..عارفة إنتى بقى الناس إल्ली بتحب توقع، و بعدين  
يارا بتحترمك إنت بالذات بقى على فكرة، و بتعتيرك مثلها  
الأعلى فى الحياة، و نفسها تبقى زيك، آه بجد نفسها تبقى  
زيك، حتى هى مرة قالتلى يا مارك أنا نفسى أبقي زى نيفين"

- سورى يا مارك بس أنا مش هاحط نفسى فى الموقف ده  
تانى، أنا آخر مرة رححت كلمتها حسيت إلهما عايزة تتف

عليها، البنت دى أساسا أنا مبطقهاش من أيام المدرسة، وهى  
عمرها ما كانت بتطيقنى، فيا ريت تبطل زن فى الموضوع ده"  
- "طب هعزمك على العشاء"

أنساق أنا لرغباته الأخوية مهما تعارضت مع رغباتى  
أنا، عندما يتضمن الموضوع خروجنا معا، و قد فهم هو ذلك  
على ما يبدو، سألتة ضاحكة: "إيه يابنى هو أنا مش لاقية أكل  
مثلا ؟ هتعزمنى على العشا أقوم أروح أكلمها على طول، إنت  
عبيط يا مارك؟"

- طب سينما و عشا و كده هظبطك يعنى، متبقيش طماعة  
بقى

- مرسيه أوى على العزومة الجامدة دى بس مش هقدر  
سورى

- علشان خطرئ، هو أنا ماليش خاطر عندك؟

تلك العبارة .. التى تقتلنى ببطء، تلك الحملة التى تعذبني و  
تقطعني من الداخل، هل يدرك هو تأثيرها علي ؟ أم أنه قد اعتاد  
أن كل مطالبه تُجاب عند نطقها؟ تسمرت فى مقعدى ..  
سكنت لم أدر ما أقول.

"بقولك علشان خطرئ"

ها هو قد قالها لثاني مرة، هل هو معدوم الإحساس تماما؟ هل  
يستمتع بينه و بين نفسه بتعذيبى ؟

ابتسم و ابتسمت لابتسامته ليبدأ فصل جديد من معاناتي، و  
التي لا تبدو أنها سوف تنتهي، على الأقل ليس قريباً.

\*\*\*

"طب إنت خلاص هستقر هنا في إسكندرية؟"  
طرح "كريم" ذلك السؤال صراحةً على أخيه، كان الاثنان قد  
استيقظا مبكراً، أو بمعنى أصح لم يناما سواء هما أو أمهما من  
ليلة البارحة، فجرت العادة أن الأرق هو نتيجة طبيعية للغاية  
تأتي بعد أي حدث لا نتوقعه، جائه رد أخيه مصحوباً بابتسامة  
خفيفة: "ده لو مكنش عندك مانع يعني"

- "لا أكيد معنديش مانع، إيه إللي هيضايقني في حاجة زي  
كده؟ بالعكس، طب وهتشتغل فين؟"  
- "في نفس المكان إللي كنت بشتغل فيه قبل ما أسافر على  
طول"

- "بس هم هيرجعوك الشغل تاني عادي كده؟"  
- "الموضوع خلص خلاص و أنا جاي من القاهرة إمبارح  
كلمت ناس معارفي، أنا ممكن أبتدى الشغل من بكرة لو  
عوزت"

OK - حلال

كان من الواضح أنه أراد أن يقول شيئاً آخر



- "كنت عايز تسألني عن إيه يا كريم؟"

- "ولا حاجة"

- "كريم اخلص، أنا مش ناقص"

- "ولا حاجة والله، هو بس كنت عايز إيه إللى هيحصل في

موضوع" على"ابنك هتعمل فيه إيه؟"

نفس السؤال الذى قضى"أحمد"ليلته محاولا العثور على  
إجابة له، عقد"أحمد"يديه أمام صدره و هو يقول بفراغ صر  
واضح: "مش عارف إيه إللى هيحصل، ربنا يستر، هارجع مصر  
تاني الأسبوع ده علشان أجيبه، و بعد كده هاعمل اللى  
مايتعملش علشان على يفضل هنا معنا"

كان"كريم"شأنه شأن أى شاب فى الثامنة عشر من عمره لا  
يجيد التصرف فى مواقف اجتماعية حساسة كذلك"إن شاء الله  
كل حاجة هتبقى تمام"

قالها"كريم"هذه المرة خالية من أي سؤال أو افتراضات..  
ساد الصمت فيما بينهما لفترة قبل أن تقطعه"رنة"هاتف كريم  
الجوال، أخرج الهاتف من جيبه و

- "أيوة يا بارودي"

.. -

- "لا أنا مش فاهم منك حاجة، واحدة واحدة، فهمنى إيه

اللى حصل بعد ما مشينا من إستيميشن بالظبط؟"

منذ أن رحل "شريف" و غادر "كارفور سيقى ستارز" منذ  
حوالى ساعة و نصف و "خالد" يمشى وراء "ريم" فى كل مكان  
تنجه إليه, و ينتظر على باب كل محل, يراقبها, لم تلاحظ هى  
وجوده, لم يقرر هو كيف يبدأ الكلام معها, ماذا يقول؟ و فى  
أى مناسبة؟ حتى عزم أمره

كانت "ريم" وقتها داخل إحدى المحلات الملابس الشهيرة فى  
المكان مُندمجة تماما فى التطلع إلى الملابس و قد استهلكت  
المُقارنة ما بين الموديلات كامل تركيزها, حينما أتى "خالد" من  
وراءها, و قال و هو يقلد بائعى الملابس: "مساء الخير يا فندم ,  
حضرتك بتدورى على حاجة معينة و لا بتتفرجى على إल्ली  
موجود؟"

كانت خطته أن يبدأ كلامهما عن طريق المزاح, و لكنها  
بدأت تعامله و كأنه يعمل بالفعل فى المحل ردت دون أن تنظر  
إليه: "لأ كنت بتفرج" ثم قاطعت كلامها بنفسها عندما وقعت  
عينها على وجه محدثها فوجدته ذلك الفتى التى كانت قد  
قابلته البارحة فى إيسيتيمشن كافيه, فلم تمنع نفسها أن تسأله "إيه  
ده إنت بتعمل إيه هنا؟" إبتسامات خجولة و صمت غير مريح  
, لم يدر أي منهما ما يقوله, و عندما طالبت تلك الفترة  
سألها "خالد" السؤال الذى يعرف هو إجابته مُسبقاً: "هو أننى  
جاية هنا لوحديك و لا معاكى حد؟"

\*\*\*

## - ما حكاة كريم شمس -

عندما استقبلت مكالمة "محمد البارودي" الهاتفية في الصباح الباكر، توقعت بحكم العادة و بحكم خبرتي بشخصه : أن يكون الحشيش متورطا في الموضوع، ماذا غير ذلك يجعل شخصا مثل البارودي الذي اشتهر بالسهر في كل مكان و الاستيقاظ متأخرا يتصل في مثل تلك الساعة الباكرة في الصباح؟ لكي أكون صادقا معكم لم أتوقع قط ما سمعته من "محمد البارودي"، سواء ما سمعته على الهاتف أو ما سمعته من البارودي شخصيا .. قابلته في "قهوة المصريين" التي تقع في منطقة "فلمنج" و التي يحب "البارودي" و معظم طالبي الأكاديمية العربية أن يجلسوا فيها لسبب غير مفهوم على الأقل بالنسبة لي، و "المصريين" هي مكان لا تستطيع فعلا ان تحدد إن كان قهوة بالمعنى الشعبي أو كافيه بالمعنى المعروف، فهي في مستوى يقع بالظبط ما بين "قهوة المعلم كيخا" في منطقة رشدي ( و التي تحولت لتوها إلى "كيخا كوفي") و بين الكافيهات "النضيفة"، عندما دخلت إلى المكان وجدت البارودي كما توقعت في مكانه المفضل في آخر ركن في القهوة.. حكى "محمد" لي كل ما حدث له بعد رحيلى مع "رامى" و "عمرو". و عجزت أن أخفي دهشتي و أنا أنظر إلى صديقى ضخم البنية، و كأن "محمد" قد قرأ أفكارى فرد على السؤال الذى خشيت أن أسأله، أو بمعنى أدق خجلت أن أسأله: "ما هو طبيعى هو ده إالى يحصل، هما أربعة و أنا واحد ما أنا مش هالك Hulk أصلى بروح أمى يعنى"

- "طب و صحابك بتوع الكلية كانوا راحوا فين؟"

- "مين؟ هاني و العيال دي؟ ما هم كانوا مشيوا بقى راحوا  
قعدوا في السير بتاع هاني.. هو إنت مش قولتلي إنك هتروح  
توصل عمرو و تيجي تاني؟ مرجعتش ليه صحيح؟"  
- "و لا حاجة كسلنا، اتصلت بيك علشان أقولك إن مش  
جاي و إنت مرديتش، و إنت إزاي حاجة زي دي تحصل  
متصلتش بيها ليه؟"

- "مكنتوش هتلقوا ترجعولي كده كده، على العموم مش  
مشكلة"

- "إنت إزاي بتكلم بهدوء كده؟ أنا لو حوار زي ده  
حصل، مش ههدى غير لما.."  
علا صوتي دون قصد أو تخطيط

فطلب مني البارودي بعصية: "ممكن توطي صوتك  
شوية؟، مش لازم الكافيه كله يعرف إن أنا انضربت و اطبقت  
مني حاجات، بلاش الغباء إللى في دم أهلك ده"  
- "طب هتعمل إيه دلوقتي؟"

- "و مين قالك إن لسه معملتش؟ أنا حقى جاللى لحد  
عندي و أنا قاعد مكانى حاطط رجل على رجل"

\*\*

وصل ميكروباص إلى موقف السيارات الخاص بجامعة الإسكندرية، توقف ثم خرج منه شباب يبلغون من العمر ما بين الخامسة و التاسعة عشر، من الواضح لناظرهم أنهم فقراء، وأن ظلم الزمان و آثار المعيشة الضنك على أجسادهم و وجوههم التي لم تخل من آثار الجروح، كانوا عندما نزلوا من الميكروباص يحنون عن شيء بعينه، شيء من الصعب إيجاداه في مكان واسع كهذا، فقسموا أنفسهم إلى مجموعات و تحركت كل مجموعة في الباركينج، و ظلوا على هذا المتوال حتى صرخ أحدهم و هو يشير إلى سيارة من نوع أوبل فيكترا موديل ٢٠٠٨: "هي دى العربية؟"

\*\*\*\*

## - ما حكاة نادر -

"يا نادر فكك بقى !، أنا و نيفين محاضراتنا هتبتدى كمان عشر دقائق ربع ساعة بالكثير، متحاولش تقنعنى إن هى دى إلى هتفرق معاك ؟!" قالها "مارك" معترضا محاولا إقناعى بالبقاء معه و مع نيفين فى الحرم الجامعى، رفضت مضطرا فقد كان النوم قد أوشك أن يغلبنى، عندما خرجت من مبنى "جامعة الإسكندرية"، كنت بالكاد قادرا على المشى فى ذلك الجو الحار، لم أستطع أن أنتظر حتى أريح ظهري على مقعد السائق فى سيارتى "الأوبل فيكترا" الجديدة و أن أستمتع بتشغيل جهاز تكييفها البارد اللذيذ، لاحظت زحاما شديدا، و أؤكد لك أنه لولا قرب ذلك الزحام من مكان سيارتى ما كنت كلفت نفسى بالسؤال عن سبب هذا التجمع لأصعق أنا بالمفاجأة الكبرى، و لأكتشف أن تلك السيارة التى تكسرت حتى تحولت إلى خردة هى سيارتى الجديدة، لم أصرخ، لم أغضب، لم أسأل حتى عن مواصفات هؤلاء الذين فعلوا ذلك بسيارتي، بالطبع لو كنت فى حالتى الطبيعية لأردت أن أقوم بكل تلك الأشياء، و لكننى لم أكن كذلك، تجمدت ملامح وجهى لفترة طويلة، أصابها التشنج و الإذهلال الشديد، سقطت من يدي كراسة المحاضرات و بقية أدواتى .. ولم أشعر من فرط الصدمة

وجدت نفسي - دون وعي مني - أضحك مما حدث من سبيل أن "شر البلية ما يضحك"، وأعترف أن شكلي كان غريباً بالفعل، كنت قد وقعت على ظهري من فرط الضحك جانب حطام سيارتي التي كانت جديدة منذ دقائق، ظن الجميع أنني قد فقدت عقلي، و شعرت لسبب أجهله وأنا في وسط ضحكاتي أن ما حدث للسيارة له علاقة بمشاجرة اليوم السابق في إيسيتشمن.

\*\*\*

"مكانش ينفع نعمل القعدة دي معاهم في يوم تاني؟" بدأ صُبحي أخو "شريف" الكفراوي الأكبر هو يقولها وكأنه طفل صغير يشكو إلى أمه و يطلب منها عدم الذهاب إلى المدرسة، و جاءه رد شريف فاتراً للغاية حالياً من أى تعاطف: "ينفع و كل حاجة بس أولاً أنا سايب شغل المكتب و جيت إسكندرية مخصوص علشان الموضوع ده ثانيا هنقعد نأجل لحد إمتي؟" قالها "شريف" بملل، من الواضح أن تلك لم تكن المرة الأولى الذي يطلب فيها "صبحي" من أخيه المحامي التنحى عن هذا "المشوار"، كانا واقفين أمام فيلا الكفراوي، فيلا عائلة أبيهم التي تقع في ضواحي المدينة، و التي هي عبارة عن قصر و حديقة تم بناءها قبل قيام الثورة بسنوات عديدة، و هو البيت الذي يعيش فيه الآن بعد موت أبيهم "رأفت الكفراوي" أولاد عمهم عبد الرحمن الكفراوي رجل الأعمال الشهير و شريكه في كل

أعماله أخيه حامد الكفراوى و أخيرا و ليس آخرها "الداما" ليلى  
هاتم الكفراوى, كان "شريف" دائما ما يشبهها بـ "داما" (بنت)  
الكوتشينة, هى تشبهها فى كل شىء هى هاتم أو ليدى بالمعنى  
الحقيقى للكلمة و النادر وجوده فى زمننا هذا, و كأنها وقعت  
من مسلسل "هاتم جاردن سیتی", عملاتها البسيطة الأنيقة و  
طريقة كلامها المسرحية التى تتناسب مع مشيتها و ملامح  
وجهها.

استكمل شريف فى ضجر و هو يضرب جرس الباب بعد  
أن تجاوز البوابة الحديدية للحديقة بالسيارة: "الموضوع ده لازم  
يخلص كفاية أوى عليهم كده"

لم يجب "صُبْحى" بل نظر حوله إلى المكان المُوحش رغم  
خضرة حدائقه, إلا أنه بدا كهذه القصور التى تظهر فى أفلام  
العرب, تلك التى تسكنها الأشباح منذ زمن بعيد, أشباح من  
نوع آخر, أشباح ذكريات الطفولة التعيسة و العائلة التى تكرهه  
هو وإخوته دون سبب واضح هز "صُبْحى" رأسه أكثر من مرة و  
كأنه ينفذ عنها تلك الأفكار الكريهة قبل أن يغمغم: "فى  
حاجة بتحليلي اكتتاب كل ما أشوف البيت ده"

التفت إليه شريف وهم أن يقول شيئا, و لكن قاطعه فتح  
الباب.. كان من الواضح أن شخصا ما قد أوضح مسبقا



للخادمة الفيليبينية أنهم قادمان في هذا الموعد تحديدا، قالت بلغة عربية ركيكة: "هما مستينكو، اتفاضلوا"

دخلا ورائها، أجلستهما في صالون فخيم، و نظر كل منهما إلى المكان من الداخل، بعض التغييرات هنا و بعض الأثاث الجديد هناك، تم استبدال التليفزيون بشاشة ضخمة من نوع الـ LCD و لكن في المِجمل كان المنزل هو هو، لهم في كل ركن منه ذكرى سيئة، أتى خادم، هذه المرة يتكلم العربية بشكل طبيعي، مال صُبحى على أذن شريف و همس: "شوفت القنعة ؟ أهو هيفضلوا يلطعوننا ساعة زى كل مرة، اتفضل يا عم!!، مش إنت إللى كنت مصمم تيجى؟"

قال "شريف" ببرود مقصود و هو يضع إحدى ساقيه فوق الأخرى: "على أقل من مهلهم، أنا مش منقول من هنا غير لمسا أقابل حد فيهم، يا إما نتفاهم بالعقل يا إما نتفاهم في المحكمة" التفت إليه "صُبحى" و سأله بدهشة: "هو أنت برضه لسه في دماغك موضوع القضية دى؟"

رد عليه "شريف" في مزيج من الاستعجاب و الغضب و كأن ذلك الأول قد وجه له إهانة لا تغتفر: "إنت بتقول إيه ؟ طبعاً لسه في دماغى القضية، أنا دخلت كلية الحقوق بس علشان أرفع القضية دى بالذات!!"

"طب اسكت بقى" قالها صبحى و هو يشير برأسه سلم  
الفيلا، ليجد شريف "ليلى" التى قد تعدت العقد الخامس من  
عمرها تزل إليهما، قام هو و أخوه أدبا "عامل إيه يا صبحى إيه  
الأخبار؟"

رد صبحى على سؤالها مُبتسما: الحمد لله يا ليلى إزيك  
إننى؟

و لأنها بطبيعتها لا تحب أن تعرض نفسها للإهانة أبدا، كانت  
قد بدأت بالسلام على صُبحى أولاً، فهو قادر على وضع  
الخلاقات العائلية جانبا و التحدث بشكل لبق و أنيق يناسب  
الموقف، تبين لها ذلك بعد أن قابلته مع عائلته مصادفة في أماكن  
عدة مثل الـ "كلاب هاوس" في نادى سبورتنج، و في مطاعم  
النادى اليونانى و دار أوبرا "سيد درويش" في محطة الرمل، على  
عكس "شريف" الذى يبدو عليه التهكم كلما رآها هى أو أى  
شخص من العائلة، حتى إنها لا تعرف كيف يبدو و هو مُبتسما  
إلى عن طريق برامج التلفزيون التى يظهر فيها باستمرار، سلمت  
بعدها على "شريف" فرد بلهجة خالية من أى عاطفة أو شعور  
:"أنا كويس"

و ما لا يعرفه الكثيرون عن "شريف الكفراوى" أنه كان أهم  
ممثلين فرقة التمثيل المسرحى فى كلية حقوق أيام شبابه و  
أكثرهم موهبة، حتى إن أحد كبار مُخرجين السينما كان قد  
رآه فى مُسابقة الكليات عام ١٩٨٥ عرض عليه جددا التمثيل

إلا أن "شريف" رفض الفكرة لأنها سوف تعطله عن دراسة المحاماة، وليس من الغريب أن "شريف" الذي كان يُفترض أن يكون مُمثلاً موهوباً قد أصبح من أنجح المحامين، فالمهنتان (مهنة التمثيل و مهنة المحاماة) مُتشابهتان إلى حد كبير، كلاهما يرغمان صاحبهما على الاهتمام بشكله ومظهره الاجتماعي أمام الناس و أن يتمتع بالقبول الكافي لدى مستمعيه و مُشاهديه، المحامي يجب أن يجيد التحكم بصوته و تعابير وجهه ليوصل إلى القاضى الانطباع المطلوب تماماً مثل الممثل، فأصبح "شريف" بعد سنين طويلة من ممارسة هذه المهنة قادراً بشكل مُدهش على التحكم في أعصابه و مشاعره و تغيير ملامحه حسب الموقف، كما كان يُجيد أكثر من كل ذلك قول العبارات ذات الأكثر من معنى التى تبدو لك مسالمة و روتينية للغاية خالية من أى هدف ولكنها قيلت لكى توصل إليك انطباعاً مُحدداً اختاره شريف ببراعة، أو طرح الأسئلة التى لا ينتظر شريف منها إجابة أكثر مما ينتظر ردة فعل محدثة تماماً كذلك السؤال الذى طرحه على ليلى: "أمال حامد و عبد الرحمن يحوش يقابلونا ليه ؟ هو إحنا مش واحدین منهم ميعاد؟"

أجابته ليلى بارتباك و هى تحاول أن تتصنع المرح: "فى إيه يا شريف ؟ هو أنا مش كفاية قدامك ولا إيه؟"

رد "شريف" و هو ما زال مُحفظاً ببروده و نظرات عينيه القاتلة التى لا تتناسب مع طريقة كلامه: "لأ العفو إزاي بس.. بس إحنا كنا واحدین ميعاد منهم هما يعنى"

قالت ليلي و هي تجلس و تشير إليهما أن يجلسا: أنا إल्ली  
قولتلهم إنهم مايجوش و إن أنا إल्ली أقعد معاكم.. إنتو أول ما  
بتشوفوا خلق بعض الأمور بتتعدد و مايتحلش تاني، أنا قولت  
بما إن أكثر واحدة قرية منكم في العيلة، يبقى أنا إल्ली لازم  
أكلمكم و نحاول نحل المواضيع بشكل ودي"

هنا علق "صبحي" بابتسامته المبالغ فيها التي اشتهر بها: "و إحنا  
مش طالين أكثر من كده"

لبس شريف نظارته كما اعتاد أن يفعل قبل البدء في مناقشة  
قضية ما و قال بلهجة عملية: "بصي يا مدام ليلي"

- "مدام ليلي مين يا شريف؟ إيه مدام دي؟!.. هو إنت ليه  
دأبما مُصمم تعمل تكليف ما بينا"

"معلش يا ليلي سيبه على راحتة"، قالها "صبحي" الذي خشي  
أن تكون تلك الحادثة التافهة شرارة لبدء خلاف آخر ما بينهما

أستكمل شريف : ليلي هانم إحنا ما بنطلبش حاجة مش من  
حقنا، كل إल्ली إحنا طالبينه هو الميراث الشرعي، من إल्ली بابا  
سابه قبل ما يتوفى "سكت عن الكلام للحظة ليفتح شنطة أوراقه  
و يخرج منها ورقة صفراء متهاكة، فقرأ منها مُستكملا باللغة  
العربية: "و التي تقدر عند تاريخ الوفاة بسبعمئة و خمسين ألفا

فقط لا غير، أنا علشان تعرفى إحنا مش بندور على مشاكل، أنا مش هاحاول أقارن المبلغ ده يساوى كام النهارده"

و بدا القلق على ليلى بوضوح هذه المرة و هى تقول: "خللى بالك يا شريف إنت بتتكلم فى مليون إلا ربع"

- "أنا بتكلم فى حقنا" قالها "شريف" فى حسم و غضب فى آن واحد.

\*\*\*

"أنا متقلقش هى كويسة دلوقتى، يا إلا مكانتش قاعدة معاك دلوقتى كان زمانى فى المستشفى لسه" مى "أختى هى إالى قاعدة جنبها النهاردة" ردت "ريم" بتلك العبارة على سؤال "خالد الكفراوى" الذى تصنع القلق على حالة والدتها الصحية بعد ما حكى له لتوها ما حدث عندما وصلت إلى البيت و ما وجدته هناك، منذ أن قابلها و الكلام ما بينهما لم ينقطع ، ما الذى دفعها إلى إطلاع "خالد" الذى لا تعرفه إلا منذ أقل من يوم على معلومة شخصية للغاية كذلك السر؟ هى ليست بلهاء و ليست ممن "ما فى قلبهم على لسانهم"، هى اشتهرت منذ صغرها بالدهاء و اللباقة و اختيار الكلمات المناسبة لكل موقف و كل شخص، فما الذى جعلها تفصح له بذلك؟!، ربما هى "الكاريزما" أو القبول.. هناك احتمال آخر أرجحه على أساس معرفتى القديمة بشخصيتهما (ريم و خالد) فى رأى أن

كل ما حدث ببساطة شديدة هو أن "خالد" تواجد في المكان المناسب و في الفترة الزمنية المناسبة، تلك الفترة التي تبحث فيها "ريم" عن شخص تحكى له مشاكلها "بس كويس إنك أول ما لقيت فرصة جيتي كارفور تفصلي و كده" قال هو تلك الجملة، و وافقته هي على وجهة نظره، ثم احتل السكوت الحديث، توقف الاثنان عن الكلام ليخيم عليهما الصمت التام الذي لا يتخلله إلا صوت الأغاني الصادرة من مذياع الكافيه، و لكن هذا الصمت كان مختلفا عن أنواع الصمت التي قابلتسا أثناء الأحداث السابقة للقصة، هو ليس صمت خجل، أو دهشة، بل هو ذلك الصمت الذي يلتزمه صاحبه ليرتب جملته القادمة عندما يُقبل على أن يتكلم في موضوع حساس قابل للاشتغال، إنه صمت الحكمة و هدوء التأني، شعر كلاهما داخل نفسه أنه يريد أن يتكلم عن مُشاجرة البارحة، كلما نوى أحدهما أن يتكلم، أسكت نفسه بنفسه، خشية إغضاب الآخر، هي تشعر أن الموضوع وصل إلى ما وصل إليه بسببها، و هو يشعر أنه قد أهاها و لو بشكل غير مُباشر عندما سب و ضرب صديقها السابق.. و أخيرا بدأ هو بالكلام.

"بصى يا ريم بخصوص إल्ली حصل إمبراح، مش موضوع مامتك، الخناقة و كده، إحنا آسفين محدش منا كان عايزك تشوفي حاجة زى دى، بس هو محمد ده ولا معرفش اسمه إيه إستفزننا، دخل يشتم و بتاع، مكانش قدامنا حل تاني"

- "و مين قال إن أنا مهتمة بإللى يحصلوا؟؟!"

رجع بظهره فى كرسية فى مزيج من الدهشة الظاهرة  
و الفرحة الخفية: "لأ سورى واضح إن فى حاجة أنا فهمتها  
غلط هو مش إنتى و بارودى متصاحبين"

صححت ريم: "كنا, كنا متصاحبين, أنا لو فى حاجة ضايقتنى  
يبقى منظر الضرب و كده عامة مبحش أتفرج على حاجة فى  
عنف"

- "لأ ما هو بصى بالطريقة إللى كلمنى و كلمك  
بيها, مكانش فى حاجة تانية ممكن تتعمل, محدش كان يقدر  
يشوف كل ده قدامه و يعملش حاجة .."

- "إشعنى حسام يعنى إللى هو المفروض عصى بزيادة عرف  
يعدى الموضوع؟"

أوضح و هو يلوح بيده فى غير اهتمام: "ده حسام بقى  
محدش عارف بيفكر إزاي"

- "هو إنتو مش طايقين حسام ليه؟"

مط خالد شفتيه و قال فى لا مبالاة مقصودة: "لو كنا مش  
طايقينوه مكانش سينااه يقعد معانا, إيه إللى خلاكى تقوللى  
كده؟"

- "معرفش مابتتعاملوش على أساس إنكو دفعة واحدة يعني"

- "لأ لا عادى، هو إنتى تعرفى حسام ده منين أصلا؟"

- "يقيقى قريب لينا، والمفروض صاحبها يعني"

- "لينا إللى قصيرة بزيادة دى؟"

أوضحت ريم: "لأ دى هنا، لينا إللى هى شعرها إسود كثيرلى  
طويل كده"

- "آه ممكن برضه"

سألته ريم ضاحكة: "يعنى إنت مش فاكرو اسم أى حد من  
إللى كان قاعد إمبارح فى إستيميشن غيرى؟"

رد ضاحكا: "علق معايا بقى"

و كانت هذه هى بداية علاقة "خالد" بـ "ريم"، لم يكونا قد  
وصلا بعد إلى ما وصلا إليه الآن، فى اللحظة التى كُتبت فيها  
تلك السطور

\*\*\*

من السهل أن نكره و لكن الصعب أن نكره بذكاء تماما  
مثل "شريف الكفراوى"، فكارهو عائلة "الكفراوى" كثيرون  
للغاية، و لكن شريف كان أذكى من يكرههم و أقدر كارهمهم



قدرة على إلحاق الضرر بهم، رغم إنه في الأصل واحدا منهم، على الأقل من الناحية (التناسلية)

- محدش قالك تسبب حقك، أنا بس بقول إنك تصير على المبلغ ده شوية.

قالتها "ليلي" هانم و هي تحاول أن تحافظ على هدوئها وسط الكثير من النظرات الجانبيه لـ "صبحي"، نظرات رجاء أن يتدخل ليهدىء الموقف، و لكن "شريف" على أى حال لم يعطى فرصة لأخيه، قاطعها بلهجة استفزازية: "حضرتك بتقترحي علينا إن إحنا نستنى على المبلغ ده قد إيه مثلا؟"

- "ستين..أو ممكن تاخده على دفعات..مش كل المشاريع بتاعة العيلة بتكسب، و إللى فضل حامد و عبد الرحمن صرفوه على مشروع القرية السياحية إللى فى الساحل الشمالى"

و كانت هذه هى اللحظة التى انتظرها شريف، لقد جاء الاعتراض من جانبهم رغم التسهيلات التى حاول تقديمها، الآن فقط يستطيع أن يريح ضميره و يقنع نفسه بأنه قد حاول و الحقيقة أنه كان يعرف المشاكل المادية التى تواجهها مشاريع العائلة، بل حتى إنه كان له أكثر من جاسوس داخل فى أهم المراكز فى شركات مجموعة الكفراوى، قد اختار هذا التوقيت تحديداً للزيارة دون أى وقت آخر، هو يعلم أنهم لن يستطيعوا أن يدفعوا له حقه الآن ما أراد أخاه أن يراه و يشهده، قبل أن

يرد "شريف" بهم و خيبة أمل صناعية : "ليلي هانم أنا آسف، ده حقنا، إحنا مش بنشحت علشان تدولنا حسنة أول كل شهر، أنا مضطر أرفع قضية"

- حاجة زى دى ممكن تسوء سمعة العيلة يا شريف خللى بالك

-أنا آسف دى مش مشكلتي، حضرتك قوليلي حل تاني مقنع و أنا أعمله.

التفتت "ليلي" هذه المرة إلى صُبحي و طلبت منه التدخل صراحة قائلة: "جرى إيه يا صبحي ؟ ما تقول حاجة لأخوك"

ثم عادت برأسها إلى شريف: "أنا عمري ما تخيلت يا شريف إنك هتخرج من حقوق علشان تيجي ترفع قضية عليا أنا"

حاولت بلباقة و هى تنطقها أن تضيف إليها نكهة مريحة إلى الجملة لتخفي الإهانة في حق شريف، إهانة لا تقصد أن تذله بها و لكنها حقيقة، حقيقة إن في عام ١٩٨١ عندما كان شريف في عامه الثانى في كلية الحقوق، بدأت هى بتحمل نفقات دراسته، بجانب الكثير من المساعدات المادية قبل المعنوية.

هو يعلم أنها لا تقصد المعاييرة و لكنه أخرج رغم ذلك، عدل نظارته على وجهه و قبل أن يفكر حتى فيما يقول، قاطع حديث ثلاثتهم فتاة في حوالى التاسعة عشرة من عمرها، رmqته هو

و أخيه بنظرة قلق أو فضول, و مالت إلى أذن "ليلي" هانم دون أن  
تسلم عليهما, طرحت السؤال على "ليلي" هانم بالفرنسية : "طنط  
Je veux le cle du " الجيب " أنا كنت عايزة مفتاح  
JEEP ردت ليلي عليها بصوت عربي غطاه الإحراج: طيب  
سلمى على الضيوف الأول, دول ولاد عم باباكي؟

نظرت الفتاة إليهما غير مكترثة قبل أن تتمتم بصوت لا  
يكاد يكون مسموعا "أهلا و سهلا"

ابتسم "صبيحي" ابتسامة صفراء بينما لم يكلف "شريف" نفسه  
حتى بالنظر إلى الفتاة بل تظاهر بترتيب أوراقه, كان هذا أقل رد  
ممكن, لتلك الفتاة التي تتكلم أمامه بالفرنسية و كأنه خادم لا  
تريد أن يفهم كلامها, صحيح إنه خريج مدرسة "سان-  
مارك" الفرنسية و لكن هذا لا يغير من الأمر شيئا.

سألت "ليلي": "وهي عربيتك إيه إल्ली حاصلها؟"

Mais, pourquoi tu n'a pas pris ton  
voiture? Est-qu' elle ne marche pas ou  
quoi?

-: ماهاش أنا بس كنت عايزة آخذها النهارده أنا متفقة مع  
بابا على كده.

Non Non elle n'a rien mais j'ai  
finallement convaincu papa de prendre  
La "LAND-ROOVER" au jourd'hui

-: طب عدى ندى المفتاح من عم مصيلحي, ماتناخريش  
هه.

ظل "صُبحي" على ابتسامته البلهاء حتى رحلت  
الفتاة, فسأل "ليلي" و هو مازال بشوشا بدون سبب أو تفسير:  
"دى بمنى بنت حامد؟ مش كده؟"  
- آه مشفناهاش بقالك كثير إنت.  
قالتها "ليلي" و هى سعيدة برجوع الأمور نسبيا لهدوئها  
السابق.

- ما شاء الله كبرت أوى

ردت ليلي: آه خلاص بقت Madmoiselle دلوقتي.

قاطع شريف اجتماعهما العائلي التافه بمثل: "نرجع  
لموضوعنا, أنا بكلمك و أنا نفسي مضطرش أعمل كده, يا ريت  
لو عرفتي تكلمي حامد و عبد الرحمن, هنوفر على نفسنا تعب  
إحنا في غنى عنه"

و أخيرا قرر صبحي أن يقول شيئا له معنى منذ أن  
جلس: "ليلي إنتي عارفة كويس إن إحنا في الظروف العادية لا  
يمكن نسمح لحد إنه يجي نحيثك إنتي بالذات"

فاستكمل شريف كلام أخيه متظاهرا بالأسف: "بس إنتي  
ماسيتليناش اختيار تاني, حضرتك لما والدتي توفت وقفني في

وش عيلتك كلها علشان تساعدنا، و دى حاجة عمرى أنا ولا  
حد من إخواتى ما هينساها، بس ده موضوع و ده موضوع  
تاني، إल्ली إنبارح كان حقى، النهاردة بقى حق خالد ابني، أنا  
آسف"

\*\*\*

## الفصل الرابع

### أمال الرابع بتاعكم فين؟؟!

#### شيل التريفلات يا بنى

إنها من مواصفات اللعبة, عادةً ما تلعب إلا في وجود أربعة لاعبين, إذا زاد عليهم خامس, لا يشاركهم اللعب بل يجلس بجانبهم أو يجلس مكان أول متتح منهم في أقرب فرصة, أما إذا نقصوا واحدا, فيمكن للعبة أن تستمر بثلاثة فقط, كل ما عليهم فعله هو تنقية الكوتشينة من لون التريفل "ورقة الشجر السوداء" و اللعب بدونها.

\*\*\*

منذ أن استيقظ عمرو سلامة هذا الصباح و هو مستلق على ظهره في السرير, لا يفرق بين حالته الحالية و ما بين نومه سوى عينيه المفتوحتين, ظل يحرق في سقف حجرته بوجه خال من أية تعابير متمسكا بخط رفيع يفصل بين الموت الاجتماعى و الحياة الفكرية, ربما كان سيظل على هذه الحال حتى نهاية يومه لولا الاتصال الهاتفى الذى تلقاه من "رامى", ظل هو صامتا على الطرف الآخر من السماعاة بينما ظل "رامى" يقترح اقتراحا وراء الآخر عما يمكن أن يُفعل, سينما ؟ نادى سبورتنج ؟ طب

نروح الجيم؟ ليك مزاج تشيل حديد؟ الأميكال؟ حشيش؟ ..  
نعم ، حشيش، هذا هو ما يحتاجه "عمرو" في هذه اللحظة، ذلك  
الإكسبر الذي سوف يعيد إليه حيويته و قدرته على السخرية  
حتى و لو أعادها بشكل مُزيف صناعي بحت  
"هنقضي منين؟" قالها عمرو و هو يعتدل في مجلسه و قد بدا  
أخيرا مهتما بشيء ما.

\*\*\*

## - ما حكاه : مارك -

قهوة "الريد" لا تسمى في الأصل بهذا الاسم، اسمها الحقيقي "كافيتيريا سبورتنج"، و لكن أحد طلاب مدرستنا الذين يشكلون أغلبية زبائن القهوة قد أطلق عليها هذا الاسم ساخرًا من اللون الأحمر الذي غطى القهوة بداية من لون مفارش الترابيزات الرخيصة حتى لون الكراسي و طلاء الحائط، في البداية كانت مزحة و لكن كلمة "الريد" بعد ذلك أصبحت هي المعروفة فطغت على الاسم الأصلي للمكان، حتى بعد أن تبدل لون الحيطان ظل الاسم شهير ، الريد ليست أفضل مكان في الإسكندرية يمكنك أن تشاهد فيه مباراة كرة قدم، لا يقدم أنصف الأكواب، و لكنه دون شك مُلقب أفضل لاعبي الإستيميشن في الإسكندرية، أناس مثل "عم بهجت" و "جو" و غيرهم لن تجدهم جالسين في مكان مثل إستيميشن كافيه في سموحة لأسباب يطول شرحها .. "و هو إلی إنتوا بتشربوه ده اسمه حشيش يا مارك؟؟؟ ده حشيش قلة!!، حشيش أى كلام، ده و أنا أصغر منكم بستين كده و لا حاجة كان ممكن تشتري التربة بحالها بأقل من عشرة جنيه"

قالها لى شريف والد صديقي خالد بتهكم، كنت جالسا مع "خالد" و أبيه في قهوة الريد.



قال خالد بمرح مُدافعا عنى: مش للدرجة دى يا بابا  
متسرحش بالواد.

و بدا بالطبع شكل شريف مضحكا وهو يفرقنا باللعب  
الذى يهرب من وجهه و هو يصيح فى وجه خالد: متترفرنش  
يا وله عليا الطلاق من أمك حصل.

و انفجر الضحك فى الجلسة .، و كان هذا سهلا بالنسبة  
إلى "شريف"، فهو كوميدىان بطبعه.

"على كده بقى كان قرش الحشيش برخص التراب"

- "أمال إنت فاكرهم سموه "قرش- حشيش" ليه ؟ ما هو  
علشان كان بيتباع بقرش صاغ" قالها شريف ثم بدأ يشوح بيده  
يمينا و شمالا فى عدم رضا : "لا لا ده إنتو جيل غلبان عليا  
النعمة، فين الكوتشينة يا بنى عايزين نلعبلنا بولة إستيميشن كده"  
رد خالد : مينفعش يا شريف إحنا ثلاثة بس.

نظر إليه شريف بدهشة قبل أن يسأل ابنه : هى شغلانة؟؟  
ماتشيل التريفلات. أجبتة أنا هذه المرة فى كسل و ثقاقل: كده  
كده كمان ربع ساعة هاتلاقى العيال إالى طالعة من سان-  
مارك جاية و عايزة تلعب. سألنا شريف : أمال فين نادر ؟  
وراه بروفة ولا إيه؟

أجبتة أنه كان معى فى الكلية اتفتت معه أن يأتى إلى هنا، و  
أكدت أنه لا فائدة من انتظاره، فإذا كان ينوى أن يأتى إلينا

لظهر منذ ساعة على الأقل، و بدأنا نذم في "نادر" و مواعيده  
السيئة و فشله في الحفاظ عليها، ظنناه نائما في بيته أو أنه قد  
نسانا على أسوأ تقدير، لم نكن ندرى ما كان فيه من متاعب، لم  
يبلغنا أحد بما حدث لسيارته الجديدة، ليس حتى هذه اللحظة، لم  
يكن أي منا متوقعا ما يمكن أن يفعله شخص مثل البارودى،  
وحتى عندما ألحق الضرر بكل منا، لم نستطع أن نتوقع ذكائه أو  
نفهم ما تخفيه شخصيته التي تبدو كريكاتورية للكثيرين.

\*\*\*

في مساء نفس ذلك اليوم، بعد أن أنهى "رامى" و "عمرو" ربع  
قرش حشيش، شرب عمرو وحده ثلاث أرباعه ما بين الطريقة  
العادية و "الجوبات" قبل أن ينهى الجلسة بارتجاع زجاجة "Red  
Label" حمراء كاملة .. أبلغهم "كريم" عن طريق الهاتف أنهم  
سوف يذهبوا إلى "شيكسبير - كافيه" في شارع المعسكر  
الرومانى، مرت "بمبنى الكفراوى" بسيارتها الجيب على رامى  
وعمرو، استطاعت للمرة الرابعة هذا الاسبوع أن  
تستخدمها، هذه المرة استغلت إنشغال عماتها "ليلي" مع ضيوف  
من العائلة ، ركب رامى بجانبها و عمرو بالخلف، ذهبوا، وصلوا،  
وللمرة الثاني في فترة قصيرة يتقابل فيها عمرو سلامة وجها  
لوجه مع "لينا" و "حسام"، ذلك الجديد، حتى هذه اللحظة لم

تحدث أية مشكلة من جانب "عمرو" فقط بعض التعليقات  
السكيرة عديمة المعنى، من ضمنها شكواه المتكررة من مساحة  
الCafe الضيقة، و تعليق غريب يرصد شيئاً في الملامح لا  
يمكن تجاهله ما بين صورة للكاتب المسرحي "ويليام  
شيكسبير" المعلقة على الحائط ووجه "الأستاذ جمال  
رسلان" مدرس اللغة العربية للمرحلة الثانوية في "سان-مارك"،  
ولكن كان هناك شعور سائدا بأن عمرو على وشك إفساد  
الليلة، كان لابد من أن تبعد يميني بـ "رامى" عن بقية المجموعة  
بمنتهى الهدوء دون أن تلفت الأنظار إلى انسحابهما إلى شرفة  
الكافيه، و لم تكن تلك مهمة صعبة على أي حال كانوا إن لم  
يكونوا منشغلين في أي مناقشات الجانبية متبهمين إلى عمرو  
السكير حالياً، خرجت مع رامى إلى الخارج، وجدوا شابا يعزف  
الجيتار مع أصدقائه أمام الباب، بدت "يميني" و هي تبعد هي  
ورامى عنهم و كأنها تجره بالمعنى الحرفي للكلمة، غير هو عن  
اندهاشه و فضوله و تحرقه شوقاً لمعرفة السبب وراء كل  
هذا، سألته عن "عمرو"، و ما خطورة وجوده مع "لينا"  
وصديقها، أرجع رأسه إلى الوراء ثم جاءها رده بارداً خالياً من  
المشاعر و مخيب للآمال للغاية: "طب و إيه المشكلة يعني؟ لينا  
كانت عارفة كويس إن عمرو جاى النهارده و علشان كده  
جابت حسام غالباً خللى بالك يعني".

- "أنا مش بتكلم عليها أنا بتكلم على عمرو، إنت حبيب إنك تشوفه فى الموقف ده؟ بلاش إنت، إنت حبيب إن لينا نفسها تشوفه فى الموقف ده؟".

كانت قد انضمت مؤخرًا (منذ حوالى إسبوعين) إلى نادى المؤيدين لعمرو سلامة، والمتعاطفين فى موقفه مع لينا.. رد هو بعقلانية عُرف بها أمام الجميع.

- "يا بمعنى أى حد بيصاحب و يفر كش لازم يجيلوه يوم و يلاقى نفسه قاعد القعدة دى، و بعدين كريم قاله خلاص على موضوع حسام و مهدهوله كويس، أنا شايف إن ده كفاية"

رددت الجزء الأخير من جملته معترضة غير مصدقة لما قاله للتو: "شايف إن ده كفاية؟" علا صوتها دون قصد عندما نطقته التففت هو بعينه الى الشباب الجالسين كان لا زال هناك صوت صادر من الجيتار، و لحسن الحظ لم يستمع أحد إلى ما قالته بمعنى، فجذب نفس بارد من سيجارته المنسية قبل أن يجيب: "أيوه كفاية، كفاية أوى، هنا و كريم عندهم مشاكل برضه، بصى عليهم دلوقتى قاعدين عادى جدا بمنتهى الهدوء بيحلوها مع بعض، إشمعنى يعنى عمرو هو إللى لازم نتدخللوه فى كل حاجة؟!"

- "أولا، علشان هو صاحبك، ثانيا، عمرو مبيعرفش يتحكم"

- "يعنى إيه مبيعرفش يتحكم؟، هو عيل صغير؟ أنا مفيش حد من صحابى هيعتاجنى و مش هيلاقينى جنبه بس فى حاجات

معينة مش مسموحلى أدخل فيها، حوار لينا بالنسبة لعمرو  
خلص من زمان و هو لو مستوعبش ده لحد دلوقتى غصباً عن  
عينه هيستوعبه النهارده، لما هيلاقى إن مفيش مفر من الحقيقة و  
ينهار و بتاع ساعتها بقى هيلاقى جنبه بس دلوقتى أنا مفيش  
أى حاجة أقدر أعملهاله، مفيش أى حاجة أى حد يقدر  
يعملهاله تجربة و لازم يخش فيها بنفسه"

- "ده لو هو فى حالته الطبيعية طبعاً؟" قالتها بنحيت، تلك  
العبارة التى لم تسعفه قدرته البلاغية أن يحدد إن كانت خبرية أم  
استفهامية؟

- "مش فاهم، قصدك إيه؟"

- "هو عمرو سكران يا رامى؟"

- "إيه إالى خلاكى تقوللى كده؟"

كان مستوى ذكائها أعلى بكثير من أن يحاول أو حتى  
يفكر فى أن يتلاعب بها أو بقدرتها على استيعاب  
الأمر، تنهدت فقد فهمت الحقيقة دون أن تنتظره  
لينطقها، عاتبته : و ملقيتش غير دلوقتى تجيبه يقابلها معاه؟

رد بعصبية و لكنه حافظ على صوته منخفضاً: هو من  
ساعة ما عرف و هو سكران و كل شوية فى "قعدة" و هو إالى  
طلب إنه يشوفها، قولت يمكن هو ده اللى هيخليه يفوق و ييطل  
شرب لما يفهم إن الموضوع خلص خلاص و إن هى ولا هامها

و عايشة حياتها عادى يتدى يفوق لنفسه شوية,الناس كلها  
عايشة كده يا ببنى.

- "إنت شايف إن الناس كلها عايشة كده؟ بالطريقة دى؟"

قال جملة تمنى فيما بعد ألا تخرج منه على الأقل ليس بهذا  
الشكل: "الناس الطبيعية على الأقل, و ده اللي إنسى  
ماتعرفيهوش,الناس كلها بتحب و بتكره و بتصاحب و  
تفركش و تانى يوم تصاحب تانى عادى,من الآخر يعنى مش  
كل الناس عايشة مستخية زيك كده خايفة تخش فى أى  
علاقة" .. كانت تنوى بعد أن ضغط كلامه على أعماق  
جروحها أن ترحل وأن تتركه فى وسط غضبه,و لكنها لسبب  
ما لا تعرفه هى,آثرت أن تبقى و أن تدخل معه فى مناقشة  
غاضبة أخرى,هذه المرة شخصية للغاية: "هو أنت ليه كل شوية  
لما نكون بتتكلم فى أى حاجة بتفتح الموضوع ده؟"

فسر باعتذار غاضب: "إننى إالى كل ما بتحسى إن  
هكلمك فى الموضوع ده تقومى بسرعة تتكلمى على أى حاجة  
بتحصل لعمرى أو لكريم أو لأى حد معدى فى الشارع,إنسى  
الى حاطة نفسك فوق كرسى عالى و عمالة تحكمنى على  
الناس كلها و فلان عمل و ليه فلان معملش,و بتحكمنى عليهم  
كأنك لو مكافهم مكتيش غلطى و لا غلطة,و إننى أصلا  
معندكيش نص الشجاعة اللى عند فلان ده علشان يروح يكلم

فلانة، و تشوفى واحدة طوّلت شوية فى الرعل على حد  
سأها، تقومى تقوللى إيه ده لأ مينفعش كده و المفروض و مش  
المفروض.

إننى مش من حقتك تتكلمى عنها كده هى على الأقل لما  
لقيت علاقة حسنت إن هى كويسة دخلت فيها و هى عارفها  
كويس إنها لو فشلت هتنجرح جامد بس دخلت، عارفة ليه لإن  
هو ده الطبيعى، الطبيعى إنك متحكيمش على حاجة إنها فشلت  
قبل ماتجربها و تفشل فعلاً" ..

نزلت دموعها عرت بالمهانة إلى أقصى الحدود: "أنا حكيثلك  
عن إللى حاصللى و إنت عارف كويس إنى مش حمل فشلت  
تاني، سكنت لفترة و استسلمت تماماً لدموع عينيها قبل أن  
تنطق بصوت متحشرج بالبكاء الكلمة اللى تلخص كل  
مشكلتها: "أنا خايفة" .. قال و هو يحيطها و يحتويها  
بذراعه "خايفة طب هاتفضللى خايفة لحد إمتى ؟ لحد ما إيه  
إللى يحصل، أعملك إيه علشان أثبتلك إنى مستعد أعمل أى  
حاجة علشان أبقي معاكي؟" أعمل علشانك أى حاجة علشان  
توافقى.

\*\*\*\*

– ما حكاة كريم شمس

عن يوم شيكسبير كافيه-

كنا جالسين أنا و عمرو و حسام و لينا و هنا، و المفروض  
أن "رامى" و "يمى" كانا معنا منذ فترة قصيرة و لكنى التفتت فى  
إحدى اللحظات حولى فلم أجد أيا منهما "واقفين بره يا  
كريم"، أبلغتنى لينا مشكورة، و كنت من وقت لآخر أقطع  
مناقشتى الجانبية مع هنى لكى أتابع إلى أى مدى وصلت  
تصرفات عمرو سلامة و ما هو الوقت المناسب للانسحاب قبل  
أن تقوم مشاجرة، و اقتررب نادل (جرسون) الكافيه و سأل  
عمرو: "هتاخذ إيه حضرتك؟"

ترنح عمرو برأسه بيلاهة و سأل بلسان أثقله  
السُكر: "قصداك إيه يعنى؟ آه هاها، معلش، طب عندك إيه إنت  
طيب؟"

قاطعته و أنا أشير إلى الجرسون بأن يأتيه بقهوة سادة، كان  
هذا هو المشروب الوحيد الذى يحتاجه عمرو الآن ، ثم عدت  
بكامل إنتباهى إلى هنا لأستكمل تلك المناقشة الموجلة بقصد ،  
سألتها : مالك بقى فى إيه؟

أجابتنى بإها "كويسة عادى" منذ أن جلسنا و هى تتجاهلنى  
تماما تقاطعنى فى أى موضوع أتكلم فيه، و إن استمعت إليّ فأها



دائماً ترد بأقصر إجابة ممكنة، وأفضل إجابة مؤدبة لا تشجعني على الاستمرار في الكلام أصررت أن بها خطباً ما، فردت و هي تتلاعب بخصلات شعرها: "عادي يعني، مخنوقة شوية نازلة بالعافية أصلاً علشان خاطر لينا و حسام علشان مايزعلوش"

- "ميهمكيش أنا من الآخر يعني ولا إيه؟ مش مهم أنا بقى، و لا أنا أزعل و أتفلق بس لينا و بحنى هما المهمين عند سيادتك" و لكى ألزم الصراحة معكم، أنا لا أتذكر اللهجة التى أستخدمتها عندما انطلقت من فمى تلك العبارة إن كانت مرحلة أم عصبية أو فى مكان ما بين الاثنين، طريقة ساخرة تهكمية أستخدمها عندما أغضب، لا أتذكر كيف خرجت الجملة و لكننى أتذكر كيف كان شعورى من الداخل، غاضب معترضاً على سلوكها معى. ردت هى بأسلوب مستفز: "متنرفيزش عليا كده بس مش قصدى يعني بس" ..

قاطعتها دون ترتيب مسبق: "متقوليليش متنرفيزش، إنت كل مانزل تنرفيزينى وتقوللى الجملة دى، ماننى أصلك برضه بتعمللى حاجات غريبة أوى أنا مباقتش فاهمك بصراحة، مرة قدام رامى و عمرو تقوللى إن إحنا صحاب بس"

قاطعتها: "طب ما إحنا صحاب"

- "لا إللى هم فهموه إن أنا وإننى صحاب زى ما كده أنا و رامى صحاب كده"

قالت ضاحكة : "لأ إنت و رامى أنتيم مش صحاب"  
يا لها من شيطانة تمشى على أرجل متحركة فى زى امرأة, إنها  
بلا شك تستمتع بتعذيبى و حيرتى و تتلذذ بتقطيع قلبى إربا.

وضحت موقفى بعصبية منخفضة الصوت:

- "TTTTTTTTه, قوليلى, دانتي فايقة بقى و باردة شكلك, مش  
كنتى عاملة فيها مخنوقة من شوية, ولا إنتى قررتى إنك هتعيشى  
عليا كده كده إنهارده, و أنا أصلا مش ناقص, أنا مشوفتش  
واحده مش عارفة هى عايزة إيه زيك كده, مرة أجرى وراكى  
بالأسابيع متفكريش حتى تردى على التليفون و تقوليلى عادى  
و مرة تقفشى لأنى أتزاوت فى موضوع مهم و معرفتش  
أكلمك يومين ورا بعض ولا حاجة"

- "خلاص خلاص مش لازم تطلع فيا أوى كده"

- "متقوليش خلاص علشان كل مرة هو ده إللى  
بيحصل, بس لو حصل ده تانى .."

كنت فى قمة عصبيتى و كانت هى فى قمة هدوئها  
الاستفزازى عندما قاطعنا ذلك الصوت المرتفع, صوت عمرو  
سلامة: "ما بلاش تتعصب على نفسك أوى كده علشان تعرفوا  
تجيوه عيال".

لم يحتج الأمر أن أكون عبقرياً لأفهم ما حدث, أو لأستنتج  
ما تطورت إلى الأمور, من الواضح أن القهوة التى شربها عمرو

لم تفد وعيه في أى شىء، من الواضح أن هناك شيئاً قاله أو فعله حسام بقصد أو بلا قصد لم يرق لعمره.. فقرر الوقوف وإلقاء تلك الجملة الأخيرة متجاهلاً تماماً الأحداث التي سوف تترتب على ذلك، مررت بعيني على "لينا" كانت جالسة في مكانها، فقط جالسة، دون أى تعبير على وجهها، دون أى رد فعل واضح، استدرت برأسي بعدها بلحظة إلى "حسام" فوجدته هو الآخر واقف ولكنه ينظر إلي أنا، ويقول بغضب وهو يلوح بيد ويشكل الأخرى على شكل قبضة: "متسكتوا صاحبكو ده، شكله سكران ولا إيه، مش عايز أمد إيدي عليه".

قمت بالطبع بما سيفعله أى صديق وفي لصديقه السكير في موقف كهذا، قمت بالاقتراب من عمرو حاولت أن أشده بهدوء من يده قائلاً بصوت هادئ حكيم: "عمرو تعالى عايزك في حوار كده".. لكنه أطاح بيدي في الهواء دون أن يلتفت، دون أن تغادر عيناه وجه "حسام": "ماتستنى يا كريم لما نشوف شاب الشباب الشاب الفرور إللى جاي يعيش علينا ده" .. و لم أوشك أن أفعل أو حتى أفكر أن أفعل أى شىء حتى ضرب "حسام" بقبضته وجه "عمرو"، وقع "عمرو" من قوة الضربة على الأرض، ولكنهم استسلم فلن يكون عمرو الذى أعرفه، قبل أن يستمتع "حسام" بانتصاره السريع، كان "عمرو" وهو مازال على الأرض قد ضرب "حسام" في رجله، ليقع الأخير بجانبه، فقام عمرو و كاد أن ينقض على حسام إلا أن

العاملين بالمكان كانوا قد تدخلوا لإنقاذ الموقف و ما تبقى من  
أكواب غير مكسورة.

\*\*\*

ثم تكرم أخيراً "رامى" بالعودة من الخارج هو و معه "يمنى"، لم  
يأخذ الكثير من الوقت حتى فهم ما حدث، منظر عمرو  
وحسام الملقين على الأرض كان كفيلاً بشرح كل شئ  
حدث و تم توقعه مسبقاً، بدأ يساعد كريم فى احتواء الموقف.

تطوع "رامى" لإبعاد "عمرو سلامة" عن مكان المعركة، ذهب  
معه إلى الحمام لكي يغسل "عمرو سلامة" وجهه ليتخلص من  
خدش أو اثنين على وجه ذلك الأخير، و فى هذه الأثناء وقف  
كريم و رامى يهدآن من روع "حسام" فى محاولة واقعية لتقليل  
الغضب الذى يعتريه "إيه يا عم إللى حصل؟" سألتها رامى بلطف  
و هو يمد يده بسيجارة، فرد عليه حسام (بعد أن شكره) بعكس  
ذلك: "يا عم صاحبك قال أصله كلام ميتقلش"، و كريم  
لأسباب محددة صرف إنتباه عما يقوله "حسام" و انخفض صوت  
حديث ذلك الأخير فى أذنه، تركه يتكلم مع "رامى" و انصرف  
هو عنهما، و اقترب من لينا و "هنى" و "يمنى"، اللاتي ابتعدن عن  
الجميع و كوّن شبه دائرة، دخل هو فى وسطها دون أن يلحظه  
أحد، كان عندما يحدث أى شئ مريب يترك تعليق ما بعد  
المبارة و يذهب لسمع ما تقوله الفتيات المتورطات فى  
الموضوع، فغالباً ما كان يجد هناك جميع الإجابات، و كان قد

حافظ على المسافة الوسطية ما بين وضوح السماع و الاختفاء  
عن الأبصار، فلم تسمح له تلك المسافة إلا بسماع  
الآتى، كانت "لينا" غاضبة للغاية و هى تنهر "هنى": "هو إنتى يعنى  
كان لازم تقوللى لكريم إن إحنا نزلنا؟ أنا الحق عليا أساسا إن  
أنا سبت أميرة و أحمد و علشان أنزل معاكى إنسى، تروحسى  
إنتى مبوظة اليوم؟" قالتها لينا ثم ذهبت للتكلم مع حسام، و حتى  
هى عندما تركت المجموعة لم تلاحظ وجود "كريم شمس" فى  
الخلف .. يستمع إلى بقية الحوار، و ككل الحقائق الإيجابية التى لا  
تقال فى حق أصحابها إلا بعد غيابهم قالت "يمنى": "ما هى  
بصراحة معاه حق مكانش لازم تكلميهما و إنسى عارفة إن  
عمرو سلامة هيجي معاهم"

و لاحظت "هنى" كريم و لاحظ هو ذلك، فكان الوقت  
المناسب للتدخل "هى مين دى إल्ली عندها حق؟"

غمغمت "هنى" بارتباك و هى تعدل من وضع خصلات  
شعرها التى لا تحتاج إلى أى تعديل: لا ده حد كده.

- "حد كده هه؟ ما بلاش تحوير بقى، يعنى معايا أنا  
و بتخلقى مشاكل من الهوا، طب الناس ذنبها إيه فى إنك  
بتستمعى بكده، يعنى إنتى مكتيش عارفة إن عمرو جاي معانا  
بروح أ.."

و كعادة كريم عندما يفقد أعصابه، يبدأ الجملة بمنتهى الهدوء  
ثم يعلو صوته تدريجيا، فقطع كلامه بنفسه عندما انجرف منه

المعنى الأصلي ومستوى صوته دون تخطيط، وقبل أن يتدخل  
أى شخص ليقول أى شىء، رن موبايل، موبايل "هنى" .. "أبوة يا  
مامى، خلاص خلاص ماشى أنا جاية أوكيه، كريم هيوصلنى"

نعم كانت والدته "هنى" تدرى بأمر كريم، وبطبيعة علاقته  
بابتها و بمعظم التفاصيل الأخرى المهم منها و غير مهم، بل  
وتجمعها (أقصد أم هنا) بكريم صداقة وطيدة، و فريسة من  
نوعها للغاية ما بين امرأة تعدت العقد الرابع من عمرها و بين  
شاب لم يصل حتى إلى السنة الرابعة له فى الكلية، و عندما سمع  
كريم تلك الجملة الأخيرة أدار ظهره، و غمغم فى قرف: "يوه  
دى حتدبسنى بقى".

سمعتة يحنى و هو يقولها فعلقت: "فيها إيه يعنى ما إنتا بتوصلها  
كل مرة".

- "المرة دى غير كل مرة و انا نفسى مش قادر اتكلم  
معها زيادة النهاردة" قالها و لم يدر أحد أنه قالها ناسيا وجود  
هنا و سماعها لما يقوله أم أنه قد استهدف ذلك و تناسى تلك  
الحقيقة بقصد مدروس، ليوصل إلى "هنى" غرضا محددًا فى نفس  
يعقوب، استكمل كلامه هذه المرة فى اتجاه آخر و لكن بنفس  
القرف: "خلاص خلاص مش فارقة، رامى هات مفتاح عربيتك  
معلش"

\*\*\*

في نبذة بسيطة عن أسباب الخلاف القلم ما بين "عائلة الكفراوى"، ما حدث بالضبط هو ما يحدث في كل الزيجات التي لا يتوافق فيه الطرفان من الناحية المادية، عندما تزوج الشاب رافت الكفراوى من والدته شريف لينجبا (شريف وصبحى و محمود أخيهما الثالث) لم يكن قد فكر في الأمر مليا، ولم يحسب في ذهنه الأبعاد الاجتماعية التي سوف تترتب على ذلك الارتباط، وما بين الخمر الذي أدمنه والعنف الزائد الاستبدادى معها كان الطلاق مسألة وقت، ذلك الطلاق الذي أثر على حياتهم النفسية والاجتماعية فيما بعد، وكان في ذلك الوقت شريف أصغرهم، وأعمقهم تأثرا بالعاطفة، فكبر وأصبح أكثرهم كرها لعائلة "الكفراوى"، ولكن كل ذلك شارف الآن على الانتهاء، لقد استغل تواجد الموقت في الإسكندرية أفضل استغلال، في يومه الأول قام بالزيارة المنتظرة مع أخيه صبحى للعائلة، وقال و ما قاله بمنتهى الذكاء مع اختيار الوقت المناسب وضع العائلة بأكملها في مأزق مقصود، وباقية له خطوة واحدة فقط أخيرة لتمهد لانتقامه، وها هو يقوم بها الآن، إقناع أخيهما الثالث الأكبر محمود، ومحمود يعيش في بيت والدته القلم في محطة الرمل، يبلغ الآن من العمر الثالثة والخمسين، ولكن شكله يوحي بأنه أكبر من ذلك، ربما ليس شكله بالتحديد ربما السبب هو ببطء حركته وعقله الرصين، شعره الأشيب المصاحب

بطريقة كلامه البطيئة غير المملة و التي تعطيه فرصة للتأكد من صحة حديثه قبل نطقه، و هو أرمل، زوجته ماتت منذ زمن طويل، لم يتزوج بعدها قط في حياته، هو يعرف الله جيداً، صلواته الخمس في المسجد، و قبل أن يزوره إخوانه في تلك الليلة لم يكن بيته مهياً لاستقبال أى زائر آدمى غيره، و هذا ما لاحظته شريف من الوهلة الأولى عندما دخل إلى المكان، ليس هناك حجرة في البيت خالية من الكراكيب تسمح لثلاثتهم بالجلوس فيها بشكل مُحترم، فجلس شريف و محمود في الشرفة، و حاول صبحى متطوعاً أن يحضر ثلاث أكواب من الشاي و لكنه وجد نفسه يعترض في سخط في وسط المطبخ: "إيه يا محمود مال المطبخ عندك عندك كده مظروط إيه الريحة دى؟" .. رد محمود ببرود و هو يلوح بسيجارته مبتسماً: آه مانا يقاللى يومين مرميتش الزبالة.

- "طب لما تحب تاكل طيب بتقف في المطبخ ده إزاي؟"  
"مابقفش فيه خالص، في مطعم هنا في آخر الشارع بطلب إल्ली أنا عايزه بالتليفون بيجيللى في أقل من خمس دقائق، بيععمل جمبرى نُحفة"

لم يرد "صبحى" بل عاد ساخطاً إلى المطبخ على أمل العثور على مكان برطمان يشبه البُن على أمل أن يقوم بتحضير شىء يشبه القهوة أو الشاي.



"مفكرتش تتحوز يا محمود؟" طرح "شريف" برفق ذلك السؤال على أخيه.

رد شريف مستهزئاً بالتساؤل الذى غاب عن المنطق: "هاهاهاها، ما خلاص بقى كبرنا على الكلام ده، و لا إنت عايزين أعمل زيك؟" كان محمود فى عبارته الأخيرة يشير إلى علاقة شريف بمروة، كان يعلم بسرهما، حتى عندما تبت الخلافات بين الاثنين تتصل مروة بمحمود هاتفياً لكى تصل إلى شريف، يرقى "شريف" بعينه غاضباً فى إشارة صامتة و واضحة بالألا يتفوه بمثل تلك الأمور فى وجود أخيهما الثالث، حتى و إن كان صبحى بعيداً عنهما نسبياً، فاعتذر "محمود" عن ذلك الخطأ الفنى وسط ضحكاته: "معلش هاهاها مختش بالى معلش"

و عندما جاء صبحى و سحب بعض الكراكيب ليصنع منها كرسيًا يجلس عليه فى الشرفة معهم، قاطع ذلك الحديث الهادئ ليدخل فى الموضوع: "هه يا محمود قولت إيه؟"

سأله محمود فى حيرة: "فى إيه؟"

أوضح شريف: فى موضوع القضية. رد محمود غير مهتماً: لا لا أنا مش محتاج الفلوس دى فى حاجة، أنا مش قد شحطة المحاكم فى سنى ده

حاول صبحى و شريف أن يشجعا عبارات مثل "مممكن تعملنا توكيل و كده مش هتتضرر تيجي كثير، هى المرة إللى

هيسألوك فيها بس" و"متسبهومش ياكلوا حق ولادى و ولادك  
علشان إنت مكسل تمشور نفسك شوية"

و لكن رده جاء صارما للغاية و لطيفا فى نفس  
الوقت: "ولادى أنا خلاص اتجوزوا و خلفوا و عايشين أحسن  
عيشة يا شريف, اعذروني يا جماعة أنا بره الموضوع ده"

أصر صبحى : يا محمود فكر شوية, مليون إلا ربع ده  
بالنسبة لهم يبقى إيه ؟ ولا حاجة.

و لكن شريف قاطعه هذه المرة بهدوء: سيبه براحتة يا  
صبحى, ثم سكت شريف برهة من الزمن قبل أن يستكمل  
بمرارة: "أنا لو قعدت حياتى كلها أفكر مش هاعرف إنت  
بتعمل كده ليه, على العموم ده ورثك و إنت حر فيه, و إنت  
أخويا الكبير و ماليش كلام عليك"

لم يرد محمود بل ظل ينفث ببطء دخان غليونيه فى الهواء  
متجاهلا نظرات إخوانه الغاضبين.. هذا كله قبل أن  
يشير "صبحى": يلا بينا يا شريف"

استطرد شريف و هو يتعد متجها بظهره نحو باب الشقة :  
لو غيرت رأيك اتصل بيا على المكتب يا محمود.

أوما محمود برأسه ببطء واثق : مفتكرش إن هاغير رأيي.

\*\*\*\*

بعد أعطى "رامى" مفاتيح سيارته لـ "كريم" ليوصل  
بها "هى" إلى بيتها.

و بعد أن خرج كريم مع هنا من شيكسبير كافيه معلقا و  
هو يشير إلى "عمرو سلامة"، أنا ربيع ساعة و جاي تانى يا رامى  
و يا ريت تفوق الحيوان ده عقبال مرجع" و بعد أن نزلا دخلا  
إلى السيارة، رمت "هى" و هى جالسة بجانبه فى السيارة تلك  
الجملة العتائية: "هاه كمل إنت لسه مخلصنش كلامك"

- كلام ايه ؟؟؟

- إنت قولتلى فى الكافيه لو إल्ली حصل دة حصل تانى و  
بعد كده سكت علشان موضوع عمرو.. كنت عايز تقول إيه؟  
- فكك من الكلام ده دلوقتى أنا مش طايق نفسى.

أصرت هى فى عصبية: "لا ما أنا عايزة أعرف"

رد و قد انتقل فيروس عصبيتها إليه: "إيه هو إننى عايزة  
تتخافنى و خلاص؟"

- مش عايزة أتخاف ولا حاجة بس عايزة أعرف، عايزة  
أفهم إنت بتفكر إزاي.

- مش حعرفك تانى.

- نعم!

أوضح كريم مبتسما : "بقية الجملة: لو اللي حصل ده حصل  
بعد كده مش جعرك تاني"

هدأت و هي تحول نظرها إلى الشباك : "خلاص خلاص  
مش طالباها خناق على آخر الليل"

قال و هو ما زال محتفظا بابتسامته الاستفزازية : "مانا قولت  
كده من الأول, ما ترسيلك على بر!"

\*\*\*\*

## الفصل الخامس

“خللى بالك, ده (نوفو-ريش)”

“Fais attention , C’est un  
NOUVEAU-RICHE”

بما أننا فى عصر السرعة,العصر الذى تغير فيه كل شىء,ظهر نوع جديد من الناس,و زاد على جنس الإنسان فصيلة جديدة هجينة ما بين الفقراء و الأغنياء و الطبقة الوسطى...إنهم الـ"نوفوريش" Nouveau-riche والكلمة فرنسية الأصل تنقسم إلى جزأين "نوفو" أى جديد و "ريش" أى غنى,فالكلمة معناها الأغنياء الجدد .. مخلوق النوفو-ريش هذا غنى و لكنه ليس "ابن ناس"أو ذا أصل أو نسب,تماما مثل تلك الأفلام (أو الروايات و المسرحيات) الساخرة الأجنبية التى تتناول قصة حياة رجل فقير للغاية اكتشف لتوه أن قريبا له لا يعرفه قد مات فأورثه مبلغا كبير من المال,أو أن الأرض التى كان يزرعها أصبحت فجأة تقذف بالبترول,فأصبح ما بين ليلة و ضحاها غنيا أو حتى ملكاً,فتنقلب حياته رأسا على عقب,و تختلف ظروف معيشته اختلاف الـ ١٨٠ درجة,و يحاول طوال الفيلم أن ينسى فقره و تحدث المفارقات الكوميديية عندما يحاول أن يندمج مع أعلى طبقة فى الشعب,هذه بالضبط هى قصة حياة

كل "نوفو ريش"، إلا أن النسخة الواقعية منها ليست كوميديا على الإطلاق بل هي مأساة إنسانية متكاملة الأرجاء، هؤلاء المساكين يعيشون حياة غريبة للغاية، فلقد بدأ الأغنياء في الفترة الأخيرة (لثلاثة أجيال متتالية) بدراسة و معرفة النوفوريش، تميزهم دون خطأ، فإن لهم علامات أكيدة، سلاسل رجالية من الذهب، ملابس نسائية مُبالغ فيها، لهجة إنجليزية تُشبه إعلانات قناة Melody Tunes، رائحة عرق تنم عن كرههم للاستحمام دون داع تماما مثلما يتمتع معظم المكفوفين بحاسة موسيقية عالية، و كما يتمتع ضعاف البنية في كثير من الأحيان بقدرات ذهنية مذهلة، فالنوفو - ريش أيضا في العادة يتمتعون بذكاء اجتماعي قوى للغاية، و كان محمد البارودي واحدا من هؤلاء و تمتع "البارودي" ببراعة في الإيستيميشن، و لم لا؟ فهو أكثر الناس الذين عرفتهم قدرة على اختيار الأوقات المناسبة للهجوم أو الانسحاب أو الظهور أو الاختفاء، في أكثر الأوقات التي لا تتوقع فيها ذلك منه، فهو خبيث دون أن يظهر عليه ذلك، كاذب يعرف كيف لا يفرق في نفاقه فهو يدري جيدا كيفية السباحة فيه، ماكر ليس قصير القامة بالضرورة، بل كان عريضا للغاية، و جسده ضخيم لا تستطيع أن تحدد إن كانت تلك الضخامة ناتجة عن العضلات أم عن الدهون متراكمة، و الذي لا يعرفه الكثيرون أنه كان قد قدم طلبا منذ

سنتين للالتحاق بكلية الشرطة, و تم رفضه, بنجح في كل  
الاختبارات المطلوبة إلا واحدا, إختبار الكشف عن نسبة  
المخدرات في الجسم بالطبع , و لكن لماذا؟, لماذا أراد أن يلتحق  
بكلية الشرطة من الأساس؟ فإن كان يريد وجاهة اجتماعية, أفلم  
يكن من الأجدر و الأنسب له أن يدرس الاقتصاد و العلوم  
السياسية في الجامعة الأمريكية مثلا, و إن كان يحتاج إلى صفة  
قانونية تخرجه من المشاكل, فثروة أبيه المجهولة المصدر قادرة أن  
تفعل له كل ذلك, إذن فما السبب؟ السبب ببساطة هو حبه  
للتحكم في الناس, عشقه في تحريكهم يمينا و يسارا و شمالا و  
جنوبا حسب مزاجه الشخصي, و البارودي مشابه للكثير من  
المسؤولين الكبار الذين نعرفهم في بلادنا, إلا أنه أكثر ذكاء و  
دهاء, لديه جهاز المخابرات الخاص به داخل عقله, يحلل و  
يترجم فيه كل شيء بلا استثناء, متربص في حالة السلام, منتبه  
حتى و هو مسطول ..

\*\*\*

انتهت ليلة البارحة على ما يرام, رامي استطاع (مستغلا  
مشكلة عمرو) أن يخفي محتوى حديثه المؤلم مع "يمنى" عن  
كريم, حتى "عمرو" سكير الأمس الذي كادت تصرفاته أن تلحق  
لتوقعه في المشاكل, عاد بيته سالما, الوحيد الذي أصابه الأرق  
هو "كريم شمس", بات مستيقظا و قد استهلك من السجائر

كمية أكثر من التي قد إستهلكها في الثلاثة أيام السابقة  
بجتماعين, كان يفكر في أمر "هني" بالطبع, إذا رفضته بأدب كما  
رفضت "بمئي" رامى أو حتى كما رفضت "لينا" عمرو بمنتهى  
الوقاحة, فإنه حينها سيعرف ما هو فاعله, سينسأها كما  
نسيتها, أو إذا تقبلته فسيرتاح باله و يسكن و يستقر  
أمره, سيحبها كما أحبته, و لكن المشكلة أنها لم و لن تحدد  
موقفها, هى شخصية متناقضة للغاية, فتاة لا تعرف ما تريد  
بالمعنى الحرفى للكلمة, دائما مترددة, فى كل شىء بدايةً من  
استفراقها لوقت زائد عن الطبيعى عندما تجلس فى أى كافيه  
لتقرر ماهية المشروب الذى سوف تشربه, حتى موقفها غير  
الواضح معه, مروراً بترددتها فى اختيارها للكلية التى سوف  
ترتاها و نوعية الناس التى تخرج معهم, و فى وسط سهره وجد  
الملل و الضجر, جاء على باله أن يتصل بعمرو و لكنه تذكر أن  
عمرو فى هذه الساعة من الليل إما نائم أو سكير أو يعانى من  
صداع شديد أثر الخمر, فقرر كريم أن يتصل بـ "رامى", و تكلم  
الصديقان لساعات طويلة, تكلم كل منهما عن مشكلته, و قارنا  
مشكلتهما ببعض, ثم بمشكلة عمرو ثم بمشاكل أناس  
آخرين, ظل "كريم" طوال المكالمة كعادته عندما يغضب يعلو  
صوته بشكل مفرع بدون سبب محدد ثم ينخفض مرة أخرى  
(أيضا بدون سبب محدد)

\*\*\*



إنه اليوم الذى ينتظره "أحمد شمس" بفارغ الصبر و بملىء  
الغضب على حد سواء، إنه اليوم الذى سوف يعرج على مدينة  
القاهرة ليأخذ ابنه من زوجته الخائنة على حسب الميعاد المتفق  
الذى حدده مع مروة، صعد سلاّم العمارة، رن جرس الباب  
بدلاً من أن يفتحه بالمفتاح الذى فى حوزته. بمنتهى البساطة، لم  
يكن ذلك نتيجة لقلّة تركيزه، بل على النقيض إنما هى إشارة  
واضحة مقصودة منه إليها، أنه لا يريد أن يبدأ بالمشاكل، وأنه  
ينوى أن يبادر "بالذوق" وليس بالقوة و "العافية" رغم أنه يستطيع  
ذلك، فتحت الباب جلسا فى الصالون، حتى الآن كل شىء على  
ما يرام، تم التعامل فيما بينهما فى حيادية تكاد تصل إلى الوقاحة  
و فى دبلوماسية لا بد منها، ظلاً على هذا الحال حتى جاءت  
اللحظة الحاسمة، اللحظة التى يطلب منها فيها أن تسلمه أبنه و  
لكن ردها المتردد جاء مُخذلاً للغاية:

"لأ طبعاً الموضوع ده مش بسيط زى ما أنت متخيل، أنا  
أمه، مهما كنت أنا غلطانة فى حقك مش هاسيك تحده معنى  
بسهولة كده"

- "يعنى إيه؟"

قالها بغضب شديد هذه المرة، فلم يغير ذلك من موقفها شيئاً  
سوى نبرة تردد و خوف قد زادت على عباراتها التى تعبر عن

نفس المعنى التى كانت تقوله منذ لحظات بمتهى القوة و كأنه  
أمر: "أنا هارفع قضية يا أحمد أنا آسفة"

فكر أحمد جدبا أن يتركها تكلم نفسها و يفتش فى الشقة  
يمينا و شمالا، بحثا عن ابنه، و لكن هذا سوف يكون الغباء بعينه  
فهو بالتأكيد ليس هنا، فقرر هو أن يفاجئها هذه المرة عندما قال  
ضاحكاً و هو يضع ساق فوق الأخرى: "عمايزة ترفعى  
قضية؟ براحتك، بس شوقى أنا بقى هاقول إيه فى المحكمة لما  
أتسأل عن سبب الطلاق!!"

قالها و لم ينتظر ردا بل قام و خرج من البيت

تركها وراءه حائرة فى أمرها لا تدري ما سوف تفعله،  
ولسبب غير مفهوم قفزت فى ذهنها صورة "شريف  
الكفراى"، عشيقها، بالتأكيد، حل هذه المشكلة لديه كما كانت  
لديه فى المرة السابقة، توجهت إلى المرأة و قضت أمامها وقتا  
طويلا مُبالغا فيه، فسوف تقابل "شريف" الذى عاد من  
الإسكندرية اليوم و تحتاج عند اللقاء أن تصل بعينه إلى أعماق  
قاع فى بحر أنوثتها و جمالها الصناعى و أن تظهر أمامه أقرب ما  
يمكن إلى الكمال المستحيل، فـ "مرورة" اليوم شأنها أى دولة  
مات حاكمها القلم (أحمد) و احتلتها دولة أجنبية جديدة  
(شريف).. فأصبح لابد من أجل مصلحة شعبها (ابنها: على)

أن تتملق المحتل الجديد إلى أقصى الحدود، أن تبتعد عن غضبه  
و أن تسكن رضاه، فلقد أصبحت كل الموارد في يده هو  
وحده، ففي بعض الأحيان لا يكون الصواب و الكرامة شيئاً  
واحداً.

\*\*\*

ليلة البارحة عندما أبلغ "كريم" "رامى" بأن صباح اليوم  
التالى سيكون مخصصاً للذهاب إلى محمد البارودى ، لم  
يستطع "رامى" أن يمنع نفسه من التساؤل عن طبيعة  
هذا "المشوار"، أجابه "كريم" بأنه لا يدري بالضبط و لكن  
الموضوع له علاقة واضحة بأحداث وقعت بعد مغادرتهم  
لإستيميشن، وبثلاثة أصدقاء من مدرسة سان مارك "مارك  
ونادر و خالد" نطق كريم الأسماء بتردد، فلم يكن متأكداً من  
صحتها بعد، على الأقل حتى الآن، و لكن الواضح أن البارودى  
قد حن إلى هوايته الأصلية فى اللعب بالبشر و تحريكهم كقطع  
الشطرنج، و التحكم بأعضائهم و مشاعرهم بدم بارد لمجرد  
التسلية.

و كما ذكرت لكم مرارا و تكرارا و بطرق مباشرة  
وملتوية، أن ما حكيت و سوف أستكملة مما وقع ما  
بين "البارودى" و شلة "مارك" أو غيرها من أحداث هو حقيقة

وواقع جرت أحداثه بالفعل لأناس قريين منى (ككاتب)،  
و كأي مشاجرة صبيانية قد استهلكت أكثر مما يجب من  
الوقت، عندما تنتهى ينسى كل طرف من هو المخطئ  
الحقيقى، أو حتى السبب الحقيقى لكل الخسائر، و بناء على ذلك  
عندما تحاول أن تسجل الضحكات و الدموع المحيطة بحدث  
كهذا تواجه مشكلة فى توثيق ما وقع بدقة، فلا يبقى أمامك إلا  
أن تمشى وراء المتفق عليه من أحداث، و أكثر الكلام إقناعاً،  
وتحاول أن تكون حيادياً (على قدر ما تستطيع)، و أن تستخدم  
ما تعرفه عن شخصية كل فرد من المتورطين فيما حدث، و لكن  
فى النهاية يبقى لكل منهما روايته المختلفة عن الأسباب  
والأحداث والمعادلة الاجتماعية التى كونت كل موقف،  
وآخر ما رويته لكم كان تحطيم سيارة نادر،  
واتفاق "البارودى" مع "رامى" و "عمرو" و "كریم" على أن يقابلوه  
فى اليوم التالى لسبب ما، بناء على طلب شخصى من البارودى  
كانت المجموعة (أقصد هانى و كريم و رامى و عمرو) كلها  
هناك فى ظهيرة اليوم التالى، ينتظرون ظهور أى فرد من  
شلة "سان-مارك" ليجمعوا عليه، ليضربوه ضرباً مبرحاً، ليستعلم  
درساً لن ينساه و بالفعل جاء أحدهم، منفرداً وحيداً كما تمنوا  
تماماً، دون أن يلحظ و جودهم دخل "خالد" إلى المكان، جلس فى  
مكانه المفضل و الذى توقع البارودى أنه سوف يجلس فيه،

و عندما دخل إلى المكان لم يحتج أى عاقل منهما أن يسأل  
البارودى إن كان هذا الزائر هو الشخص المقصود الانتقام منه  
أم لا، كان اعتدال البارودى فى جلسته و تغير ملامحه و سكوته  
المُفاجيء وضحكته المريضة أفضل مؤشر لكل ذلك و كآى  
دور مُحنك فى الإستيميشن يكون فيه الصبر هو اللاعب  
الخامس، و كآى لاعبين مُحترفين فى اللعبة انتظروا الوقت  
المُناسب للم الأوراق.

\*\*\*\*

## - ما حكاة خالد -

عندما دخلت إلى إيسيتيميشن كافيته لم يكن هدفي هذه المرة هو التسكع أو التسلية، بل أردت مكانا مألوفاً أجلس فيه لأفكر، لا تمنعني ضوضاء مرتاديه عن التركيز و لا يخنقني هدوئه المبالغ فيه على الشرود، فكان إيسيتيميشن هو الوطن المناسب الوحيد الذي قررت أن أهاجر إليه في لحظة كهذه، وضعت موبائلي و محفظتي على المنضدة، أرخيت ظهري المنهك، وبدأت التفكير ، حتى الآن بدأت أحداث حياتي التافهة في المسير في الطريق الذي رسمته هنا، أبي قد تذكرونا أنا و أمي أخيراً، حتى "ريم" التي لا أعرفها جيداً تأكد لي الآن أن الأعجاب ما بيني و بينها مُتبادل، إذن فكل شيء على ما يرام، و لكن كيف أحافظ على كل ذلك؟؟ أحان الوقت لترك المخدرات؟

قطع جبل أفكاري دون قصد "سيد" الجرسون، و "سيد" ليس مجرد نادل في مقهىانا المفضل بل هو صديق من قاع مصر، يعرفنا ونعرفه، و نفهمه و يفهمنا بسهولة، و لنا معه نشاطات جانبية وسرية غير مشروعة، هو الذي يأتي إلينا بالمخدرات التي نحتاجها من وقت للآخر، فكلامه موثوق به حتى إن ظل (ظاهرياً) مُجرد خادِم، و المثير للدهشة أنه هذه المرة عندما إقترب مني، لم يكن مُبتسماً (على عكس عادته)، بل جاء مهرولاً قلقاً، و هذه في حد ذاتها حالة مُريبة لم أعتد أن أراه عليها قط، و بدلاً من أن يحيني بعبارة "خالد باشا" التي كان قد عودني

عليها، وقف أمامي و مال على و كأنه سوف يقول سرا  
خطيرا، سألني في سخط هامس و ارتباك واضح: "إنت إيه إالى  
جابتك دلوقتى؟!"

سألته و قد أضحكنى قلقه في البداية: "إيه يا سيد بلاش آجى  
يعنى؟"

- مش قصدى بس

- إيه مالك مقلقتى كده ليه ؟ ما تنطق، فى إيه؟ أنا مش  
ناقص مزاوله.

نظر حوله كأنه يتأكد أنه غير مُراقب قبل أن يطلب في  
تحذير: "بص وراك كده"

و تنفيذا كلامه ليس أكثر بدأت أستدير بظهري تمهيدا لأن  
أنظر لما ورائي لأرى الخطر الذى يقصده و أكتشف الشبح  
الذى أُرعبه و أنا أقول محتفظا بضحكتي: "إيه مُزة و لا إيه؟"، إلا  
أننى فوجئت به ينهائى عن تنفيذ الأمر الذى صدر منه شخصيا  
منذ ثوان قليلة "لأ ماتبصش، إوعى تبص" قالها بسخط فاق  
سخطه السابق، بدأ ذلك الأهطل يعاملنى و كأننى أنا المجنون  
الغبي، فما وجدت منى إلا أن أسأله بضجر إن كان سكرانا،  
ولكنه تجاهل سؤالى تماما و سألنى، هذه المرة جملة كاملة واضحة  
المعالم نسبيا عندما تقرأها بباقي حديثه المتناقض: "هو الواد إالى

إنتو أثنانقت معاه إنت و مارك و نادر من كام يوم بره الكافيه  
شكله عامل إزاي؟"

- إشمعنى يعنى؟

- قوللى بس.

- أبيضانى كده و طخين سنة، ليه إشمعنى يعنى؟

و استكمل و هو مازال ينظر ورائى : "و لابس نضارة  
وشعره إسود خفيف"

سألته و قد نجح أن يشد إنتباهى : "هو قاعد ورايا ولا إيه؟"

أجاب برأسه موافقا و هو يُفسر: "من تانى يوم الخناقة و هو  
أو حد من صحابه و هما دائما قاعدين، اظاهر حد منهم سمع إن  
إنتو بتيجوا هنا كتير، و الواد أبو نضارة ده بالذات سأل عليكو  
كده مرة"

سألته و قد أصبح خوفى واضحا : "و شكله ناوى على  
مشاكل؟"

\*\*\*



## الفصل السادس

زيج زاج، بوب مارلى، عمرو دياب، و عمرو خالد ؟!

"لا طبعاً ده بيهوش بس، و لا يقدر يعمل أى حاجة من  
إلى بيقول عليها دى خالص!"

قالها شريف الكفراوى محاولاً أن يهدئ من  
روح "مروة"، كانا فى مخبأهما فى المهندسين، روت له بالطبع عما  
قاله "أحمد شمس" و كانت تلك العبارة السابقة هى رده القانونى  
المؤكد، سألته مرة أخرى فى محاولة أن تصرف عن نفسها  
عفريت القلق "يعنى هو مقدرش يقول حاجة زى دى فى  
المحكمة؟" أوضح شريف شبه مستسلماً: "من ناحية يقدر فهو  
يقدر و كل حاجة" و كادت أن تبكى لولا أن استكمل: "بس  
لو فكرت فى فيها، إيه إالى يخليه يعمل حاجة زى كده؟ أولاً مفيش  
حد بيحب إنه يظهر مغفل قدام الناس، و إنتى ولا فارقة معاه فى  
أى حاجة على فكرة، و ثانياً و ده الأهم: حاجة زى دى لو  
اتقالت هاتسوء سمعة ابنه لحد ما يكبر، ابنه إالى هو من الأول  
عامل كل ده علشان، هو بس بيقول كده علشان  
يخوفك، علشان يلهبطك و يآثر على تفكيرك" كان كلامه على  
قدر ما هو صريح على قدر ما هو مُقنع للغاية، وقد لاحظ هو  
أنه يحسن النقاط لصالحه فاستكمل: "دى قضية هابلة أى محامى  
صغير فى مكتبى ممكن يكسيها لك على فكرة بس أنا إالى  
هتابعها بنفسى" و عندما قالها أدركت هى أنه قد مل من الكلام

في هذا الموضوع، وبحكم العادة، تلك الأمور التي نعيدها مسرارا وتكرارا دون أن نفهمها أو نتوقف عندها لنفكر فيها مليا، كانت هي قد عودته أن يتوقع بعد أى خدمة يؤديها لها مقابل جنسى، إنها النسخة الأنثوية من تطبيق نظرية الثواب والعقاب، فلا متعة لشيء قد تم توقعه مسبقا، يصبح كالأكل دون جوع، و كان هذا هو الحال بينهما، اقترب منها ليأخذ مكافأته، لا يعلمان لماذا ظلا يفعلا ذلك بعد أن خلا الأمر من المتعة، وأصبح العشق بينهما طريقة لقفل الحسابات و تبادل الخدمات المعلوماتية، وتجرد الجنس من سخونته ليصبح احتكاكا جسديا حارا سرهقا يحبس الأنفاس ولا ينتج عنه رضا أو ذرية، أصبح روتينا عاريا لا تتخلله أية فائدة و لا ينتج عن غيابه أى ضرر، ولكنه، اعتاد، و هي اعتادت، جنسهما يشبه السجائر، يواظبان عليها و يلعنهما سرا و علنا بمجرد انتهائهما، ثم يمسكان القداحة ليبدؤا في جديدة

\*\*\*

حالة فريدة من نوعها للغاية في الإنسان، المثال الذي يحضرنى الآن قد قرأته في أحد كتب أنيس منصور عن رجل قد "أصيبت ساقاه فتمسك بعكازان، جعله مرضه نصف مُعاق يعاني في كل خطوة من فرط الألم، ثم فجأة وبدون مقدمات ظهر أمامه ثعبان، فرمى العكازين بلا تردد و جرى بسرعة قد لا يصل إليها و هو في أفضل حالاته الصحية، أنا أتكلم عن تلك القدرات التي نكتشفها في أنفسنا لأول مرة عندما نقع في مُشكلة، هذا أقرب

وصف لما حدث في إستميشن كافيه في ظهيرة ذلك اليوم "خالد" قد حوصر تماما من كل جهة، و أصبح من الصعب للغاية أن يخرج سالما من موقف كهذا، و "سيد" خائف أن تحدث مشكلة في مكان عمله فيخسر وظيفته، خاصة أنه من المعروف عند مديري المقهى أن "خالد" و "مارك" و "نادر" هم في الأصل معرفته، و أن أى مشكلة ستصدر بسببهما هو مسؤول عنها بشكل ما، توصل الاثنان في سرعة لخطة محكمة قادرة رغم بساطتها أن تنهى الموقف بأقل خسائر ممكنة، هناك باب داخل حمام المقهى يودى إلى الشارع مباشرة، و لكنهما وجدا أن "خالد" بدأ يعيد إلى جيبه أغراضه التي قد وضعها أمامه فسيدرك من يراقبونه إنه ينوى الرحيل، اتفق "سيد" مع هذا الأخير أن يترك هاتفه الجوال و محفظته و أن يتظاهر بأنه ذاهب إلى الحمام. لم يكن هناك وقت أمام خالد ليحكم إن كان "سيد" يمتلك الأمانة التي تجعله موهلا للاحتفاظ بأغراض ثمينة الثمن كتلك أم لا، فكل ثانية تمر هي اقتراب من مصير ثقيل الظل غير مرغوب فيه، و بالفعل قام خالد إلى الحمام، و بمجرد أن اختفى عن أنظارهم تحولت مشيته الهادئة إلى جرية سريعة للغاية، اصطدم خلالها بالكثير من الجدران و الأشياء، و أخيرا إستطدم بشخص في سته، كان هذا الشخص هو "كرم شمس"، فرسما لم يكن الاثنان قد تقابلا من قبل، ليس ذلك التعارف الذى يؤكد إليهما حيوية الآخر، اعتذر إليه "خالد" شارد الذهن ثم انطلق مرة أخرى في طريق هربه،

"كريم" قد عرفه ولكن ذلك السريع الأخير لم يتذكر كريم،  
عندما عاد كريم إليهما سألهما في إعجاب عما سبب في إفساء  
الأمر بهذه السرعة، فاجأوه إنهم ما زالا في إنتظار تلك اللحظة  
المناسبة حتى الآن، أكد لهما أنه قد رحل بالفعل، سيوه و أتموه  
بالغباء و أشار "البارودى" بيده إلى المكان الذى يجلس فيه و هو  
يؤكد "إنت أهيل يا بنى ؟ يمشى إزاي إذا كانت حاجته لسه" ثم  
قطع البارودى جملته بنفسه عندما وجد "سيد" يأخذ الأغراض  
ليجلس أناس آخرين في نفس المكان، تركوا بدورهم كل  
شئ، خرجوا هم أيضا من نفس الباب، لينتهى بهم الأمر في  
زقاق فقير ضيق، لمحوا في آخر ذلك المر ظله و هو يجرى.  
وبدأت المطاردة ما بينه و ما بين الخمسة  
(هاني، محمد، كريم، رامي، عمرو)، وكاد المنظر أن يقترب من  
الطرافة، و لم لا ؟ كلهم مدمنو حشيش و سحائر، عما فيهم  
خالد "خالد" البطيء يجرى وراءه خمسة أبطأ منه، و بدأ الأمر  
للقافين أمام "مول زهران" و كأنهم يتظاهرون أو يمارسون  
الرياضة مثلا، فمن المستحيل أن تكون هذه هى السرعة  
القصوى عند أى شخص هارب أو مُطارِد، بدأت أنفاس خالد  
تتلاحق و قد قصرت المسافة ما بين الشهيق و الزفير و بدأ  
تركيزه يقل، و هم مثله تماما، بمجرد أن وصلوا إلى مساكن  
سموحة توقفوا، و رأوه من بعيد ما زال يجرى خائفا حتى أن  
ينظر وراءه، و عندما فعل وجدهم واقفين فتوقف هو الآخر  
وقد فصل بينهم مسافة شارع بأكمله، و هنا صدمته سيارة

مسرعة, لم تطرحه أرضا بل أصابت ذراعه الأيمن فقط, و لكن حتى ذلك لم يحفزهم على الاقتراب كانوا قد تعبوا صدقاً, ووجد الصيادون أنهم إن تسببوا في إصابة الطريدة و إلحاق الأذى بها فإن هذا في حد ذاته نصرا قريبا من الرجوع بها إلى بيوتهم

\*\*\*

لا يدري أحد ما أصاب "أحمد شمس" منذ أن عاد من العاصمة, لم يتكلم مع أى مخلوق سواء عن ما حدث له في القاهرة أو حتى أى موضوع آخر, لم ينس بنيت شفة منذ أن وصل, أصبح بقاية بشرى و حطام إنسان أخرسته الهموم, قطعت لسانه المتاعب, و إنتصر عليه ثنائي الحزن و القلق, انتصار ساحق هذه المرة, لم يخرج من حجرته, في البداية أثر البقاء في الهدوء, فالتصمت يساعده على التفكير بشكل منطقي, ثم لم يتحمل البقاء بمفرده مع أفكاره, وجد شريط, إحدى محاضرات عمرو خالد, محاضرة تتكلم عن الحجاب, عن موضوع بعيد تماما عن مشكلته, و لكن لا بأس فأى صوت صادر من حوله سوف يفي بالغرض, أى صوت خارجي يغطي على صوت عقله, يضع دقائق و بدأ صوت الداعية الرفيع يقلب عليه المواجه, أطفأ الكاسيت, بدأ يُشغل شريط لعمرو دياب, وعلى أنغام عربية غربية الأصل بدأ يُشعل أول سيجارة حشيش منذ زمن

طويل، توصل بشكل ما إلى المكان الذى يُخفى فيه أخوه "كريم" أدوات تدخينه، قرش حشيش كامل، أنواع كثيرة ومختلفة من أوراق البفرة، محلية و أجنبية، وجد فى وسطها "بوب مارلى"، نوع أجنى شهير من أوراق البفرة (سُمى على اسم مطرب جامايكى مُدمن)، أراحته الموسيقى نسبيا، نظر إلى شريط المحاضرة الدينية المهجور فشعر بالذنب، هيا له المخدر أن الثقبان فى وسط الشريط عينان تنظر إليه فى مقت، و رغم غباء الفكرة إلا أنه لم يستطع أن يطردها من عقله، و لم يرد أن يطفىء الموسيقى كذلك، و لم يرد أن يتخلص من الاثنين ليعود إلى جحيم الصمت، و توصل إلى حل، بسيط و أبله و لكنه فعال، أدار الموسيقى و الدُعاء فى نفس الوقت، فى يده اليمين حشيشة يستهلكها و فى يده الأخرى سبحة تستهلكه، و بدت كل جملة من أغاني عمرو دياب و كأنها ترد على عمرو خالد، وجد هدفه فى التناقض، و وجد الاستقرار فى الضوضاء، وقبل أن تنتقده، ألا نفعل كلنا ما يفعله الآن بشكل ما أو بآخر؟ كل ما فعله هو أنه قد خلق (مصر) الخاصة به داخل حجرة نومه.

\*\*\*\*

قعدة حشيش أخرى فى شاليه "محمد" البارودى فى مارينا، لم يجد ذلك الأخير طريقة غيرها لشكر "رامى" و "كريم" و "هانى"

وعمر و"سلامة، و ليكافتهم على وقوفهم بجانبه في موقف أمسي  
حساس للغاية كذلك الموقف مع "شلة" مدرسة "سان-مارك"، هذا  
يضحك و هذا يغضب و هذا يهتف و قد أخذته حماسة  
اللعب "إنتو بتسطعبطوا؟ ما دام فيه ورقتين شايب كاروه من  
نفس الكوتشينة يبقى الكوتشينة دى بايظة"، و هذا يتفرج على  
التلفزيون كل هذا و "عمر و سلامة" ساكت، و هذا شىء مثير  
للفضول أكثر منه استفزازا للصدقة، تذكروا معلومة قد نسيوها  
أو تناسوها عنه، عمر و سلامة هو فى الأصل شاعر، ربحا هذا  
يُفسر لماذا هو حساس عاطفى هكذا، ليس شاعرا مُحترفا  
ولكنه لا بأس به، و شعره تماما كشخصيته، رغم ضعف المظهر  
العام و عدم الالتزام بالقواعد إلا أن لديه معان تتنصر على  
ضعف الوزن أحيانا، التفت إليه هانى و اقترح بلسان أنقلته  
الخمور "طب ما بدل مانت قاعد ساكت بتتفرج علينا  
كده، اقرالنا شوية شعر من بتوعك"، تردد فى البداية ثم بدأ  
بالإلقاء، و كأنه كان ينتظر تلك الفرصة بفارغ الصبر ليخرج  
من شرنقته بلا عودة، لتأتى عشرات الحروف التى تكون جملا،  
وعشرات الجمل التى تكون قصائد، و قصائد كثيرة تكون فكرة  
واحدة، اشتياقه للينا، ألا ينوى أن ينساها أبدا؟!، تكلم عنها  
بوفرة قبل أن يتكلم عن نفسه.

"أنا عاقل جواه أراجوز، و دى فكرة الحاجز النفسى  
أنا عيل من جواه عجوز، أنا معانيه و المعنى العكسى  
متدين بيموت فى البوس، و ده مخرج لتناقضى و كبسى  
أنا إللى الخايف من العفريت، و هو الجنى و هو الإنسى  
مفرور رغم إن أنا مهزوز .. و محسس نفسى أوى بنفسى"



## الفصل السابع

### مسائل عائلية

- ما حكته نيفين حنى -

منذ أن رن هاتفى الجوال اليوم، و أنا أفقد الهدوء، فى البداية مكالمة من "مارك" ثم "خالد" ثم "نادر"، فالثلاثة كلما وقعوا فى مشكلة، جروا بسرعة نحوى، نحو "ماما نيفين" التى تمتلك إجابات كل الأسئلة التى تخص الحياة و لديها حلول أية مشكلة اجتماعية، احتفظوا لى بتلك الصورة الفاضلة المبالغ فيها فى آذنانهم لسبب لا أفهمه رغم أننى أصغرهم كلهم سناً، كلهم يبلغون بنفس المعنى و لكن بكلمات مختلفة، و الفكرة هى هى و لا تتغير إلى حد الملل، هناك شىء ما حدث، و يجب أن نتقابل فى مكان غير إيسيتيميشن كافيه .. "خلاص عرفنا بقى!" و بعد أن أنهيت آخر مكالمة معهم، لم تكن تلك نهاية الأحزان، و لا حتى بدايتها، مكالمة من فلانة فى الكنيسة تذكرنى بموعد صلاة لا أريد أن أحضرها و لا تخص طائفتى (شهود يهوى) فى أى شىء، و اتصال هاتفى من إعلان فى الكلية يريد تصوير الـ ٥٥ محاضرة السابقين من كل المواد، و أخيراً "ريم"، تلك الفتاة التى قابلتها فى إيسيتيميشن و التى كدت أن أنسى أمرها تماماً، قاطعت وجبة غدائى لتبلغنى بحماسة و حرارة بنمان عن الفراغ التى تعيش فيه، عن "قد إيه هى نفسها تشوفنا كلنا"، و تجلس معنا كلنا، و إن إحنا كلنا مبنسألش، و آلاف الجمل

الأخرى التي تحتوى بشكل أو بآخر على كلمة "كلنا"، وعند أول فرصة توقفت هي فيها عن التعبير عن تلك المشاعر الجماعية، وعند أول سكوت لها من بداية المكالمات (لماذا يصبر المتصل بأنه من حقه أن يتكلم أكثر لمجرد أن المكالمات محسوبة من رصيده؟)، أبلغتها أننا سنتقابل اليوم في مكان ما في محطة الرمل و أنها مدعوة للقدوم، و أنها إذا أرادت أن تعرف المزيد من التفاصيل فيجب عليها أن تتصل بمارك و ليس بي، هذا لأنني قد قررت ألا أتلقى أى مكالمات أخرى، موبايلى سيظل مغلقا حتى الساعة السابعة (قبل موعدي مع أصدقائي بساعة)، أسلمت نفسي للنعاس، و كأى شيء جميل ينتهى بسرعة، انتهى النوم بسرعة، أبلغني منبهى المزعج بذلك ذهبت إلى محطة الرمل، يوم غريب بمعنى الكلمة، خالد يده مكسورة ونادر سيارته مكسورة، يزعمان أن شخص واحد (محمد البارودي) كسر الإنسان بقصد، إذن فلماذا لم يحدث أى شيء لى أو لمارك؟ ربما لم يحن دورنا بعد، لم أتوقف كثيرا عند الأمر، كنا حول "تراييزة البلياردو" لعبة قد بدأت بين "خالد" و "نادر"، مارك واقف بجانبى، وريم لم تظهر بعد و لكنها اتصلت بمارك، تعرفت بالمكان و وعدت بالجىء، سألت "نادر" و هو مُشغول باللعب "طب وتصليح العربية هيكلف كام تقريبا؟".

لم يرد، هدوء لم أعتده من "نادر"، ظننته لم يسمعنى، و لكننى أدركت أنه فى حالة تركيز قبل لعبته القادمة، ثم جاءت إجابته: "ألف وخمسميت جنيه، و المفروض بكره ورايا مشوار مع أهلى

هنقابل ناس قرايينا، و أنا لسه مقولتش لأمى حتى، إن فى حاجة  
حصلت فى العربية أصلاً"

سألته: "قرايك مين؟"

أجاب بزهدق: "معرفش واحد دكتور باين، من أول الصيف  
إلى فات و إحنا عمال يطلعنا قرايب عمرى ما شفتهم فى  
حياتى وبعدين هى دى المشكلة يعنى؟ خيلنا فى موضوع  
العربية" .. سألته مارك: "طب العيال دول إالى كسروها شكلهم  
إيه طيب؟ أجاب نادر وقد ترك اللعبة مؤقتاً: بقولك  
مشوفتهمش، أنا سيبتكم وطلعت لقيت العربية مدغدغة كأنها  
لسه طالعة من حادثة، لقيت حوليها زحمة، قالولى إن فيسه  
ميكروباص وقف و نزل منها شباب فى سننا تقريباً أو أكبر  
شوية، ومسكوا عصيان و قعدوا يكسروا فى القزاز، بعد كده  
طلعوا سكاكين و فسوا العجل، و لما الراحل بتاع الباركنج راح  
ييعدهم عن العربية، ضربه "بلطجية يعنى!!"، قالها "خالد" ثم  
استكمل "طب هنعمل إيه دلوقتى، ناوى تجيب فلوس منين"

- "فى كذا مكان فى دماغى أجيب منه (كاشات)،  
وبعديها..."

قاطعته خالد: "أنا مش بتكلم على كده، محمد البارودى  
ده، هنعمل معاه إيه؟ واحد حب يشوف نفسه علينا يتساب  
كده؟" .. سأل "مارك" فى برود: "أمال عايزنا نعمله إيه مثلاً؟"  
"إنت لسه هاتسأل، نضربه طبعاً"

قالها "خالد" و قد زادت عصبيته و برقت عيناه، أحمر وجهه و يده تسافر جوا يمينا و شمالا في حماسة غريبة حتى كادت أن تصطدم بوجهي، و كان موقفا غريبا بالفعل، رأيت فيه لأول مرة "خالد" الذي اشتهر بالهدوء الذي يصل إلى حد الاستفزاز أحيانا هو الطائش الأهوج هذه المرة، بل "نادر" الذي اتسم بالهبل تحول اليوم إلى إنسان عاقل حكيم للغاية بشكل يثير الإعجاب، أشار عليه نادر مُهدئا : "هنفضل نتخايق نتخايق وفي الآخر مش هنستفاد حاجة، أنا أكثر شيء هاعمى دلوقتي، هو إن أنا آخذ منه فلوس تصليح العربية"

ثم استكمل "مارك" متابعا : "و أنا بصراحة برضه مش طالبة معايا بخناق اليومين دول خالص، خصوصا إن الميد ترم (إمتحان منتصف الترم الدراسي) قرب و أنا مش مذاكر حاجة "

: "تصدقوا بقى إن إنتو شباب" قطع خالد جملته من نصفها، احمرت عيناه أكثر و أكثر فزادت حركته في المكان واستكمل وقد تملكه الغضب "مش عارف أقولو كبريه و في بنات واقفة، طب و منظر كم قدام الناس هيبقى إيه، لما واحد يعمل فيكوه كل ده و في الآخر إنتوا إللى تروحوا تعتذرو له؟"

أجاب نادر بعصبية معقولة و محكمة : "يا خالد أنا مستعد، أروح أتناق معاك دلوقتي حالا، لو تدفعلى فلوس العربية" .. ثم دافع مارك عن فكرة السلام : "و بعدين ، مين قال نعتذر له ؟ إحنا هنروح تكلم عادى جدا، و زى ما هو ليه

حاجات عندنا إحنا كمان لينا حاجات عنده، وبعديها كل واحد يشوف مصلحته"

هنا رن هاتفي كانت ريم تستفسر للمرة الثانية عن المكان، عندما انتهت المكالمة كان خالد واقفا بجانبى يشدنى بعيدا عن الجميع ليسألنى فى لفة عن ريم: "هى جاية دلوقتى؟"  
- "أيوه"

- "كلمتيها فى حوارى"

- "لأ كنت بفكر أكلهمالك النهاردة"

- "لأ لأ أوعى تعمللى كده، أنا ههاندل (سوف أتحكم فى) الموضوع ده خلاص."

رجعنا إلى أماكننا، أتت ريم لم نجد حرجا أن نستكمل أمامها الموضوع بشكل طبيعى، بل و لم نشعر بالضيق عندما أبدات هى رأيها: "إديله الجاكت بتاعه، و هو يدى لنادر فلوسه"

هنا عقد "خالد" ساعديه أمام صدره و غمغم بصوت ظن هو إنه ليس مسموع: "لو كانت المشكلة على الجاكتة كانت اتحلّت، المشكلة فاللى كان جواها" فوجيء بى بعدها و أنا أسأله: "أمال المشكلة فى إيه؟" ارتبك و قال بنبرة مهزوزة خائفة: "هه؟ لا أبدا المشكلة إن أنا مش هاروح الحوار ده خالص، مش هاروح أعتذر له يعنى"

و قال نادر مطمئنا: "و مين قالك إنك حاتروح ؟ و لا أنا حتى هاروح, مارك هو إلی هيقوم بالمهمة دى؟ مارك هو الوحيد إلی متعاملش معاه يوميهـا فينا"

أبلغتنا "ريم": "خلاص مارك هو إلی يجي معايا, أنا متهيأ لسه ليا كلام مع محمد ممكن أكون الوسطة بينكم و أصالحكم على بعض"

قال مارك فى حماس وطنى: "تمام أوى, و أنا كفءة إني أتفاهم معاه"

و ساد الارتياح على وجه الجميع, الجميع فيما عدا "خالد" الذى تنفس بثقل كأنه لا يريد أن يتكلم عن الموضوع, و هو ينحن بجسده جزئيا و يقول فى هم و تشاؤم ممسكا بعصاه: "أنا هالعب على البلاك"

\*\*\*

فى صباح اليوم التالى, ازدحم بيت عمرو سلامة بالناس, أتى الضيوف على غير هواه, كان يُفضل أن يوفى بوعده مع "كريم" و "رامى", أن يقابلهم اليوم فى نادى سبورتنج (نسادى الإسكندرية الرياضى الشهير بنادى سبورتنج), فـ "كريم" فى حاجة ماسة إلى المساعدة فى مادة تُسمى "الداتا بيرز-قاعدة البيانات", و هو يعلم أن "رامى" وحده لن يكفى بمُساعدته, فرامى على غير دراية بكيفية شرح مادة معقدة كذلك لـ "كريم", كما

أن "عمرو" كان - غير كل ذلك - ما زال حتى الآن لا يجيد أبدا بحاملة الضيوف على أى حال، فهو مهما كبر سنه يحتفظ بحجل نسي منذ طفولته، و الضيوف هذه المرة يتكئون من عائلة كاملة، أب و أم، ابن مخطوب حديثاً و خطيبته، و ابن آخر صغير (فى سن عمرو سلامة) فى هذه العائلة الرذيلة، إنها إحدى تلك العائلات التى تجدها أنت إلى بيتك فجأة، و أهلك يأكدون أنهم أقاربك، و يتهمونك بالجهل و التقصير فى حق صلة الرحم لمجرد إنك لا تعرف أسماء أبناء بنت عم ابنة خالة أبيك غير شقيق لعمك بالترتيب (!!)، المهم قرر "عمرو" ألا يُفسد علاقته بأهله، و أن ينفذ نصيحتهم بأن يُحسن التصرف هذه المرة (على عكس المرات السابقة)، و قرر بصدق أن يفعل، فطريقته فى حسن التصرف هى ألا يتكلم إلا إذا كان المعنى جيداً و مُحترماً.. لذلك قرر ألا يتكلم أبدا فى هذا الاجتماع العائلى العقيم، و لكسر الجليد بدأ أخو عمرو سلامة الكبير (نسيت أن أخبركم أن له أخا يكبره عمرا) بالمزاح هنا و هناك، و كثر المزاح الثقيل الدبلوماسى فى الجلسة، كل ذلك و "عمرو" لم ينبس بنبت شفة، و لم يكمل جملة مسموعة حتى .. و هذا الفتى الذى يقترب سنه من عمرو، اسمه "نادر" (هو نفسه نادر الميئالست صديق مارك و خالد و نيفين يبدو إتضح أنه قريب لعمرو سلامة من بعيد)، يؤكد لك مظهره بأنه مجنون، أحد مجانين

موسيقى الميتال.. يعانى من مشكلة ما فى سيارته أجبرته على التأخير "نادر" قد جلس بجانبه بدون أية دعوة أو داع، وبدأ يجذب أطراف الحديث الممل .. "أنا أعرف واحد فى دُفعتك على فكرة"

حاول عمرو أدبا ليس أكثر أن يتظاهر مؤقتا بالاهتمام :  
بجد والله مين؟

- واحد صاحبي معرفش هو عندكو فى سان جابريل و لا سان مارك.. هو مش صاحبي أوى برضه، معرفة كده

سأله عمرو بضجر وثكم و هو يشرب العصير الذى أمامه:  
صاحبك إالى مش صاحبك ده له اسم يعنى؟

رمقته عائلته (عائلة عمرو) بنظرات غاضبة خفية عند نطقه لتلك الجملة الأخيرة. أجاب نادر: اسمه حسام بدر الدين.

وكل ما جاء بعد ذلك كان غير مُتوقعا غير مُخطط له، وقف عند نطق اسم "حسام" (حبيب لنا الجديد) مياه العصير فى حلقة، وجد نفسه يبصق عن غير قصد محتوى شرابه فى وجه الضيف الشاب، و لم يدرك "عمرو" ما حدث إلا بعد أن حدث بالفعل، الضيف الآن مُغرق ببصاق و لُعاب "عمرو"، بصقة ملونة فنية على قميصه، وبدأت المواقف المُحرجة.

\*\*\*



و يحكى "رامى":

و فى محاولة أخيرة يائسة للم المناهج قبل الامتحان بفترة قصيرة, جلس "كريم" معى فى كافيتريا "الكروكيه" داخل نادى سبورتنج لمعرفة أى شىء و إنقاذ ما يمكن إنقاذه قبل هجوم الإمتحانات .. لم يكف كريم عن المزاح الثقيل بدون داعى حتى اعتذر و هو يمسك برأسه بتعب كأنه منعها من الوقوع من فوق كتفيه: "معلش سورى يا "رامى", هى قفلت على كده النهارده, مش عارف أركز خلاص" .. توقع "كريم" مئى المزيد من الغضب و لكن ذلك لم يحدث, فجأة أصبحت شاردة, ناظرا إلى شىء مجهول قد لفت انتباهى فى المكان منذ ثوان, و عندما سألتى "كريم" فى حيرة عما يشغلنى, وجدنى أجذبه و أسأله بصوت منخفض للغاية إن كان يعرف تلك السيدة, سألته و أنا أشير برأسى, نظر "كريم" إلى الاتجاه الذى أقصده بتمعن ثم أجاب: "أه, مش دى صاحبة حد فى "أميريكان- تيمور" باين؟"

- مش دى يا عم, الست الكبيرة إالى على الترابيزة اللى جنبينا, عمالة تبصللى من ساعة ما قعدنا, مش عارف ليه.

- يمكن علشان إنت بتبصلها؟

- هى مدرسة أو حاجة ؟

نسينا موضوع المرأة تماماً ظللنا نتحدث في كل ما هو نافه  
ثم رحل "كريم"، اتصلت بي "يمى" على الموبايل، زاد اهتمام المرأة  
بالنظر إلى مجرد أنها سمعتنى أتكلم مع فتاة تسمى "يمى"، لم أهتم  
بل أكملت المكالمه، كان الهدف من اتصالي بـ "يمى" تقريباً  
معدوم، محاولة لجذب أطراف الحديث لسبب غامض، دخلت أنا  
في الموضوع مباشرة "فكرتني في اللي قولتسهولك المرة إالى  
فاتت؟"، يا لها من لحظة مصيرية قد تستحكم في علاقتنا إلى  
الأبد، وقبل أن يأتي الرد، اضطررت أن أقطع المكالمه، نفس  
المرأة الأرستقراطية المزعجة قامت من مكانها، جاءت من آخر  
الدنيا لتسألني إذا كانت تستطيع أن تستخدم السكر، مسكت  
السكرية التي أمامي لأوضح أنها فارغة، ولكنها تظاهرت بغباء  
مقصود، فطلت تسأل في منتهى "اللذاذة" عن هذا السكر، تجاهلتها  
هذه المرة و أنا أكلم "يمى": "مين قال إني متضايق ؟ بالعكس أنا  
عايزك تاخدى وقتك علشان ماتخديش قرار تندمى عليه بعد  
كده، الحاجات دى أصلها "قاطعتنى هذه المرأة (الزنانة) للمرة  
الثالثة، أخبرتها أنها يمكنها أن تسأل العاملين في المكان، فلهذا  
يتقاضى هؤلاء مُرتبات على أية حال، ظننت لثانية أنها رحلت،  
ولكننى فوجئت و أنا أتكلم مع يمنى بمياه ساخنة تغرقنى تقريباً  
بالكامل، كانت نفس المرأة مرة أخرى، فقدت أعصابي  
تماماً، أغلقت الموبايل دون أن أعذر ليمى، وأخذت أهرها  
وأصرخ في وجهها، قالت في هدوء مستفز إنها لم تقصد أن  
تصب الكابتشينو الذى في يدها كله علي (!!)، و بعد سيل من

الشتائم من جهتي وجمل أكثر استفزازا من جهتها من أمثال "مفيش داعي إنك تتعصب، إيه ده C'est Impossible مفيش داعي لكل ده خالص، قولنلك أنا آسفة، إيه الناس دي؟! " (رمت الكلمتين) ثم عادت إلى مقعدها الأصلي مرة أخرى و أخيرة.. أخرجني ما حدث من تركيزي تماما، بعثت برسالة على الهاتف لأعتذر بها لـ "بمى"، أنبى ضميرى للأسلوب الغير اللائق الذى تعاملت به مع هذه السيدة، قمت من مقعدى، اقتربت منها ليدور بيننا الحديث المرتبك الآتى..

- بصى حضرتك أنا آسف جدا، أنا بس كنت بكلم صاحبتي.

سألتني باستككار بدا لي في منتهى الوقاحة : صاحبتك؟

- بنت أعرفها يعني، كانت مكالمة مهمة ..

و زادت الوقاحة: مكالمة مهمة؟ بتقولوه إيه بقى؟

- نعم؟

- على العموم أنا مش زعلانة منك خلاص، أنا عارفة إنك عصبى.

- إيه ده هو حضرتك تعرفيني من حنة قبل كده؟

- مش أعرفك أعرفك شخصيا بس بسمع عنك يعني؟

- من مين؟

- من "يمنى"، بتحكيلى عنك كثير.

- "يمنى" مين؟

أجابت ساخرة: "يمنى حامد إالى إنت كنت لسه بتكلمها على الموبايل!!، إيه لحقت قفلت السكة و نسيت بسرعة كده على طول؟"

زاد قلقى "حضرتك تعرفى يمنى مين؟"

- تصدق بقى إن إنت بجح, مفروض أنا إالى أسألك تعرفها مين.

- حضرتك مامتها؟ مش مفروض إنك فى كندا؟

ليلى: لأ أنا مش مامتها, أنا اسمى "ليلى هاتم الكفراوى", عمة يمنى, إنت بقى اسمك إيه يا حبيبى؟

\*\*\*

على عكس الاجتماع العائلى الأجوف الذى حظى به "عمرو سلامة" فى بيته و الاجتماع المضطرب غير مُتوقع الذى وقع لرامى فى نادى سيورتنج, و الذى ساد عليهما الارتباك و عدم الارتياح, حظى "كريم" عند رجوعه إلى المنزل باجتماع عائلى بسيط و مطلوب للغاية, اجتماع بأخته المتزوجة و بطفلتها "فرح" التى تحب لقاء "خالو كريم" أكثر من أى

شيء، جلس مع أخته و أمهم، يتحدثون عن آخر المواقف الاجتماعية التي حدثت، و كلام من نوعية "و إنت عاملة إيه مع جوزك؟"، بعد فترة من الكلام، و بعد أكثر من فجان شاي (ينتمي كريم إلى عائلة تشرب الشاي في فجاجين بدلا من القهوة)، انسحبت الأم لتفعل شيئا، أو تطبخ أكلا، أو لتصلى سهوا، لا نعلم لماذا قامت لكنها قامت، و استغلت أخت "كريم" و "أحمد" تلك الفرصة جيدا، كانت تدرى الحالة النفسية السيئة التي يعاني منها "أحمد" بسبب المنحيات الجديدة المؤسفة التي اتخذها إجراءات طلاقه من زوجته "مروة"، فلم يكن من المنطقي أن تستفسر عن حاله أمام والدته لتذكر تلك الأم المسكينة بما آل إليه حال ابنها، فسألت "كريم" بقلق يحمل نبرة اللوم: "طب إيه، مش هيطلع يسلم عليا أخوك ده يعني؟"

رد كريم في هم و هو يلوح بيده : معلى سيبه في إल्ली هو فيه؟ أنا لو وريتك منظره دلوقتي هتتخضى، ده كان عنده أول يوم شغل النهاردة و مراحش، من ساعة ما جه من القاهرة وهو مش طبعى على فكرة.. في حاجة غلط"

- "يعني خلاص بقى، قولنا يومين ثلاثة و بعديها يفوق لنفسه، مش يشوف حاله كده؟؟ و بيتدى يترل الشغل!!؟؟"

قالتها ثم توقفت فجأة عن الكلام، منذ دقائق و خلال الجمل الأخيرة كانت تتابع بعينها تحركات ابنتها ذات العشرة أعوام

بين حجرات الشقة، و لكنه هذه المرة عندما التفتت لم تجدها  
سألت "كريم" بقلق: "إيه ده هي فرح راحت فين؟"

\*\*\*

في الحجرة المجاورة لذلك المشهد، في نفس  
الشقة، كان "أحمد" واقفاً في الكواليس وراء ستارة يتابع كل ما  
سبق من كلام، كلامهم عنه، في البداية خرج ليبحث عن المزيد  
من السجائر و لكنه اصطدم بصوتهم، صوت أخيه كريم  
وصوت أخته الذي لم يسمعه منذ زمن بعيد يشكو قلة  
سؤاله، ما بين اللوم و الشفقة، لم يكده يصل إلى تلك النقطة في  
الحديث التي يتم فيها اكتشاف اختفاء "فرح" حتى فوجيء  
بصوت موسيقى يأتي من ورائه، التفت ليجد "فرح" تضغط  
بأناملها على أصابع البيانو الواقع في منتصف البيت، اقترب منها  
في فضول و هو يتخلص من آثار السطل، و نطق، نعم نطق، أول  
ما قاله منذ وصوله "إنت بتعزفي تعزفي على البيانو؟"

\*\*\*

و"ليلي هانم الكفراوى" ليست مجرد أرسقراطية أنيقة  
فحسب، بل تمتلك أيضاً ذكاء اجتماعياً و عاطفياً لا يستهان  
بهما، تعرف كيف تخرج أعداءها و تهينهم بمنتهى الأدب، تعرف  
كيف تكسب حقوقها دون أن تخرج عن حدود الذوق

واللياقة، فكل فرد في عائلة يختلف عن الآخر اختلاف الـ ١٨٠ درجة، ما بين هادىء و مُندفع و غنى و فقير و جاهل و مُثقف، و لكن يظل بينهم ثلاث نقاط (أو سمات) تميزهم واتفقوا فيها، أولها ما تم ذكرها منذ قليل من حُسن التصرف وكثرة الكلام و إجادته أكثر من أى شىء آخر، و ثانيها الحماسة أو الإرادة التى لا يقف فى وجهها شىء (بداية من والد شريف الذى تزوج من فقيرة رغم أنف عائلة الباشوات التى ينتمى إليها، إلى النجاح الذى حققه شريف و النجاح الذى حققه حامد بعد الفقر الذى حل على العائلة بعد الثورة، مروراً بخالد و غضبه الذى لا يُفكر فى العواقب)، فمعنى أنهم قد فشلوا فى شىء ما فهذا معناه أنهم لم يريدوا بداخلهم صدقاً أن يحققوه حتى لو أكدوا العكس أمام الجميع.. و ثالث صفة، تلك التى تميزهم عن سائر أجناس البشر هى، إتفاقهم على ألا يتفقوا

"و إنت بقى اسمك إيه يا حبيبى؟"

وقف "رامى" و قد شلت الصدمة عضلات وجهه، و أصبح جسده فى حالة ثبات تام من المفاجأة، ثم جاء رده المتلعثم: "اسمى أ"

سألته: "إيه نسيت اسمك؟"

"لأ أنسى اسمى إزاي يعنى هاهها، رامى، إسمى رامى"

- "و بابا بيشتغل إيه يا رامى؟"

- "هه؟؟"

"بابا بيحب فلوس إزاي؟ بيشتغل إيه؟ مهنته يعني"

- "دكتور فى الجامعة، حضرتك"

- "جامعة إسكندرية عادى ولا فاروس ولا إيه؟"

- "لا حضرتك، جامعة فى دى، أنا أهلى عايشين فى دى، أنا"

عايش هنا لوحدى"

سألته و هى مازالت محتفظة باستهانتها: و إنت فى كلية إيه

و لا لسه فى مدرسة؟

رامى (بارتباك): أنا أصلاً خريج سان جابريل و دلوقتى فى

أكاديمية أبو قير.

- "خريج سان جابريل إزاي يعنى؟ هى "سان-جابريل" فيها

ثانوية عامة؟.. على العموم مش مشكلة، إنت بتيجى تذاكر هنا

كل يوم يا رامى؟ أنا كتير بشوفك هنا"

رد و قد خف قلقه تدريجياً لكنه لم يختف: "ساعات آه"

أجابت هى برفق هذه المرة و كأنها قد أشفقت عليه: "طيب

بكرا هابقى أنا قاعدة هنا على الساعة أربعة، إيه رأيك تيجى

تشرب الشاي معايا"

"آه طبعاً طبعاً أكيد، ده شرف ليا"

تظاهرت وكأنها سوف ترحل إلا أنها استدارت فى اللحظة

الأخيرة كأنها نسيت شيئاً، رفضت أن لا تكون صاحبة آخر



جملة في المشهد: "آه كنت هانسي أقولك حاجة كمان، لو أى حد، و خصوصاً" يعنى"، عرف بالموضوع ده، أنا أوعدك إنك مش هاتشوفها و لا هاتكلمها تانى، أو كيه؟"

وضعتها في صيغة سؤال و كأنه يملك الخيار من أمره، يا للسخرية.

\*\*\*

من أصعب المخلوقات التى يمكنك أن تتعامل معها : الأم  
القلقة ،أخت كريم التى أحمر و جهها خوفاً على إبنها المختفية  
وكريم يحاول تهدئتها فجأة يقاطعهما صوت ...

كان صوت عزف موسيقى في البيت، اتجه الثلاثة (كريم والأخت والأم) إلى الحجرة التى تحتوى على بيانو، لم يتدخلوا، بمجرد أن سمعوا صوت "فرح" وقفوا في مكانهم، من فتحة صغيرة في الباب نصف مغلق، راقبوا "أحمد" شمس و هو يعلم "فرح" العزف على البيانو، فجأة بدأ يتكلم مرة أخرى، عاد إلى الحياة، أخذ يلعب و يضحك معها، هذه المرة من قلبه، ابتعدوا عن الباب لم يشأوا أن يقاطعوا لحظة قيمة كهذه، رجعوا إلى فجاجين الشاي، و في أعينهم نظرات تهنئة متبادلة، فلقد عاد "أحمد شمس" إلى طبيعته.

\*\*\*

تم احتواء الموقف غير مرغوب فيه الذى وقع فى بيت عمرو سلامة منذ قليل، فالعائلتان (عائلة سلامة و عائلة نادر) لديها أسلوب جميل جدا بحل المشاكل بتجاهلها تماما، ليس "نادر" إحدى قمصان "عمرو سلامة"، و جلسا بعد انتهاء الغداء، فقد حان وقت الشاى، مزاح مع العروسين (أخي نادر و خطيبته) أوضح لعمرو نصف المنتبه لما يحدث أن المخطوبة هى أيضا قرية للعروس، ألا تنتهى هذه العائلة أبدا؟!، على العموم ظل "عمرو" على حاله، أصبح الآن أكثر تمسكا بالصمت، إلا أن شيئا ما قد وسوس إلى نفوسهم بدفعه إلى الكلام فانطلق أحدهم وسط ضحكاته: "إيه يا عمرو مالك قاعد ساكت كده ما تقول رأيك"

عاد عمرو من سرحانه و كأنه استيقظ من النوم: هه؟ رأيي في إيه؟

أوضح له نادر: إيه رأيك في جواز القرايب و كده؟

أجاب عمرو بقرف غير مكترث: "معرفش سمعت مرة إنه بيزود من احتمال إن الأولاد يتولدوا متشوهين"، توقف كل الجالسين شرب الشاى و حذقوا فى وجهه، دفعة واحدة، و لولا أنهم قد فعلوا ذلك، لما أدرك أنه قد قال شيئا خارجا عن المألوف، فعندما جاءت سيرة زواج الأقارب قفزت فى ذهنه

صورة "حسام" و"لينا" السبب غير مفهوم فبدأ يجب على هذا الأساس, هو حقا لم يقصد, نزل الضيوف, و بدل أن يودعوهم أهل "عمرو" بالسلام و التأكيد على تكرار الزيارة, ودعوهم من على باب القيللا بعبارات أسف و اعتذار مصحوب بابتسامة مُرتبكة, ركب الضيوف سياراتهم و ابتعدوا عن القيللا في سخط, حتى إن أُغلق الباب بعد رحيل الزوار, هجم الجميع على "عمرو", و بدأ أخوه الأكبر يُعلن عن شكوكه القديمة في أن "عمرو" يدمن الحشيش, بدأت المشاكل ما بين عمرو وعائلته, و هذا آخر ما كان يحتاجه, خصوصا في فترة كهذه.

\*\*\*

## الفصل الثامن

### "ثم بدأت تتكلم بالإنجليزية،

### كعادتها عندما ترتبك (!)"

"الانطباعات الأولى تدوم"، هل تتذكر تلك العبارة؟ كانت الجملة المشتركة و الأساسية بين الكثير من الحملات الإعلانية لمنتج يُسمى X و صديقنا X هذا هو عبارة عن عبوة سوداء قصيرة تُستخدم لإزالة رائحة العرق، و دائما تأتي تلك العبارة بصوت أنثوى ناعم في نهاية الإعلان، مجموعة الإعلانات تلك التي أتكلم عنها قديمة و لكنها علققت في أذهان الكثيرين منا، و غالبا ما تدور الأحداث بهذا الفيلم الدعائي القصير حول امرأة تقابل رجلا فتقع في غرامه مجرد إنه قد استخدم X لإزالة العرق!!، لاحظ أن تلك الفكرة الأساسية يتم استخدامها حتى الآن من نفس الشركة و للتسويق لنفس المنتج، و لم لا؟ ألم تنجح أن تزيد من مبيعات المنتج؟ و معنى هذا أنها قد ضغطت على وتر حساس في الطبيعة النفسية للبشر، فنحن حريصين للغاية عند لقائنا الأول بأي شخص (حتى إن لم يكن مُهما) بأن نبدو في أفضل صورة مُمكنة.. نفرق أنفسنا بالعطور الثمينة، و بأحسن الملابس و أحدثها خروجاً من سجن الغسيل

و المكواة، و تلعب ألسنتنا بلغات أجنبية لم نعتد على استخدامها  
فى الحياة اليومية و اللقاء الأول هذا لا يُشترط فيه أن يكون  
اللقاء الاول مع شخص لم تره من قبل بل مع شخص لم تره  
منذ فترة كذلك، فهو ليس بالضرورة "لقاؤك الأول مع فلان"، بل  
أحيانا يكون "لقاؤك الأول مع فلان منذ أن حدث كذا"، إنه  
الموقف الذى تقابل فيه صديق قديم (من الجنس الآخر مثلا)  
آخر مرة رآك فيها كنت مثيرا للشفقة

\*\*\*

جاء اليوم الموعد "مارك" سيذهب اليوم برفقة "ريم" إلى فهوة  
المصريين و هو مكان يجلس فيه محمد البارودى على  
الدوام، أخبرها أنها إذا أرادت أن تراه فسوف تجده هناك، يا  
للغربة و كأنه يشعر أنه سوف تحتاج إليه، توقفت بسيارتها أمام  
الكافيه الواقع بجانب شريط الترام.

تركت "مارك" وحده فى سيارتها، صعدت فى البداية  
وحدها، تمهيدا للأمور، و تخفيفا للصدمة كانوا جالسين داخل  
كافيه المصري كعادتهم عندما يخرجون بصحبة محمد  
البارودى، وسط دخان الشيشة ورائحة البيتسرات المغطاه  
بالكاثشاب، جلس "كريم" بين "عمرو"، "هانى"، محمد البارودى،  
و "رامى"، جلس يشكو من أسلوب "هنى" معه، و كشف عن  
نواياه الجديدة لعلاقتهم، كان ينوى أن يتقدم ل "هنى" بشكل  
رسمى ولكن سلوكها لا يشجعه على الإطلاق.

"أصل محدش فينا يقدر يفيدك، اسأل هنا و شوف هى  
هتقولك إيه؟ إنت هتتقدم لها هى "نصح عمرو سلامة".  
فأضاف "رامى" نصيحة أخرى: "بص يا كريم أنا رأيى بصراحة  
إنك تصير شوية"

فاستكمل البارودى "هو إنتو مش لسه صغيرين على الكلام  
ده يا كريم؟"

و رغم تقبل "كريم" لكل ما سبق بحيادية و بأدب، إلا أنه لم  
يمنع ابتسامة سخرية من التسلل إلى وجهه عندما بدأ البارودى  
بأبداء رأيه فى موضوع عاطفى حساس  
كهذا، شعر "محمد" بالإهانة فسأله عن سبب الضحكة، أجاب و  
هو ما زال مقهقهة: "يا عم أنا ممكن فى حوار زى ده أسمع  
كلام هانى و لا عمرو و لا كل الرجالة إالى قاعدين دول، بس  
إنت لأ .."

- "ليه يعنى، إبن كلب أنا؟"

- "مش قصدى بس حوارات الحب و الصحوية دى مش  
لعبتك، مش منطقتك يا بارودى، إنت راجل بتفهم فى الحشيش  
و الخمرة أحسن مننا كلنا، واحدة تتسلى بيها و تُعط معاها  
نقولك ماشى، بس حوارات حب و بتاع، سورى ملكش فيها يا  
معلم، كل واحد و له الليلة بتاعته"

و استكمل "هاني": "و أكبر دليل على كده هو حوار ريم"  
رد البارودي بضيق: "لا لا إنت أكيد بتهزروا، يعني أنا إيه  
مش بنى آدم يعني؟ مبحسش؟ إنتو فى حاجات كتير أوى لازم  
تعرفوها عني"  
- "ريم"

قافوا عمرو و هو يقصد الإشارة لريم التى دخلت إلى المكان  
فأجابه البارودي الذى لم يفهم قصده: "لأ غير حوار ريم، هو ليه  
حوار ريم ده دايما ورايا ورايا؟"

أجابه هاني بتهكم: "لأنها وراك فعلا يا غبي"، استدار  
البارودي إلى ما خلفه، ليحدها واقفة فى ظهره تنتظر أن ينهى  
كلامه، تجمدت ملامح وجهه للحظات بدأت هى بالسلام على  
الجالسين، ابتسم البارودي و أبتعد بها عن محيط المعرف  
وضوء السخريّة، فى مكان ناء داخل الكافيه ليدور الحديث  
الآتى..

: أنا آسف على فكرة على إلى حصل يوم إستيميشن، بس  
أنا حسيت إني كنت عايز أكلمك بأى شكل

ردت هى ببرود : أنا مش جاية علشان تقوللى الكلام  
المتخلف ده، أى حاجة كانت ما بينا خلصت و إنت عارف  
كده كويس، الموضوع ده اتقفل.

- أَمال إنتي جاية علشان ليه؟

- في حاجة واحدة مكن تعملهاى لو عايزنى أفكر إلى كان  
بيننا ده على أساس إنه حاجة كويسة في يوم من الأيام،

أجاب البارودى في استسلام و هو يهز رأسه بخيبة أمل :  
ماشى لو هى دى طريقتك إنك تنهى علاقة، خلاص مفيش  
مشكلة، عايزانى أعملك إيه؟

و بدأت في سرد مطالب شعبها المظلوم :الثلاثة إल्ली أنت  
اتخانقت معاهم علشان

- مااهم؟

- في واحد منهم مستينى بره في العربية، الاتنين التانيين  
باعينه علشان يتفاهموا معاك بالكلام.

سأل في تهكم "هم بقوا صحابك دلوقتي ؟ و بقيت تقضيلهم  
مصالح و بتاع؟"

انتفضت ريم و قد استفزها السؤال:أيوة صحابى، لو  
مكانش عندك مانع يعنى، أجيبو أخليه يكلمك ولا أقوله يروح  
و يروحنى معاه.

ضحك البارودى و نظر إلى الأرض و هو يطفىء  
سيجارته: "على الفكرة يا ريم أنا عمري في حياتى ما قلت لحد  
أنا آسف، بالذات لما يكون هو إल्ली غلطان"



و كأن "رم" ما كادت أن تجد الفرصة لنتهى ذلك الحديث  
المتعب : "رم : خلاص ماشى, مرسى (شكرا) أوى"

قالتها ثم أعطت له ظهرها, بدأت بالفعل تشق طريقها  
للخروج من المكان, وجد نفسه يقفز أمامها لقطع طريق وصولها  
إلى الباب, و يوضح فى لوم غاضب: "ممكن مرة واحدة فى  
حياتك تدينى فرصة أكمل كلامى لحد الآخر"

توقفت عن الحركة قالت فى فراغ صير : "اتفضل, أنا سامعة"

"أنا عمري فى حياتى ما قلت لحد أنا آسف ..بس ممكن  
أعملها علشانك, لو أنت فعلاً عايزة كده, بس على شرط, (مش  
هينفع دلوقتى بالنسبة لك طبعاً), بس توعديني الأول إنك  
هتدينى فرصة أشرحلك إالى حصل, فى حاجات كتيرة إننى  
فاهماها غلط, اسمعى وجهة نظرى فى الموضوع و بعد ما تفهمى  
إننى حرة فى قرارك, بس على الأقل تسمعيني"

نظرت إليه للحظات تفكر فيما قال, رسمت على وجهها  
بقصد ملامح بلاهة و سخرية, تعبير يعنى "أننى لست بذلك  
الغباء"

و الجدير بالملاحظة, هو التقاء العباقرة, نرى كل يوم أناسا  
غلبتهم الطيبة, و الفريق الآخر من الناس الذى يتلاعب بهم,

ومواقف عديدة أصحاب و ضحايا الذكاء الاجتماعى, و لكن  
عندما يلتقي اثنان بنفس الذكاء, يزداد الشغف, يصبح الأمر أشبه  
بمباراة "محمد على كلاى" و "مايك تايسون", قسوى متساوية و  
عالية, لا يدري المتفرج من هو الفائز الحقيقى حتى اللحظة  
الأخيرة

\*\*\*

## - ما حكاه مارك -

تركتني "ريم" في سيارتها، لفترة قصيرة، نفس السيارة الى تحكى "نيفين" إنها قد أوصلتها إلى بيتها فيها منذ أسبوع، وبينما أنا أستغل وقت فراغى في تأمل الإكسسوارات الداخلية للسيارة، لا أعلم لماذا قفزت في ذهني نظرية "نادر" صديقى في تشبيه الناس بالسيارات، وبدأت أفهم من أين أتت الفكرة إلى ذهنه من الأساس، إنه التشابه الواضح ما بين السيارات والناس، دائماً داخل أى سيارة تجد بضع العلامات هنا وهناك التى تؤكد لك إن كانت تلك السيارة تمتلكها فتاة أم يمتلكها رجل.. و يمكنك أن تتوصل إلى حالته المادية و معتقداته الدينية كذلك، بعض الملصقات على الزجاج، دباديب على الأرفف، ناقل الحركة قد غطاه دبدوب، دمية بلهاء تتدلى من المرآة الأمامية بلا سبب أو هدف معروف، حروف عربية وإنجليزية ملونة وُضعت على الزجاج الخارجى لتشيد باسم "محمد" بوضوح إحدى تلك الملصقات التى بات المسلمون يضعونها منذ أحداث الدنمارك الأخيرة ..

المفترض أن "ريم" هى الآن داخل الكافيه الذى أنتظر أنا خارجه في السيارة، عرضت عليها أن أدخل معها إلى المكان، رفضت، رأت أنها تحتاج أن تقابله وحده في البداية، وها هى قد أتت، سألتها و هى في طريقها إلى "إيه الأخبار تمام؟"

ردت بالإيجاب ودخلنا معا هذه المرة إلى المكان، سلام في  
آخرها تمثال لرجل أسود يعزف على آلة موسيقية، مكان غريب  
من الداخل ملاءة الدخان، نالت منه الضوضاء، ولكنه يليق أن  
تدخله فتاة على أى حال، و في آخر ركن في المكان، كان  
البارودي عاقدا يديه أمام صدره يتأملني، الله وحده أعلم ما  
الذي يدور في باله

\*\*\*

عادت "ريم" صعدت السلام و معها أحدهم، أحد تلك الوجوه التي تشاجرت معها في "إستيميشن كافيه"، شخص ما يُسمى مارك، صعد السلام، من الواضح أنه لم يعتد على الضوضاء من قبل، تطلع في دهشة لم أفهمها إلى تمثال لرجل أسود، بدا لي مسالماً، مسالماً بشكل يقترب إلى البلاهة المفرطة، نظر أمامه فوجدني عاقدا يديّ أمام صدرى أتطلع إليه، أدرسه و أبحث عن مدخل له وعن اللجام الذي أروض به جموح شخصيته، أردت أن أقتله أن أخنقه حتى الموت، و لو كنت الآن من المقبولين في كلية الشرطة لاستخدمت مسدسى لأفجر خلایا عقله في أرجاء المكان، و خيل لي أنني قتلته بالفعل، و أن العاملين في الكافيتريا قد تحولوا إلى أفراد أمن، و السيدة صاحبة المكان قامت من كرسيها لتصل بالشرطة، أفاقتني من أوهامي "ريم" بدأت كعادتها في أى موقف مُماثل بدأت بالكلام، لا أنكر أنني شعرت تجاهه بالتهديد، لم أمنع نفسي أن أنال منه بمزحة ثقيلة من تجاهى، فسألته مُستهزئاً: "أمال فين صاحبك أبو قصة، أبو شعر أصفر ده كان نفسي أشوفه، أخبار إيدته إيه صحيح"

نظر إلى بغضب و قرر أن يرد إلا أن ريم قد أشارت إليه  
بنظراتها أن يتجاهل الإهانة، فسكت، كم أحب هؤلاء الذين  
يسمعون كلام النساء و ينفذونه ! أعطاني السترة التي فقدتها،  
و خرجت ريم بجملة بلهاء مثل "يا ريت إنتو الاتنين تنسوا إल्ली  
حصل ده. خالص، علشان من يومها و أنا حاسة إن أنا السبب  
في كل ده" أو شيئاً من هذا القبيل من الجمل الحرى، و قاطعت  
نفسها بنفسها و بدأت تنهرني عندما رأيتني أفتش في  
الحاكت "إيه ده يا أحمد ؟! هم مش هيسرقوا منك حاجة  
مثلاً" أكدت لها أن هذا ليس عيباً و أن الحق ميزعلش في  
حاجة، و أنني يجب أن أتأكد أن جيوب الجاكت ليست  
مُمزقة، قلتها و أنا أضحك بداخلي مما أقولها و من تلك  
الكلمات التي خرجت من فمي، و كأن هذا هو الذي أبحث عنه  
فعلاً، و ليس الجيوب التي كانت في جيب السترة، و لم  
أجدها، الجيب فارغ تماماً، ألقيت نظرة و تحسست كل الجيوب  
الأخرى، و لكن لا شيء، الجيوب ليست موجودة، تبادلنا  
وهذا الـ "مارك" نظرات مفهومة، عن شيء معلوم، أشار لي  
بطرف عينه أن أهدأ، طلب من "ريم" الرحيل، و عندما رحلت من  
المكان، لم أكد أن أسأله حتى أجابني: "خلصناهم و هنرجعلك  
تمنهم أول ما تحاسب عمرو سلامة على ثمن الحاجات إल्ली  
كسرتها في عربيته"

أومات برأسي: "هو تصليحها بكام؟"

"ألف و نص" أفرد ظهره و هو يقولها و كأنه أحمد عرابي فلم أجد مني سوى أن أضحك: "ألف و نص و عابزي أحاسبك أنا على العربية الأول, شكلك كده مش عارف الحبوب دى بكام"

لم يتوقع إجابتي على الأقل ليس بهذه الطريقة فهز كتفيه وهو يخفي ارتباكاه بمحاولة استهانة فاشلة: بكام يعني ؟

أجبتة: "لو قولتلك أنا هتفتكرني بحور عليك, روح اسأل عن ثمنها, و بعد كده هات صحابك علشان نتكلم, و لا تحب أقولك كمان اسم الحباية, شكلك كده مش عارفها"

دخلت ريم بلا داع أو دعوة إلى المكان مرة أخرى, قاطعت مناوراتي الممتعة بدون سبب واضح, يبدو أنها لم تتحمل القلق المصاحب للانتظار في الخارج, و منذ أن دخلت و قررنا كل واحد على حدة أن يتحول كلامنا إلى شفرات و أكواد, فليس من المعقول أو المقبول أن نتحدث أمامها في حساب مخدرات لم تدر هي بوجودها من الأساس, فتظاهرت كأنني أستكمل جملة وهمية , و تماما كما توقعت, لم تمنع نفسها أن تسأل عما نتكلم فيه, أخبرتني بأن الجاكت كانت مقطوعا, و أريتها قطعة كنت قد أحدثتها بنفسى جلسة خلال حديثي مع مارك, أجابت ريم في شك: "طب و هم إيش ضمنهم إنها مكانتش عاملة كده في الأول؟"

أريتها السترة مرة ثانية و أكدت : "أنا استحالة أصلاً أنزل  
من البيت بجأكت بالمنظر ده"

و بدأ "مارك" بسرعة يفهم ما أحاول فعله، فاشترك في لعبتي  
وأكد لها هو الآخر: "لأ هو فعلاً، الجأكت اتزنق من خالد في  
باب العربية، يومئها بالليل وإحنا مروحين"

ثم التفت لي و استكمل : "خلاص ماشى ، سيينا نسأل عن  
تمن الجأكت و هبقى أجيب نادر و خالد ونقعد كلنا كده،  
تمام؟" .. أجبت و أنا أوميء برأسى متظاهرا بعدم الاهتمام "تمام  
تمام، أوكيه، شوفوا إنتو عايزين نقعدوا فين، و إمتى و قولوا لريم  
وهي هتقوللي"

أجاب بارتياح :طب فل (كويس) أوى، إدينا كده فرصة  
يومين ولا حاجة و هتلقينا إحنا اتصلنا بيلك من نفسنا.

و تم الاتفاق و قبل أن يرحل هو و "ريم" نبهته : "اسم المحل  
إكستا- سى علشان لما تيجى تسأل على الجأكت تبقى عارف  
تسأل فين"

نظر إلى في حيرة للحظة ثم فهم أن اسم المخدر  
هو "إيكستاسى"، فردد ورائى للتأكد : "إكسترا- سى ؟"

نبهته إلى خطئه برفق: "مش إكسترا يا مارك"، إكستا سى ..  
كلمة واحدة هي "كم أحب أن أصحح أخطاء في اللغة الأجنبية  
لأناس تصيبني براعتهم في اللغة الإنجليزية بالاكثاب، و الغريب



أننى شعرت مع هذا الشخص المجهول خلال ذلك الحديث  
بالتواصل على درجة لا أجدها مع الكثيرين، فلا أحد يفهمنى  
بهذه السرعة دون أن أتكلّم، رحل الاثنان و عدت إلى  
أصدقائى، أو ما أعتقد أنهم كذلك.

\*\*\*

و عندما غادر "مارك" و معه "ريم" قهوة المصريين، ساد القلق  
داخل سيارتها "مارك" فى خلال الفترة القصيرة التى عرف فيها  
ريم، أدرك ذكاءها، خشى أن يتكلّم فيصبح كذبه واضحا أمامها  
وضوح الشمس، و هى - رغم فضولها- لا تريد أن تبدأ  
بسؤاله، بل تريده هو أن يسكب أمامها كل المعلومات لتأخذ  
منها ما تريد و تترك ما لا تحتاجه، و لكنه لم يفعل، أكدت له أنها  
تعرف منطقة كفر عبده، و تحفظها شيرا شيرا لأن جدّها تسكن  
هناك، و أنها رغم كل ذلك لا تتذكر اسم محل ملابس جاهزة  
يُسمى "إيكستاسى"، و ظل هو يتجنبها بأقل و أقصر الإجابات  
الممكنة حتى وصلوا إلى "إيستيميشن كافيه" حيث ينتظرهم البقية

حينها صحح لها: "المحل اسمه إكسترا-سى extra-C مش  
إكستاسى"

\*\*\*

تحسنت الحالة الصحية لوالدة "ريم" و"هبة" كثيرا، لم تشف تماما و لكنها أصبحت أفضل حالا، بات من المسموح الآن بقاؤها في البيت بشرط أن تحصل على الرعاية المناسبة، وهذا خير سار للغاية بالنسبة للأختين، بعد أن تناوبا الرعاية لأمههما في المستشفى، لم تكذب كل منهن أن تصدق أنها حرة و أن مواعيد الخروج و الرجوع لم تعد محسوبة، أول شيء فعلته "ريم" هو الإتصال بـ "نيفين" فتاة كانت قد قابلتها منذ فترة، لتخبرها بأنها تريد أن تريد أن تراها، و ذهبت بعدها بساعات للقائهم في محطة الرمل، أما "هبة" الأخت الكبرى فلقد وجدت أخيرا الوقت الذي تنسده للقاءات الوظائف "الترفيهات"، للبحث عن وظيفة أفضل و مرتب أكبر، و ها هي في غرفة الانتظار في إحدى الشركات، مضى وقت طويل و هي هناك، في تلك الفترة كانت قد استخدمت كل طرقها السرية لتفريغ الارتباك، أكلت بشراهة معظم أظفارها، قامت إلى الحمام غسلت وجهها أكثر من مرة، ثم بدأت تكلم نفسها في المرأة، لا تندesh فهذه هي إحدى عادات "هبة"، رجعت إلى مكانها و جاء دورها، قامت عند سماع اسمها، وقفت أمام الباب، الباب الذى يخفى وراءه الطريق إلى الوظيفة التى تمثل جزءا كبيرا من أحلامها، هذا الباب الذى قد يكون وراء أعظم كوابيسها أو كل أحلامها.

"عساير يشوفنا يهيسب بينا إيسه بروح أمه؟" قالها "خالد" بغضب، نفس الغضب الذي لم يتبه و لم يتخل عنه منذ أن بدأ هذا الموضوع برمته، كان هو و"نادر" و"نيفين" جالسين في إستميشن كافيه الذي لم يعد من المحظور زيارته، و التف الجميع حول "ريم" و"مارك"، حول الجنود الذين جاؤوا بحوزتهم أنباء العدو، و جاءت العبارة الأخيرة السابق ذكرها لتوضح شكوك "خالد الكفراوى" في التوايما الحقيقية وراء تصرفات "محمد البارودى"، ولكن يبدو أن هذا ليس شعور "خالد" فقط فلقد أضاف نادر: "أنا كمان حاسس إنه بيحور علشان نجيله فيطلع لاملنا ناس يضربونا و لا حاجة"

أوضح خالد: "بالضبط هو مش هيستفاد حاجة لما يجينا كده من نفسه و يدفع لنا فلوس"

و ازادت "ريم" من فيض علمها: "أنا أكثر واحدة عارفة البارودى، و الحركة دى لايقة أوى عليه، على فكرة"

و قبل أن يوضح مارك نقطته اقترب من أذن نيفين وهمس: "معلش ممكن تقومى إنتى و ريم علشان نعرف نتكلم، بس مش دلوقتى علشان ما يانش إن أنا إल्ली قولتلك "أومأت" نيفين برأسها موافقة، أما هو فلقد استدار ليعلن عن وجهة نظره: "طب لو كده إنت هيقى فى إيدك إيه عمله يعنى، هاتنضرب، بعد كده هنجيب كل إल्ली نعرفهم، و نروح

نضرب فيه لحد مانجييله عاهة مُستديمة، بس أنتو روحوا و لو ده  
حصل يبقى على الأقل اسمكو حاولتوا تتفاهموا معاه بالكلام،  
وهو إللى مقيش " و استكملت "ريم" آرائها غير المطلوبة فبدأت  
نيفين فى التمثيل و تغيير الموضوع تمهيدا للتخلص منها : "أنا كل  
ما حد بيتكلم فى الموضوع ده قدامى بفتكر شكل الخناقة و أنا  
مبحبش منظر الضرب و كده، على العموم أنا كنت عايز أقيس  
حاجة شوفتها جنبنا هنا فى مانجو، ما تيجى معايا يا ريم"

- ماشى.

- طب يلا بينا.

- إيه دلوقتي؟! طب ماتستنى يا بنى أنا كده كده كنت  
رايحة قبل ما أروح،

- لا تعالى دلوقتي أحسن علشان ده أنسب وقت غير كده  
هتلاقيه زحمة و مش هتعرفى تقيسى حاجة، هتيجى معايا يا ريم  
ولا إيه نظامك؟

"مم" غمغمت "ريم" و قد أدركت أنها غير مدعوة، و لم تتقبل  
ذلك بشكل شخصى، رغم أنها هذه هى المرة الثانية فى نفس  
اليوم إلا أنها عدت أن هذا من حقهم فرغم كل شىء هى لا  
تزال جديدة على هذه المجموعة فقامت مع نيفين ليس إلى محل  
الملابس، بل تحججت بأنها تذكرت أمرا مهما يجب

إنجازها، عرض خالد أن يوصلها و لكنها رفضت، عوضته بقولها إنه يمكنه فعل ذلك في المرة القادمة، إذن فهناك مرة قادمة، فهكذا يقول المنطق، وهذا هو ما يوحى به التفكير السليم.

\*\*\*

الداما (ورقة البنت في لعبة الأوراق)، ليلي هانم الكفراوى، ولا يدري أحد لماذا تصر على وضع كلمة هانم في منتصف اسمها، ربما لأفافة محدثيها من وهم الحيادية و حلم التواضع، من سبيل "إنت مش عارف إنت بتكلم مين؟"، ترجع رأسها في فخر و هي تنطق تلك الكلمة تحديدا، وترسم (في ارتياح) على شفتيها المتجعدتين ابتسامة نصر في معركة لم تبدأ بعد، ذهبت إلى نادى سيورتنج في المكان و الموعد اللذين حددتهما مع "رامى"، جاءت متأخرة بقصد لتترك عنده انطبعا مُحددا ومقصود، وجدته جالسا هناك وحيدا، سلمت عليه و جلست بدورها أمامه، و لكنها بدأت تتكلم في هاتفها الجوال مع أخيها و والد "يمنى" في موضوع الورث الذى تعذر تسليمه لشريف الكفراوى و إخوته "حامد ممكن تسكت شوية و تسمعنى؟ الناس دى فعلا بتتكلم في حقها"

- يعنى إيه إيش فكرهم بيه دلوقتى؟ حقهم هما حرين، فلوسهم و هما حرين فيها.

- لأ حرين، ما هو أصله مش قرارك إنت و أخوك بس في حاجة اسمها شرع ربنا.

كل هذا و رامى يتطلع إليها بملل و هو يسمع ردودها الهاتفية التي بدت له و كأنها ذات طرف واحد, حاول أن يقاطع حديثها بأدب مُقترحا أن يرحل و أن يأتى في وقت آخر و لكنها, دون أن تتكلم نظرت إليه غاضبة و أشارت بيدها بأن يجلس و "إلا!", فجلس حتى أهدت المكالمة, التفتت إليه أخيرا, و كأنها أول مرة تراه, و كأنه هو لم يكن موجوداً من قبل, سألته ببرود: "عارف مين إللى كان معايا على التليفون ده؟"

- حد اسمه حامد أكيد هيبقى بابا بيمنى.

- إدينى سبب واحد بمنعنى إني أقوله إللى بينك و بين بيمنى.

- مفيش أسباب, لو حضرتك عايزة تقوليلوه أنا ما عنديش مانع.

قالها ببرود مُفاجيء, و هذا هو بالضبط ما لم تتوقعه "ليلسى هانم", رغم إن ذلك طبيعى للغاية, سبب ارتباك رامى في لقائهم السابق كان المفاجأة, لكنه هذه المرة يعلم ما يحدث جيدا, بل ويتوقع ما سوف يحدث, فهو الآن يدري ما يريد, و قد نظم أفكاره مُسبقا قبل هذا الاختبار, و حضر في عقله أنسب الكلمات التي توصل إلى مسامعها المعنى الذي ينشده.

- أى واحد تانى في مكانك كان مفروض يخاف.

أجاب بملل: "أولا ده أى واحد تانى في مكانى.. أنا موضوع تانى خالص, ثانيا: مش منطقي إني أخاف إنك تقول

لبابا (أو والد) يُمنى إن فى حاجة بينى و بينها و الحقيقة إن  
مفیش حاجة"

سألته لیلی بدهشة من وقاحته: مفیش حاجة؟

رد رامى بنفس البرود: لأ مفیش حاجة، أنا نفسى طبعاً  
وكل حاجة بس المشكلة فى يمنى نفسها، هى إلیلى خايفة تخش  
فى أى علاقة مع أى حد.. لو حضرتك عايزة تقولى للأستاذ  
حامد قوليلوه، مفیش حد يقدر يعاقبنى على حاجة أنا  
معاملتهاش!!، أنا بقاللى سنة بحاول و هى بتصدى، لو إلیلى قالق  
حضرتك إن إحنا ممكن نكون مرتبطين، يبقى مفیش داعى  
للقلق، اطمئن حضرتك خالص، يمنى محتاجة أربع سنين على الأقل  
علشان تفكر ترتبط بأى حد، دلوقتى أقدر أمشى؟

- لیه؟

- علشان ورايا مذاكرة، المید ترم قرب.

قاطعته بصرامة : أنا مبسألکش لیه عايز تمشى، إنت كده  
كده غصين عنك قاعد معايا شوية.. أنا بسألك لیه إنت شايف  
إن يمنى محتاجة مدة طويلة علشان ترتبط بأى حد؟

أجاب رامى فى إستسلام: علشان أنا إلیلى حد ما عارفها  
کويس.

- يعنى هى حاكيتلك على أى حاجة مثلاً خلّيتها تخاف أهما  
ترتبط بحد؟

فقد رامى بعض من هدوئه هذه المرة، شعر بالمهانة: "ده على  
أساس إن هى لو حاكيالى على حاجة هاجرى أقولها لحضرتك  
على طول؟!!"

لم تغضب، بل على العكس أوضحت بحكمة: "بص يا بنى  
متفتكرش إن فيه حاجة إنت عارفها عن يمنى أنا معرفهاش، يمنى  
دى أنا إल्ली مربياها و بتيجى تحكيلى عن أى حاجة  
بتحصلها، أنا بس عايزة أعرف إنت عارف إيه؟"

- عارف الحوار الأخرانى.

- بتاع الواد إल्ली اسمه أحمد ده؟

رامى: أحمد على آه.

سكتت ليلى لفترة ثم استكملت: إنت شكلك ولد  
محترم، أنا عايزة أقولك حاجة، يمنى مش هاتحكملك حاجة زى  
دى غير لو هى واثقة فيك، إنت بتحب يمنى يا رامى؟ بالنسبة لك  
حاجة جدية و لا لعب عيال؟

- لعب عيال؟ أنا مستعد أجيب أهلى من الإمارات  
ونيجى نتقدم من بكرة، و قولتلها هى الكلام ده قبل كده،



بس إيه الفائدة؟ زى ما قولت لحضرتك المشكلة فيها هى مش  
فيا أنا.

أوضحت ليلى مرة أخرى و قد وضعت كلتا يديها على  
سطح المنضدة على سبيل الاستقرار المعنوى فى حوارهما: يعنى  
دلوقتي إنت بتحب يمى و مش حابب إنك تشوفها بتبعد  
عنك، و أنا كمان بحبها و مش حابة إنها تعزل نفسها كده  
وتسمح لنفسها إنها تخسرك و إنت شكلك شاب كويس.

أستفسر بدهشة: حضرتك هتساعديني إني أقرب منها مثلاً؟  
رجعت ليلى فى مقعدها و هى توضح خططها: مش بالظبط  
أنا هأحاول أساعدها هى.

و كان المخطط كما يلي، خريطة الطريق ما بين "ليلسى  
هانم" و "رامى" هى كالاتى، بما أن رامى لا يعجبه الحال التى تعيش  
عليه "يمى"، من بُعد عن الحياة العاطفية و إلغاء فكرة الارتباط  
بأى شاب و لاسيما هو، بما أن ليلى هانم تعاني و تتعذب  
وهى ترى "يمى" التى هى بمثابة ابنتها تعزل نفسها عن الحفلات  
و الحياة الاجتماعية، و بما أن رامى اتضح أنه لا بأس به، فلا بد  
إذن من الاتحاد، اتحد الشاب الصغير و المرأة شبه العجوز اللذان  
فرقتهم العداوة فى لقائهما الأول، اجتماعاً ليحققا العدالة، أو ما  
ظنوا إنه العدالة، و بدأت قواعد اللعبة تتغير.

\*\*\*

في مُبادرة غريبة من نوعها قام "نادر" من مكانه، كان قد دخل بعدها إلى مطبخ الكافيه باحثاً عن "سيد"، ليسأله عن السعر الحقيقي لحبوب الأكستاسي، و أماكن شرائها، لغرض الاستعلام بالطبع لا لغرض الشراء .. أجابه سيد بغباء نادر: "يعني إيه وصل تمنها لكam دي؟ هي سهم في البورصة؟ هي طول عمرها خمسميت جنيه من أيام عبدة الشيطان لحد دلوقتي"

مسك نادر بطرف ذقنه و هو يغمغم مُفكراً (و هذا تصرف مسرحي عجيب لم يعتده سيد من أى شخص): "مش عارف ليه كان عندي الإيحاء إن سعرها اتغير"

علق سيد في دهشة على الكلمة العربية الأصل و كأنها يابانية: إيحاء؟ تجاهل نادر ما حدث تماماً و استمر في أسئلته: "دول معظم الديلرز (التجار) بتوعها في كفر عبده، مش كده؟"

- "في عيلين هناك هم إल्ली ماسكين الحكاية دي في إسكندرية كلها، صحابي على فكرة لو عايزني أظبطك معاهم رفض "نادر": "لا لا، الحوار مش عليا أنا، ده على واحد صحبي كده، بس هو على كده مينفعش يلاقىها أرخص في أى حته عن خمسميت جنيه هه؟"

- "لأ صعب أوى، دي ٥٠٠ دي أرخص حاجة"

رجل "نادر" بعد أن كان قد حصل على مراده من المعلومات،

و قبل أن يستمر "سيد" في عمله من غسيل الأطباق وخلافه، شعر بكيان يراقبه، استادر "سيد" الجرسون إلى الخلف ليجد اللواء المتقاعد صاحب الكافية واقفا وراءه تماما عاقد ذراعيه و متاكئ على الحائط يتأمل، نعم كل هذا الوقت كان اللواء السابق مُستمعا إلى الحوار الذى دار، سمع كل ما قيل حرفا حرفا، و علم أخيرا بسبب تعلق الكثير من رواد المكان بـ "سيد" و الطلبات المتكررة من الزبائن (خاصة الشباب) للتعامل معه، شخصيا، و بالطبع أصبح ذلك اليوم هو آخر أيام خدمة "سيد" لهذا المكان، يا للمسكين.

\*\*\*

"أبوة ما هو كل ده مكتوب قدامى فى السى. فى. ممكن أبقى أقراه على مهلى بعدين" قالها لـ "هبة" ذلك الرجل الذى قد بلغ الخمسين على الأقل من عمره، هذا هو التفسير الوحيد للون الأبيض الذى قد غطى معظم شعيرات رأسه الضخم، كانت "هبة" قد قضت على الأقل أكثر من نصف ساعة فى تلك الحجرة مع هذا الرجل البارد، كانت مُرتبكة بالطبع، ظهر الارتباك على وجهها مع الجملة الأخيرة، لم تدر ما تقول بالضبط، لاحظ ذلك الرجل الموظف بشئون العاملين ذلك و تجاهله عن قصد، كان مدرب على هذا العمل، فاستكمل

كلامه بعد أن أراح ظهره على كرسى مكتبه الجلدى الوثير  
:"إنت عارفة أكيد إن فى مليون موظف فى إسكندرية معاهم  
شهادات خبرة أكثر من إالى معاكى بكثير"سكت لبرهة من  
الزمن وتظاهر كأنه يفكر فيما سيقوله بعد ذلك",مش قاصدى  
أقلقك ولا حاجة,أنا ليا نظرة و شايف إن إنتى مناسبة جدا,بس  
برضه فى مليون حد معاه شهادات خبرة أكثر من كده,كلمينى  
شوية بعيد عن الشهادات,قوليلى إنتى ليه حاسة إنك هتنجحى  
فى الوظيفة دى بالذات,أكثر من أى حد تانى؟"

بدأت تتكلم بالإنجليزية كعادتها عندما تضطرب (١)

I think it is very interesting to create "  
techniques that provides new customers to  
"products ; .

كان يهز رأسه فى برود مستفز,حتى جعلها تشك فى كونه  
يفهم اللغة التى قررت فجأة أن تتكلم بها أم لا,فرأت أن  
ترجمها إلى العربية على سبيل الاحتياط.

هبة: فيها متعة مينفعش ألاقىها فى الأكاونتىج(المحاسبة) مثلا  
أو فى أى تخصص تانى.

كانت قالت كل ما عندها فعلا,لكنه ظل ينظر إليها مبتسما  
لثوان عدة منتظرا أن تقول شيئا جديدا,مما أربكها  
أكثر,فازدادت ابتسامته الروتينية و قام من على المكتب بشكل  
ميكانيكى و مد يده ليصافح هبة التى انتفضت فجأة هى

الأخرى، قبل أن يوضح: "طيب إحنا كام يوم كده هنشوف إيه الوضع، و لو فيه نصيب نتعامل مع بعض تاني ييقى هنتصل بيكى أكيد" قالها بشكل غريب يوحى لسامعه أن العبارة اللى خرجت للتو من فمه مُسجلة مُسبقا تنطلق عند الحاجة.

سألته فى قلق واضح: "حضرتك معاك غمرة الموبايل؟"

سألها الموظف بدهشة و قد اختفت من على وجهه الابتسامة: "ليه؟ هو إنتى مش كاتبها فى السى فى؟"

ارتبكت أكثر: "لا لا لأ طبعاً إزاي يا فندم"

عادت إليه ابتسامته بسرعة غريبة قبل أن يلتقى كفا يديه وهو يقول: "خلاص طيب اتفضللى حضرتك دلوقتى، استنى تليفون مننا قريب" باختصار كان لقاء العمل (الإنترفيو) شبه فاشل، به الكثير من نقاط الضعف اللى تبعث على القلق، بس تكاد تغطى على نقاط قوته غير الموجودة تقريباً، خرجت "هبة" من الحجرة و بدأت تعتصرها الكثير من الأفكار المزعجة و هى فى طريقها إلى خارج المبنى، ماذا لو لم يقبلوا بها؟ أو لو قبلوا بها و لكن بمرتب لا يسمح لها أن تتحمل مصاريف علاج والدتها؟ ماذا لو وصل إلى موظفى الشركة اللى تعمل فيها أنها تتقدم للعمل فى شركات أخرى؟ هل سيكون مجرد موقف مُحرج يحويه الوقت و الجهد؟ أم أن ذلك سيعيق

مسيرتها المهنية؟ و آلاف المخاطر المخيفة الأخرى قد زارت بالها  
و كلها تبدأ بعبارة "ماذا لو"، لم يقطع حبل أفكارها إلا  
اصطدامها بفتاة أخرى في سنّها تقريبا تعمل في المكان، و قد  
تبعثت الأوراق التي كانت في يد تلك الأخيرة على أرضية  
الممر، انحنت هبة على ركبتيها و هي تعتذر لتساعدها على لم  
الملفات و محاولة لتخفيف الأضرار غير مقصودة، و بدلا من أن  
تقبل الفتاة اعتذار "هبة" أو حتى ترفضه تركت كل شيء  
وأمعنّت النظر في وجهها و سألتها في دهشة: "إيه ده إنتي  
بتعملي إيه هنا؟"

أجابت هبة و هي لا تزال نصف شاردة و حزينة كاملة: "  
كنت جاية أتقدم لوظيفه و.."

و يبدو أن تلك لم تكن هي الإجابة التي تسعى إليها الشابة  
فقاطعت هبة للمرة الثانية بنفس الدهشة: "إيه يا بنتي !.. إنتي  
مش فاكراني ولا إيه؟"

نظرت هبة إلى وجه الفتاة لأول مرة منذ بداية اللقاء.. فلقد  
كانت طوال الوقت تنظر إلى الأرض التي غطتها الأوراق، بدأت  
تعدل خصلات شعرها، تبعدها من عينيها لتستطيع التطلع  
بشكل أوضح، حتى تقول في حيرة: "الحقيقة مش متذكّرة  
حضرتك أوى، حضرتك تعرفيني قبل كده؟"

أجابت الفتاة ضاحكة: "أنا"مى"إللى كنت معاكى نى المدرسة, فى مدرسة "نوتر دام دى سيون", أنا و إنتى و نسرين غانم"

هنا, و فقط اتسعت عينا "هبة"من المفاجأة, و فتحت فمها من الدهشة و الفرحة حتى كاد فكها السفلى أن يتلامس بالفعل مع رقبتها, قالت أو بمعنى أصح صرخت (بعد عدد لا بأس به من الأحضان بالطبع) "إيه ده"مى"! ,سورى (أنا آسفة) معرفتكيش خالص, الحجاب غير شكلك أوى, أنا حسيت إن أنا بشبه عليكى بس مين بقى بالظبط؟ مجاتش معايا, إنتى بتعمللى إيه هنا؟

أجابت "مى": "أنا بشتغل هنا بقالى شهرين, لسه مياقلش كام إسب..."

و قاطعها صوت بعيد لموظف غاضب يتكلم عن تأخير ورق ما, و غالبا كان هو ذلك الورق الذى فى يدها الآن, فاعتذرت "مى" لـ "هبة": "طب بصى أنا لازم أمشى علشان متهزقش, أنا لازم أقعد معاكى, إنتى نمره بيتك زى ما هى صح؟

\*\*\*

و مُجمل ما جرى بعد رحيل "ريم", و مُلخص ما توصلوا إليه أصحاب الشأن الأربعة فى قضية "تقدير خسائر الحرب مع

البارودى" هو استبعاد فكرة الاستمرار في العنف بعد أن تم الإثبات بالدلائل أن العدو أكثر قوة بكثير، وأكثر علما كذلك، ولكن طرح نفسه تساؤل جديد "هل من الأمان التعامل معه ؟ هل من الممكن الاطمئنان له ؟ ماذا لو ذهبوا فوجدوا أنفسهم محاطين بأصدقائه في نية واضحة لإلحاق الضرر بهم؟"

و كان لابد أن يوضح "مارك": "انسوا يا جماعة حكاية إن هو يكون محضر لنا حد دى.. عايزكوا تشيلوها من دماغكم خالص، هو أصلا عايز مننا فلوس دلوقتى، حسب كلامه إن تمن الأربع حبايات إالى إحنا أخذناهم أكثر من ألف و خمسمية فهو هيخصم منها تمن العربية إالى كسرهما و هيبقى له عندنا فلوس كمان"

وكان "نادر" (على عكس "نيفين" و "خالد") مقتنعا برأى "مارك" فاستكمل: "على فكرة الأسعار دى مش بس على حسب كلام البارودى، أنا دلوقتى كنت لسه بسأل سيد قاللى إن الحباية الواحدة من دول خمسمية، اضرب فى أربعة يبقى ألفين، شيل منها فلوس العربية يبقى هو لسه عايز مننا خمسمية"

تلاقى بعد تلك الجملة الأخيرة حاجبا "خالد الكفراوى" وسأل فى غضب و ثورة لا علاقة لهما بالمشكلة الأصلية: "ثانية واحدة، إنت روحت سألت سيد عن أسعار حبايات ؟، إيه



الغباء ده، أكيد بعد كده هيقولك دول عيال هابلة مش فاهمة حاجة، و يعد يغلى علينا الأسعار"

و أوصل "مارك" نفس المعنى ولكن بهدوء: "إنت كان ممكن تسألني أنا على فكرة و أنا كنت هقولك "ثم استكمل" بس مش هو ده الحوار دلوقتى، مينفعش إحنا الثلاثة نتكيف و نادر هو إالى يدفع نتيجة اللى إحنا كلنا عملناه"

هنا أسند نادر ظهره على المقعد و أضاف فى ارتياح: "خلاص يبقى كده كل واحد فيكو يدفعلى".

## الفصل التاسع

### "ميس توزيع"

"ميس توزيع" أو Missed توزيع أو Miss توزيع  
الثلاث كلمات تؤدي إلى نفس المعنى و القصد و الإتجاه، فقد  
للتوزيع الصحيح الأوراق، و هذه أيضا إحدى مواصفات  
اللعبة، نتيجة لخطأ أحد اللاعبين يتم توزيع الأوراق بشكل غير  
عادل و غير متساو، فيصبح من المستحيل الاستمرار في اللعب،  
ومن المحال الكسب فيه أو حتى الخسارة، فيسلم الجميع أوراقه  
لموزع الأوراق ليعيد توزيعها هذه المرة بفرص متكافئة، نفس  
النظرية التي حاول جمال عبد الناصر أن ينفذها بعد الثورة  
ولكن هذه المرة بإعادة توزيع أوراق اللعب بدلا من إعادة  
توزيع أرزاق الله على البشر، هذا كله في اللعب، و لكن عندما  
نأتى إلى الواقع هل يحدث ذلك؟ وحتى إذا استسلمنا لمخاوفنا  
الخاطئة و إلى أوهامنا..

على مجرد افتراض أن الأوراق التي في يدنا لا تناسبنا، و أن  
الفقير أراد أن يصبح ذا مال مثل الغنى، و أن المريض أراد أن  
يُصبح ذا صحة مثل الرياضى، لماذا لا نطلب إعادة التوزيع؟ لماذا  
لا نبدأ بالعمل و الدعاء أن نغير في تركيبتنا الحالية؟ فنستثمر

الأموال لكى تزيد، و نطلع عن التدخين لنستعيد الصحة الضائعة  
و هكذا، لماذا ننسى عندما نقبل أن هناك دائما حق أبدي في  
التوبة و بدء اللعب من جديد؟ لماذا لا نطلب كوبا غير الكوب  
نصف الفارغ؟ لماذا لا نلعب بأوراق أخرى بدلا من تلك التي  
نشكك أنفسنا في صحة أعدادها؟ ألن يكون ذلك أسرع  
وأفضل من إضاعة الوقت في البكاء على اللبن المسكوب  
والندم؟ لماذا نرفض أن نبدأ من جديد خاصة إذا كنا غير  
فخورين بما مضى؟

لماذا نتظاهر عندما ينخفض معدل الدرجات أثناء اللعب  
بالتعب قبل نهاية اللعبة بدلا من الاستمرار أملا في الفوز؟ لماذا  
نرفض أن ننسى أحزان الأمس و نأبى نعيش اليوم الجديد ؟  
لماذا لا نؤمن بالفرص الجديدة؟

\*\*\*

بدأ الجميع بالشك في أمر "عمرو سلامة" و في صدق  
أحاسيسه تجاه "لينا"، جميع الأصدقاء، جميع الزملاء، جميع من  
يعلم بمشاكله السابقة مع لينا، الجميع بلا استثناء حتى أقرب  
الناس إليه شكوا في حقيقة شعوره نحوها، إن كان حزينا  
بالفعل كما يُحاول أن يوحى و يزعم للناس؟ أم أنه سعيد من  
الداخل؟ ربما تظاهر بالحزن رجاء في المزيد من التعاطف العام  
من حوله لإشباع رغبة نفسية معينة، ربما خشى أن يُلام و أن

يُحمل ذنب انتهاء هذه العلاقة، فقرر أن يظهر حزنه أولاً من باب أن المجوم هو أفضل وسيلة للدفاع فيتلهى في إسكاته الجميع و ينسوا أن يلحقوا به أذى الكلام، لم تكن تلك الشكوك مُجرد نظريات فارغة لمضيعة الوقت، فتلك الشكوك - و إن لم تخرج عن غرض النسيئة فهي - مبنية على أسس عاقلة و حكيمة للغاية و مُرتبة بشكل يكاد يتحرى المنطق، لم تكن شكوك بلا سبب بل كانت نتيجة لطول فترة حزنه عليها، على قدر ما كان من الطبيعي أن يحزن عند انتهاء العلاقة على قدر ما أنه ليس من المقبول أبداً أن يستمر حزنه حتى الآن، فلقد مر على فراقها مدة أطول من مدة معرفته بها!!، لماذا مازال يغضب عند سماع اسمها؟ لماذا يضع صورها خلفية لهاتفه الجوال؟ لماذا لا تزال هي الموضوع الأوحى لكل أبيات شعره؟ لماذا يتحدث عنها حتى هذه اللحظة؟ حقيقة أنه مازال يتذكر اسمها غريبة في حد ذاتها، حتى أقرب الناس للمتوفى لا يحزنون عليه أكثر من أربعين يوماً، فكيف به يحزن عليها كل هذا الوقت؟ ألم يتعب؟ ألم يمل؟ طول الفترة أفقدت المصداقية لصورة العاشق المخلص التي رسمها الجميع عن "عمرو سلامة"، فما أسهل أن يتحجج بمشاكله معها لكي يبرر رسوبه في الدراسة، يتخذها سبباً لشرب الحشيش، باختصار رأى الكثيرون كونه لا يزال على حاله مُبالغة غير مطلوبة، إعادة مُملة لفكرة قد وصلت بالفعل، إذن فلماذا؟ .. توقفت بعد كتابة السطر السابق، سرد أحداث حقيقية يفرض عليك أمانة مُحددة و هذا هو ما أوقفني، ذهبت

لأسأله، أسأل صاحب الشأن "عمرو سلامة" عن أقواله في الاتهامات الموجهة إليه، و تجمعني كراو للأحداث صداقة فريدة من نوعها بـ "عمرو"، نعرف بعضنا منذ زمن بعيد فلا مجال إذن للخجل بيننا، ابتعدت به عن الضوضاء والأضواء، جلسنا في مكان ناء مُنْعَزَل عن الجميع و سألته، سألته عن السبب الحقيقي لكل ذلك، و جاءت إجاباته بسيطة للغاية، هو لا يتذكرها دائما، و يغضب عند سماع اسمها لأن الاسم يذكره بصاحبة الاسم التي ينوى أن ينساها، صورة العاشق تلك لم يكن ينوى أن يظهرها بل تسربت منه دون قصد أو تخطيط، و بصفتي أحد المعجبين القلائل بأبيات شعره غير الموزونة سألته عن السبب الذي جعلها وحدها موضوعه الأهم في الشعر، فأوضح أن أبيات شعره لا يكتبها إلا عن شيء لمسه و شعر به و هو لم يتزل إلى ملعب الحياة ليحرب أية علاقة بعدها، إنه - و على قدر ما يبدو هذا غريبا و سخيفا في آن واحد - لا يجد أى عائق في تخطي ذكرى فراق "لينا"، هو حقا يريد أن ينساها ولكنه لم يجد من ينسيها له، أو حتى ما ينساها به، ينتظر أوراق جواز السفر ليهاجر من من جمهورية لينا القائمة على نظام الحكم الديكتاتوري، ينتظر عقيدة أخرى بديلة و جديدة يتمسك بها قبل أن يكفر بقدسية "لينا" إلى الأبد، إنه لا يتذكر "لينا" لعظمة حادثة لقائها و لكن لعدم حدوث أى شيء مهم أو غير مهم في حياته، حياته المليئة بفناجين القهوة والمحاضرات و التكرار، حياته التي يأكل الفراغ معظمها فلا

يبقى لديه الوقت للقيام بأى شىء، فهل "عمرو سلامة" هو ذلك المسكين؟ هل هو ضحية؟ أم أنه يريدنا أن نظن ذلك؟ أنا رغم معرفتى الوطيدة به لا أعلم بصدق أية إجابة حقيقية لهذا السؤال

\*\*\*

فى الفترة الأخيرة كثرت اللقاءات السرية ما بين "رامى" و"ليلى هانم الكفراوى"، و من كثرة اللقاءات بات الآن "رامى" يرى "ليلى هانم" عمّة "يمنى" أكثر مما يرى "يمنى" نفسها، قبل أى لقاء مع "يمنى" يثرى ثقافته بحوالى لقائين أو ثلاث لقاءات مع عمتها على سبيل التحضير و التخطيط المسبق للاحتِمالات، وكان لكل منهما دوره فى لعبة الإحاطة بتفكير "يمنى"، ليلى هانم أصبحت الآن أكثر فضولاً عن أى شىء يخص "يمنى"، اهتماماتها، ما تحبه و ما تكرهه، أفلامها المفضلة و آراؤها السياسية، و تجمع "ليلى هانم" كل تلك البيانات لتسلمها إلى "رامى"، و هنا يبدأ دوره، يظهر بالمصادفة فى أى مكان تذهب إليه، و يتظاهر بالتفاجؤ و الدهشة عندما يراها بعبارات مثل "إيه ده هو انتى بتعمللى إيه هنا؟"، و تلك عملية شاقة للغاية، وجد نفسه حاضراً بشكل متواصل لأفلام كل تلاميذ يوسف شاهين غير المفهومة بالمرّة فقط لأن ليلى هانم قد نبهته أن "يمنى" تميل إلى تلك النوعية من الأفلام السيكوباتية غير المألوفة، أصبح رغم أنفه من المهتمين بالظواهر الثقافية للعالم

السفلى نصف المشهور للموسيقى العربية الجديدة والحديثة, حضر أكثر من حفلة لفرق غنائية لم يسمع عنها من قبل مثل "وسط البلد" و"افتكاسات" و"مسار إجبارى", "كاريوكى" و"Born in hell" .. و فرق أخرى يجد حتى هذه اللحظة صعوبة فى نطق أسمائها.. فما بالك بفهم معانى كلمات أغانيهم و مقاصدهم؟؟

\*\*\*

لعبة الإستيميشن لها الكثير من الطرق لإجادتها, فيمكنك أن تلعبها كثيراً, أو أن تلعبها مع المحترفين, أو أن تشاهد الكثير من المباريات دون المشاركة على سبيل التعلم, ولكن هذا كله سيكون بلا فائدة إذا نقصتك صفة واحدة هى التى تفتح لك أبواب الإستيميشن, وهذه الصفة هى: قوة الذاكرة, فهناك تشابه كبير بين ترتيبك لأوراق اللعب و ترتيبك لأوراق حياتك, يجب فى البداية أن تتذكر عدد و نوعية الأوراق التى لم تعد فى يدك و التى لم تنزل على "الأرض" بعد, فهذا يعنى أنها لا تزال فى أيدي الآخرين, فقوة و تأثير الأوراق التى سوف تلعب بها مُعتمدة بشكل أساسى على ذاكرتك, و مستقبلك فى بقية المباراة لن يحدده إلا تذكرك الدقيق لماضى المباراة حتى هذه اللحظة, فعندما تبدأ من جديد أملاً فى الفوز بعد طول الخسارة

يجب عليك أن تتعلم بصدق من أخطائك السابقة، ألم أقل لكم  
إن الذاكرة هي مفتاح تلك اللعبة، لعبة الحياة؟

\*\*\*

هل تذكر فترة التسعينيات؟ كانت لها سمات مميزة  
للغاية، المتطرفون، عبدة الشيطان.. القناة الأولى والثانية، سيارات  
الـ ١٢٨ و الـ ١٢٧ التي ملأت البلاد، مسلسلات ليالى  
الحلمية، رأفت الهجان، فيلم المنسى.. جمال الشاعر ومسابقات  
القرآن الكريم، مفيد فوزي، عزب شو، كاظم الساهر، بداية  
نجاحات عمرو دياب ونهاية نجاحات جيل على الحجار، مجلة  
ميكي، الشيخ الشعراوي، أفلام الكونج فو بطولة أشباه بروس  
لي، مايكل جاكسون، فوازير نيللي، ثم ظهور اختراع الدش، رزان  
المغربي، قنوات الأم . بي . سي. عندما كانت قناة واحدة  
فقط، قناة النيل للمتنوعات عندما كان لها علاقة بالتنوعات  
والترفيه، سينما الشباب، محمد هنيدي، علاء ولي الدين، يا لها من  
فترة!، ولكن مهما كنت تذكر تلك الفترة بوضوح فلن  
تذكرها مثلما يفعل "أحمد شمس"، هو تقريبا يفعل ذلك كل يوم  
من الصباح حتى المساء، فقط عندما نصل إلى النهاية نبدأ نفكر  
في البداية، عندما ينتهي الفيلم نفكر في الرموز الفلسفية المقصودة  
من المشهد الأول، عاد "أحمد شمس" إلى عمله القديم و مكتبه



الأساسى، حاصرته الذكريات القديمة، كل ركن فى المكتب، نفس المكتب، نفس الوظيفة والموظفين، نفس الزملاء والأصدقاء، حتى الكرسي الذى يجلس عليه لم يتغير فيه الكثير، قضى أول أيامه هناك سائحا أكثر منه عاملا، زائرا للبيت الذى قضى فيه شبابه أكثر منه مشاركا فى العائلة التى تسكن الشركة، و زاد ذلك السلوك عندما اكتشف بعد توظيفه بأسابيع عمل إحدى معارفه القدامى معه فى نفس الشركة ولكن فى قسم مُختلف، كانت زميلته فتاة تُسمى "مى"، فتاة عرفها بشكل سطحي أيام الدراسة، عندما كان هو فى سان-مارك كانت هى أصغر منه بستين فى مدرسة نوتر-دام-دى-سيون، فى البداية كانت مسألة أصدقاء مُشتركين، أصدقائها و أصدقائه الذين يصممون أن يتقابلوا فى مكان يُسمى السيندريللا، و السيندريللا هذا اشتهر فى التسعينيات بتبنى أول أشكال ظهور موسيقى الهاقى-ماتيل فى الإسكندرية، وظل على نجاحه حتى اهتمته مجلة "الرئيس كويس والشعب مهيس" الشهيرة بمجلة "روزاليوسف" بممارسة طقوس عبادة الشيطان هناك، ظل المكان يُحارب تلك السمعة السيئة و الاتهامات الظالمة و لكن المجلة كانت قد حسمت أمرها بالفعل دون استشارة أى شخص، فاضطر صاحب المكان أسفا أن يهاجر إلى الخارج ومازال (حسب ما سمعت) يعيش فى الخارج حتى الآن، ولم تنته معرفتهما بغلق ذلك المكان، فعندما

اضطرت زوجته القديمة إلى الهجرة إلى القاهرة قابل  
هناك "مى" للمرة الثانية كانت ظروفها هي الأخرى قد اضطرتها  
إلى السفر إلى العاصمة لاستكمال الدراسة، كان يقابلها بانتظام  
أثناء زواجه من "مروة"، صفته كصديق قديم لم تتغير قط، لم  
يكن "على" ابنه قد أتى بعد إلى الدنيا، بالغت كعادتها مروة في  
علاقة "أحمد" بها اهتمته بخيانتها معها، عندما قدرت الظروف أن  
يتقابل "مروة" و "مى" بالصدفة في مكان عام أخرجتها "مروة" أمام  
الناس، من فرط سوء الموقف لم يملك "أحمد" الفرصة للاعتذار  
لـ "مى"، ثم جاءت بعد ذلك ولادة "على" و ألهمت الحياة أحمد  
شمس، لم يقابل "مى" بعد ذلك، ليس حتى الآن، أخبرها اليوم أنه قد  
انفصل بشكل نهائي عن "مروة"، لم تستطع أن تخفى  
سعادتها، كانت تحبه سرا منذ زمن طويل على ما يبدو، جلسا في  
مكتبه يتبادلان الذكريات، وسرقهما الوقت، "لأ أنا افكرت، إلى  
إننى بتتكلمى عنه ده مش تامر ده كان محمود" كانت تحكى عن  
أحد زملاء فترة الشباب و قد طلبت منه أن يحاول معها تذكر  
اسمه، و بعد أن قال العبارة الأخيرة بثقة، أرجعت هى ظهرها إلى  
المقعد و سألته في اهتمام: "محمود؟ معلى مين محمود ده؟" "مش  
فاكرة محمود؟" "سألها" أحمد في دهشة قبل أن يستكمل  
ضاحكا "أنا مش فاكر اسمه بالكامل بصراحة، بس المفروض إن

أنا أعرفه عن طريقكوكو، كان تبع شلتكوكو إنتو، فأكرة ياسمين إنتي  
صح؟"

"آه طبعا فأكراها دى فضلت أنتيمى لحد ما سافرت  
أمريكا" استكمل "أحمد" بحماسة: "محمود هو إالى كان  
مصاحبها، وكان عنده موتوسيكل ماركة "ياماها" و عمل بيه  
حادثة يوم ما كانت عاملة عيد ميلادها فى فيلتهم فى العجمى"

اختفت علامات الاستغراب من على وجهها لتستبدلها  
الضحكات: "آه افكرته، ده كان مسخرة، هو راح فىن ده؟"

"سمعت إن هو بقى مُعيد فى تجارة دمنهور باين، معرفش  
إزاي! أنا عن نفسى مش متخيلاه مُعيد بصراحة"

"بس والله يا أحمد صدفه حلوة إني أقابلك علشان نفتكر  
الحاجات دى" لم تنتظر رده بل انتفضت فجأة نتيجة للحقيقة  
التي كادت أن تنسى إبلاغه بها: "عارف مين كمان هيشغل  
هنا معانا؟"

- "مين؟ حد أعرفه؟".

- "هبة" قالتها بفرحة شديدة لم يفهم لها سببا.

- "هبة مين؟"

- "هبة عبد السلام، قابلتها و هي طالعة من الإنترفيو بتاعها  
من كام يوم"

أجاب و هو ما زال في حيرته : "المفروض إني أعرفها يعني؟"

- "تعرفها؟!، في إيه يا أحمد مالك؟ إنت كنت مصاحبها"

- "أنا عمري ما صاحبت واحدة اسمها "هبة"، هـى كانت  
بتيجي معانا سيندريللا مثلاً؟"

- "لأ، لأ، لو قابلتها و أنا معاك هابقي أعرفك بيها و أنت  
هتفتكرها"

قرر أن ينسى الموضوع برمته، ارتسمت قبل أن يتكلم على  
شفتيه ابتسامة ارتياح: "كانت أيام حلوة أوى"

وافقته و هي توميء برأسها، كان خلال الدقائق السابقة  
يحاول أن يختار اللحظة المناسبة لدعوها إلى الغداء، لا يريد أن  
يُفسد بهجة الذكريات بتحويلها إلى شكليات تُفسد هذا  
الشكل العفوى التلقائي للحديث، تغلب على خجله وحسم  
أمره : "مى إنتى وراكى حاجة بعد الشغل؟"

قالها فجأة و بسرعة شديدة و كأنه يتخلص منها قبل أن  
يغير رأيه أو يتملكه التردد مرة أخرى.

أجابت "مى" في حيرة: "آه فاضية أكيد ليه؟"

و جاءت اللحظة التي سيدعوها فيها إلى الغداء, لم يكذ أن  
ينطقها حتى قاطعه نقر على باب المكتب, ثم شاب يدخل  
و يسأل في بلاهة غير مطلوبة في وقت حساس كهذا: "لو  
سمحت هنا مكتب البشمةهندس مندور؟"

كان شابا يصغر "أحمد شمس" بحوالى خمسة أعوام, قوى السبني  
و لكن ليس ضخمة الجثة, شكله مألوف إلى حد ما,

أجابه أحمد: "لأ, الأودة اللي زى دى فى الدور إالى فوقينا"

و كأن الشاب كان قد قصد مقاطعتهم بالذات فاستكمل  
إستفساره: "معلش الظاهر إن أنا اتلخبطت, أمال ده مكتسب  
مين؟"

أجابته "مى" هذه المرة: "مكتب أحمد شمس"

و لم تكن تلك هى نهاية مُسلسل إزعاجه فاستكمل فى  
حيرة: "أحمد شمس؟ أمال حضرتك تبقى مين؟"

رد أحمد بسخط, فقد كان الضيق قد سيطر عليه فعلاً هذه  
المرة: "أنا أحمد, حضرتك عايز حاجة؟"

ابتسم الشاب: "إيه يا شاف أحمد إنت مش فاكرنى ولا  
إيه؟"

هنا أضاق أحمد عيناه و تمنى محدثه في تساؤل: "شاف؟ إنت كنت معايا في الكاريتاس؟"

زادت ابتسامة الشاب: "إيه يا شاف شمس في إيه مالك؟ أنا عيسوى"

ظهرت المفاجأة المتأخرة على وجه "أحمد" و صحتها ضحكة حماسية: "إيه ده ؟ لا لا لا, عيسوى بتاع السكواش, لا مش ممكن إنت بتشتغل هنا إنت كمان و لا إيه؟"

أجاب عيسوى بشيء من الفخر غير المفهوم: "آه لسه مثبت الأسبوع إल्ली فات"

سأله أحمد في إهتمام: "و لسه بتلعب سكواش زى مانت؟" أجاب عيسوى و هو يحاول التمسك بابتسامته: "لأ أخذت بطولة الجمهورية كام مرة كده و بعدين حصلتلى حادثة كده فاتمنعت من اللعب" قالها بشيء من الهم و لكنه يخلو من الاعتراض أو الشكوى.

لم تكن "مى" تعرفه و لكنها على سبيل المشاركة الدوقية في الحديث سألته في تظاهر بالاهتمام: "إيه ده ؟ حادثة عربية؟"

أجاب مضطرا و قد غلب عليه الحرج والغضب و الارتباك معا: "لأ حادثة خناقة يعنى, عيل أهبل ضربنى بحاجة في

رجلى، مبقاش ينفع ألعب فى البطولات، بس أنا بلعب عادى  
يعنى، بروح ألعب كل كام يوم فى سبورتنج، الحمد لله على كل  
حال"

لاحظ أحمد شمس ذلك المزيج من الأحاسيس المزعجة الذى  
عصف بـ "عيسوى" فخرج من هذا الإطار من الحديث: "على  
العموم حصل خير، و أختك الصغيرة "نادين" دخلت إليه؟ اسمها  
نادين مش كده؟"

نجحت تجربة "أحمد شمس" و عادت ابتسامة "عيسوى" إليه  
وهو يقول: "نادين آه، دخلت فنون، هى دماغها رسم  
والحاجات دى" استكمل أحمد: "هى نادين كانت فى سن كريم  
أخويا أو أصغر منه بسنة.. يعنى مفروض تكون فى أولى دلوقتى  
صح؟"

و شاركت "مى" بقولها: "إيه ده؟ هو كريم بقى فى تانية كلية؟  
ده أنا آخر مرة شوفته كان فى العجمى، عيل صغير راكب  
بسكلتة و بتاع"

ضحك الثلاثة كثيرا، و نسي "أحمد" و "مى" عملهما، لدرجة  
أن "عيسوى" لم يعد يتذكر أنه كان من المفترض أن يقابل  
شخصا ما اسمه البشمنهدس\مندور الذى أتى فى الأساس  
للبحث عنه، انقضت ساعتان كاملتان على هذا المتوال، و لم يبد

أيهما أى اعتراض عندما اقترح أحمد شمس: "يقولكو  
إيه، الاستراحة بتاعة الغدا تقريبا إبتدت، إيه رأيكم نروح نتغدى  
فى "كووك دور"؟"

\*\*\*

الساعة الثامنة مساء، قهوة المصريين مرة أخرى، البارودى  
(الذى كاد أن يُصبح من ساكنى المكان) ومعه "هان"، ظل  
الاثنان يضحكان و هم يتذكروا نجاحهم فى أن يلحقوا الأضرار  
بـ "شلة سان-مارك"، لم يكن من الممكن على أى حال أن  
يتحركا من مكاتهما فهم فى انتظار "مارك و نادر" و شلته  
ومباراة كرة القدم التى سوف تبدأ بعد قليل، و ظلا فى تلك  
الحالة من الانتظار حتى عندما أتى عليهم "عمرو سلامة" دون  
موعد مُسبق، استكملوا الحديث الضاحك و لكنه لم يضحك  
معههم و لم يشارك بالكثير من الكلمات، فأصبح المشهد كوميديا  
للغاية عندما ظل يحدق إليهما و هم يضحكان بوجهه المكتئب  
الخالى من أى تعبير، و بعد فترة، بعد أن أصبح وجوده يضمنى  
جو الغرابة على المناخ العام سأله البارودى: "أمال رامى و كريم  
أتأخروا ليه؟"

سأله "عمرو" بدهشة بما شىء من القلق: "و: هو رامى  
وكريم قالولك إنهم جاين هنا؟"



أجاب البارودي: لأنني كنت فاكركوا كلكوا جايين مع بعض، و إنت جيت بدرى، مش متعود أشوفك جاي لى غير معاهم بصراحة،

لم يجب "عمرو" بل انطوى داخل نفسه و حضن يده كوب الشاي الساخن الذى لم يشرب منه شيئاً فى وضعية جسدية تشبه صلاة المسيحيين فى الكنائس، ربما كان يحمد الله سراً أن "رامى" و "كريم" لن يأتيا ليرياه على هذا الحال، ساد الهدوء لفترة قصيرة قبل أن يهتف "هانى" فى حماس: "إيه ده دى" يارا!"

قالها و هو يشير إلى مكان ما ناء فى المقهى، سأله البارودي و هو ينظر إلى المكان الذى يقصده بعدم إكتراث: "يارا مين؟" أجاب "هانى" هده هذه المرة: "بنت أعرفها ثانية واحدة هاروح أسلم و آجى"

و قام "هانى"، ليواصل "محمد" حديثه الغريب من نوعه مع "عمرو" فى شئ من التهكم: "لأ بس غريبة منك يعنى، تيجى من نفسك كده و تقوللى أعملى قعدة و بتاع، هو إنتو مش بطلتوا؟؟"

وضع "عمرو" كوب الشاي من يده و هو يجيب مشيراً فى حديثه إلى كريم و رامى: "هما بطلوا آه"

- "طب و إنت؟!"

- "لأنا خلاص زى ما تقول كده بطلت أبطل، أنا دلوقتي نفسي أتسطل ومفوقش سنة قدام ولا حاجة" ثم تسلمت الحماسة إلى نيرة حديثه ليستكمل "اتكل إنت بس على الله وسيينى أنا هاظبطلك المكنة و القعدة كلها عليا أنا و إنت وهانى و أى حد نجيه معاك"

تعجب البارودى أكثر: "للدرجة دى؟ .. إيه يا بني ده أنا أول ما كريم عرفنى عليك كنا بنتحاييل عليك علشان نخش فى جوب (سيجارة حشيش) واحد"

بدا "عمرو" فى مُنتهى الحكمة و هو يردف قائلاً لأول مرة العبارة التى أصبحت هى قوله الشهير فيما بعد لفترات قادمة: "الناس بتتغير بقى، سنة الحياة"

اقترب البارودى فى مجلسه أكثر من "عمرو" و سأله بصوت خافت: "أنا عارف إن لو فى حاجة مضايك مش هاتحكيها لى أنا، بس هو حوار نسوان صح"

لم يتفاجأ "عمرو" من السؤال فلقد أصبح مُدركاً الآن أن آثار الفراق أصبحت واضحة على وجهه أمام أى شخص، أو ما برأسه أسفاً: "حاجة زى كده آه"

أجاب البارودى مُقترحاً: "حاجة زى كده، يبقى فُكك من الحشيش خالص، بس خللى فلوسه معاك أنا عارف إنت عايز إيه؟ فاضى إنت بكرة باليل؟"

عمرو بدهشة : "آه فاضى, إشعنى يعنى؟"

دخل هانى فى المناقشة مرة أخرى: "هتيجى معانسا مشوار كده.."

لم يدر "عمرو" بالتحديد متى عاد "هانى" ألم يكن منذ لحظات واقفا بغيدا فى مكان ما داخل المقهى, و لكن من الواضح فى كلامه أن "هانى" قد سمع الجزء المحرج الأخير من حديث "عمرو",

استاذن عمرو منهما فى الرحيل, و سأله "البارودى" عن السبب فأجاب "عمرو" بخيبة أمل: "لأ ما هو أنا كنت نازل على حوار كيف, مفيش يبقى أروح أحسن"

أكد البارودى : "فكك من الكيف خالص, الحوار إللى أنا هظبطهولك بكرة ده أحمد بكتير"

كان عمرو قد استدار و بدأ بالفعل فى الرحيل فلوّح بيده مغمغا: "خلاص بقى بكرة هنشوف, سلام"

و عند رحيل "عمرو" اقتربت "يارا", المدعوة "يسارا" هذه هى "يارا" التى كان "مارك" يعانى من فراقها فى الفترة الأخيرة, تعرفت بـ "هانى" من الكنيسة, و السبب الذى جعلها تقترب هو نفس السبب الوحيد الذى يدفعها للاقتراب من أى شخص طوال حياته: إحتياجها لشي ما.

"بقولك إيه يا هانى! معلىش معاك رصيد؟ كنت عايزة  
أعمل مكالمة من عندك"

أجاب "هانى" أسفاً: "لأ إنتي جايالى فى وقت غلط خالص، أنا  
معيش رنات حتى"

و قبل أن ترحل "يارا" التبحث عن شخص آخر معه رصيد  
وجدت يد "محمد البارودى" تمتد إليها و بها "موبايل": "مممكن  
تتكلمى من عندى لو عايزة"، و كانت هذه هى أول مرة  
تلاحظ "يارا" وجود البارودى من الأساس، تمعنت جيداً فى ذلك  
الكائن شبه البدين، ملابسه (فَاقِعَة لَوْنُهَا لَا تَسُرُّ النَّاظِرِينَ) غير  
متناسقة تذكرك بشعبان عبد الرحيم، و تتم على حالة تخلف  
عقلى ما تسيطر على ذوق صاحبها، يده التى تمتد بالهاتف  
الجوال يحيط بمعصمها أسورة ذهبية مُبالغ فيها للغاية و علامات  
كثيرة لا يمكنك أن تصفها إلا بكلمة "بيئة" كلمة عامية اختصار  
لعبرة "بيئة مصرية واطية"، باختصار شديد لم تتشجع "يارا" من  
هيئة "محمد البارودى" الخارجية مهما كانت حاجتها  
لمساعدته، نظرت إليه و هو تحاول أن تخفى استحقارها و قالت  
بابتسامة صفراء: "لأ، مرسيه (شكراً)"

أصر البارودى و يده ما زالت مُمتدة: "(مرسيه) إيه بس؟!  
أمسكى إتكلّمى و الله ما فارقة"، عبارة أخرى قيلت خصيصاً

لكى توضح المعنى العظيم أن "محمد البارودى" لا يمتلك إلا الأموال.. و لكن هل ستأخذ منه الهاتف؟ و دعنا نتوقف هنا عند تحليل سريع للغاية لشخصية "يارا"، اتفق الأطباء النفسيون أن أسهل و أسرع و أدق طريقة لتوقع السلوك المستقبلى لأى شخص هو النظر إلى سلوكه السابق، و نظرا لسلوك "يارا" السابق، فهى بكل بساطة فتاة لم يسبق لها أن تتخلى عن أى فرصة مادية مناسبة،

\*\*\*

كان "مارك" و "معه" ريم" و "خالد" و "نادر" فى طريقهما بالفعل إلى قهوة المصريين لموافاة الموعد المتفق عليه عندما رن جرس هاتف "خالد"، غمرة غير مسجلة على هاتفه، رد على أى حال، كانت "يارا"، لو كان يعلم ذلك لما رد من الأساس، وغالبا هذا هو السبب الذى احتاجت من أجله هاتف غير هاتفها، لتستدرج "خالد" للرد "خالد" الذى يتفادها لأسابيع، وطبعاً كانت أول جملة فى المكالمة منها هى: "فى إيه يا خالد؟ مبردش على مكالماتى ليه؟"

رد مرتبكا و هو يتأكد بعينية أن "مارك" لا يشك فى هوية من معه على الهاتف: "لأ عادى يعنى، مكنش فيه وقت بس"

- "مالك؟ حاساك مش عارف تتكلم، هو "مارك" جنبك و لا إيه؟" .. غمغم موضحاً "آه حاجة زى كده"

"طب على العموم لو عرفت تقوم من عندك أنا قاعدة في فلمنج، يا ريت تعدى عليا، أنا محتاجة أتكلم معاك" قالتها هذه المرة و قد أصبح صوتها أكثر نعومة،

- "لا لا أنا مش هينفع معايا خالص، فلمنج إيه بس، إحنا هنقعده في سموحة و بتاع"  
- "خلاص براحتك"

قالتها بغضب ثم أنهت المكالمة التي كانت هي التي بدأها،

\*\*\*

إحساس قوى بالملل، مُصاحب بشعور مُزعج بالالفة غير المطلوبة و الأحداث المُتكررة التي تخلو من أى جديد، عصف ذلك المزيج بقلب "لينا"، هل تتذكرون "لينا"؟ تلك الفتاة ذات الصوت الطفولي الناعم و التي كانت هي مصدر الخلاف والأرض المتنازع عليها بين "حُسام" بطل الجمهورية في لعبة الأسكواش و "عمرو سلامة" بطل العالم في النجم بعد فوات الأوان والبكاء على اللبن المسكوب، تلك الفتاة التي لا تعرف ما تريد، تلك التي ترفض النضوج، تلك هي "لينا" التي أقصدها، شبه جزيرة "لينا"، تماما مثل شبه جزيرة سيناء (أو أى شبه جزيرة أخرى)، لفظ جغرافي يعبر عن أراض لا تستطيع أن تُحدد إن كانت جزيرة أم ساحل، هل هي مُنعزلة عن الناس (مثلنى) يصعب العثور و الوصول عليها و إليها أم أنها مكان شهير

للاسترخاء تقصده وقتما تريد بسهولة لتشعر بالراحة؟ هي نفسها لا تعرف أية إجابة عن هذا السؤال، لا تعرف أى إجابة على أى سؤال يخصها، ثمما مثل الأطفال تحركها الأحاسيس وليس الأفكار، وهذه هي ميزتها و نقيمتها فى أن واحد، تلك الصفة التى جعلت ولادتها و حياتها بيننا مُميّزة هي نفس الصفة التى قتلت قلوب الكثيرين و سوف تتسبب بمقتلها قريباً، "لينا" الآن أكبر شهوراً منذ آخر مرة رأيتموها فيها، و لكن كالعادة لم يكبر عقلها و لم يتعلم أى جديد، هي الآن تشعر بالضجر، لا تجد أى شىء تفعله، اتصلت بـ "حسام" لم يجب، و عندما أجاب اعتذر، اعتذر عن استكمال المُكاملة ليعود إلى التدريب، ما زال مُقتنعا أنه يستطيع أن يدرب نفسه بنفسه كما يزعم.. قنوات التلفاز كلها مُملة فى هذا التوقيت، مباراة الأهلي والإسماعيلي قد احتلت نصف القنوات، دخل بعض الهواء الخفيف من النافذة ليطير ورقة ما من فوق أرفف حجرها المثبتة فى الحائط، رسالة من عمرو سلامة، مُغلقة فى ظرف ورقى لم تفتحه يد منذ أن أغلقه "عمرو سلامة" بنفسه منذ أكثر من شهرين، كان "عمرو" فى مرحلة ما عندما بدأت خلافاته معها، ورفضت هي أن ترد على مكالماته كتب تلك الرسالة لتقرأها، أوصلها إليها الأصدقاء المُشتركون و معها بعض الهدايا التى كانت قد أعطتها لعمرو، رسالة كانت قد أوهمت الجميع بأنها قرأتها ثم أحرقتها و الحقيقة إنها لم تفعل هذا أو ذاك، بل أخفتها فقط بعيداً عن الأنظار، و ها هي الآن بين يديها

مُحددًا، مشهد محذوف من فيلم لم يعد في صالات  
السينما، تملكها الفضول أكثر من أى شىء آخر، أرادت أن تفهم  
لماذا كانت كلما زادت خلافاتها مع "عمرو" تحجج هو بتلك  
الرسالة و ما كتب فيها، ما الذى تحتويه الرسالة بالضبط؟ صورة  
فوتوغرافية؟ أبيات شعر؟ أم ماذا؟ الآن فقط سنعرف، فتحت  
الجواب فوجدت الآتى، ورقة مكتوب عليها بخط اليد من  
الجهتين (وش و ضهر) باللهجة العامية :

من "عمرو سلامة" إلى "لينا عباس"

بما إن كل مشاكلنا ليها علاقة بالتفكير الغلط منى أو من أى  
حد، فبالتالى الحل الوحيد إن إحنا نرجع للعقل و نحكمه، ونقعد  
لوحدها و نرتب أفكارنا علشان نفهم إيه إللى حصل بالضبط،

الفكرة من الآخر إن تلت تربع الحاجات إللى إنتى فاكدة إن  
أنا عملتها انا معملتهاش بس فى حد وصلك معلومات غلط

مممكن تفتكرى معايا حاجة واحدة بس؟

فاكرة فى آخر مشكلة ما بينا قولتلك إيه ؟

لو الموضوع ده مكتوبله إنه يخلص خليه يخلص لإن إحنا  
قررنا إنه يخلص مش لأن حد غيرى و غيرك قاعد بيتفرج علينا  
و هو حاطط رجل على رجل و قرر إن إحنا مش نافعين  
لبعض، خيلنا إحنا إللى نقرر ده و لا البارودى ولا رامى ولا  
كريم و لا "هنى" و لا فلان ولا علانة ولا الجن الأزرق .. أنا



وإنني بس لأن لما نفر كش مفيش حد هينجرح زينا و لما نبقى  
مع بعض مفيش حد هيحس إللى إحنا حاسين بيه غير أنا  
وإنني بس، الناس إللى أنا قولت أساميهها دى ممكن تتدخل  
علشان تصلح و معروف إنهم عايزينلنا الخير بس إللى حصل إن  
أنا بقيت بكلمهم علشان يحلوا مشاكل بيني و بينك أكثر من  
كلامى أنا و إنني لما بنكون متصالحين، يعنى بلاقى نفسي بتكلم  
مع كل الناس عنك فى الوقت الوحيد إللى أنا فعلا عايز أكلمه  
هو: إنني، زى ما قولتلك هما عايزين لينا الخير بس مهمما  
كان، مينفعش نسلم لهم حياتنا و نقولهم خدوا قرارات بالنيابة  
عنا، ببساطة لأن مفيش حد ذكى لدرجة إنه يقرأ أفكارنا  
ويعرف إحنا محتاجين إيه أكثر من مننا، حتى لو كان عبقري ..  
حاجة اتعلمتها فى دُتي: إن مفيش حد يلاقى حمار  
ومبير كبوش يا إلهيقي هو إللى حمار، إحنا كلنا فى سن كل  
واحد فينا عايز بين إن هو مقطع السمكة و ديلها و فاهم كل  
حاجة فى الدنيا دى، عمرك شفنى فى حياتك واحد غرقان  
يتمسك بواحد غرقان الحقيقة المعروفة و إللى محدش بيقولها إن  
إحنا كلنا لسه عيال و منعرفش أى حاجة، يمكن نعرف نأخذ  
قرارات فردية إني بحب فلانة و تهجوزها أو إني هسافر أعيش  
بره أو إني هشرب سجائر أو هبطلها بس لسه فاضل كثير أوى  
عقبال ما نبقى مؤهلين إننا نتحكم فى حياة غيرنا، مش كل

حاجة بتتقال لازم نصدفها، و مهما كان الناس مش أنبياء،  
وحتى الأنبياء كانوا بيغلطوا و على فرض إن إلهي حصل ده  
مكانش بسبب حد اتدخل : إنتي لو جيتيني في يوم من الأيام  
كان لازم تفهمي الأول إنك حيتي بنى آدم مش ملاك و إن  
البنى آدمين بيغلطوا أنا معاكى إن غلطة عن غلطة تفرق بس أنا  
غلطاتي مهما كبرت فهي من حى ليكى، يوم خروجه "سان-  
ستيفانو" كنت عايز أعيرلك عن حاجة أنا حاسس إنى عايز  
أوصلها لك، اتضح إن أنا حمار و إن إنتي مش مستعدة للتعبير ده  
دلوقتي أو حتى بعدين. و آخر يوم إنتي شوفتيني فيه عصبيت دى  
كان سببها أكيد إن أنا بحبك مش إن أنا بكرهك مثلاً، فكرى  
فيها مع نفسك كده، لو كنت بكرهك كان إيه إلهي  
هيضابقنى، لو واحدة أنا بكرهها و هى رافضة تكلمنى إيه إلهي  
هيضابقنى؟ مش كده؟ .. مشكلتي معاكى و مع صحابى و مع  
كل الناس إلهي اتعاملت معاهم إنى عفوى و تلقائى و إن إلهي  
في قلبى على لسانى و لو مكانتش الخصلة دى موجودة فيا  
صديقتى كان زمانى وفرت على نفسى مشاكل كتير جدا أنا  
بعانى منها لحد دلوقتي و إنتي متعرفيهاش، و لو مكانتش الخصلة  
دى فيا مكانش طلبت إنى أصاحبك من رابع مرة شوفتك  
فيها، لو أنا شخص عاقل و بيعرف يتحكم في نفسه كان زمانى  
لحد دلوقتي حاطط عيني عليكى بس،

إللى كان معصينى آخر مرة و كل مرة إن أنا أختسرت إنى  
أخش معاكى علاقة, إننى بس, إيه معنى إنى ألاقى نفسى بستأذن  
من كل صحابنا قبل ما أكلمك, و إن كانوا هما شايفين إن  
الوقت ده مناسب ولا لأ, طب إيه الفكرة؟؟؟ و لو إحنا الاتنين  
مش عارفين نعامل و نكلم بعض إزاي وإمى أمال مين  
هيعرف؟!

و حاجة تانية كانت مخليانى مش شابف قدامى, إن رد فعلك  
آخر مرة على كلامى كان غريب جدا, لو كنتى لطشتينى بالألم  
على وشى قدام كل الناس كان هيقى أرحملى من الكلام إللى  
إننى قولتيهولى بكثير جدا, لو مش فاكرة إننى قولتى إيه دى  
شوية جمل مكتوبة زى ما إننى قولتيها تقريبا:

خلينا مفر كشين لحد امتحاناتك ماتخلص.

خلاص بلاش نفضل مفر كشين لحد ما امتحاناتك ماتخلص  
خلينا مفر كشين على طول هاهاهاه.

إنت بالنسبة لى مش حاجة أساسا هاهاهاهاه.

قعدت أفكر فى الجمل دى لوحدى من ساعتها لحد دلوقتى  
معرفتش إيه إللى بيضحك بالظبط.

حتى لو كانت غلاسة أو هزار أو أيا كان فإننى اخترتسى  
الوقت الغلط علشان تهزرى فيه و الشخص الغلط علشان

تقرى معاه، لو إن فى استمتاع معين إنتى بتحسى بيه لما بتدلىنى  
و بتلعى بقلى و أعصابى بالشكل ده فأنا متخيل شكلك و إنتى  
فطسانة على نفسك من الضحك لما تسمى إلى سقطت فى  
الامتحانات أو و إنتى واقعة فى الأرض من كثر الضحك لما  
تسمى إن أنا و العياذ بالله انتحرت بسبك، بس إنتى مش  
كده، أنا عارف كده كويس، كونك تدينى فرصة ثانية أو لا  
المفروض إن الجواب ده جاى معاه حاجتك إالى إنتى  
إدتيهاني، ده معناه إن الموضوع بإيدك تماماً، بس أنا عايز أفهمك  
حاجة، لو إنتى عايزة تبقى معايا فعلاً بس إالى مانعك  
كرامتك، افتكرى إن ربنا بيسامح نفس البنى آدم فى اليوم مليون  
مرة لو البنى آدم ده جه وأعتزله، و لما ربنا بيسامحه ده مبيقلش  
من عظمة ربنا بالعكس ده بيزودها، و البنى آدمين برضه كده  
بيبقوا أعظم لما يسامحوا مش العكس، و أعظم شخص فى العالم  
هو الشخص إالى بيسامح مش إالى بيقفش و يزعل و يتقمص  
علشان خاطر كرامته.

و لو أنا فيا عيب العصبية، تقبلين زى ما أنا و خلاص،  
و ممكن نقعد و نحل المشكلة دى.

كان نفسى بعد الجملة إالى فانت دى أفكرك بعيب فيكى  
و أقولك زى ما إنتى فيكى العيب الفلان و أنا تقبلته، بس  
المشكلة إنى فعلاً مش لاقى فيكى عيوب وعلشان كده

بجيك، أو بمعنى أصح علشان مفتكرنيش بسرح بيكي : كل ما  
الاقى فيكي عيب أكتشف إن ده ميزة مش عيب و أزعل لو  
في يوم من الأيام العيب ده اختفى،

زى ما بتفتكريلي بسرعة أى حاجة وحشة افتكريلي  
الحاجات الكويسة، إنت بتقولى إن أى ولد و بنت يقعوا في  
مشكلة بيحولك، يعنى حسب كلامك إنتى المفروض إن عندك  
خبرة بمشاكل الولاد و البنات، عمرك سمعتى عن ولد ساب  
الحشيش علشان بنت و لو سمعتى بزمتك هاتقوللى عليه إيه؟ ..  
لو إنت قررتى إنك تبقى معايا و كل الناس إللى في العالم  
قرروا إن إحنا نفترق، هتبقى معايا.

و لو إنت قررتى إن إحنا نفترق و كل سكان الأرض  
حاولوا يغصبوكى إن إحنا نبقى مع بعض يبقىى.. هنفترق  
برضه، الموضوع بإيدك إنتى و بس.

فكرة الحب أساسا إنه مبيقفش قدامه حاجة علشان كده  
سموه حب.

علشان كده لما أسمع (لا قدر الله) منك كلمة إن إحنا  
نفترق عمرى ما هقول معذورة علشان شكلها قدام  
الناس، لأ، هقول إن ده قرارك إنتى بس، لإنك لو فعلا بتحبينى  
مش هيفرق معاكى كلام حد.

و لو موضوع الناس مضايقتك أوى (و هو فعلا حاجة تضايق) ممكن مثلا توريهم الجواب ده علشان يعرفوا أنا بحبك قد إيه و إن أنا مش راميكي زى ما فى "حد" مش هاقول اسمه حاول يلمحلى بكده, مع إنى أفضل إن محدش غيرك يقرأ الجواب ده. و قبل ما تقوليلى إن إحنا مش لبعض فكرى إنك قبل ما تقوليها إنك هيبقى عندك مشكلة أكبر.. و هى إنك ساعتها هتبتدى تدورى على حد بيحبك قدى, و ده صعب شوية إنك تلاقيه, ده لو مكانش مُستحيل.

اللى الجواب ده بيحاول يعملُه إن هو يحطك على مفترق طرق يا تبقى مع "عمرو سلامة" يا إما لأ, و لو لأ فالحاجات إالى أنا قولتها لك دى أكيد هاتفيدك بعد كده, صدقينى فى دى لأن أنا على قد ما عملت فيكى بس عمرى ما كدبت عليكى أو قولت كلمة أنا مش قدها,

افتكرى,

وفكرى,

واحكمى,

و ارجعيلى

إمضاء: عمرو سلامة.

\*\*\*

و هناك (قبل أن نستكمل السرد) حقائق خفية قد آن  
الآوان لتتكشف لكم,حقائق بخصوص "يارا"فاتنة كنائس  
الإسكندرية,هناك مُربع من المشاعر غير المتبادلة ذات اتجاه  
واحد,

١- "نيفين"تحب"مارك"إلى حد العشق و الحلم بالارتباط,

٢- بينما"مارك"لا يرى أمامه سوى"يارا",

كل هذا معروف مسبقا و لكن الجديد هو:

٣- أن"يارا"أيضاً لها حبيب خفى,ذلك الحبيب  
هو"خالد",الذى يشعر بالذنب تجاه نيفين و مارك.

و قد تكون هذه هى من أغرب العلاقات التى قد رأيتها فى  
حياتى,فتاة مسيحية تدمن الجنس و الخمر قد أحبت مُسلم قد  
أدمن الحشيش و العادات السرية,و إن كان"خالد"قد انجرف  
مرة أو مرتين على الأكثر أمام إغراءاتها التى لا تنتهى إلا أنه لا  
يادلها تلك المشاعر أو حتى جزءا منها,كلما رآها أمامه بهذه  
الصورة أحس بأنه سبب معاناة"مارك"  
وعذاب"نيفين""مارك"و"نيفين"اللذان لم يترددا قط فى الوقوف  
بجانبه فى أى موقف مهما اشتدت صعوبته"مارك"الذى يساعده  
ماديا عندما يحتاج إلى الأموال لشراء الحشيش ثم يرفض بعزة  
وكبرياء أن يُعاد إليه ماله,و"نيفين"التي تساعده فى التعرف

بالبنات بشكل دؤوب و مستمر, اعذروا المثالية المبالغ فيها التي  
يحتوى عليها كلامي, و لكن هذا هو ما كان عليه الحال بالفعل  
(و ما على الرسول إلا البلاغ), كانت نسخة مريضة سكيره  
و منحرفة من السيناريوهات السينمائية المعتادة التي تتكلم عن  
الوحدة الوطنية (أمثال: فيلم "حسن و مرقص" و "الكاتبين  
هيم") و إن كانت أغرب شكلا من الخارج, و لم تكن تلك  
المُكاملة الأخيرة التي تم إجراؤها من خلال  
هاتف "البارودي" الجوال ما بين "يار" و "خالد" سوى محاولة أخرى  
منها لإستدراجه, مُحاولة قد باءت بالفشل, و الفشل يا إخواني  
هو الشعور الوحيد الذي لم تعتده "يارا", لم تعتد أن يرفضها  
رجل أيا كان, و هذا هو التفسير الوحيد لغضبها الشديد أثناء  
وبعد إغلاقها للخط بدقائق, شيء ما في شكل المرأة الغاضبة  
يثير "محمد البارودي" جنسياً إلى أقصى حد, إحمرار وجهها  
وعروقها التي قد برزت من وراء جلد عنقها يوحى لأي عقل  
مريض بأنها قد وصلت إلى أقصى مراحل النشوى و الاحتياج  
دون أن يلمسها أى شخص و دون ان تعترف على أوتار  
مناطقها الحساسة أصابع أى يد غريبة, و حبذا لو كانت شقراء  
بيضاء البشرة, كما هو الحال مع "يارا", فلم يجد "محمد" من نفسه  
إلا إن يقوم من مكانه ليقترّب منها, و أن يسألها في أدب: "إنّى  
متأكدة أن أنا مشفتكيش قبل كده؟"



و تحكى لى "يارا":

كنت جالسة فى حالى لا أستطيع أن أفكر سوى  
فى "خالد"، ليس لأننى أعتب عليه أو أى شىء، فإننى كنت  
ومازلت و سأظل أجمل فتيات الأسكندرية، هو حر، و هو إالى  
خسران و هو إالى ---- و ---- و ابن و ---- أساسا  
(شتائم إنجليزية وعربية حذفها بنفسى)، هو إالى أهبل و عبيط  
أعمله إيه يعنى؟ أنا بس متضايقة من الأسلوب إالى كان  
بيكلمنى بيه، كأنى أنا إالى برمى نفسى عليه (1)،

و هنا ظهر "محمد البارودى" اقترب منى و سألنى إن كنت  
متأكدة إن كنت لم أره من قبل، لا أعلم حتى الآن لماذا سألنى  
إن كنت "متأكدة"، و كأنه سألنى مرة قبلها و أنا رفضت، على  
العموم نظرت إليه باستحقار و أجبت برود: "لأ مش فاكرة  
بصراحة" و لم ينته عن الإزعاج بل استكمل: "إنت فى كلية إيه  
طيب؟"

توقفت "يارا" عن السرد لتوضح لى (بلا مناسبة) أنها إذا  
وصلت إلى قمة الفرح أو الغضب أو السكر أو (حسب  
قولها) "الإكستريم" بتاع أى حاجة تتحول لا إراديا لإنسان  
صريح جدا و "إلى فى قلبها على لسانها"، (لاحظوا أن هذا  
اعتراف واضح و صريح منها بأنها منافقة فى حالاتها  
العادية)، فقررت أن تختصر عليه عبارته الطويلة ومشوار الألف

ميل بخطوة واحدة، عن طريق الدخول في الموضوع مباشرة، أن  
تفاجأه برفضها لما يُريد من الأساس، فسألته بغضب: "عايز إيه  
من الآخر يعني؟"

ارتبك من الرد غير المتوقع: "آه، يا ريت لو"

واستغلت هي الفرصة فقاطعت بجملة تُحسد عليها: "يا ريت  
لو تصاحبيني و بتاع صح؟ بقولك إيه أنا مش عارفة اسمك إيه و  
مش عايزة أعرف، بس لو ممشيتش دلوقتي حالا"

قاطعها و هو يحاول أن يقلل من عصبيتها: "مممكن تهدي  
شوية، يا ريت"

قاطعت للمرة الثانية على التوالي غاضبة: "حبيبي ما خلاص  
قولنا مفيش" يا ريت" دى خالص، شكلك كده و منظر كده مش  
عاجبني بالتى شيرت الحريرى إالى إنت لابسها لى دى، الله هو  
بالعافية؟ ممكن تتكل بقى علشان أنا مش طايفة نفسى و مش  
شايفة قدامى"

سكت "محمد" و على وجهه ابتسامة، سكت لفترة بعد أن  
أنهت هي حديثها ليتأكد هذه المرة أنها لن تقاطعه ثم استكمل  
ضاحكاً: "يا ريت لو"

كادت أن تقاطعه و لكنه لم يعطها الفرصة لكى  
تبدأ، قاطعها قبل أن تقاطعه و أسكتها قبل أن  
تكلمه: "ششت، استنى لما أخلص كلامى أوكيه؟"

أجابته بملل: "خلص وانجزي"

استكمل محمد البارودي و هو يحاول أن يمنع نفسه من الضحك: "يا ريت، لو تديني الموبايل علشان مستني مكالمه، شوفتي سهلة إزاي؟ حصل حاجة بقي؟ حد اتعور؟"

نظرت إلى الهاتف الجوال الذي في يدها، كانت قد نسيت تماماً أن هاتفه مازال بحوزتها، احمر وجهها للمرة الثانية هذه المرة من تأثير الإحراج بدلا من الغضب، ناولته الهاتف دون أن تجحد ما تقوله، زادت ابتسامته، أخذ "الموبايل"، وضعه في جيبه و بدأ بالابتعاد عنها و هو مازال مبتسما، و لكن هل ستكون هذه هي نهاية المناقشة المليئة بالمقاطعات، هل ستركها و هي في حالتها هذه دون أن يعيشت بها؟ بالطبع لا و إلا لن يكون "البارودي" الذي أعرفه، استدار و سألها بمرح: "هو التي- شيرت إल्ली أنا لبسه بجد شكله حريمي أوى كده؟"

ابتسمت "يارا"، أول ابتسامة في يومها الغريب هذا، و بدأت تستلطف إلى حد ما "البارودي"، كان ذلك تمهيد لعلاقة أغرب بكثير من كل العلاقات السرية و العلنية التي سبق ذكرها حتى الآن.

\*\*\*

عندما أغلقت "يارا" الخط في وجه "خالد"، ارتبك الأخير بشكل واضح، كان هو و مارك و نادر وريم، كلهم مازالوا داخل السيارة تفصل بينهم و بين بوابة قهوة المصريين التي ينتظرهم "محمد البارودي" بداخلها شوارع قصيرة و وقت أقصر، و نتيجة لارتباك "خالد" بعد المكالمات زاد الفضول، و زادت معه الأسئلة، و جاءت إجابة "خالد" الذي كان لديه كذبة مختلفة "لا ده" شريف "أبويا بياكد إنه هيوصل بكرة"

سأله نادر: "طب بيسألك إنت فين ليه؟"

أجاب خالد و هو يخفي قلقه: "عادي بقى إنت عارف" شريف "يحب يغلس و يستظرف و بتاع"

- "ده ليه كده؟"

- "في إيه يا نادر إنت هستلمني؟"

غمغم "مارك" مقاطعا: "خلاص وصلنا"، و فقط عندما بدأوا بالتزول من السيارة، أعلنت "ريم" في تردد :

"أنا على فكرة مش هينفع أخش معاكم، كملوا إنتو، اتصرفوا منكوا ليه على طول، أنا مش هيبقى ليا لازمة خالص في القعدة دي"

سألها "نادر" سؤاله الشهير ذو الثلاث كلمات: "ده ليه كده؟"

أجابت في قلق: "أصل أنا و بارودی شدينا مع بعض لما كان مارك معايا، فلو دخلت معاكو جوا ممكن تطلب معاه بقفش" اعتذرت وسلمت عليهم ثم أوقفت سيارة أجرة لترحل،

و لم تكذ "ريم" أن ترحل حتى أردف "نادر": "اهو أنا بقى دلوقتي أناكدت مية في المية إن البارودی ده محضرلنا ناس جوه، مهما كان متنسوش إن ريم دى تبعه هو"

اعترض "خالد" باستخفاف: "هيحضرلنا ناس و هو عايز مننا فلوس؟ يعني، مش داخلة دماغى على فكرة"

أصر "نادر": "و هى شغلانة؟ ياخذ مننا فلوسه و بعدين يشرح في خلقتنا زى ما هو عايز"

أعاد "مارك" على مسامعهم أفكاره القديمة و قد أصابه الملل والضجر هذه المرة: "مش لسه قايلكوا إمبارح أنا تنسوا حوار الناس إल्ली عايزة تضربنا دى خالص؟ أنا شوفت ريم و محمد وهم بيتعاملوا مع بعض على فكرة، و واضح أوى إن في تاتش فعلا و إن هى مبتحورش علينا ولا حاجة.. الحاجات دى بتيان ثم قاطع "مارك" نفسه بنفسه عندما رآها أمامه، رأى "يارا"، كان الثلاثة يصعدون سلا لم المقهى عندما كانت هى تزل، و كانت قد تركت البارودی منذ دقائق إلا أن "مارك" لا يدري ذلك، فالبارودی ليس معها الآن، كما أن البارودی لا يدرك أى صلة ما بين تلك الفتاة الشقراء التى قابلها و بين "مارك"

و مُشاجرة يوم "إستيميشن" توقفت هى من الارتباك, لم ترتبك فقط من حقيقة أن "مارك" الذى يتعقبها بمنتهى الإزعاج أمامها الآن بل أيضا لأن خالد التى كانت تتعقبه بنفس القدر من الإزعاج واقف معهم كذلك, و هذا دليل على أنه لم يكن فى سموحة كما زعم عند مكالمتهم الأخيرة التى لم تنته سوى منذ دقائق معدودة, سألتها مارك عن حالها أجابت بأقصر الإجابات, لم تعطه الفرصة لوصل حبال الود بل إعتذرت: "مارك معلش أنا متأخرة, ابقى كلمنى على الموبايل بعدين" قالتها وهى تنظر بغضب إلى خالد, كانت فى الظاهر تقولها لمارك و لكن الكلام كان موجها لخالد, قالتها ثم رحلت عن المكان, فاستكمل الثلاثة طريقهم, ما بين مارك الذى قد تملكه الغضب و خالد الذى قد تملكه الإحراج و نادر الذى لا يأبه لكل ذلك.

و هذا هو ما يُعجبني فى قهوة المصريين تلك, لن تتوقع أبدا من ستقابل فى زيارتك القادمة لها, البارودى كان هُناك و معه كان هانى ثم يارا ثم مارك و خالد و نادر هذا كله بعد أن رحل عمرو سلامة, و أخيرا و ليس آخرا أحمد شمس, نعم أحمد شمس أيضا كان هُناك, فى محاولة منه للهرب من أحزانه ونسيان ما أصابه بعد طلاقه من مروة, زادت "خروجاته" مع صديقه الجديد "عيسوى" و بعد أيام اقترح عيسوى على "أحمد" أن يذهبوا إلى قهوة المصريين, جلس هناك هو و "عيسوى" و صديق ثالث من أيام الدراسة يُسمى "أدهم", الاثنان

: "عيسوى" و "أدهم" كانا تحت قيادة "أحمد شمس" الذى يكبرهما بأعوام فى "الكيرفايون" و هى الكشافة الخاصة بمدرسة سان-مارك, و على غير الحال فى آخر مرة تقابل فيها أحمد مع "أدهم" عندما كان فى الثالثة الإعدادية "أدهم" الآن يبلغ من العمر الخامسة و العشرين, و بمجرد أن جلس الثلاثة, اقترح أحدهم لعبة الإيستيميشن, و بدأت اللعبة و بدأت أحاديث الذكريات تدريجيا, نظر "أحمد" إلى أوراقه مُعترضا قبل أن يسأل عيسوى الجالس بجانبه "إنت متأكد إنك شيلت التريفلات من الكوتشينة؟"

أكد عيسوى بأنه قد فعل فسأله "أحمد" بتهكم و هى يمسك فى يده ورقة من لون التريفلات : "أمال دى بتعمل معايا إيه؟"

نظر إليه "عيسوى" قبل أن يردف بضجر: "خلاص بقى يا "أحمد", شيلها من نفسك مش لازم بقى تقعد تقرأنا"

و هنا أضاف أدهم مازحا: "الله الله, إنت بتقول لواحد كان الشاف بتاعك فى يوم من الأيام" مش لازم تقعد تقرأنا "إيه قلة الأدب إالى إنت فيها دى؟"

أجاب "عيسوى" و هو ما زال مشغولا بتوزيع الأوراق: "فيها إيه يعنى؟؟؟ ما أنا كمان بقيت "شاف" بعديها !!"

أضاف أحمد: "عارف إنت لو كنت قولتهالى و إحنا لسه فى الكاريتاس, كان زمان خليتك تترل تعمل عشرة ضغط وإحنا قاعدين كده فى وسط الكافيه عادى جدا"

قالها قبل أن يفاجأوا بفتاة من بعيد تصرخ في وجه فتى (هذه هي "يارا" وهذا هو "محمد البارودي" إلا أنهم على غير معرفة سابقة بالاثنتين)، وقبل أن يملكهم الفضول كان صوت الفتاة قد انخفض بالفعل، تغاضوا عن الأمر.. كلهم فيما عدا "أحمد شمس" الذي ظل يحدق بالفتاة التي لا يعرفها و هي تتكلم مع البارودي الذي لا يعرفه، و ظل على تحديق هذا و هو يستكمل في موضوعه الأصلي مع عيسوى: "إنت فاكرن بهزر، والله العظيم كنت هاخليك تعمل عشرة و بعدها عشرة و بعدها عشرة ثانية، و تعد تعمل كده في وسط المكان و لا حد يقدر يقولك حاجة".

ابتسم "أدهم" كان هو الوحيد الذي نجح في الربط المنطقي ما بين جمال الفتاة (يارا) و بين تكرار "أحمد شمس" لرقم عشرة، أما "عيسوى" الذي كان لا يزال يظن الكلام موجه إليه فرد بملل: "ده لو بقى، لو كنا لسه صغيرين"

خرجت ضحكة غير متوقعة من "أحمد"، كان قد تذكر شيئا ما يبعث على السرور و أراد أن يشاركه: "فاكر في الرحلة بتاعة سفاجا لما قعدتوا تستظفروا مع الأجانب قومت إيديتكو كيس رمل و خليتكو تعدوا فيه كام رملاية؟"

استسلم عيسوى أكثر للضحك: "و لازمته إيه السيرة دى طيب و لا هو أى دُل و خلاص؟"



و علق أدهم : ما هي الحاجات دى إल्ली خلتنى مفكرش  
مرتين قبل ما أسيب الموفمان و الكيرفايون كلها (حركة  
الكشافة),

و هنا اعتدل أحمد شمس فى مجلسه و استفسر: "آه إنت كنت  
أختفيت مرة واحدة كده صحيح, فاكر أنا الموضوع ده"

فسر أدهم : "كان دخول الكليات بقى, فملاقيتش وقت"

- "إنت كنت دخلت إيه ؟"

- "حقوق"

زاد اهتمام أحمد أكثر : "و إنت دلوقتى محامى مع نفسك  
و ليك مكتب و كده و لا فى مكتب حد؟"

- "كنت بشتغل فى مكتب محامى كبير فى القاهرة, بس  
اكتشفت إن أنا بيتمص دمي, يعنى الشغل كله عليا أنا  
بس, قوممت جيت إسكندرية هافتح المكتب بتاعى هنا"

- و إنت تخصصك إيه ليك فى قضايا الطلاق مثلا ؟

- إشعنى يعنى؟

- لأ عادى يعنى باخد فكرة.

\*\*\*\*\*

فلنتكلم قليلا عن "الميتاليست" (مُحب موسيقى الميتال)، فلنتكلم قليلا عن نادر، عن ذلك الشخص المثير للجدل، لديه الكثير من الصفات الغريبة و العجيبة التي تستحق أن نتكلم عنها و لكن، هناك صفة واحدة تُعد أهم مميزاته وأخطر عيوبه في آن واحد، تلك الصفة هي عدم التركيز في أمرين في نفس الوقت، إنه من هؤلاء الذين يفقدون السيطرة على القيادة إذا تكلموا في الهاتف الجوال و هم يقودون، أو يرسبون في الامتحانات إذا طرأ في فترة الإختبارات شيء ما جديد، فنادر عندما يهتم لأمر ما يهتم به بشكل مُطلق و بغض النظر عن أى شيء آخر، أما إذا قرر أن ما يحدث أمامه لا يهمه فهو لا يأبه بمعنى الكلمة، و كان قد قرر يومها أن الظهور المُفاجيء ليارا على سلا لم قهوة "المصريين" لا يهمه في أى شيء و لا يضيف على حياته أى جديد، كان لقاء البارودى هو الحدث الوحيد الذى استحوذ على تفكيره، و كان أول من كسر الصمت بعد رحيل "يارا" ليسأل "خالد" عن توقعاته عن مُستقبل تلك الجلسة و علام سوف تنتهى، و إذا كان التعرض للضرب هو أحد السيناريوهات المُحتملة، فجاء رد خالد باردا: "طب ولو فيه ضرب أنا هعرف مين بس يا نادر؟"

قالها فتحول نادر من الاستفسار إلى التهكم و النقد: "على العموم خالد لو انضربنا جوه تبقى مسؤوليتك، كل إلتى يحصل ده بسببك أصلا".

فأجاب خالد بعصية: "بسي أنا؟"

أصر نادر: "أيوة مش إنت إल्ली قعدت تقولنا طبقوا  
الجاكتة, طبقوا الجاكتة"

دافع خالد عن وجهه نظره صارخا: "و هى المشكلة فى  
الجاكتة يرضه يا أهبل يا بن الأهبل؟ و لا فى الحبوب, مش إल्ली  
كنت قاعد معانا فى العربية و أقعدت تعزم علينا من الحبوب  
كأنك وارثها عن أمك, و إنت الوحيد إल्ली عارف تمنها و  
مقولتناش, عارف لو كنت قولتلنا من الأول يمكن مكناش قربنا  
منها"

أجاب نادر: "يعنى أنا هعرف تمنها منين؟ شايفنى بتاع  
برشام زيك؟"

- "بقت غلطتى أنا دلوقت يعنى! و أنا إيش عرفنى إن إحنا  
هتترب (و هنضطر نتعامل) مع البارودى ده تانى أساسا؟  
وبعدين أنا ذننى إيه إن أنا ماشى مع ناس جاهلة مش عارفين  
قرش الحشيش بكام؟ لسه لحد دلوقتى بيخللوه الجرسون هو  
إल्ली يقضيلهم حشيش علشان خايفين يزلوا بنفسهم"

هدأ نادر, لم يهدأ لكى يُهدىء معه حرارة الموقف, بل هدأ  
بقصد لكى يزيد الأمور اشتعالا, هدأ و أجاب بسخرية

غاضبة: "خلاص يا حبيبي المرة إल्ली جاية متبقاش تمشي  
معاهم" قالها و هو يخطط على كتف "خالد"

"ماتمش إيساك يسابني لأحسن و ديسني  
لأعيطك" نطقها "خالد" قبل أن يدفعه "نادر" في تحدى و يسأله:  
"طب و ربي هطعطني إزاي كده؟"

تراجع خالد من أثر قوة الدفعه للوراء، ثم عاد إلى توازنه  
ليمسك قميص "نادر"، و هنا تدخل "مارك"، أدخل جسده ما بين  
الاثنين ليمنعهما عن إيذاء بعضهم و هو يوضح: "مش وقته  
خالص الهطل إल्ली في دم أهاليكو ده، إल्ली حصل حصل  
خلاص، عايزين بس دلوقتي نعرف البارودي ده قاعد فين"

سمع نادل كان يمر بجانب مارك تلك الجملة الأخيرة، فسألهم  
الجارسون إذا كانوا يبحثون عن محمد البارودي، يبدو أن  
شهرة في هذا المكان قد وصلت إلى درجة لا بأس بها لكي  
يعرف العاملين بالمكان اسمه بالكامل، أشار الجرسون أنهم  
سيجده جالسا أمام التلفاز يشاهد مباراة كرة القدم، رحل  
الجرسون بعد أن شكره "مارك" ماديا و معنويا، و رغم  
أن "مارك" لم ير "محمد" البارودي حتى الآن إلا إنه استمر في  
الاتجاه إلى المكان الذي أشار إليه النادل، و تماما مثل الأطفال  
كان "خالد" و "نادر" يومها، بمجرد أن أدار "مارك" ظهره قامت ما  
بينهما مشاجرة أخرى، على ما يبدو أن أحد المارين بالمكان قد  
اصطدم دون قصد بـ "نادر" فاصطدم "نادر" بدوره دون قصد

بـ"خالد"، فتسبب ذلك في بداية مناقشة ساخنة أخرى انتهت بكسر نظارة "نادر" الشمسية و بلكمة وجهها نادر لخالد لتصيب ذلك الأخير في وجهه، واستمرت المشاجرة رغم محاولات "مارك" للتهدة، ابتعد الناس عنهم و تكونت حولهم (حول نادر و خالد) دائرة كاملة في وسط المقهى، ما بين الفضوليين و الخائفين و غير الآهين من رواد المكان استمرت مباراة الملاكمة ما بين "خالد" و "نادر"، و في خضم الأحداث العنيفة، تعثر "خالد" و "نادر" ببعضهما و سقط الاثنان فوق منضدة خشبية قد تكسرت و هى تزل معهم إلى الأرض، و هنا ظهر البارودى لأول مرة، كان هو الجالس أمام تلك التراييزة وصاحب العصير الذى كان عليها و انسكب، و بدلا من أن يملكه الغضب، تملكته حالة هستيرية من الضحك، و سألهم قبل أن يسلم عليهم من وسط ضحكاته: "هو إنتو ملقيتوش حد تتخانقوا معاه، فاتربيتوا (وقعوا) في بعض و لا إيه؟"

ابتسم "مارك" لكى يخفى إحراجة، كان الثلاثة قد تفاجأوا بوجود "محمد" بجانبهم طوال هذا الوقت سأل "مارك" "بارتباك: "إيه ده إنت هنا يا راجل؟! و أنا عمال أدور عليك، مش تقول" أجابه "محمد" و هو ما زال يصارع الضحكات: "عايز أقولك إن أنا سييت الماتش و عمال أفرج عليكو أساسا"

قالها البارودى قبل أن يمد يده ليسلم على "مارك" الذى نظر إلى يده الممتدة أمامه لجزء من الثانية متردداً ثم حزم أمره بألا

يخرجه، جلس الثلاثة مع محمد البارودي، و عندما أصدر ذلك الأخير أمر لأحد العاملين بالمكان بإحضار كوب غير الذى تكسّر، لم يستطع النادل أن يعترض كثيرا على الأشياء التى تدمرت، فقد ساعدت كثرة تواجد "محمد البارودي" هناك العاملين بالمكان على التعرف بخطورته و سرعة غضبه وساعدت "محمد البارودي" نفسه بالتعرف بصاحبة الكافيتريا بشكل شخصى، فبناء على ذلك أى نقد لسلوكيات "محمد" فى القهوة لن يكون فى محله، ظل النادل واقفا بينما أصر "محمد": "أنا لازم أعزمكوا على حاجة، فى حد فيكوا مبيشرش مية ؟" (كان ذلك سؤال معناه إذا كانوا من شاربي الخمر، فالمياه أصبحت رمزا للخمر عند الكثيرين).

أجابه "مارك" شاكرا: "بنشرب، بس مفيش داعى بجد يا محمد" تجاهل ذلك الأخير تماما رفض "مارك" الدبلوماسى و هو يوجه حديثه للجارسون: "خلاص و إنت بتجيللى عصير بدل إالى اتكسر ده، هاتلهم ثلاثة" إيدج "

فوجه "مارك" بدوره حديثه إلى النادل الذى أصبح هو بلا مناسبة صاحب القرار الأخير: "لأ لأ متجيش حاجة"

ثم التفت "مارك" لـ "محمد" و استكمل ميررا: "معلش عايزين نبقى فايقين و إحنا بتكلم"

تجاهل "محمد" عبارة مارك الأخيرة كالعادة و توجه بكلامه  
إلى النادل الذى أصبح الآن فى منتهى الحيرة من أمره : "روح  
إنت بس جيب إللى أنا قولتلك عليه, و ملكش دعوة"

رحل النادل على الكلمة الأخيرة "للبارودى" الذى استكمل  
للجالسين ناصحا و ضاحكا فى آن واحد: "دى إيدج يا جماعة  
مش فودكا يعنى, مش عشرة فى المية إللى هتعملكوا حاجة, ده  
إنتو لسه واحدین ٣ حبوب إكسنى - سى من كام يوم, يعنى  
خلاص عديتوا" قالها "محمد" و هو يغمز بعين واحدة بحركة  
تعبيرية توازى لفظ "أبوه يا عم" فى اللغة العامية ثم استطرد  
مهنثا "مفيش حاجة هتعملكوا دماغ بسهولة بعد كده"

\*\*\*

عانى "سيد" من حالة اكتئاب شديدة بعد أن فسد وظيفته  
فى "إيستيميشن كافيه", و ظل يسأل نفسه فى مرارة, لماذا سرحه  
صاحب المكان من عمله؟.. ألمجرد أنه يبيع الحشيش؟ أيعد هذا  
سببا كافيا لقطع الرزق, هؤلاء الذين باع لهم الحشيش كانوا  
سيشتروه بأى حال من الأحوال, و إن لم يكن "سيد" هو الذى  
سيأتى به كانوا سيجدون غيره, كل ما فعله هو أنه قد عفاهم  
من التزول إلى المناطق الشعبية لشرائه حتى لا يتعرضوا  
للسرقه, أبهذا يُصبح "سيد" مُجرما فى نظر المجتمع؟  
ولأن "سيد" شخص عملى بطبعه لم يقض الكثير من الوقت فى

محاولة البحث عن إجابات لتلك الأسئلة، كان عليه أن يتخلى عن أحزانه عاجلاً أو أجلاً فمُدخراته المالية قد بدأت تنفذ وبدأت تلاجة بيته الفقير بالتحول إلى دولاب أبيض بارد فارغ وخال من الطعام، عزم أمره و توجه إلى عمه، لم يتأخر قط "الحاج صابر" ( شقيق أبيه المتوفى) عن خدمة ومساعدة "سيد" أو "أم سيد" حتى توفت تلك الأخيرة، وكان "الحاج صابر" يحب "سيد" للغاية و يعده الابن الذى لم يرزق به، و آخر ما يقال فى الحاج "صابر" هو جهل الجميع ممن يعرفونه للسبب الذى لُقِب من أجله بكلمة "حاج" هذه، فهو لم يغادر "مصر" قط فى حياته فبالتالى لم يحج أو يزر بيت الله الحرام، لماذا يصير رجل يعتمد فى رزقه على الدعارة و المخدرات و النشاطات المشبوهة على تسمية نفسه "حاج"؟ لتعويض إحساس ما بالنقص ربما.. وصل "سيد" إلى المكان (الكافيتيا؟ العُرزة؟ بيت الدعارة؟ البار؟ الكوفي شوب؟ المؤسسة؟ البيزنس؟!!) الذى يعمل فيه "الحاج صابر" و يقضى معظم وقته هناك مُتابعاً للأعمال بنفسه، لم يكن المكان يتمتع بأية فخامة غير مطلوبة فخدماته تعتمد على السرية أكثر منها على الرفاهية، الحيطان هى مجرد عصيان من الخوص، و المكان ناء جداً داخل منطقة "بحرى" الدرجة جعلت "سيد" يؤكد العناء المادى لثلاثة مشاريع (سيارات أجرة جماعية) متتالية لكى توصله إلى مقصده، و عندما دخل إلى المكان مُجهداً بالهموم و تعب الطريق لم يقض الكثير من الوقت للبحث عن عمه، بل لمح عمه



من بعيد سلم عليه وأجلسه، عاتبه في البداية مازحا على الجفاء  
و عدم السؤال، و بعد فترة قصيرة كان من الصعب ألا  
يرى "الحاج صابر" الضيق الذي يملك "سيد" و الحزن الظاهر  
عليه فسأله "الحاج" بقلق: "مالك؟ شكلك متكدر كده" دخل سيد  
في الموضوع مباشرة كعادته: "أنا اترفدت ومحتاجك تشوفللي  
شغلانة"

أقترح الحاج صابر: "إيه رأيك أنزلك تبيع حشيش في  
بحرى؟"

رفض سيد بارتباك: "لأ مش عايز أصدر نفسي في  
الحاجات دى تاني" ثم عاد إليه هدوؤه قبل أن يستكمل مقترحا  
على عمه: "أنا مش بتأمر و لا حاجة.. بس معندكش شغلانة  
عليها القيمة شوية كده؟"

أضاق الحاج صابر عينيه، أراح ظهره على الكرسي، سحب  
نفسا أطول و أقوى من الشيشة (الجوزة؟ البرطمان؟ المعسل؟!)  
التي أمامه، كل هذا و هو ينظر إلى سيد متأملا، رجل مثل الحاج  
صابر يستطيع أن يدبر الكثير من الوظائف في مدة قصيرة من  
الوقت و لكنه كان يحاول أن يختار لسيد الوظيفة التي تناسبه،  
وكان يتأمل سيد لكي يساعده ذلك على تخيله في أكثر من  
مكان، و أخيرا ترك الشيشة ليقترح "طب أنا عندي ليك  
شغلانة، هي صحيح مش عليها القيمة قوى بس قانوني،  
وصاحب المكان حبيبي و زبون عندي"

انفرجت أسارير سيد و هو يهلل: "بس هي دي يا" حاج".  
هتخليني أقابل صاحب المكان ده إمتى؟"

صابر: يلا بينا دلوقتى لو حبيت؟

فرح سيد أكثر: "و إنت متأكد إنه هيشغلنى كده على  
طول؟"

"و الله ما بنحور عليك, مع إنى كنت مقاطع الكيف بقالى  
سنة, بس حصلتلى دماغ خفيف كده, بعدىها لقيت نفسى  
نام, و خالد بيصحى "نطق مارك بتلك العبارة الأخيرة ردا على  
سؤال البارودى عن مدى تأثير الحبوب عليهم, ما زالوا حتى  
هذه اللحظة فى قهوة المصريين, نسوا الثلاثة (فيما عدا خالد) أن  
ذلك الشخص الذين يجلسون معه هو عدو و ليس صديق, ساد  
جو عجيب من الاطمئنان و الارتياح, ما بينهم  
وين "البارودى" و بين "هانى" الذى لم يشارك فى الحديث بكلمة  
واحدة لانشغاله بمشاهدة مباراة كرة القدم,

أضاف "نادر" نافيا أقوال "مارك": "دماغ خفيفة مين يا عم؟ ده  
إنت كنت هتخيش بينا بالعربية مليون مرة و إنت سابق"

صحح "خالد" بغضب معقول: "إنت بالذات متكلمش, أنا  
أصلا فاكرك يومىها, طلعت من الشباك الورانى و قعدت تغنى  
ولا مش فاكرك قعدت تعملنا إيه كده؟"

سأله "نادر" بـ"جرح": "أنا؟؟؟؟؟"

- "أمال أُمي؟" قالها خالد قبل أن يهدىء الجميع، فترة سكوت مُتعارف عليها تقع عندما يقترب النادل ليضع الطلبات، ثم بعد رحيل الجرسون استكمل "نادر": "أنا طلعت من الشباك وقعدت أغنى؟"

ضحك خالد لأول مرة و هو يحكى محاولا التذكر: "أيوه وقعدت تغنى أغنية العنب و لا إيه مش فاكر، كان شكلك مسخرة على فكرة"، حاول "خالد" أن يضحك ثانية بعد تلك العبارة و لكن الضربة التي تلقاها من "نادر" منذ لحظات كانت قد منعتة من تحريك فكه بحرية فقطع الضحك مضطرا و تحولت قهقهته دون قصد منه إلى تأوه ملحوظ،

اقترح عليه البارودى متصنعا القلق أن يطلب من العاملين بالمكان بعض الثلج حتى لا يتورم الجرح و لكن "خالد" رفض رغم حاجته، عدها سخرية من "البارودى"، و بدلا من ذلك نجهم وجه "خالد" الذى لم يرد أن يصبح بينه و بين "البارودى" أى علاقة غير مادية و لم يشرب من الزجاجاة التي أمامه و اقتصرح في ضجر: "ممكن نخش فى الحوار إللى إحنا جايين علشانه على طول؟"

أجاب محمد ضاحكاً: "إنت مالك يا عم واخدها قفش ليه كده؟"

رد خالد بقرف : "ولا قفش و لا حاجة, ممكن نتحاسب  
بس؟ علشان نروّح إحنا و كل واحد يشوف حاله"

تفهم "محمد" شعوره فأوضح و هو ما زال محتفظاً بابتسامته  
الدبلوماسية: "طب طيب متزقش بس" ثم استكمل هذه المرة  
وقد أضاف بعض الجدية إلى نبرة حديثه "أنا دلوقتي ممكن أقعد  
معاكوا بس هتبقى دماغى مع الماتش إللى شغال, لو ينفع يعنى  
تقعدوا على بال ماتشربوه الكوبايات دى يكون الماتش  
خلص, هو فاضله تلت ساعة بس على فكرة, أصل الأهلئ  
والإسماعيلئ لما بيعجوا يلعبوا مبقاش عارف أركز في أى حاجة  
تانية, ما تنفرجوا معايا"

\*\*\*

هل دخلت إلى ملهى ليلي من قبل؟ أم أن كل خبرتك عن  
هذه الأنواع من الأماكن لا تتعدى بضع المشاهد السينمائية؟

الأمر مُبالغ فيه إلى حد كبير, الملهئ الليلية لا تختلف كثيرا  
عن تلك التي نراها في الدراما, إلا في شئء واحد ينسى  
المخرجين أن يوضحوه في الأفلام و هو أن الكباريهات أو  
الملاهئ الليلية تماما مثل الفنادق, هناك كباريه نجمة واحدة أو  
نجمتان أو خمس نجوم, و لكل مستوى منهم زبائن و مُرتاديه,  
والوظيفة التي رشحها "الحاج صابر" لـ "سيد" هي "بارمان" أو

ساقى خمور في كباره "خمس نجوم" يسمى "جوهرة بحرى" ورشحه لتلك الوظيفة بالذات لعلمه عن أن أخيه حُسن الاستماع وسرعة التعلم و طول البال على المساطيل و هذه هي المتطلبات الأساسية للوظيفة، دخلا إلى المكان، جلسا على ترابيزة فخمة مغطاه بمفرش أحمر قطيفة لا بأس به، أبلغ "الحاج" الجرسون أنه على معرفة سابقة بصاحب المكان و يريد أن يقابله من أجل موضوع مهم، و بعد أن رحل النادل لينقل الخبر إلى مدير الكباريه، لم يمر وقت طويل قبل قدوم الرجل المطلوب استغله "الحاج" ببراعة في نصيح "سيد" بعدم الوقوع في المشاكل ومحاولة الشرح بإيجاز عن طبيعة الوظيفة، وسأله "سيد": هو إنت تعرف الراجل ده منين أصلا يا حاج، ضحك صابر دون سبب و هو يجيب: "الراجل ده أصله عنده أحلى حريم في إسكندرية" - "طب و إنت إيه يوديك عنده؟! مانت عندك الحريم إالى شغالين تحت إيدك"

أجاب الحاج صابر بحكمة: "لا لا الحاجة إالى تحت إيدى دى عمر مايبقى ليها طعم، هاعرف أتمتع بالست منهم إزاي وأنا عارف إنها تحت طوعى؟"

- و الله يا عمى قلى حاسس إن هيجيلك يوم و تيجى واحدة تقلبك و تهرب ماتعرفش تجهيها.

- عيب يا وله تقلبنى ده إيه؟ هو إنت فاكر عمك ده أى كلام؟

ثم أتى الشخص المنشود، لا يختلف كثيرا عن الصورة التي احتفظنا بها في أذهاننا عن الداعر أو القواد في كل مكان في العالم، ألوان فاقعة يتميز بها قميصه، بذلة حمراء ينتمي لونها إلى فترة الثمانينيات، شعر أكتر و طويل، سلاسل و أساور ذهبية، ثم ذقن مربعة على طريقة "دوجليس".

جلس الرجل بعد أن رحب بالحاج، وقبل أن يتعرف بـ "سيد" قاطعهم صوت تصفيق الجمهور السكير تعقيا على انتهاء الراقصة من فقرتها التي نالت إعجابهم للغاية، أنخت الراقصة أمام الجمهور لتثبت للمرة الأخيرة براءتها من أى ملابس داخلية، ثم تركت خشبة المسرح لتنضم إلى الترابيزة التي يجلس عليها سيد و الحاج و صاحب المكان، و رغم البيئة المنحرفة التي يعيش فيها ذلك الرجل إلا أنه لم ينس مبادئ الذوق و أصول الضيافة قدّم الراقصة التي اتضح أنها تُسمى "دلال" إلى الجالسين، و أمر الرجل دلال: "سلمى على الحج صابر ده حبيبنا من زمان"

سلمت على الحاج و سألته في نعمة عن حاله فرحب الحاج الذي كاد لعابه أن يسيل: "ما دام شوفتك بقيت كويس يا قمر" .. هُنا ارتبك الرجل و هو يحاول أن يخفى غضبه بمزاحه: "إيه يا حج إحنا هنلبخ ولا إيه؟"

وفقط أصبح من الواضح أن الراقصة على علاقة ما بالرجل، بل على علاقة قوية لدرجة تدفعه للغيرة، اعتدل صاحب

المكان في مجلسه و استكمل في لهجة وزارية لا تتناسب مع الجو  
الذى يحيطه" هو ده بقى ابن أخوك إلسى قولتللى عليه في  
التليفون؟"

أجاب "صابر" بفخر: "آه هو, إنما واد إيه .. هيعجبك هيعجبك  
يعنى (توكيد معنوى)"

تجاهل الرجل مديح الحاج و توجه بكلامه بقرف هذه المرة  
إلى "سيد": "إنت اشتغلت فين قبل كده؟" .. رد سيد بقلق: في  
كافيتريا كده اسمها إستيميشن في سموحة.

أجاب الرجل في صرامة: "معرفهاش, أنا معيّنك علسشان  
خاطر غلاوة الحج عندنا" .. شكره الحاج بعد تلك العبارة  
الأخيرة إلا أن الرجل استكمل كلامه متجاهلا للمرة الثانية ما  
قيل للتو: "بس عايزك تبقى فاهم الشغلانة دى مش سهلة, لازم  
تبقى عارف إزاي تساييس الناس و تريحهم و تعملش مشاكل  
مع حد", و أثناء قول الرجل لتلك العبارة الأخيرة, كانت دلال  
الجالسة معهم و التى تلعب الآن في خصلات شعرها تنظر إلى  
سيد, و تنتمى "دلال" إلى من نوع النساء اللاتي إذا ملكتهن  
الشهوة بات ذلك واضحا, واضحا تماما, كما أن من الواضح  
أيضا أن رحلة "سيد" في هذا المكان سوف تمتلئ  
بالملاعب, تخللت تلك الأفكار التشاؤمية رأسه و هو يهزها  
ليوضح استماعه و تفهمه لنصائح صاحب المكان الذى لم  
يلاحظ صفقة تبادل النظرات الذى تمت منذ قليل,

## الفصل العاشر

### "نخب الصداقات الجديدة"

بدأت الساعات الأولى من صباح اليوم اللاحق لتوقيع اتفاقيات عملية السلام ما بين الديكتاتور المُتمثل في شخص "محمد البارودى" وفئات الشعب المختلفة المُتمثلة في عقل "مارك" الكاره للعنف وحماسة "خالد" الزائدة و"نادر" الذى لا يأبه إلا لاستعادة أمواله، وبدون الدخول فى أى تفاصيل عسكرية، تم كل شىء على ما يُرام، على الأقل بشكل عام، ليس فقط من حيث الحقوق التى قد حصلوا عليها بل أيضا كان "محمد" البارحة خفيف الظل سهل المعشر على غير عادته، و انطباعات الثلاث حول الجلسة إيجابية، الثلاثة فيما عدا "خالد" بالطبع، ما زال غاضبا، قام البارحة أثناء الجلسة أكثر من مرة بحجة شرب السجائر، كان غير مرتاحاً "للبارودى"، و كان كذلك ضد فكرة الذهاب إلى عرين البارودى من الأساس، و أكد أكثر من مرة لصديقيه أن ما أخذ بالقوة لا يُسترد إلا بالقوة،

\*\*\*

و لعبة الإيستيميشن شأها شأن المُخسدرات و الصلاة فى المسجد و لعب كرة القدم وشأن أى نشاط جماعى آخر يعرفك



بأصدقاء جدد، عندما تكون مع صديقين لك و تضطروا  
لإدخال أى شخص رابع عشوائيا دون معرفة سابقة لمجرد  
استكمال اللعبة، أو عندما يقوم أحد اللاعبين مُعتذرا و مصححا  
خطأه بإجلاس أحد أصدقائه هو فى مكانه كيلا تتوقف عملية  
اللعبة، أو عندما تكونوا أنت و أصدقائك العدد الرابعى الكامل  
المطلوب للعبة و ينقص عنصر وجود أوراق الكوتشينة فتضطر  
إلى إنشاء صداقة عابرة مع أى فرد لا تعرفه من محيطك لمجرد  
امتلاكه لأوراق اللعب، فالإستيميشن شأها شأن العمل فى  
السياسة و الدراسة و الخمر تجمعك مع أصدقاء جدد تجد فيهم  
نفسك و طريقة تفكيرك لتشربوا معا نخب الصداقة الجديدة.

\*\*\*

استيقظت والدته "كريم و أحمد شمس" اليوم على صوت جرس  
الباب المزعج، فتحت لتجد وراءه شابا فى مُنتصف العشرينيات،  
"صباح الخير أنا إيهاب عيسوى صاحب أحمد من  
الشركة.. كان قاللى أعدى عليه علشان.."

قاطعت الأم موضحة له الضرورة الدوقية للدخول إلى البيت  
و أنها لن تسمح لنفسها أن تتركه واقفا على الباب  
هكذا، أجاهها مازحا بأنه يعمل كمندوب للمبيعات فى شركته  
و أنه قد اعتاد الوقوف على الأبواب و لم يعد يجد فى ذلك أية

صعوبة أو عدم تقبل من الآخر، ألحت أكثر، فدخل تحت ضغط إلحاحها، ثم استكمل و قد غلبه جزء من الحرج : "هو كان قاللى أعدى عليه دلوقتى، علشان نروح النادى"

- "طب ثانية واحدة هاحش أنا دي هولك من جوه" نطقها الأم قبل تختفى داخل طرقات الشقة لتتركه وحيدا فى حجرة الصالون، لم يكن ذلك هو أول نزول لـ "إيهاب" و "أحمد" معا كانت صداقتهم قد تطورت منذ فترة و خططهم هذا الصباح هى الذهاب لاستكمال مباراة "إسكواش" مؤجلة فى ملاعب نادى سيورتنج، عندما خرج "أحمد" أخيرا ليستقبل "إيهاب"، لم يلاحظ وجوده ذلك الأخير، كان مُغمسا فى تأمل صورة قديمة تجمع ما بين "أحمد" و أخيه "كريم" فى لقطة فوتوغرافية تسجل مرافقة الأول و طفولة الثانى بجانب فتاة سنها متوسط ما بين الاثنين استنتج "عيسوى" أنها أختهما المتزوجة ..

التفت "عيسوى" لـ "أحمد" لينهره بدلا من أن يُسلم عليه: "إيه يا أحمد إنت بتهزر ؟ إنت لسه ملبستش ؟ الملعب هيتأخد"

كان أحمد الذى استيقظ من النوم منذ لحظات مازال يسكن ثياب النوم، و قبل أن يبرر له أحمد رن جرس هاتف البيت، رد أحمد بعض أن تأخرت بقية أعضاء الأسرة فى الرد، رفع السماعه، كانت فتاة تُسمى "هنى" تبغى التحدث مع أخيه "كريم"

\*\*\*

استيقظ "كريم شمس" اليوم على مكالمة هاتفية ثقيلة الظل من "هنى" تعتذر فيها عن أخطائها التي لن تعترف بها أبداً، و تتأسف عن المشاكل و الأضرار النفسية التي كانت قد سببتها له بقصد، لم ينو هو أن يستقبل المكالمة على أى حال، بل اضطر كريم إلى ذلك عندما وضعه أخيه "أحمد" أمام الأمر الواقع برده على التليفون و إخبارها بأن "كريم" موجود و "أقولوه مبن عاوزوه"، و ما حدث ما بين "كريم" و "هنى" هو السيناريو الذى كان الجميع قد توقعه، فاتحها فى موضوع الارتباط الرسمى فأجابته بالتردد الأقرب إلى الرفض الدبلوماسى منه إلى البحث عن وقت للتفكير،

سألته إن كان لا زال غاضباً منها فأجاب بضجر: "طبعاً لسه متضايق!!، مش سهلة على ولد إن هو يطلب طلب زى ده و يتقاله لأ"

خرج صوتهما فى نبرة دفاعية من سماعة الهاتف بإصرار: "أنا مقولتش لأ"

أصر هو أكثر موضحاً: "و مقولتيش أبوه"

- "الحاجات دى مبتحيش كده أصلها"

- "أمال بتيجى إزاي إن شاء الله؟"

- "لازم تدينى فرصة أفكر شوية"

- "تفكرى فى إيه؟ أنا مش عايز أغلط يعنى، بس لو إلتى بينا ده محل تفكير يلقى إنتى سورى يعنى بقالك معايا ستين بتعمل معايا إيه؟"

لفظ تلك العبارة الأخيرة بعصية قبل أن يغلط الخط.

\*\*\*

بعد فترة طويلة من اللعب، كان الإجهاد قد بدأ يحتل تدريجياً جسد "أحمد شمس" أثناء تواجده فى ملاعب الإسكواش الخاصة بنادى سبورتنج مع "إيهاب عيسوى"،

"ده آخر ماتش يا إيهاب أنا مش قادر" أوضحها أحمد بصوت ضاع متعظم حروفه فى التنفس أثناء اللعب، حاول إيهاب أن يحفزه على الاستكمال و لكن "أحمد" كان قد أنهك بالفعل، سأله أحمد على سبيل تغيير الموضوع: "هو أدهم مبيظهرش بقاللو فترة ليه؟"

أجابه "إيهاب" و هو مازال منشغلاً باللعب: "لا لأ عادى هو بس علشان مشغول فى حوار المكتب ده"

- "هو خلاص فتح مكتب الحمامة بتاعه؟"

- "المفروض إن هو خلّص تشطيب فيه، ممكن يتدى يستقبل زباين من بكرة الصبح، ده لو مكانش النهارده كمان"

لعبا بعدها لمدة نصف ساعة ثم رحل أحمد رغم إصرار  
إيهاب، وأبي إيهاب أن يرحل معه أثر البقاء في المكان  
لاستكمال اللعبة حتى ولو وحيداً.. وكأنه القدر، جلس  
ليستريح وكافأ نفسه بقدر قليل من المياه المعدنية قبل أن يلفت  
انتباهه شيء ما..

\*\*\*

"حُسام"، هذا اسمه "حُسام بدر الدين صلاح"، اشتهر في كل  
مكان بغروره و تعاليه المتزايد، لا يحب أى شيء في حياته إلا  
لعبته التي لا يجيد سواها "الإسكواش"، يحبها أكثر حتى مما يحب  
أهله وأكثر مما يحب "لينا" قريته و صديقته الحالية، حبه لهذه  
الرياضة ليس مجرد تحمس بل أصبحت جزءاً لا يتجزأ من هويته  
و شخصيته، إذا حاولت في يوم من الأيام أن تسأله عن اسمه  
على سبيل التعارف سيحييك بأنه "حُسام بدر الدين صلاح  
بطل الجمهورية في الإسكواش"، وكأن ذلك اللقب الأخير هو  
جزء من اسمه، و حسام الآن يعاني من مشكلة سببت له القلق  
والاضطراب لأيام طويلة، بعد إختلاف في وجهات النظر بينه  
وبين مُدربه انقض عليه "حُسام" باللكمات، أى شخص في  
مكان "حُسام" سيعترف بأن تلك الحادثة قد أنهت مُستقبله،  
ولكن ليس حُسام، قرر أن يُدرب نفسه بنفسه، وأن يحسن

مهاراته بشكل ذاتي بحث، واستمر فعلا على هذا الحال لمدة لا بأس بها، كل يوم يذهب إلى ملاعب نادى سبورتنج ليُمرن نفسه، كل يوم بلا استثناء، حتى حدث يومها ما حدث لتغيير حياة "حُسام" تماما، و إلى الأبد،

كان مُندجما في لعبه الفردى إلى أقصى الحدود عندما فوجأ بخبط على الباب الزجاجى للملعب، أوقف لعبه و أوضح لزائره بقرف: "أنا حاجز الملعب ده" وقف الزائر مكانه ورفض أن يرحل فأكد عليه "حُسام" للمرة الثانية: "في حاجة حضرتك؟ أنا حاجز الملعب ده ساعة إلا ربع؟"

كان هذا الزائر هو "إيهاب عيسوى"، و لا تنسوا أن إيهاب عيسوى هو بطل مصر السابق فى الإسكواش كان بطلا فى نهاية التسعينيات و فى طليعة القرن الجديد، و لولا إصابة فى ساقه قد أصيب بها فى مُشاجرة لظل هو بطل مصر الأوحـد حتى الآن، كان قد أتى فى البداية بصحبة "أحمد شمس".

و بعد أن رحل ذلك الأخير، لفت شىء ما فى لعب "حُسام" انتباهه، أجاب "إيهاب" على "حُسام" مبتسما: "لا لا، أنا بس كنت شايفك بتلعب كويس على فكرة بس بتحركك بطريقة غلط قولت أنبهك"

حفظت عينا "حُسام" غير مُصدق لما يقال ابتمسم باستهزاء: "بجد والله، طب و الله العظيم كويس"

فما كان من عيسوى إلا أن يهز كتفيه في برود ليسأله: "إيه في حاجة في كلامى بتضحك؟"

أجاب حُسام الذى لا يزال يضحك باستخفاف: "لأ مفيش، بس إنت شايف يعنى إنك ممكن تطلع غلطة في لعبى أنا؟"

- "ليه لأ؟"

- انقلبت لهجته إلى الجدية التامة و هو يوضح "هقول لحضرتك ليه: إल्ली واقف قدامك ده واحد بطولة الجمهورية السنة إल्ली فاتت"

تحولت نبرة إيهاب هذه المرة إلى الاستخفاف و هو يردف ساخراً: "طب كويس، الحق إفرح بقى علشان لو قعدت تلعب بالطريقة دى عمرك ما تتخدها تانى"

أردف "حُسام" بعصبية: "معلش يعنى إنت آخرك إيه في الإسكواش؟، علشان تتكلم"

كان من الممكن جداً أن يكشف "عيسوى" عن هويته، لكنه لم يفعل بل أراد أن يلحق هذا المغرور درساً، لم تعل نبرة صوته، لم يتخل عن هدوئه، بل أجاب "عيسوى" الذى لم تزد فيه إلا وسع ابتسامته المستفزة الباردة: "خلاص إبتلى إن أنا غلطان، متهيألى إن لو واحد مالوش في الإسكواش زى عرف يكسبك يبقى إنت مليكيش أى أمل في البطولة؟"

- "ده لو إنت كسبتنى بقى"

زادت ابتسامة "عيسوى" للمرة الثانية، كان الحديث قد وصل بالضبط إلى المنطقة التى أرادها،

\*\*\*

و كأى تصرف يصدر من أحمد شمس لا يدرى هو نفسه لماذا قام به، و كأى مكان يقصده لا يدرى بالضبط ما الذى أتى به إلى هناك، وجد "أحمد شمس" نفسه يحوم حول المبنى الذى يقع فيه مكتب "أدهم" الجديد، حتى بعد أن صعد السلالم تردد كثيرا أمام باب المكتب، فتح الباب ليجد سكرتيرة مُحجبة وصالة انتظار خالية من أى شخص، سألته السكرتيرة فى أدب: "حضرتك عايز حاجة؟"

دخل أحمد شمس أخيرا من الباب بعد أن كان متصفف جسده بالخارج: "لو سمحتى الأستاذ أدهم موجود؟"

أجابته السكرتيرة: "لا تلاقيه جاى دلوقتى، اتفضل حضرتك استناه"

غمغم أحمد: "أخلاص مش مشكلة بقى، هبقى أجيله فى يوم تانى"

- "طب مش هاتسيب إسمك، أبلغه لما يجى إن حضرتك كنت هنا؟"



أجاب و هو يتعد عن المكان: "لأ خلاص أنا هبقى أتصل  
بيه على الموبايل"

كان "أحمد" سيرحل بالفعل لولا ظهور "أدهم" المفاجيء، ابتسم  
ذلك الأخير مُرحباً بـ "أحمد" و سأله عن سبب مجيئه "و لا  
حاجة كنت جاي أباركلك على المكتب" قالها أحمد في حرج  
غير مفهوم.

"طب تعالى تعالى .." نطقها أدهم و هو يدخل إلى حجرة  
المكتب قبل أن يلتفت إلى "أحمد": "خش اتفضل إنت لسه  
هتكسف؟ إنت مال ربحتك عرق كده؟"

أجاب أحمد و هو يدخل إلى الحجرة: "لسه كنت بلعب  
إسكواش مع عيسوى أصلى، لأ بس واضح إن الشغل لسه  
مبتدأش"

سأله أدهم في مرح و هو يغلق الباب و راءهما: "لسه فاتحين  
إمبارح بقى.. إحنا لسه لحقنا؟ متعرفش أى حد عايز يرفع قضية  
على حد؟"

زاد تردد أحمد: "ما هو أنا كنت جايلك علشان كده  
كمان، أنا عندي قضية ليك"

- "إيه؟ عقارات ؟ المحافظ الجديد عامل مشاكل معاك إنت  
كمان؟"

- "لأ، قضية طلاق"

- "آه، مراتك إنت ؟" نطقها أدهم بحذر.

أجابه أحمد : "آه، هي إल्ली رافعة عليا قضية علشان تاخذ الولد"

أجاب أدهم و هو يشعل سيجارة : "دى مش طلاق بقى دى حضانة"

ارتبك "أحمد" أكثر لجهله العام بتلك الأمور القانونية، استكمل أدهم و قد بدا عليه الاهتمام: "و إنت المحضر جالك البيت؟" - "أيوه"

- "واستلمت الجواب الإعلان ؟ ماشى ماشى، شكرا على ثقتك فيا و كل حاجة، بس إنت مش شايف إنك من الأحسن إنك تروح لمحامى كبير؟ معندك ومش محامى عيلة ولا حاجة؟"

رد أحمد فى مرح : أنا مراهن عليك يا عم.

أجابه أدهم فى حكمة : "أيوه إنت كده بتراهن عليا بابنك، متقنعنيش إنك بتعمل كل ده علشان إحنا صحاب"

- "لأ هو بصراحة فى سبب تانى"

- "إल्ली هو؟"

- "إلى هو إن أسباب الطلاق نفسه مينفعش تتقال لحد أنا  
مش بأتمنه على سر, لازم يكون حد أنا عارفه كويس"

\*\*\*

"مى" و"هبة" أصبحتا الآن صديقتين, اليوم هو أول خروج معا  
حسب الموعد المتفق عليه تليفونيا, اليوم سوف تستمع "هبة" إلى  
نصيحة "مى" بخصوص تجربة النادى الرياضى الخاص بنادى  
أكاسيا,

"لأ معتقدش إنك نيلتى الدنيا للدرجة دى يعنى"

قالتها "مى" مطمئنة و مُهدئة من روع "هبة" (التي لا تزال تنتظر  
رد الشركة فى قبولها كموظفة جديدة) بنبرة قد غلبها الإجهاد  
الناتج عن التمرين المستمر لساعتين متواصلتين ثم استكملت  
وهى تدفن شعر رأسها فى المنشفة لتتخلص من العرق "إننى مين  
إلى عملك الإترفيو؟"

"لا، مش فاكرة اسمه" قالتها هبة لتعزف عن الكلام للحظات  
لكى تحاول أن تستحضر فى ذهنها المظهر الخارجى للرجل  
المقصود قبل أن تستكمل فى تردد: "بس هو شعره كله أبيض  
عنده بتاع اربعين سنة بس كثافه عريضة كده"

ستكملت "مى" و قد وصلت إليها الفكرة و تعرفته: "ودائما  
فشته عايمة على الفاضية والمليانة, صح؟"

أجابت هبة : "تقريبا آه"

فاستطردت "مى" بملل: "نفس إلى عملي الإنترفيو بتاعى, ده عبيط, ما قعد يعمل معايا أنا كده برضه .." ثم تسلمت بعض الحماسة على نبرة صوتها لتستكمل: "كنت طالعة بقى يا بنتى قولت خلاص, أنا استحالة أشتغل فى الشركة دى, بعدىها بأربع أيام لقيتهم بيتصلوا بيا من غير أى واسطة حتى ولا حاجة, هم أساسا ظروف شغلهم بتخليهم يتهللوا على أى حد معاه فرنساوى" قالتها "مى" وهى تتناول إحدى زجاجات المياه المعدنية من ثلاجة النادى الرياضى, غيرت "هبة" الإطار العام للحديث بسؤالها الجديد: "هو إنتى لسه بتشوفى حد من الدفعة؟"

- "لا من ساعة ما سافرت القاهرة و جيت و أنا مش عارفة أوصل لحد منهم"  
سألتها بإصرار "مبتشوفيش حد خالص من إالى كنا بنخرج معاهم أيام ثانوى حتى؟"

قاطعت "مى" عملية رشفها للمياه لكى تجيب بتلقائية: "لا والله العظيم أبدا, إنجى سالم جت تدرب عندنا كام إسبوع كده و مشيت اشتغلت فى حنة تانية, و أحمد شمس, بيشتغل فى الناتوورك فى الدور الأرضى كان سايب الشغل و لسه مستلمه تانى قريب".

سألتهـا "هبة" فى حيرة صادقة: "مين أحمد شمس ده؟"  
أوضحت "مى" محاولة تذكيرها: "إحنا صغيرين, كنتوا إنسى  
وهو متصاحبين فترة قصيرة كده و قفشتوا على بعض .."

زادت حيرة هبة : مين ده؟ قصدك تامر؟

و زاد إصرار مى : لأ, مش تامر يا بنتى, لأ.

قاطعتها هبة هذه المرة "كان فى مدرسة إيه طيب؟"

أجابت مى : "مش فاكرة بقى !!, حاجة فرنساوى برضه  
(سان-مارك) حاجة كده"

مطت هبة شفيتها فى لا مبالاة و هى تؤكد بيروود : "مش  
فاكره خالص بصراحة" سكتت للحظات تُفكر قبل أن تستطرد  
هذه المرة بمرح: "و أنا أصلى مش همشى مع حد  
وأنساه, متحسسينيش إن أنا كنت صايرة للدرجة دى"

أجابت "مى" التى كانت قد سأمت الحديث : "مش إنسى  
داخله ماركتنج ؟ هو هيقى فى نفس الدور معاكى"

\*\*\*

إذا كنت أنت أيضا من مُحبي رياضة "الإسكواش" فستحب  
بالتأكيد أن ترى هذا المشهد بعينك, بطل مصر السابق يلعب  
بطل مصر الحالى, الأمر أشبه بالصراع المهين المعروف فى كل

مكان ما بين الخيرة و الشباب، الهدوء المتأنى والاندفاع  
المغرور "إيهاب عيسوى" و "حُسام بدر الدين"، لعلو مُستوى  
الاثنين كان الماتش مثيرا للاهتمام بالفعل، كثير من مُستخدمى  
الملاعب المجاورة قد تركوا ما يفعلون فقط ليراقبوا الموقف عن  
كتب، حتى إن لم تحضر أحداث المباراة من البداية و حتى إن لم  
يطلعك أحدهم على النتيجة، فسيكون من الواضح أمامك أن  
الخاسر بشكل عام هو "حُسام" الذى لم توفقه قدراته على  
الللحاق بسرعة "عيسوى"، انتهت المباراة لصالح ذلك  
الأخير، خرج "عيسوى" من الملعب بينما لحق به "حُسام" ذو  
الغرور المكسور محاولا أن يتجاذب معه أطراف الحديث بحمل  
امتزج فيها الإعجاب بالإحراج:

"هو إنت بقالك كثير بتلعب إسكواش؟"

أجاب عيسوى بضجر و هو يحفف عرقه: "مش كثير أوى  
من قبل ما إنت تتولد تقريبا"

قطع عيسوى حديثه بنفسه ليشكر أحد العاملين بالمكان  
الذى توقف لوضع صينية أكل أمامه، سأل "حُسام" الرجل: "لو  
سمحت ممكن كباية ليمون؟"

أجاب العامل فى صرامة: "ممنوع نزل أكل للملاعب لأى  
حد"

سأله حسام في دهشة غاضبة و هو يشير للصينية : "أمال  
إللى إنت لسه حاطه ده إيه؟"

ابتسم العامل و هو ينظر إلى عيسوى : "لا ما هو كابتن  
عيسوى مش أى حد، ده حبيينا من زمان"

أردف عيسوى في تواضع : ربنا يخليك يا عم فتحي.

هنا جحظت عينا "حسام" من فرط المفاجأة : "عيسوى ؟  
حضرتك كابتن إيهاب عيسوى؟"

ابتسم "عيسوى" : "إيه سمعت عنى ولا إيه ؟"

لم يدر "حسام" ما يقول حقا، هذا كابتن "إيهاب" الذى  
رآه "حسام" يلعب عندما كان عمر الأول لا يتعدى التسع سنين  
فقرر حسام من فرط إعجابه أن يحترف اللعبة، كان عيسوى  
بالنسبة إلى حسام هو المثل الأعلى في هذه الرياضة، إنه إيهاب  
عيسوى الذى كان "أحمد برادة" اللاعب الشهير يخشاه بصدق  
وبشكل واضح، أجاب "حسام" بعد أن سيطر بشكل جزئى على  
انفعالاته : "سمعت عنك ؟ !، في حد بيلعب إسكواش مسمعش  
عن عيسوى، أنا كنت بتفرج عليك وأنا صغير على فكرة"

أجابه عيسوى في برود مقصود لا يتناسب مع المديح : "بجد  
و الله طب فرصة سعيدة جدا يا حسام، إنت اسمك حسام مش  
كده؟"

و لم يعط فرصة لحسام هذا بل مضى في حديثه "أنا مضطر  
أمشى بقى علشان ورايا شغل, عايز أبقى أشوفك هه؟"  
قالها ثم ابتعد لترك حُسام في صدمته.

\*\*\*

"محدث قاللى صحيح عملتوه إيه إمبراح مع محمد؟"  
نطقته "ريم" بتردد, حاولت أن تضيف إلى نبرتها بعض العفوية  
حتى لا يتهمها أحد بالفضول, إنها الساعة التاسعة مساء..  
كانت هي و "نيفين" و "مارك" و "نادر" و "خالد" جالسين في  
إستيميشن كافيه,

"محمد مين؟" سألتها خالد بقرف و هو يطفىء سيجارته قبل  
أن يجيب هو عن سؤاله بنفسه: "آه آه, و لا حاجة اتفقنا على  
الكاشات و كل واحد هيدفع للثاني ثمن حاجته, و خلاص"  
ثم أضاف "نادر" كالعادة: "لا بس عارفة, مطلعش نفخ أوى  
زى ما كنت متخيله يعنى"

فأوضح "مارك" أكثر: "آه, لو كان حد تاني كان ممكن يستهبل  
فيها بزيادة"  
قالها "مارك" قبل أن يتعد بـ "نيفين" عن الجميع ليسألها: "هه  
كلمتيها؟"

أجابته نيفين في حيرة: "كلمت مين؟"



- "يارا هيكون مين يعنى؟"

- "ملقيتش فرصة غير إمبراح"

زاد قلقه أكثر: "و قالتلك إيه؟"

أجابته نيفين بحذر: "قالتلى استحالة"

فأوما برأسه مهموما قبل أن تستكمل هى فى آسف: "مع إني  
قعدت أقنع فيها بس هى فضلت راكبة دماغها"

قاطعهم "نادر" الذى كان لا يزال على مقربة منهم رغم عدم  
سماعه لما يتكلمون فيه: "ناويين تروحوا صحيح الحفلة إल्ली قالنا  
عليها دى و لا إيه؟"

سألته نيفين: "حفلة إيه؟"

أجاب مارك غير آهأ: "معرفش عزمنا على حفلة كده فى  
العجمى، بس شكلنا كده هنعلقلوه، أنا إيه إल्ली فى الدنيا يوديني  
لحد العجمى يعنى؟"

و نصحت "ريم": "يا ريت بلاش تروحوا حفلات تبع  
البارودى خالص، هاتلاقوها كلها سُكر و مخدرات و بنات مش  
محترمة و حاجات كده"

أجابها "نادر" متظاهرا و هو لا يعنى ما يقول: "يجد و الله  
كويس إنك قولتيلي من دلوقتى، أصل أنا ميرتاحش فى الجوده  
خالص" قالها ثم ضحك ضحكة خفية ذات مغذى.

"مش هتقوللى بقى إيه المشوار إالى إنت هاتوديهاوللى ده؟" طرح "عمرو سلامة" فى ضيق ذلك السؤال على "محمد البارودى" و"هانى", كان الثلاثة فى سيارة "المرسيدس سى ١٨٠" الخاصة بمحمد, أجابه هانى ضاحكا: "و إنت مستعجل على إيه ؟ اصبر و أنت هتعرف!!"

غمغم عمرو: "أيوه, بس إنتو دلوقتى بوظتوللى حوار" كيف "فيا ريت ميطلعش على الفاضى يعنى"

ضحك "محمد" بصوت عال و هو يطمئنه: "لأ ماتخفش, لو الحوار ده طلع على الفاضى يبقى العيب فيك إنت بقى ؟ هاهاها"

لم يفهم "عمرو" ما يعنيه "محمد", و لم يتوصل إلى السبب الذى يضحك الإثنين, و قبل أن يستكمل استفساراته كانت السيارة قد توقفت بالفعل, أبلغه "محمد" أنهم قد وصلوا, نزلوا الثلاث من السيارة, ازدادت حيرة "عمرو" عندما أشار له البارودى إلى باب ملهى ليلى واقع تحت لافتة مضيئة مكتوب عليها "جوهرة بحرى" ليسأله: "هه؟ إيه رأيك",

أجابه "عمرو" فى سخط: "إيه ده يا محمد؟ إنت جايين كباريه؟"

فسر "محمد" بحكمة: "بص يا عمرو تجربنى علمتنى إن مشاكل النسوان متتحلش بالحشيش, مشاكل النسوان بتتحل

بالنسوان، مفيش حاجة هتتسبك مشاكلك مع ست غير واحدة  
ست زيها"

ظل عدم الارتياح واضحاً على "عمرو"، خاصة بعد أن  
دخلوا إلى المكان، كان ينظر باشمزاز إلى كل شيء أو شخص  
حواله، لم يكن "عمرو" مُحترماً بشكل مثالي أو بالشكل المتعارف  
عليه، كان يشرب الخمر والحشيش و يُصاحب الفتيات،  
ولكنه حرص طوال حياته أن لا يجعله معاصيه يتدنى إلى  
مستوى اجتماعي مُحدد، اقترب هاني من عمرو وطلب منه  
المال الذي كان قد خصصه لشراء الحشيش، سأله عمرو عن  
السبب و لكن هاني ظل متمسكاً بمبدأ "اصبر و إنت هتعرف"

اقترب "محمد" و "هاني" و معهم "عمرو" من امرأة في أواخر  
الأربعينيات من عمرها.

"عاملة إيه يا دلال إزيك؟" قالها محمد ضاحكاً لكي تلتفت  
إليه الراقصة التي لم تلاحظ وجوده إلا الآن "إيه ده ؟ ما افكرتنا  
إنت و صاحبك؟"

أدخل هاني ذو المعرفة السابقة بها نفسه في الحديث : "لأ بس  
المرّة دى كمان معانا واحد صاحبنا عايزينك تتوصى بيه"

أجابت دلال في نبرة لا أستطيع وصفها إلا بكونها خالية  
من الحياء : "إيه ده ؟ إنتو الثلاثة أنا كبرت على الكلام ده

خلاص" قالتها قبل أن تفاجيء الأذان بضحكة خليعة اشتهرت  
بها الراقصات في الدراما العربية.

رد محمد الذى لم يتفاجأ بالضحكة بـجبت: "لا متطمعش ده  
هو لوحده بس، إحنا بقى نجيلك بعدين"  
اقترب منها فى قلق قبل أن يسألها بـقرف: "إسمك دلال إننى  
هه؟"

علقت دلال مازحة: "يا حتى كامبلا عليه، شوفت جامها  
بسرعة إزاي؟ إوعى تطلع سريع كده فى كل حاجة" قالتها  
لتفاجأ عمرو للمرة الثانية بنفس الضحكة التى تصلح أن تكون  
رنة موبايل أكثر من كونها ضحكة تتخلل الكلام.

أعطاهما هانى المال الذى أخذه من عمرو منذ قليل، أخبرهم  
أنهم يجب أن يزدوا فى المال بعض الشيء لأنها تفعل ما تفعل  
من دون علم صاحب المكان (طب وهم ما لهم؟؟؟) على العموم  
أضاف "محمد" بعض النقود من جانبه.

"طيب هنمشى إحنا بقى يا عمرو" قالها "هانى" و هو يودع  
عمرو الذى أصبح أثر تلك العبارة الأخيرة أشبه بالطفل الصغير  
الذى لا يريد من أمه أن تتركه وحده فى المدرسة: "إيه ده رايحين  
فين؟"

أجابه "محمد": "هنشوف حالنا إحنا بقى .." قالها قبل أن  
يستكمل ضاحكا و هو ينظر إلى دلال مُغازلا: "و بعدين إنت  
زعلان ليه، حد يطول يقعد القعدة إالى إنت قاعدها دى؟"

لم يستطع "عمرو" أن يخفى رعبه من المحيط الذي لم يعتد عليه خاصة بعد أن رحل أصدقاؤه، مالت عليه دلال: "روّق كده و اسمع كلام صاحبك، متشيلش هم.. ده إنت معاك دلال"

أجاب وهو ما بين الارتباك والاستخفاف: "معاي دلال آه صحيح إزاي فاتتني دى، تشربى إيه يا دلال؟"

"إيه ده هتعمنى؟" انتفضت داخل مقعدها فى فرحة شديدة وهى تقولها و لم تنتظر حتى إجابة "عمرو" طلبت من البارمان: "سيد !! هاتلى إثنين شامبانيا على حسابه"

نظر سيد حوله قبل أن يقترب منها ليسألها فى حيرة: "على حساب مين؟"

أجابته فى تلقائية: "على حساب مين ده إيه؟ ما هو قدامك أهو"

التفتت إلى جانبها لتشير إلى "عمرو" لتجده قد اختفى من المكان، سألت نفسها بصوت عالٍ "إيه ده هو راح فين؟!! ده كان لسه هنا!"

إقترب منها "سيد" يحذر ليسألها: "مدام دلال!! إنت متأكدة إنك لسه عايزة تسكرى؟"

\*\*\*

## الفصل الحادى عشر

### "على أضواء شاشة الموبايل (!)"

كان من الطبيعى أن يترك الكباريه فى أول فرصة دون حتى أى محاولة لاسترجاع ماله من الراقصة ..هرب فى الزحام فى أسرع وقت ممكن، ترك المكان مُسرعا..رجع إلى بيته، دخل إلى حجرته أطفأ النور ضغط على زر تشغيل المروحة و أخرج قطعة خشب كان قد أخفاها فى جيبه وحوّلها إلى سيجارة مُستعينا بأضواء شاشة الموبايل، وقد ترى ذلك شيئا غريبا، تصرف مريب لا تفسير أو سبب منطقى له، ولكنك إذا كنت من أصدقاء "عمرو" فستنظر إلى الحدث من زاوية أخرى.

تماماً كما لا يختلط الزيت بالماء بسبب اختلاف التركيبة الكيميائية لكل منهما، فهناك أنواع من البشر المزج ما بينهما مُستحيل، هذا هو بالضبط ما حدث فى تلك الليلة مع "عمرو سلامة"، حتى إن منعه خجله من التورط فى أى اتصال جنسى مع أنثى حتى الآن من قبل فإنه لم يرحل يومها من كباريه "جوهرة بحرى" لهذا السبب، بل من المحيط، كيف تتوقع من شخص انطوائى مثله أن يتأقلم فى جو مُتأسس على عدم الحياء؟ لقد اعتاد على المعصية فى الخفاء و الطاعة فى الخفاء، فهكذا صلى لله و هكذا شرب الخمر و هكذا عاش حياته كلها، فى السر بعيدا عن أنظار الجميع.

"عمرو سلامة" هو أحد هؤلاء الذين يعيشون على أضواء شاشة الموبايل، الذين استخدموا نفس القدرات التي أعطاها الله لهم لمساعدتهم على الاتصال الاجتماعي بالبشر لغرض آخر وهو الابتعاد عنهم، ليعيشوا على أضواء شاشة الموبايل إلى الأبد إذا.

\*\*\*

فلنكشف (على سبيل النسيئة ليس أكثر) بعض الأسرار الشخصية لنادر "الميتاليس" و المؤسس و المعنى الأساسى لفرقة "Born in hell" و التى تُعد من أهم فرق الهافى الماتيل المصرية، هذه المرة عن السبب الحقيقى للكره الدبلوماسى والحرب الباردة اللذين يدوران بينه و بين صديقه "خالد"، كانت فتاة بالطبع، كان اسمها "نادين" تعرف بها "نادر" أولا أثناء تواجده فى العاصمة لتشجيع المنتخب المصرى فى بطولة كأس الأمم الأفريقية لكرة القدم التى أقيمت فى استاد القاهرة، كانت هى أيضا من الإسكندرية، و كأنه القدر ألا يتقابلا إلا بعيدا عن مدينتهما، بذل مجهودا كبيرا فعلا لمجرد جذب أطراف الحديث معها، الغلطة الوحيدة التى ارتكبها هو تعريفها بـ "خالد" فأصبحت فتاة أحلامه فجأة هى صديقة خالد، كره ذلك التصرف من خالد، و كره "خالد" عده خائنا لمجرد أنه أنشأ

صداقة مع فتاة أرادت هي ذلك منه، وكره "مارك" كثرة المشاجرات وسمت "نيفين" كثرة الخلافات ما بينهما، فتطوع الأخيران لتهدئة الموقف، فسكت الاثنان (خالد و نادر) و انتهى الكلام في الموضوع و لكن ما في القلب ظل في القلب.

\*\*\*

و"نادين" ما هي في الأساس إلا فتاة مُرتبكة مثل معظم الفتيات في سنّها، أبوها و أمها ميتان، تعيش مع أخيها وزوجته، و أخيها هو "عيسوى" بطل مصر السابق في لعبة الإسكواش و القائد (السابق كذلك) في كشافة الكاريتاس، منذ سنوات كوَّنت صداقة قوية التأثير قصيرة الزمن مع "كريم شمس" ثم انفصلا، ارتبط هو بها و ارتبطت هي بشاب آخر يُسمى "نادر" ثم بصديق لنادر يُسمى "خالد"، و بسبب مُشكلة سببها نادر، قام خلاف نتج عنه التحاما جسديا ما بين أصدقاء "نادر" و أصدقاء أخيها، هذا هو السبب الذي كُسرَت بسببه قدم "عيسوى" ليُحرم ذلك الأخير من احتراف الإسكواش حتى بعد انتهاء فترة علاجه.

\*\*\*

السر المخفى عن أنظار الجميع بخصوص "نادر" هو استمرار إعجابه بـ "نادين" رغم مرور سنتين عن انفصالهما، لم يحاول أن



يتصل بها بل طوال تلك الفترة بل ظل يراقبها يوميا، حفظ  
جدولها اليومي عن ظهر قلب، ليس بالضرورة بحثاً عن فرصة و  
لكن للاطمئنان عليها فقط، رآها أكثر من مرة تتعرض  
للـ"معاكسات" و التحرشات، كان ينتظر أن ترحل هي عن  
المكان فيتجه إلى أصحاب الفعل الشائن ليلقنهم درساً لن  
ينسوه أبداً، وظف نفسه في منصب ملاكها الحارس، وهذه  
حقيقة استطاع نادر أن يخفيها عن أقرب أصدقائه  
وعن "نادين" نفسها التي لم تفهم قط سبب تورم وجهه من  
يتعرض لها عندما تراه في اليوم التالي.

\*\*\*

كل إنسان منا يحتفظ سرا بجزء من الطفولة مهما كبر سنه  
و مهما حاول أن يدعي أو يتظاهر بالنضوج و الحكمة، جزء لم  
يتأثر بالعوامل الزمنية، لم و لن يغير فيه الوقت شيء، هذا الجزء  
يحدد شخصيتنا الحقيقة.

● فمثلاً "عمرو" احتفظ بالخجل و الانطواء منذ طفولته،  
أينعم قلل على قدر ما يستطيع من ذلك تجنباً للوحدة و لكن  
بشكل عام: "عمرو" ذو التسعة عشر عاماً الذي يعيش بيننا الآن  
هو مجرد نسخة أكثر تطوراً من "عمرو" ذي التسعة أعوام.. ما  
زال ينتظر الفرص ليختلي بذاته.

- و"رامى" أيضا ظل كما هو.. حساس عاطفى بشكل مُبالغ فيه أحيانا ..
- كريم احتفظ بعصبيته غير مطلوبة و مازال يشاهد (جلسة) الأفلام الكرتونية حتى الآن,
- "ريم" احتفظت بذكائها و سرعة إدراكها لما حولها,
- و"خالد" احتفظ بالإصرار على أى فكرة تأتى إلى عقله بغض النظر عن صحتها,
- "نادر" احتفظ بكثرة الحركة و الجرى فى كل مكان,
- "مارك" احتفظ بعدم حبه للتحرك و التنقل من مكان إلى آخر, كان يحب الاستقرار بشدة, يكره الترحال فعلا,
- "نيفين" احتفظت بعدم قدرتها على المجاملة أو التمثيل أو إخفاء المشاعر, حسام احتفظ بجسده الضخم و قوته الجسمانية, هانى احتفظ بعقله و تأنيه,
- "شريف" احتفظ بكرهه لأبيه,
- "أحمد شمس" احتفظ بتناقضه وسرعة حزنه و فرحه..
- "هنا و لينا" لم يتغير فيهن أى شىء لكى يحتفظوا به أو يتركونه, ما زالا طفلتين بمعنى الكلمة, فى كل شىء, تطورت

أجسادهما و لم تتطور العقول, و كبرت الصدور و لكن القلب واحد, برزت بشكل واضح الثنيات أسفل الظهر من وراء سراويل الجيتر الضيقة و لكن الخلفية النفسية واحدة, لا أعلم حقا الوصف الصحيح لذلك إن كان عينا أم ميزة, أعني أن يظل الإنسان كما هو هكذا, إن كان ذلك صدقا مطلوباً و براءة نادرة الوجود؟ أم تأخيرا في التطور يوشك أن يقترب من التخلف العقلي؟

● "بمى" احتفظت بأموالها.. أى شىء عدا ذلك فقد تغير تماما..

● "يارا" (فاتنة كنائس الإسكندرية) احتفظت باستخدامها لجمال مظهرها الخارجى لكى تحصل على مرادها, فى طفولتها كانت تمتلك ملامح وجه صغيرة بريئة و رائعة لا يستطيع الكبار أن يرفضوا لها طلب بمجرد النظر إليها, و عندما كبرت أصبحت تمتلك بدلا من تلك الملامح الملائكية فى وجهها صفات جسدية شيطانية فى جسمها, ثنيات مُذهلة و أحجام إعجازية (ظننا كعرب أن المطربة إلسا هى صاحبة التوكيل الوحيد لتلك الأحجام فى بلادنا) و لون أشقر يليق على كل ذلك, فهل يستطيع أى رجل بصدق أن يرفض لها طلب؟ و هل تمتلك أى فتاة من أمرها سوى أن تغار؟.

● أما "محمد البارودي" فعندما كان طفلا لم يكن يحب أن يشارك أى شخص معه فى ألعابه.. دلوله أهله و عودوه على ذلك, كبر على الألعاب و ظلت الخصلة موجودة و واضحة, ولكن هذه المرة فى المال و الحشيش, و الخمر, فأصبح هو البارودي, ديكتاتور الخمر الذى نعرفه الآن, انفصل أباه عن أمه و هو فى سن الثانية عشرة, فأعطاه ذلك حرية زائدة تركت له المساحة للتورط فى مشاكل ندم هو عليها الآن, أبوه الآن متزوج, و أمه الآن متزوجة, كل منهما سعيد فى حياته بعيدا عن الآخر, و هذا الموقف الاجتماعى المحدد (الطلاق) يعطيك فرصة غير عادية كابن للتلاعب و الحصول على ما تريد بمتهى السهولة, كل ما عليك فعله هو الذهاب إلى أحدهم و الشكوى من الآخر فتسكب الأموال و الفرص و يصبح كل شىء مسموحا, و هكذا عاش "محمد البارودي" السبعة أعوام السابقة, بلا حدود, أو موانع, و كل مريض نفسى فى العالم بلا استثناء ترجع أسباب مرضه الحقيقية إلى نشأته, الحقيقة المرة التى نهرب منها هى أن الصفحة الأخيرة فى قصة حياتنا قد كُتبت قبل حتى أن نولد, نولف النظريات الفارغة حول كل شىء طوال الوقت بينما نحن مجرد تطبيقات لنظرية كُتبت فى السماء منذ زمن بعيد.

\*\*\*

و من التصرفات التي لن أدرى أبدا مدى صحتها من عدمه  
مهما راقبت عن كثب سلوكيات لاعبي الإستيميشن، هو  
إصرار بعضهم ألا يرى أحد أوراق لعبهم، حتى إن كان هذا  
الشخص مجرد مُشاهد لا يشارك في اللعبة بشكل فعلي، ثم  
إصرار البعض الآخر على كشف أوراقهم بدون سبب  
واضح، تكون جالس بعيدا عنهم فيأتي بك من آخر الدنيا لكي  
يُريك أوراقه، ويخبرك أنه سيطلب كذا، حتى أن بعضهم قد  
وصلوا إلى مرحلة اللعب و هم يكشون ورقهم بالكامل  
على "الترابيزة" أمام منافسيهم في اللعبة، أيهما الأصح؟

محبثو أوراقهم يؤكدون أن إطلاع الأُغراب على الأوراق  
التي تخصهم يربكهم و يضع تركيزهم المُخصص للعب، و  
يعرضهم لنصائح قد تكون خاطئة، فيخسرون نتيجة لغباء  
شخص آخر.. و إن كانوا ممن يهتمون بأراء الآخرين فإن  
كانت الأوراق مُشجعة و جيدة سيكون الفوز تحصيل حاصل  
لا مُكافأة فيه و لا فرحة و الخسارة تسحق العقاب الشفهي  
من المُشاهدين، و إذا كان الورق قليل الفرص فسيستمعون  
طوال اللعب إلى آراء تحبطهم.

أما كاشفو الأوراق يؤكدون أن كشف الأوراق هو علامة  
تنم عن ثقة عالية تربك مُناقسيهم في اللعبة، كما أنهم يرحبون  
تماماً بأي رأى خارجي، لكنهم لن ينفذوه إلا إذا اقتنعوا هم به.

فأيهما أصح ؟

ليس في الإستيميشن فقط بل في الحياة، أيهما أفضل ؟  
الفخر و الإعلان الذى يوضح للجميع أنك لا تمتلك من  
الأسرار ما تخشى كشفه ؟

أم أن للحياة السرية فوائد تماما كما لها أضرارا ؟  
أم أن الموضوع عبارة عن نسبة و تناسب ما بين الاثنين ؟

\*\*\*

لم يكن اليوم يوما عاديا في حياة "هبة"، كانت قد تلقت منذ  
يومين تلك المكالمات الهاتفية المنتظرة التى تبلغها بأنها تم قبولها  
بالعمل في شركة "يون سيلفر" الشهيرة لصناعة الأغذية و هى  
نفس الشركة التى يعمل فيها "مى" و "أحمد"، لم تكن حتى تلك  
اللحظة تتذكر صدقا من هو أحمد شمس لكنها نست الموضوع  
برمته على أية حال، و لم تبلغ أى شخص قريب منها بخبر قبولها  
بالعمل في الشركة التى تعد الأضخم في مجالها في الشرق  
الأوسط، خافت أن يحسدها أحد، نزلت من البيت في أجمل ثيابها  
أرادت أن يكون أول انطباع عنها رائعا، ثم دخلت إلى مبنى  
الشركة، ما زالت رهبة المبنى الجديد عليها آخذة إياها،

"صباح الخير أنا، المفروض النهاردة كنت حايصة أستلم  
الوظيفة إल्ली هنا في الديار غنمت (القسم) .."

قالتها دفعة واحدة ودون أى مقدمات فى وجه أول موظف قابلته، هذا الموظف كان "عيسوى" الذى ابتعد عن الجميع ليشرب سيجارة خفية عن أعين الناس، لم يكن أحد يعلم بإدمان "عيسوى" للسجائر سوى "عيسوى" نفسه، سر شخصى لم يستأمن عليه أى شخص حتى الآن. بما فيهم زوجته،رمى سيجارته فى ارتباك دون أن ينهيهها ليسألها: "إننى هبة محمود، مش كده؟"

- "بالظبط كده، كان مفروض النهارده أستلم الشغل مع حد اسمه أحمد شمس، قالولى كده فوق"

- "لا أحمد لسه فى استراحة الغدا، عقبال ما يجى، هاوريكى مكتبك إالى إننى هاشتغلى فيه، هو يمكن كتمة شوية بس علشان التكييف بقاله يومين" كان يقولها و هو يتحرك معها بالفعل ليدها على مكان مكتبها، فتح الباب ليقطع كلامه بنفسه، على عكس ما توقع وجد "أحمد شمس" بالداخل ومعه "مى" التى من المفترض أنها تعمل فى قسم مختلف، الاثنان اللذان كانا مندحان فى الأكل تماما نظرا إليه فجأة، فأردف هو ضاحكا "إيه ده هو مش المفروض إنك روحت تتغدى؟"

حارب أحمد بقايا الطعام فى فمه لكى يكون جملة تمكيسة وواضحة الحروف فى نفس الوقت: "طلبت الغدا دليفري على هنا إن مكانش عند أهللك مانع يعنى"

- "يعنى تسيلى شغلك و ألاقك فى الآخر قاعد عمال  
ترغىلى مع الأنسة، و إنتى كمان إيه إللى مقعدك هنا إنتى كمان  
مش تروحي تشوفى شغلك" قال كل ذلك قاصدا المداعبة ليس  
أكثر ..

فأجابته "مى" ساخرة: "إحنا فى استراحة الغدا، هنفضل نقنعك  
لإمتى إنك المخلوق الوحيد إللى بيفضل شغال فى الوقت ده ؟  
"ثم التفتت إلى هبة التى ظلت واقفة فى مكانها مُحَدِّقة فى وجه  
أحمد "متفعدى يا هبة مفيش حد غريب ده أحمد"

أشار أحمد برأسه إلى هبة ليطلب من "مى" و "عيسوى" أن  
يعرفاه بما أنها لا تريد الكلام، أجابته "مى": "دى هبة إللى  
جاية علشان تستلم الشغل النهارده، هبة صاحبتى إللى قولتلك  
عليها يا بنى، لسه مش فاكرها برضه؟"

- "بصراحة لأ، على العموم أهلا وسهلا" فالتفتا أحمد فى  
استسلام.

ردت هبة فى ارتباك: "أهلا و سهلا" ثم التفتت إلى صديقتها  
لتطلب منه فى صرامة أقرب إلى الأمر العسكرى "مى !!  
عايزاكى ثانية واحدة"

قامت الصديقتان ابتعدا عن مسامع "عيسوى" و "أحمد"،  
"إنتى كان قصدك على أحمد ده؟ أحمد بتاع  
الكاريتاس؟" قالتها فى قمة الغضب غير المفهوم.



أجابت مى (وقد تلاشت ابتسامتها) فى حيرة: "هو إنتى مقومانى علشان تقولى كده!!؟، أيوه هوا إيه مشكلتك يعنى؟"

- "طب مقولتيش ليه من الأول؟"

- "قولتك على فكرة بس إنتى إلتى مفتكرتيهوش، و بعدين برضه مش فاهمة إنتى إيه مشكلتك؟"

زاد غضب هبة أكثر: "يعنى أنا كل يوم هاجى الشغل هاقعد فى نفس المكتب مع واحد أن هزقته (أيام إعدادى) قدام كل صحابه؟"

- "أنا مش متخيلة إنك فاكرة التفاصيل الهابلة دى لسه، فكك يا "هبة" ده شغل عيال، إذا كان هو نفسه مش فاكرك أساسا، عمالة أفكره بيكى ولا!! إنتى على باله أساسا"

- "إيه الهبل ده؟ يعنى هو فاكرك إنتى، بس مش فاكركى أنا إن شاء الله؟"

- "أيوة أكيد فاكركى، أنا كان ليا صحاب معاه فى كلية، و كنت بشوفه فى القاهرة، بقولك إيه، أنا عارفة كويس أوى إنك دوختى على الوظيفة دى، و مش هتلاقى زيها تانى لو عملتى إيه، متخلقيش مشاكل من الهوا، حتى لو، فلنفرض إنه فاكرك هو ليه عندك إيه يعنى؟"

و هذا سؤال إذا فكرنا فيه لمدة كافية سنجد فيه حلا لجميع مشاكلنا الاجتماعية و الدينية و حتى السياسية، لماذا نخجل من أشياء لا نستطيع تغييرها في أنفسنا؟.

السؤال الذى ننسى أن نسأله لأنفسنا وإن سألناه ننسى أن نجيب عنه..

"و هو إالى شايئنا ده،ليه عندنا إيه؟!!"

\*\*\*

استغل "عيسوى" فرصة انتهاء مواعيد العمل الرسمية فى شركة "يونى سيلفر" ليعرج على ملاعب الإسكواش الخاصة بنادى سبورتنج، كان يذمن الإسكواش إدمانا مساويا لإدمان البعض للخمر و المكيفات، لم يستطع أن يستمتع باللعب، أينما ذهب كان يجد المدعو "حُسام" هذا يلاحقه فى كل مكان يلح عليه أن يتولى تدريبه، و لولا غرور "حُسام" الواضح للجميع لما اعترض "عيسوى" عن مُساعدته، و للتخلص من الإزعاج ليس أكثر، و لإغلاق هذا الموضوع مرة واحدة و إلى الأبد، رضى أن يلعب لمرة واحدة مع حُسام ليخبره أنه يرفض تدريبه.

"طيب مفيش مشكلة بس على الأقل حضرتك ممكن تفهمنى، إيه السبب إالى يخليك ترفض تدريبي؟ يعنى حضرتك

مبتدربش أصلا أى حد؟" لم يكن حُسام من النوع الذى يتقبل كلمة "لا" كجواب،

أجاب عيسوى بضجر: "بدر ما بدرش مش هى دى المشكلة؟ أنا مش عايز أدربك إنت"

ضحك حُسام و قد تملكه الإحراج من هذا الرفض الشخصى الصريح: "طب ليه بس؟ هو حضرتك لسه عرفتني كويس؟ داحنا الاتنين سان مارك زى بعض و دماغنا زى بعض، معتقدتش إنك عرفتني كويس من مرتين شوفتني فيهم؟"

توقف "حُسام" عن اللعب، كان السأم قد تملكه بالفعل فأردف فى عصبية فاجأت "حُسام": "لا ماتقلقش أنا عارفك وفاهمك كويس أوى، أنا اتفرجت عليك فى البطولة إल्ली فانت، إنت شخص عصبي جدا، و لما أعصابك بتفلت مبتعرفش تتحكم و ده فى حد ذاته غباء ابن وسخة خصوصا فى لعبة زى دى، و بره الملعب، ملكش صحاب ولا من الكلية و لا من المدرسة، أو ليك صحاب بس مش الناس إल्ली إنت نفسكهم يقولوا صحابك، لإن الناس إल्ली إنت نفسكهم يقولوا صحابك، إنت مينفعش تخرج معاهم لإنك بسبب الرياضة إल्ली هى أهم حاجة بالنسبة لك و لا بتقدر تحشش و لا تُعط و لا تشرب سجاير حتى، فأنت مبتمارسش اللعبة علشان بتحبها إنت بتمارسها علشان بقت بالنسبة لك أمر واقع، مبقاش ليك غيرها، أو بمعنى

أصبح مبتعرفش تعمل حاجة غيرها، هي دُنيتك كلها يا إما  
التدريب يا إما صاحبك، و لما لقيت البطولة راحت منك  
قومت جريت عليا، علشان إنت فاكر إنك لو  
مبقيتش "حُسام" بطل الجمهورية هاتبقى ولا حاجة في نظر البنت  
دى، فهتبقى حياتك فاضية تماما، و هتتحرف بس دى كمان  
مش هتتعرف تعملها، لأن السن إल्ली إنت بتتعلم فيه أى صياغة  
ممكن تتعمل فاتك" مزيج من المفاجأة و الإحراج قد عصف  
بعقل "حُسام" فلم يجد ما يقوله إلا: "على فكرة مسمهاش البنت  
دى"

أجاب عيسوى في ملل واستسلام: "مسمهاش البنت دى يا  
سيدى، اسمها صاحبك، إल्ली هي غالباً هاتطلع قريتك في  
الآخر"

زادت دهشة حُسام و بلغت أقصاها من هذا الغريب الذى  
استطاع في دقيقة واحدة أن يلخص حقائق شخصيته.. الحقائق  
المُخجلة لأنها حقيقية، صحيحة تماما كما شرحها كل شىء  
فيها، و قبل أن يسأل "حُسام" نفسه سرا عن كيفية  
معرفة "عيسوى" لكل ذلك، كان عيسوى قد أجابه بالفعل عن  
سبب حيرته عندما استكمل موضحا: "إल्ली عايز أقوله إن أنا  
جت عليا فترة كنت زيك بالظبط في كل حاجة، و إल्ली أنا  
أقدر أقوهولك دلوقتى إنك لو فعلا عايزنى أساعدك، لازم

تسيلي نفسك خالص" و تحولت نبرته إلى التحدى و هو يسأله "هه!! قدها ولا تدورلك على حد تانى؟"

\*\*\*

اجتمع "رامى" و "كريم" و معهم عمرو سلامة فى شقة رامى لشرب الحشيش، كان من المفترض من تلك الجلسة أن تقام فى سيارة "رامى" بدلا من شقته، إلا أنه قد وعد أنه سوف يُراسل أخاه الأصغر "فهد" الذى مازال حتى تلك اللحظة يعيش فى الإمارات مع أبيه و أمه، و فى العادة تُعد مُراسلة "فهد" عن طريق الإنترنت مصدر متعة كبيرة للثلاثة، هذا لأن "فهد" هذا ذو الخمسة عشر عاما يتسم بالسذاجة إلى أبعد الحدود من السهل التلاعب به للغاية أثناء تواجده على برنامج ال "إم.إس.إن"، إلا أن "رامى" قد رفض اليوم بصرامة أى تلاعب بعقل "فهد" على الأقل اليوم، سألوه عن السبب فأجاب بعبارة غامضة للغاية "معلش يا جماعة فى حوار مُهم"

سأله "كريم": "حوار مُهم إيه مثلا؟"

أجاب "رامى" فى هم: "آخر كام مُكالمة على التليفون، لقيت أهلى ابتدوا تانى يلمحوا إنهم ممكن يبعثوا "فهد" يعيش معايا هنا فى الشقة"

سأله "عمرو": "و تفتكر الحوار ده يجده ؟ و لا هياس؟"

أجاب "رامى" فى ثقة أو بهذا أكد لنفسه: "لأ طبعاً هياس، هو كده كده مش هيقنع إنه يجي مصر، أنا كل ما يفتحوا الحوار ده معايا على التلفون أقعد أقولهم ماشى ماشى، علشان متبقاش جت منى أنا"

صمت قليلاً ليسحب نفسا من سيجارة الحشيش اللى فى يده ليستكمل: "أصل لو إن هو يجي مصر هيخلليه يطل هيروين كنت أنا أول واحد وافقت، بس ده أخويا و أنا عارفه، هو لو عايز يشرب، هاشرب، حتى لو ودوه المريخ"

زادت حيرة عمرو: "أنا لسه مش فاهم على فكرة، هو إيه علاقة الهيروين إالى كان بيشره بأنه يجي مصر؟"

وضح رامى بهدوء: "هى الفكرة كلها إن أهلى لما عرفوا إنه مُدمن دخلوه مركز تأهيل مرتين، و كل مرة كان بيطلع كان بيرجع زى ما كان و أنيل، لأنهم مش عارفين بيعسدوهم عسن صحابه، فقالوا الحل الوحيد إنهم يتعوه لأخوه إالى فى مصر، بقاهم يجي سنة دلوقتى يقوللوه الحوار ده لو كانوا عايزين بيعتوا كانوا بعته من زمان"

أردف كريم مُستهزئاً: "يعنى هم فاكرين إنه هنا هيتصلح حاله ؟ يعنى هى مصر إالى مافيهاش مُخدرات؟ دى كفاية بس قعدته هنا فى الشقة، مُجرد إنه يتعرف على السواد المسيحى"

بتاعكوا ده ابن صاحب العمارة إالى كل شوية يجيب صحابه  
يحشش معاهم فوق السطوح"

أجاب رامى و قد سئم الحديث فى هذا الموضوع : "هم  
فاكرين كده سيهم براحتهم, إحنا مالنا بقى, و بعدين فكك من  
الشتيمة فى صاحب العمارة إحنا مش عايزين مشاكل مع الناس  
دى"

\*\*\*

زادت تحذيرات مارك هذه المرة بشأن التزام الهدوء أثناء  
صعود السلالم المؤدية إلى سطح عمارته لشرب الحشيش  
هناك, يقول إن هناك بعض الجيران قد شكّوا فى أمره مؤخراً,  
ولا يعلم أحد لماذا يحشى "مارك" الجيران و آراءهم إذا كان أبوه  
هو صاحب العمارة, لماذا لا يعلن عن انزعاجه من صوت  
الموسيقى الصادرة من الشاب الذى يُسمى رامى و الذى يقطن  
فى الدور الأول, أو لماذا لا يرد على تلك التعليقات السخيفة  
التي يسمعها من الرجل الملتحى الذى يسكن الدور الأخير, تلك  
التعليقات التي لا يتلقاها مارك إلا لمجرد أنه مسيحي, ربما  
خشاهم لأنهم أكثر عدداً, سألوه أصدقاؤه كثيراً عن سبب ذلك  
فأجاب أن هؤلاء السكان و إن خرج بعضهم عن حدود  
الأدب فإنهم فى الغالب يعتذرون فى النهاية, كما أنه لا يجبذ أن  
يدخل فى أى مشاكل مع السكان لأنهم "هُما إالى شايلين  
العمارة" على حد تعبيره, هم الذين يصلحون كل شىء عند

تكسره (الأسانسيرات و نور السلم، إلخ) دون تدخل منه أو من أبيه، و هم الذين تصدوا بكل ما لديهم من قوة و وساطة و معارف لوقف قرارات الهدم المتكررة التي يصدرها المحافظ الجديد للعمارة، سبب غريب للغاية ١، ألا يدري أنهم سيعيشون في الشوارع هم أيضا إذا هُدمت العمارة ١؟، و أنهم لم يفعلوا ذلك من أجل سواد عيونه هو و أبيه بل لمصلحتهم هم البحتة ١؟، و أنهم سوف يظلوا يفعلوا ذلك رغم أنوفهم حتى لو كان صاحب العمارة يهوديا صهيونيا إسرائيليا، إذا فلماذا لا يقول رأيه؟ لماذا لا يصارحهم بحقيقة ما يظن و ما يرى؟ ألا يعلم أن الظلام هو الغذاء المفضل لفيروس الظلم؟.. على العموم نفذ أصدقائه تعليماته إرضاء لرغبته ليس أكثر، لم يعارضوه حتى عندما رفض إضاءة نور السلم، لكي يصعدوا سلا لم العمارة كلها على أضواء شاشات الموبايلات.

\*\*\*

رغم أنه لا يدرك تلك الحقيقة، إلا أن "رامى" يعيش في إحدى شقق العمارة التي يمتلكها "مارك" "رامى" لا يدرك ذلك لأنه حتى الآن لم يقابل "مارك" من الأساس، لم يتعريف به فالتالى لم يفهمه.. بل يسمع عنه من "البارودى" فحسب و لكن هذا كله على وشك التغيير.

و تماما كما تمى "رامى" بدأ "كريم" بالفعل في سرد حديث جديد بعيدا عن ابن صاحب العمارة: "مشوفتوش إنتوا إल्ली حصللى فى البيت إمبراح"



و بعد أن جذب انتباه صديقيه بالفعل استكمل : "بتكلم مع  
هنا في التلفون و بتاع، أبص ألافى مين قاعد عندنا في البيت؟"  
- "مين؟" قالها أحدهم.

- "إيهاب عيسوى"

أغمض "رامى" عينيه مُحاولا التذكر : "إيهاب عيسوى ده  
إللى هو المفروض أخو البنت إللى إنت فركشت معاها من  
ستين، إللى اسمها نادين صح؟"  
أجاب كريم: "بالظبط"

سأل عمرو: "وده كان بيعمل إيه عندكوا ده؟"

أوضح كريم و هو مُبتسم ابتسامة صفراء قصد أن تبدو  
مزيفة و هو يضع يديه بجانب مُمتلكات عضوه الذكري في  
حركة شهير تعبر عن عدم الرضا: "ما أنا اكتشفت إنه مع  
أخويا في الشغل و بقى أنتيمو و بتاع"

علق رامى : "إيه الحظ ابن الوسخة ده و هو أخوك ملقاش  
غير عيسوى؟!"

و أضاف عمرو: "بس هو ميعرفش شكلك صح؟"

غمغم كريم: "آه الحمد لله"

أردف رامى: "طب إنت كده بقى فيه احتمال إنك تقابل نادين تانى"

أجاب كريم و هسو يهز كتفيه و يمسط شففيه: "لأ معتقدتش، واحد صاحب أخويا إيه المناسبة إللى ممكن تخلىنى أقابل أخته؟"

- "هي الحفلة بتاعة البارودى هتعمل إمتى؟" كان عمرو هو السائل بالطبع.

تفاجأ رامى الذى كان قد نسى: "يلادى كمان كام إسبوع، أنا سقطت (نسيت) خالص، ساعتها هنبقى آخر الشهر و أنا أولرىدى اتفقت على كورسات و مش هيبقى معايا فلوس على العموم كده كده مش فارقة أنا مش هروح"  
- "ليه؟"

"معيش فلوس أعمل إيه يعنى؟"

تطوع عمرو: "و هو الموضوع محتاج فلوس فى إيه؟ فلوس بترين رايح جاي يعنى؟ اعتبرها عليا أنا"

أجاب رامى فى حرج: "مش حوار كده .. لسه هيبقى فيه فلوس كيف و خمرة"

طمأنه كريم: "لا مش مشكلة هكلملك" بارودى "أنا.. هو مبتفرقش معاه كاشات (فلوس) لما يكون هو إالى عامل الحفلة"

\*\*\*

لم يحتاج الأمر أن يكون "سيد" شديد الذكاء لكى يلاحظ ما لاحظته فى وظيفته الجديدة،

بعد أول يوم عمل لـ "سيد" كبارمان فى "كباريه جوهرة بحرى" رأى حقائق و دلائل مؤكدة على أن هذا المكان قائم على النصب و السرقة و ليس على البغاء فقط، الراقصة المسماة "دلال" مُحترفة فى استغلال السكارى يدفعون لها ثمن الفحشاء قبل أن ينتصر عليهم السكر فلا يصلون معها إلى السرير، بل لا يغادرون الكباريه من الأساس، ثانى ما لاحظته سيد هو اضطراب عقلى فى شخصية "دلال" هذه، ففى أول أيامه من المكان طلبت منه "دلال" تقديم كوب من أفخر أنواع الخمور على حساب شخص لا وجود له إلا فى عقلها سألها بحذر: "مدام دلال!! إني متأكدة إنك لسه عايزة تسكرى؟" فما كان منها إلا أن صرخت و هبت فيه غاضبة، و آخر ما لاحظته هو وجود الفتاة التى تعمل "لبيسة" لدى دلال، فقيرة مثله، ملامح وجهها البرىء يؤكد أنها لا تنتمى إلى هذا النوع من الأماكن عرف عن طريق الصدفة أن اسمها "فتحية"، و رغم تبادل نظرات

الإعجاب ما بينهما إلا أنه خشى أن يكلمها، خشى أن يقوم  
بأية خطوة حيالها أو حيال ما لاحظته، ردد داخل نفسه جملة قد  
اخترعها بعد طرده من إيسيتيميشن كافيته بسبب محاولته لتقديم  
المُساعدة للزبائن: "خليك في حالك يا سيد ملكش دعوة بخد"

"خليك في حالك يا سيد ملكش دعوة بخد"

"خليك في حالك يا سيد"

"خليك في حالك"

\*\*\*

المُشكلة الوحيدة التي سوف تواجهها عندما تصعد سلالاً لم  
عمارة كاملة على أضواء النور الصادر عن شاشة الموبايل هي  
الجروح الناتجة عن ذلك، فالبشر لم يخلقهم الله قادرين على  
الرؤية في الظلام، عندما تصر على هذا الفعل لن تسلم أبداً من  
التريف، مهما ظننت أنك تفهم طبيعة المكان و أنك حفظتها  
عن ظهر قلب و تأقلمت معها لن ينقضي الكثير من الوقت  
حتى تصطدم بخائط ظننت أنه ليس أمامك، أصيب "مارك" في  
فكه و "خالد" في يده (نفس اليد المصابة) و "نادر" في رأسه،

و أخيراً وصلوا إلى السطح، و بدلاً من أن يسألوا بعضهم  
عن جروحهم فتحوا موضوعاً آخر تماماً لا علاقة له  
بآلامهم، الحفلة التي سوف تقام في فيلا البارودي في العجمي،

وكان رأى نادر واضحا فى أى شىء يتضمن المخدرات "إنتوا ماسمعتوش ريم دى بتقولكوا إيه ؟ سُكر و مُخدرات و بنات مش محترمة, يعنى رايحين وش (طبعا) يا معلم, أنا عن نفسى رايح, شوفوا إنتو نظامكو إيه بقى" قالها و قد اتسعت عيناه فى حماس زائد.

سأله مارك فى هدوء: "إيه" شوفوا إنتوا نظامكوا إيه "دى ؟ يعنى لو إحنا الاتنين مش رايحين هتروح لوحذك؟"

أصر نادر: "قولتلك أنا كده كده رايح, بيكو أو من غيركو, و لو طلبت, أبوه ممكن أروح لوحدى, حتى لو تصليح عربيتى خالص, عادى سو بر جيت معفن بعشرين جنيه هبقى هناك" قلب مارك الفكرة فى رأسه فعلق: "أنا على فكرة معنديش مانع برضه, هاتيجى يا خالد؟"

أجاب خالد فى قرف و هو مشغول بإعداد و فرد الحشيش: "لأ مفتكرش"

أردف نادر فى فراغ صير: "يا خالد افهم.. دلوقتى هو إلسى ليه فلوس عندنا, لو اتصاحبنا عليه و عرفنا نتجندله صح, ممكن مياخدش مننا حاجة و ينسى الموضوع كله"

تمسك خالد برأيه: "متزعلوش من كلامى يا جماعة بس أنا عن نفسى مقدرش أتجندل و أزل نفسى لحد زى البارودى ده؟"

مش عارف أنا مستحقر الشخصية دى ليه؟، أنا إحتمال لو شوفتوا تانى أضربه أو حاجة، مبطقش البنى آدم ده، و بعدين إنتو شاغلين بالكم ليه؟ الحفلة دى قدام لها كتير أوى، هتبقى بعد التخرج و التخرج بعد إسبوعين من دلوقتى"

غمغم مارك: "مش عارف ليه حاسس إن الإسبوعين دول هيعدوا من غير ما نحس بيهم" و كان هذا هو أول توقع سابق لأوانه اتضح أنه صحيح إلى حد كبير.

لم يشعر أحد بالأسبوعين الباقيين على موعد حفلة التخرج للمدرسة "سان-مارك"، لم تكن الحفلة محيية للآمال بالمرّة، لافنة كبيرة مكتوب عليها بالعربية و بالفرنسية "حفلة تخرج سان مارك دفعة ٢٠٠٧"، موسيقى صاخبة .. المكان مزدحم .. الكل يبحث عن مقاعده، نظرا لطبيعة إضاءة الحفلة الموجهة بشكل أساسى إلى المسرح كان على كل الأهالى استخدام أضواء شاشة الهواتف الجواله للبحث عن مقاعدهم.

و كان "نادر" قد تلقى مكالمة هاتفية منذ أيام من "الأستاذ:--" مدير المدرسة، يطلب فيها ذلك الأخير منه أن يأتى بفرقة الموسيقية إلى الحفلة ليحييها، و وافق بالطبع، أسعده ذلك للغاية، بل و ضحك بشدة عندما نبه المدير "و خليها خفيفة بلاش شغل عبدة الشياطين بتاع فرقتك ده يا نادر"، نفس

الطلب الذى يصيبه بالغضب عندما يقترحه عليه أى صاحب مكان يقيم فيه هو و فرقة الحفلات أضحكه الآن، فلا تجده اليوم إلا مُرتبكا كثير الحركة يتأكد من وجود كل الآلات الموسيقية التى يحتاجها قبل بدأ العرض، و لكن أليس ذلك هو حالنا جميعاً فى حفلات تخرجنا؟؟ كلنا مُرتبكون،

و أكثر الناس ارتباكاً يومها كانت والدّة "مارك" أعادت على مسامعه للمرة الخمسين: "بص إحنا هنقعد هنا و لما تاخذ الشهادة بصيلنا علشان نعرف نصورك"

كانت قد غيرت مكانها لأكثر من ثلاث مرات بالفعل فأجاب "مارك" فى ملل: "ماشى ماشى أوكيه"

حضرت نيفين الحفلة بالطبع و حضر أهلها معها ليجلسوا مع أهل مارك، بما أنهم أصدقاء من الكنيسة،

أتى "خالد" الذى كان الارتباك قد نال منه هو أيضاً، سألهم بقلق: "محدث شاف شريف؟"

أجاب "مارك": "معرفش هو فين صحيح؟ اتصل بيه خلليه ييجى بسرعة الحفلة قربت تبتدى"

ابتعد "خالد" عن الضوضاء ليتصل بأبيه و لكن لا رد مُرضٍ،

رجع إلى الزحام وجد نادر يشتكى فى هاتفه الجوال إلى أحد أعضاء فرقة الذى تأخر فى الحضور: "يا عم و أنا مالى

دلوقتي، زحمة مش زحمة، دى حفلة تخرجى يا بنى إنت  
بتهزّر، هاطلع أعزف إزاي أنا من غير درامر؟ لو إنت مش قد  
الحوار ده قولت ليه إنك هتمسكه"

- طيب خلاص خلاص بس انجز بس.

لم يوشك أن يغلق الخط حتى سأله "خالد": "نادر!! و إنت  
جاي كده مشوفتش شريف؟"

- "شريف مين ؟ شريف أبوك؟"

- "أيوه، مشوفتش؟"

- "لا، بس عربيته راكنة بره باين"

\*\*\*

"إنتى بتكلمى جد و لا بتهزرى؟"

نطق أو بمعنى أدق صاح "شريف الكفراوى" (والد خالد) فى  
تلك العبارة فى وجه زوجته، كانا قد دخلا بسيارتهما المدرسة  
بالفعل عندما فاجأته هى بأن هناك من أخرها بوجود علاقة  
خفية ما بينه و بين عشيقه صغيرة السن فى القاهرة، بررت  
سؤالها و قد تسللت على أعينها الدموع: "و أنا أعمل إيه  
طيب؟ أنا واثقة فيك بس طبيعى الناس بتقعد تلعب فى  
دماغى؟.. زادت عصبيته الوقحة: "يعنى إيه بتلعب فى  
دماغك؟ متجنننننن، إنتى لو قررتى إنك متصدقش حاجة



محدث في الدنيا يقدر يعمل حاجة يخليكي تصدقيها، و لو إننى جواكى عايزة تصدقى إنى بخونك و كل الناس ببتلك العكس هتصدقى إالى إننى عايزة تقنعى نفسك بيه" ثم اعتدل فى كرسية ليستكمل وصلة التمثيل: "و بعدين عايز أفهم يعنى إيه الناس بتلعب فى دماغك؟ و هى أى كلمة تنقال تصدقيها؟"

أجابت و قد أربكها صياحه: "لأ طبعاً، أنا أسفة يا شريف، خلاص؟" .. استطرد شريف مرافعته: "لأ مش خلاص، أنا إالى خلانى أختارك من عشرين سنة، هو إنى حسيت إنك بتفهمينى من غير ماتكلم، و بتعرفى أنا بفكر فى إيه من قبل ما أفكر فيه، تقومى دلوقتى تكديينى أنا و تصدقى ناس متعرفيهومش؟ أنا كل يوم فى شغلى بشوف ناس بتتطلق، و عندى خبرة فى الأمور دى، هى دى شغلتى، و صدقيني لو أنا و إننى مش فاهمين بعض وإيدناهم حتى و لو فرصة صغيرة، يلعبوا فى دماغنا يبقى الجواز دى خلصت، انتهت" هداً قليلاً ليلتقط أنفاسه المتلاحقة قبل أن يستكمل: "الجواز أو أى علاقة ما بين اتنين بتفشل أول ما حد من الاتنين بدل ما ييبقى واثق فى الثانى مية فى المية بيبقى واثق فيه تسعة و تسعين فى المية، و بعد كده والله العظيم الباقي بيبقى سهل أوى"

أجابت و قد هزمها البكاء: "طب أنا مطلوب منى أعمل إيه يا شريف؟ أنا مرمية فى إسكندرية و إنست تقريشاً عايش فى القاهرة .. " .. عاد إلى عصيته مرة أخرى: "طب أنا بقى

مطلوب منى أعمل إيه أنا طيب ؟ ظروف شغلى كسده, نص  
مرتبي جاي من وظيفة المستشار القانونى دى مينفعش أبقى  
المستشار القانونى بتاع شركة مقرها فى القاهرة و أقبض مرتب  
منهم و أنا قاعد فى إسكندرية, وأنا بمحاول آجى على قد ماقدر  
و أبقى معاكو"

هدأ شريف بعض أن أفرغ غضبه المزيف أشعل سيجارة  
وسألها فى غضب أقل من غضبه السابق : "دلوقتي ابننا قاعد  
جوه فى حفلة تخرجه و متوقع إن إحنا نكون موجودين  
جنبه, بس لو إنتي عايزانا نقعد هنا و نتخافق على حاجة  
موجودة فى خيالك بس أنا معنديش مانع"

و كان لكلامه مفعوله فلقد كان قدما فى اللعبة.

لا أجد أى تعليق أو وصف للمشهد السابق, سوى أنسى لا  
أريد أن يسألني أحد بعد أن حكيت ما حكيت عن سر  
نجاح "شريف" فى مهنة المحاماة.

\*\*\*

صعد مدرس فوق خشبة المسرح لينظم الحفلة شفهيًا "هو  
إحنا عارفين إن الأهالى كلها طبعاً مش قادرة تصير و تشوف  
ولادها بتستلم الشهادة, هو على العموم إحنا بس مستنيين كل  
الناس تقعد مكانها" و الناطق بتلك العبارة الأخيرة هو

الأستاذ "سعيد مايكل"، معلم الرياضيات و الفيزياء للثانوية العامة، فقد أثناء ظروف غامضة قدرته في نطق حرف السين (ينطقه "ش") و فقد معها (في نفس تلك الظروف) شفته العلوية، في البداية يبدو الأمر غريباً، ولكن بعد أكثر من حصّة تسمع فيها شرحه و تتعرف على شخصيته و مُميزاته تكتشف أن الأمر أغرب بكثير مما تظن، لماذا يصبر على استخدام الحروف التي توضح لدغته دون الحروف أخرى تخفيها أو تخففها؟ (١١).

جلس "حُسام" بجانب "مارك" و "خالد" و "نادر" منتظراً لسماع أسمائهم لتسلم الشهادة، أحب أن يتجاذب معهم أطراف الحديث "إيه ده مين اللي بيتكلم ده؟ ده موسىو سعيد؟"

أجاب خالد السرافض للحديث معه مسن الأساس بصرامة: "مش عارف مش شايف من عندي حاجة"

استكمل حُسام: "والله العظيم، الواحد كان قرب ينسى الشخصيات دى"

نظر حسام إلى خالد مُنتظراً الرد ليجد ذلك الأخير يتكلم مع نادر و مارك، متجاهلين وجوده تماماً، لقد ظل طوال حياته غير مرئى لقد مرت حياته المدرسية كلها دون أصدقاء تقريباً، وأعلنت الآن بشكل رسمي الوفاة الاجتماعية للمدعو "حُسام بدر الدين صلاح" حسب التوقيت المحلى لمدينة الإسكندرية، "حُسام" الآن ليس أمامه إلا الإسكواش، هذا هو أمله الأخير.

على عكس أى متأخر يسعى إلى لفت أقل انتباه مُمكن عند دخوله.. ساعدت موهبة شريف فى الإقناع على حصوله هو زوجته على أفضل المقاعد رغم قدومهما بعد فوات الأوان.

و بعد أن جلسا هناك اقترب منهما رجل فى حوالى الأربعين من عمره، كان شريف مُنشغلا بتجربة آلة تصويره فلم يُلاحظ أن هذا الرجل هو "حامد الكفراوى" قريه اللبود، و عدوه القريب.

"ممكن كرسى بعد إذنك؟" قالها حامد بأدب غريب "آه أوى اتفضس..." قطعت زوجة شريف كلامها بنفسها عندما فوجئت بهوية الرجل "إيه ده حامد إنت بتعمل إيه هنا؟" أجاب حامد: "ابن واحد صحى هيتخرج النهاردة قولت آجى، إنتو عارفنى دائما صاحب واجب" أنهى وصلة المديح الذاتى ليسألهما: "و إنتو بقى بتعملوا إيه هنا؟"

أجابه شريف بكره واضح: يعنى إنت عايز تفهمنى إنك مش عارف؟

- "مش عارف إيه؟"

- "مش عارف إن ابنى هنا فى المدرسة دى"

بدا تفاجؤ "حامد" مُبالغا فيه للغاية: "إيه ده إنتو إبتكوا فى المدرسة دى.. طب والله كويس دى حتى مدرسة نضيقة" توقف

عن الكلام و ضاقت عيناه ليستطرد و هو يُعبر عن دهشته  
لـ "شريف": "أنا أعرف إن ابنك من الدفعة إالى اتخرجت، هو  
إزاي حفلة تخرجه السنة دى؟ هو عايد سنة ولا حاجة؟"

ازداد كره شريف ليسأل حامد فى ضجر: "إنت عايز حاجة  
مُعينة يا حامد؟ لو على الكرسي إحنا مش عايزينوه علشان بعد  
إذنك يعنى أنا و مراتى عايزين نتفرج على ابننا و هو  
بيتخرج، ده لو معندكش مانع"

- "إنت ليه متضايق منى يا شريف ؟ ده أنا حتى  
مبسوطلك، إن ابنك فى مدرسة محترمة و كده، حاجة كويسة  
والله العظيم، على العموم مترعلش أوى كده، أنا هاخد الكرسي  
و أمشى أهو"

رحل حامد، و لم يرحل برحيله الغضب عن "شريف" الذى  
ظل يشكو لزوجته بعد رحيل ذلك الأخير: "أنا نفسى أشوف  
فين صاحبه إالى جاي بيقول عليه ده، كل الناس إالى فى الحفلة  
طالع عينها علشان تحيب تذاكر زيادة، شكله جاي مخصوص  
علشان ينكد عليا"

أجابته زوجته بحكمة: "خلاص بقى يا شريف شيلوه من  
دماغك مش عايزين نبوظ فرحتنا"

\*\*\*

على أنغام أغنية مُسلسل F.R.E.I.N.D.S. التلفزيوني الشهير التي أدتها فرقة "نادر"، رمى الخريجون قبعاتهم، صعد البعض على خشبة المسرح على سبيل التحاوب، عُرضت على شاشات ضخمة صور قديمة للتلاميذ، كانت الفرحة مرئية بالفعل،

و كأي شيء جميل ينتهي بسرعة انتهت الحفلة، المكان الذي كان مُزدحماً منذ قليل أصبح الآن شبه خال من الحياة قبعات التخرج الملقاة على الأرض تبدو وكأنها خوذات وقعت من على رؤوس جنود و بقايا معركة مُنتهية، يمكنك الآن أن ترى مُنسق الأغنيات (الدى.جى.) يعيد ترتيب أدواته و سماعاته الضخمة داخل سيارة نقل متوقفة، مُعظم التلاميذ رحلوا بالفعل عن المكان هُم و أهلهم، و المتبقون منهم في طريقهم إلى الرحيل، انتظر "مارك" و "نيفين" انتهاء حديث "نادر" مع والديه، "إنت متأكد إنك مش عايزنا نوصلكوا حنة إنت وصحابك؟"

سأل والد "نادر" من خلف عجلة القيادة، كان أهل نادر جميعاً في السيارة استعداداً للرحيل بينما ظل هو واقف خارجها و قد أدخل رأسه من نافذة مقعد السائق.

أجاب نادر: "لا"، إحنا مش هنمشى دلوقتي أصلنا، أنا احتمال أبات عند مارك الليلة دى"

"ماشى، بس خللى موبايك مشحون، معاك فلوس؟"  
- "لا مش كثير يعنى"

اقترح والد نادر: "ألف جنيه يكفوك؟"

و لم يكد "نادر" أن يعود إلى "نيفين" و "مارك" حتى فوجيء  
بذاك الأخير يشتكى: "إيه هو إحنا مش هنروح السينما ولا  
إيه؟"

أجاب نادر بلا مُبالاة: "يا جماعة أنا دايس معاكو، شوفوا  
خالد فين"

\*\*\*

على عكس الجميع بقى "خالد" وأبوه "شريف" ليلتها داخل  
المدرسة نفسها، تركا الوالدة ترحل و وقفا أمام إحدى نوافذ  
مبنى المدرسة الأثرى المبني على الطراز الكسائوليكي الأوروبي  
القديم، أخرج شريف من جيبه سيجارتين من النوع  
الكوبي، وضع واحدة في فمه وأعطى الأخرى لابنه، لكل منا  
طريقته في الاحتفال، و السيجار الكوبي الفخم هو  
طريقة "شريف" الذي أخرج ولاعته الثمينة المُرصعة بالذهب قبل  
أن يمنعه الهواء من إشعال السيجار، عندها أردف "خالد" مُداعباً:  
"إيه يا شريف؟!، إالى ما يعرفش يولع في الهواء"

لم يعر شريف الكثير من الاهتمام لما قاله ابنه على غسیر  
عاداته، لم يضحك، لم يقل أى شيء، كان مشغولاً بأمر ما،

وأخيراً قرر شريف أن يفصح عما في داخله لابنه : "أنا مش عايز أنكد عليك يا خالد بس أنا بقاللى كثير مستنى اليوم ده علشان أخذ رأيك فى حاجة، إنت كنت و إنت صغير بتستغرب هو أنا ليه مبجش أحكيك عن أهلى، و كل إللى إنت عرفتة من مامتك و من عمامك إن جدك مات بعد ما إنت اتولدت بخمس سنين، و إن أمى ماتت و أنا أصغر منك بحوالى سنتين" سكت لبرهة من الزمن ليستكمل "بس إللى إنت متعرفوش و إللى أنا حاسس إنى عايزك تعرفوه، إن جدك مش بس مكش أب مثالى، جدك مكانش أب أصلاً، كان سُكرى وبتاع نسوان، و أنا فى إعدادى طلق أمى، و العيلتين قعدوا مع بعض حاولوا يرجعوه المية لمجاريها، بابا رجع عاش معانا تانى وأنا فى ثانوية عامة، و أمى ماتت لأنها كانت حامل و ليلة كده كان مبسوط شوية مد إيده عليها، فجأها نزييف فماتت هى وأخويا إللى فى بطنها، أبويا مطلقش يقعد فى البيت تانى.. قام سابه بس المرة دى محدش شافه بعد كده، و جالنا ناس من عيلته يهددونا، إن إللى حصل يوم ما أمى ماتت ده ميطلعش، كان من عيلة كبيرة أوى أبويا ده، بس كان عمك محمود بقى كان كبير ساعتها، اشتغل و محتاجناش لحد، طول الفترة دى من ساعة ما وفاة جدتك لحد ما مات مشفتوش غير مرة واحدة بس"

"إمتى؟"

سأل "خالد" الذى لم يعتد أن يرى أبيه فى تلك الحالة.



أجابه شريف و هو يومئذ برأسه و كأنه يريد أن يطرد  
الذكريات من عقله: "يوم ما إنت اتولدت، من كُتر ما هو كان  
ناسيني أنا وإخواتي، مميزتوش، مشفتوش بقاللى فترة، معرفتوش  
أول ما شوفته، بس فوجئت بيه واقف قدامى فى المستشفى"

- "و كان جاي عايز إيه ده؟"

- "كان جاي يطلب منى إني أنسى كل حاجة عملها فيا  
وفامى و فى أخواتي، و إني كده كده مرتى مش هيكفى و إني  
محتاج فلوسه علشان أعرف أريك تربية محترمة، كان الطبيعى  
إني، أوافق ظروفي ساعتها كانت تخلينى ممكن ألبأ لأى حد، بس  
قولت له لأ، قولت له إني مش عايز أشوف وشه تانى، و إن  
المولود اللي اتولد ده، مش هاحرمه من حاجة وهريه أحسن  
تربية فى الدنيا، و بعديها بقى بفترة سمعت إنه مات، أبويا مات  
بس الكلمة إल्ली أنا إديتهاله حاولت أحافظ عليها على قد  
ماقدر، و هو ده إल्ली كنت عايز آخذ رأيك فيه؟"

غمغم خالد فى حيرة: "لأ مش فاهم، فى إيه بالظبط؟"

أوضح شريف أكثر: "إنت دلوقتى فى كلية و كبير و قادر  
إنك تُحكم، إنت شايف إني أب كويس .. و إني لما قولت  
لأبويا كده كنت بكذب و بهيس عليه و إني كنت فعلا محتاجه  
يساعدنى، أنا كل أملى إنك تقوللى إني كنت أب عادى حتى"

أجاب خالد: "بابا إنت مينفعش تكون أب عادى حتى لو حاولت، إنت أحسن أب أى واحد فى سنى ممكن يكون ابنه، أنا ساعات بخي حاجات على صحابى و آجى أحكيهالك، متسبش نفسك تشك حتى فى حاجة زى كده، أنا إالى مفروض أقلق إن كنت أستحق أبقى ابنك و لا لا"

شريف: بجد؟

خالد: طبعا بجد.

ضحك شريف و هو يمسح دموعه اللى لا يدري متى تسللت إلى عينيه: "لأ عرفت تاكل أبوك يا ولا، هاهاها، أمال صحابك راحوا فين؟.. أنا مش شايفهم يعنى"

## الفصل الثانى عشر

### الوقت بىعدى، هتتنزل بأنهو ورقة؟؟؟

فى خضم الأحداث و فى خلال الأسابيع التى مرت منذ حفلة التخرج، استطاع خالد فى نقطة ما أن يحصل على "رم" كمُرافقة و "صاحبة"، من يرى خالد منذ أسابيع و هو يعتمر عقله جاهدًا لكى ينال رضاها لن يصدق عينه عندما يراه الآن يوبخها و يتشاجر معها وكأنها هى التى فرضت نفسها عليه من البداية، يبدو أنها طبيعة فى النفس البشرية، ننسى القيمة الحقيقية للشيء عندما يصبح فى أيدينا،

"ما هو إنت أكيد عملتى حاجة خلتنى مش طايقك كده، ما أنا مش مجنون أصلى، و لا إنتى شايقة إيه يعنى؟"

كان معها فى أحد مطاعم النادى اليونانى عندما أوضح مستعينا بتلك العبارة الأخيرة عن غضبه منها،

"إنت بتكلم عن إيه يا خالد ؟" سأله هى فى حيرة.

أرجع رأسه إلى الوراء ليرد فى سخرية: "آه هه هه ده استهبال بقى"

تبدلت حيرة ريم بغضب صارم: "ممكن تكلمنى باحترام شوية، منيش عيلة صغيرة قاعدة قدامك"

عادت إليه عصبية غير المعروفة السبب: "لما إنتى مش عيلة  
صغيرة قاعدة قدامى، آمال كل تصرفاتك تصرفات عيال  
ليه؟ مش أنا كنت قولتلك مليون مرة بلاش تخرجى مع يارا  
دى؟"

أجابت معترضة: "إشعنى مارك بيخرج معاها عادى؟"  
انخفض صوته و هو يغمغم: "إنتى عمرك ما شوفتى مارك  
بيخرج معاها، و بعدين ده وضع تانى خالص، متغيريش  
الموضوع"

- "أنا مش فاهمة البنت دى عملتلك إيه يعنى؟"

- "ماعملتليش أنا حاجة، عملت لنفسها، سُمعتها زبالة فى  
كل حته، و كل الناس بتقول كده، ونفس الناس دول يوم ما  
هيشوفوكى معاها هيقولوه إن إنسى زيها، ده إن مكانوش  
أولريدى قالوه، و بعدين لو إنت مكتتيش موافقة لما قولتليك  
متخرجيش معاها، مقولتليش ليه (( أنا مش مقتنعة بكلامك يا  
خالد علشان كذا و كذا و كذا ))؟!، و لا كنتى بتسكتين  
يعنى؟ بتدخللى كلامى من ناحية وتطلعيه من ناحية، علشان فى  
الآخر تعملى إلى فى دماغك"

بررت و قد حاولت أن تحافظ هى على هدوءها: "بصراحة  
مفكرتش فى كل ده، حصل إن هى صاحبة بنت عمى، و أنسا

كنت خارجة مع قريبتى عسدى جداً، ولقيت يارا دى  
معها، كنت عايزنى أعمل إيه مثلاً؟ أقولها معلىش يا يارا خدى  
تاكسى و روحى علشان صاحى قاللى مخرجش معاكى؟

لم ينجح هدوؤها فى جعله يلاحظ علو صوته فاستطرد "فى  
حل أسهل، إن إنتى متروحيش الخروج دى أصلاً"

قالها ليغمغم متهمكماً: "ده إذا كان فارق معاكى رأى يعنى"

إزداد سأم ريم من سلوكه فأضافت هدوء لم يخل من  
الغضب: "أولا وطى صوتك، ثانياً إنت عارف كويس إنى فارق  
معايا رأيك، أنا بس مكتتش فاكرة إن الموضوع فارق معاك  
للدرجة دى"

نجحت محاولتها المدروسة فى تهدئته: "خلاص أنا  
آسف، ممكن علشان متكلمش فى الموضوع ده تانى نتفق على  
حاجة؟

وماتسألنيش عن أسباب"

أومات برأسها: "أوكيه مش هسألك"

أصدر خالد فرمانه: "فى اتنين أنا مش موافق إنك تقعدى  
معاهم من غيرى و لو قابليتهم علاقتك بيهم متعديش إنك  
تسلمى عليهم، يارا و نادر"

لم تستطع أن تخفى دهشتها: "نادر؟ نادر صاحبك؟ .. ليه؟"

-: "أنا لسه قايل إيه أنا؟"

-: "أو كيه خلاص مش هسأل"

صمتت للحظة إضافية قبل أن تسأله في روتينية: "إنت طلبت الحساب مش كده؟"

أجابها في لا مُبالاة: "آه معرفش إتأخروا ليه؟"

-: "طب أنا هروح الحمام و جاية تاني"

جلس وحيدا لثوان قبل أن يأتيه الجرسون ليهمس في أذنه في قلق: "حضرتك في مشكلة، الي إم كارت إللي إدتها في مش شغالة"

-: "إزاي الكلام ده ؟ مستحيل أنا لسه شارى بيها حاجات النهاردة، معلش ممكن تجربوها تاني؟"

غمغم الجرسون في يأس واضح: "ماشى ممكن تكون خطوط البنك مشغولة و لا حاجة بس مفتكرش يعنى"

قالها النادل قبل أن يرحل ليترك خالد هذه المرة مع قلقه وإحراجة، لم يكن خالد يحب أن يقع في مواقف كتلك، إتصل بأصدقائه المقربين، عسى أن يكون أحدهم مارا بالقرب من المطعم فينجده مما هو فيه من منظر غير لائق أمام "رم"، إتصل

بنادر وجده مشغولاً، اتصل بعدها بـمارك لتجده بعدها يغمغم  
في سخط: "و هو ده وقت قفل موبايلات يا مارك ده إيه الحظ  
ده؟"

بعد مدة قصيرة، اقترب الجرسون مرة أخرى، أوضح له نادر  
في إرتباك: "بص دى حاجة بصراحة أنا مكسوتتش عامل  
حسابها" ابتسم الجرسون في دبلوماسية: "خلاص يا فندم مفيش  
مشكلة صاحبك إللى قاعد هناك دفع الحساب"

سأله خالد في دهشة: "صاحبي مين؟!!"

\*\*\*

و محمد البارودى الذى لقبه أصدقاءه بلقب "ديكتاتور  
الخمور" (على سبيل المزاح) شأنه شأن أى ديكتاتور آخر،  
وعلى قدر ما يبدو هذا سخيلاً إلا أن ديكتاتور جلسات  
الحشيش هذا يمتلك نفس نقاط ضعف و قوة أى ديكتاتور  
سياسى فى أى مكان فى العالم، يتبع نفس السياسات  
القمعية، علمته الحياة أن الناس قد اختلفت و تأخرت فى و إلى  
الصلاة و اجتمعت و أسرع على الخمور، لاحظ أن مسلمى  
و نصارى و يهود الأرض قد اختلفوا على اسم الله إن كان  
يسوعاً أم رب موسى أم رب محمد و لم يختلفوا على هوية  
الشيطان، الجميع يؤمن بأنه إبليس، فقرر البارودى أن إرضاء كل  
الصالحين مستحيل فلكل منهم دينه و مذهبه، وجد أن إرضاء

العاصين و الساعين وراء الخمر و الشهوات أسهل بكثير، دعوني أوضح أكثر الصفات المشتركة ما بين ذلك الفتي الذي أسماه والداه عند ولادته بمحمد و بين أى حاكم تعلم منذ نعومة أظفاره أن يرى نفسه ظلاً لله في الأرض، بين هذا المدعو البارودى و بين الصفات الأساسية فى أى حاكم عسكرى، البارودى ذكى للغاية يعلم كيف يُفرق بين الناس ليسود هو وحده، و لعل هذه هى الإجابة الوحيدة للسؤال الذى لم يتوقف "مارك" و "خالد" و "نادر" و "نيفن" للتفكير فيه ملياً، لماذا لم يلحق ضرر البارودى بـ "نيفن" و "مارك"؟ هذا لأهم مسيحيون، أو بمعنى أدق لأهم أقلية تجمعهم كنيسة و مناسبات لا تشمل الآخرين، و الأقلية فى أى مجموعة تصحبها علامات الاستفهام، الأقلية فى كل مكان فى العالم مشكوك فى وفائها وإخلاصها لأهداف الأغلبية، ما بين الفتاة الوحيدة فى المجموعة التى لا تصحب بقيتهم بالطبع إلى جلسات الحشيش و "مارك" الذى لم يشرب حتى السجائر إلا قريبا جدا، الاثنان لا يشاركان الأغلبية فى الاهتمامات و المعاصى و هجر الصلوات، ضرب ضربته بعد كثير من الترتيب كانت خططته أن يظل خالد و نادر أن مارك و نيفن على معرفة سابقة به أو بمصلحة خفية معه و أن يُرجعوا إلى ذلك إلى عدم تعرض "مارك" للـ "بارودى" فى إستيميشن كافيه أو عدم تعرض البارودى لنيفن و مارك بعدها، و لكن هذا لم يحدث، انتظر و انتظر، وجد أنهم بعثوا إليه بـ "مارك" نفسه، وحيدا دون



مُراقب، أيقنون في بعضهم لتلك الدرجة ؟ كانت صدمة حضارية بحق للبارودى، لم يُكن يعلم أن العالم ما زال يحتوى على هذا النوع من الصداقة، و ظن أنها حتى إن كانت موجودة فإنها ستظل حُكرا على أصحاب الدين و الجنس الواحد، تملكه الفضول بدلا من الغضب وسيطر عليه الاحترام أكثر من الدهشة، و البارودى لم يعتد أن يحترم أحدا غير نفسه، لذلك دعاهم إلى حضور تلك الحفلة، ليعطيهم الفرصة ليقعوا من نظره، أن يعيدوا إليه إيمانه بمبادئه،

على عكس الديكتاتوريين المعروفين لنا، لم يكن البارودى مُهتما بترع أية حريات من أى شخص كان، بل البارودى هو أحرص البشر على حصولك على حريتك و لكنه أحرصهم كذلك على أن تُخطيء استخدامهما، كلما وجد أن عرشه في خطر وزع المسرات و المُسكرات على شعبه بلا مُقابل، فلذلك كان لابد من حفلة جديدة من حفلات البارودى.

\*\*\*

بعد مدة قصيرة، اقترب الجرسون مرة أخرى، وأوضح له نادر في ارتباك: "بص دى حاجة بصراحة أنا مكوينتش عامل حسابها" ابتسم الجرسون في دبلوماسية: "خلاص يا فندم مافيش مشكلة صاحبك إالى قاعد هناك دفع الحساب"  
سأله خالد داهشا: "صاحي مين؟؟!"

لم يكذب ينهى سؤاله حتى لمح البارودى ينظر إليه من بعيد  
مُبتسما، لا يدرى خالد بصدق من أين ظهر البارودى أو ما  
الذى أتى به إلى مكان راق كهذا، ولكن استفهامات خالد لا  
تمنع الأمر الواقع بأن البارودى موجود معه بالفعل فى نفس  
المطعم، ها هو جالس مع رجل فى سن الخمسين و امرأة لا  
تتعدى الثلاثينيات من عمرها.. اتضح فيما بعد أن هؤلاء هم  
والده و زوجة والده الجديدة، لم يجد خالد من نفسه سوى أن  
يبتسم للبارودى ابتسامة صفراء، عادت ريم من الحمام لتسأل  
خالد فى ملل عن السبب الذى يمنعها من الرحيل، أجاب خالد  
و نظره ما زال مُعلقاً على البارودى: ثانية واحدة هسلم على  
واحد صاحبي و راجع تانى على طول.

- "ماشى بس بسرعة علشان كده أنا اتأخرت"

اتجه خالد إلى البارودى ليقوم ذلك الأخير مُبتعداً عن أبيه  
وزوجته و ليدور الحوار الآتى و الذى بدأه خالد: "إيه إنت  
بتعمل إيه هنا؟"

- "ولا حاجة أبويا و مرات أبويا مسافرين بكرة، فقولت  
أتغدى معاهم"

"مرسيه (..شكرا) أوى على الحركة دى يا معلم، أنا مش  
عارف أقولك إيه بصراحة"

أردف محمد مُبتسما: "لا يا جيبى ماننت هترجعهم، فى  
الحفلة"

أجابه خالد في حيرة مُصطنعة: "حفلة إيه ؟ آه الحفلة، تصدق  
كنت ناسي خالص؟"

- "إيه هو إنت مش ناوى تيجي ولا إيه؟"

أجاب خالد باضطراب: لا لا، إزاي بس؟ أكيد هاجي طبعاً  
أكيد"

\*\*\*

هناك فرق طفيف ما بين الكذب و ما بين إخفاء الحقائق، المحامون يدركون هذا الفرق و يجيدون استخدامه، و "أدهم" لم يكذب على "أحمد شمس" في أى شيء كل ما فعله هو إخفاء حقيقة عمله السابق لدى "شريف الكفراوي"، لم يُحيد أن يعلم "أحمد" بواقع أن محاميه هو مجرد متدرب سابق لدى محامى الخصم في قضية حضانة ابنه، و الحق يقال أن آخر ما توقعه أدهم هو وصول "أحمد شمس" إلى تلك الحقيقة بمفرده، و ظلت خطة أدهم ناجحة في إبقاء "أحمد شمس" على عماه لأسابيع بعد تولى أدهم للقضية، حتى أتى ذلك اليوم عندما فوجئ "أدهم" بضوضاء صادرة من حجرة الانتظار تحترق الهدوء الذى كان يتمتع به في مكتبه، و صوت السكرتيرة و قد اقتربت نبرة صوتها من الصراخ: "مايصحش كده حضرتك، لما تحش بالطريقة دي هاتجيبلى أنا مشاكل" من

الواضح أنها عملية إقحام غاضب، فتح باب مكتبه ليجد أن هذا المُقتم هو "أحمد شمس" و قد سيطر عليه غضب غير مفهوم، التفت أدهم للسكرتيرة: "خلاص خلاص، روحى إننى دلوقتى أعمليلنا اتنين ليمون"

دخل أحمد إلى المكان التقط أنفاسه المتلاحقة على أثر العصبية ليسأل أدهم بغضب: "إنت ليه مقولتليش من الأول إن المحامى إल्ली إنت كنت شغال فى مكتبه ده هو شريف كفراوى؟"

و رغم أن أدهم كان قد توقع السؤال إلى حد ما إلا أنه لم ينجح فى إخفاء إرتياكه، هز كتفيه و غمغم: "عادى بحاتش مناسبة؟"

ازداد غضب أحمد لا إراديا: "بحاتش مناسبة؟ إنت شغلتك كمحامى إنك تقوللى الحقيقة مش إنك تضحك عليا" ساد الصمت لفترة قبل أن يستكمل أحمد بعصبية أقل "أدهم إنت عارف مين المحامى بتاع مروة؟"

أردف أدهم بصوت منخفض: "عارف، هو شريف (زفت) الكفراوى" ساد الصمت مرة أخرى قبل أن يملك الغضب فجأة من "أدهم" هذه المرة: "و فيها إيه يعنى هو إن أنا كنت بشتغل فى مكتبه؟ هى دى حاجة فى مصلحتنا ولا فى مصلحته؟ نص قضايا الطلاق إल्ली كانت فى المكتب كنت أنا

إللى شايلاهه لوحدى, و حتى القضايا إللى كان هو إللى  
بيرفعها مفيش حد عارف هو بيفكر إزاي و نقط ضعفه كلها  
غيرى أنا المحامى الوحيد إللى فاهم "شريف الكفراوى" بيفكر  
إزاي",

نظر إليه أحمد فى تردد, كان يفكر فى منطقته على ما يسدو,  
وقبل أن يعلن ذلك الأخير عن ثمار تفكيره, قاطعتهم السكرتيرة  
بكويين من الليمون, و استغل "أدهم" هذا الهدوء المؤقت  
ليستكمل هو: "لأ بس إنت يا أحمد قولت حاجة صح فعلا أنا  
شغلتي كمحامى إني أجييلك حقك مش إني أضحك عليك, فى  
حاجة عايز إني أقولها لك, احتمالات إنك تكسب مش كثير زى  
ما أنت فاك, خمسين فى المية"

سأله أحمد و قد صدمه الواقع: "أنا حكييلك إللى حصل؟"

أجاب أدهم فى مزيج من الأسف و التعجب: "إللى حصل  
ده انا أعمل بيه إيه؟ حاجة زى دى أنا مقدرش أقولها فى  
المحكمة, الحالات إللى زى دى يا إما تثبتها فى محضر يا إما  
ما تجيبش سيرتها خالص"

\*\*\*

سطعت الأنوار الصادرة من فيلا البارودى فى العجمى  
البيطاش بشدة تلك الليلة, سطعت مصاحبة بموسيقى ضوضائية

غاشمة، كان من الممكن أن يقيم الحفلة في فيلته في مارينا و لكنه وجد ذلك من غير المناسب و غير المطلوب، فإذا أقامها في مارينا فسيكون بذلك قد أقامها لسكانها الذين يمتلكون تصاريح الدخول إلى هناك فستفقد بذلك الحفلة معناها، حفلات "البارودى" هي منفذ الأوحى من تقاليد المجتمع الطبقي البغضة إلى قلبه، هي فرصته الأولى و الأخيرة لممارسة سلطاته، البارودى هنا هو صاحب المكان، صاحب الكلمة الأخيرة و هو الملك و النجم الأوحى، البارودى هنا هو أحد شياطين الإنس في أحد الأماكن التى يرغب فيها الناس بالمعصية، عندما ترتفع فيها صوت الموسيقى الصاخبة يصبح الفرق معدوما ما بين أغنى الراقصين و أفقرهم، عندما تُرتجع الخمر يصبح المزيد منها هو هدف الجميع بداية من أكثر الناس التزاما و تزمنا إلى أقلهم حياء و بداية من أكثر الناس حيلة إلى أكثر الناس مسكنة، و يصبح أعلاهم سلطة هو من يمتلك الخمر كله، فتجد حينها السكارى يتوددون إلى محمد البارودى. بمتهى الحب و الاحترام، حفلات البارودى و إن لم تحتو على الكثير من الفقراء فإنها ليست للأغنياء كذلك، يمكنك أن ترى ذلك بسهولة إذا تأملت في أنواع السيارات المركونة خارج أسوار الفيللا ستجدها مزيجا غريبا ما بين أحقر السيارات من نوع ال ١٢٨ و ال ١٢٧ وأفخم سيارات المرسيدس و أكثر سيارات

الى.إم. دبليو انتشارا و شعبية,حفلات البارودى هى الشهوة  
بعينها لا فرق فيها ما بين مُسلم و مسيحي,فحتى تأتي لحظة  
خروجهم من المكان كلهم عاصين,خمور حفلات البارودى هى  
الماء التى تطفئ وهج الأغنياء و الصالحين ليسود الظلام  
ويصبح البارودى هو النجم الساطع الأوحيد بلا مُنازع,

ليست مُجرد حفلات ترفيهية بل عدها الكثيرون حدثا  
اجتماعيا فى حد ذاتها,تم تأجيل الكثير من المُشاجرات انتظارا  
لحفلة البارودى القادمة التى سيصدر فيها ذلك الأخير حكمه  
النهائى,بسبب حفلاته المُتتالية أصبح ذا رأى مهم و رؤية تُحترم  
بعد أن عده الكثيرون دخيلا على طبقة الأغنياء, نزل البارودى  
من حجرة نومه كان قد ترك لأصدقائه المُقرين مُهمة الترتيب  
للحفلة و التنظيم لها,و لكنه وجد عند نزوله ما لا يسر  
نظره,وجد الأغنياء فى مكان و الفقراء فى آخر كل منهما فى  
مكان,وجد خريجي المدرسة الواحدة لا يُجالسون  
الأخرى,حلبة الرقص خالية رغم صوت الموسيقى,كان هناك  
شئ غير موجود,هناك لون ما لا تكتمل اللوحة إلا به : "هو  
إنت يعنى لازم حد يقولك علشان تروح تجيب خمرة؟أمال  
الناس دى كلها هتشرب إيه؟"صاح البارودى موبخا فى وجه  
أحد أصدقائه بتلك العبارة ..

أجاب الصديق مُعتذرا: "أنا عامل حسابى إن إنت إالى  
هاتجيب,هو فى حد فاتح دلوقتي أساسا؟"

لم يجب البارودى بالكلام بل أصدر على الفور  
فرمانه: "روح عند درينكيز و متفعلوش حاجة قولوه أنا تبع  
محمد البارودى، خليها خمسة و عشرين قرازة فودكا و يا ريت"

قطع كلامه بنفسه عندما رأى قدوم "مارك" و "خالد"

أنهى حديثه مع الصديق بلهفة لكي يرسم على وجهه  
ابتسامة ترحيب، اتجه إليهم، فالتجها بدورهم إليه هربا من هيئة  
المكان الجديد عليهم.

"عامل إيه يا محمد، أنا و الله ما كنت ناوى آجى خالص  
بس مردتش أزعلك" قالها خالد فى شبه عدم ارتياح غير  
معروف إن كان من الشخص أم المكان أم الموقف ككل.

"أمال فين نادر؟" سأل محمد البارودى.

أجابه مارك: "المفروض إنه هيجيلنا على هنا"

أوما محمد برأسه قبل أن يغمغم: "على العموم كويس إن  
إنتو جيتوا بدرى"

سأله خالد : إشمعنى يعنى؟

- هتفهم دلوقتى.

قالها محمد قبل أن يدخل بما إلى داخل الفيلا و يقترب من  
أحد أصدقائه (صديق آخر غير الأول) ليوضح له: "فى واحد



جای دلوقتی اسمه نادر شعره طويل كده"ثم التفت لیسألھما"ھو  
لابس إیہ؟"

أجابه خالد و ھو مازال فی حیرتہ : "لابس جاکت بیج  
وتی شیرت أزرق"

استكمل محمد لصدیقه الغامض : "لابس زی ما قالک  
كده, یا ریت أول لما ییجی تطلعهولی للأوضة فوق"

أجاب الصدیق ساخرًا: "أطلعهولك على الأوضة فوق؟ ھا  
ھا مكنتش فاكرك كده"

- "انخلص یا ظریف"

- "حاضر حاضر"

تركوا الصدیق لیصعد الاثنان مع محمد درجات السلم,فتح  
باب إحدى الحُجرات, وقبل أن یروا أى شیء من خلال الباب  
المفتوح هجمت علیهم سحابة ضخمة من دخان  
الحشیش,دخان ثقیل ناعم و لذیذ,شیئا فشیئا اتضحت  
الرؤیة,الواضح أن الحجرة ھی غرفة قيادة العمليات لتلك  
الحفلة,جهاز الحاسب الآلی الذی یصدر منه الموسیقی التی  
یرقص علیھا الجميع بالأسفل موجود فی تلك الغرفة,صنادیق  
من الخمر الفارغة و الممتلئة و الثمينة و الحقیرة تملأ

المكان، تُرب (أرباع كيلو) كاملة من الحشيش، مخزون هائل وضخم من أوراق البفرة و الحبوب المهلوسة و الهيروين، هذه هى غرفة المملذات إذا كنت من محبى الخمور فإن رؤية تلك الغرفة ستكون بمثابة رؤيا جزء من الجنة بالنسبة لشخص مثلك، كل هذا كان وصف الغرفة، و لكن الغرفة لم تكن خالية، هناك أشخاص، فإذا سلمنا أن المكان هو مجلس قيادة ثورة السكارى فبال تأكيد قاطنوه هم المقربون لدى الديكتاتور الأصيل، و لك أن تتخيل حالهم دون وصف، هم بالتأكيد أنصاف مخمورين، شبه متيقظين شبه نائمين، من الوهلة الأولى يبدو أكثرهم اتزاناً هو "كريم" يصل إليك ذلك الانطباع بسبب قلة حركته التى توحى لك بالحكمة إلا أنك إذا دقت النظر فستجد أنه شبه نائم، قلة حركته ليست اختيار منه بل هو الخمر اللعين الذى أشل خلايا جسده، ثم يأتى "رامى" الذى ترك كل شىء ليجلس أمام جهاز الحاسب الآلى لينسق و يختار الأغاني التى يرقص عليها رواد هذا الحفل و محبو هذا الزار، و "عمرو" الذى اقترب من النافذة بحثاً عن الهواء النظيف، و أخيراً و ليس آخر "هانى"، و لا تدع هدوء هانى يخدعك، هانى هو أكثرهم ذكاء، إذا كان "محمد البارودى" هو ملك الشطرنج فـ "هانى" هو الوزير، هو الأقدر على الحركة و المراوغة، هو الذى إذا قُضى عليه أصبح موت الملك بعده مسألة وقت، إذا

كان "محمد البارودي" هو الحاكم الديكتاتور لدولة السكاري  
فإن "هاني" هو مستشار الملك الأول أو بمعنى أدق هو الذي يحكم  
الدولة "من تحت تحت", هو الذي يحكم عقل البارودي فبالثالي  
يحكم الدولة بشكل غير مباشر و دون أن يظهر في الصورة, فلا  
تدع هدوءه يخدعك إنما هي حكمة منه, و كان ذلك أول لقاء  
رسمي ما بين أصدقاء "مارك" و أصدقاء "محمد البارودي", جلس  
الجميع على نفس المنضدة, تنفسوا نفس الأكسجين المزوج  
بدخان الحشيش, سلموا على بعضهم البعض, فهل يُعد هذا  
تمهيدا لأن يتحولوا إلى كيان واحد؟

\*\*\*

لم تكذ "مى" اليوم قنأ بليتها الهادئة بعد يوم طويل من  
العمل, حتى أتها مكالمة هاتفية من "أحمد شمس" أبلغها فيها أنه  
يريد أن يراها (ضرورى جدا), لم تنكر أن الفضول قد تملكها  
ولم يفارقها حتى قابلته, سألته عما حدث, و أكدت له أن كل  
شئ فى الشركة كان على ما يرام عند مغادرتها.

"هو يعنى لازم يكون فى حاجة فى الشغل علشان أشوقك؟"  
عادى حسيت إن أنا مضابق, حببت أقعد معاكى شوية" أكد هو  
مندهشا من قلقها, كان هادئا للغاية هذه المرة, من الواضح  
وجود فكرة مُحبطة تفتك به, سألته: "هو إنت كان ميعادك مع  
الحامى بتاعك النهاردة؟"

أوما برأسه مهموما فاستفسرت هي : "و قالك إيه ؟"  
أجاب و قد زاد حزنه : "مبلاش نتكلم فى السيرة دى"  
هزت كتفيها و سألته : "أمال عايزنا نتكلم عن إيه ؟"  
ابتسم ابتسامة خفيفة و هو يقترح فى خجل : "عنك إنتى"

\*\*\*

نحن كعرب نعتقد أغلبنا إما الديانة الإسلامية أو المسيحية لا  
تحتوى فطرتنا على الكره، بالطبع نكره من حين إلى آخر فنحن  
بشر فى النهاية و لكننا لا نعتاد على الكره أبدا، الكره بالنسبة  
إلينا حل مؤقت و عاطفة وقتية تنتهى بانتهاء الحروب، مكتسبة  
من ظروف الحياة و ليس حق من حقوق الولادة، قدرتنا على  
الكره متواضعة للغاية فنحن غير موهوبون فيه بالفطرة، رصيدنا  
منه لا يكفى أن نكره عدوين فى وقت واحد، نحن كعرب نقضى  
نقضى حياتنا كلها فى الخوف من أنفسنا، نحن كعرب نقضى  
معظم أوقاتنا فى الخوف من العرب الآخرين وكره الجنسيات  
الأخرى بدلا من أن نقضيه فى الخوف من الكيان  
الصهيونى، حتى داخل الشعب الدولة الواحدة تجد أهل الشمال  
فيها يسخرون من أهل الجنوب و تجد داخل المدينة الواحدة  
أصحاب الديانات المختلفة يعلنون عن اشتزازهم من جيرانهم  
ذوى الديانات الأخرى، و داخل الدين الواحد تجد من يعلن بلا

حياء عدم احترامه لأى مذهب آخر مخالف لرأيه,انقسامات داخلها انقسامات أصغر و أكثر و أدق,دوائر مُحكمة من الاضطهاد الدينى و الجنسى و العرقى و المذهبى,عندما تنتهى من كل ذلك لا تبقى عندنا ما يكفى من البغض للحكام الديكتاتوريين و المُحتلين الأجانب,فالكره شأنه شأن الحب شأن أى عاطفة تنفذ مع مرور الوقت,و أعداؤنا يدركون ذلك,و لذلك تفشل القمم العربية قبل حتى أن تبدأ, و لكن ليس تلك القمة,ليس هذه المرة.

ساد جو من الاطمئنان عندما جلس "مارك" و "خالد" مع أصدقاء البارودى,فجأة اصطدموا بالحقيقة الهزلية أن هؤلاء الأعداء الذين يهربون منهم يشبهونهم إلى حد كبير..تقريبا فى كل شىء,لم يقاوم أى من الجالسين نوبة الضحك الهستيرية التى إنتابتهم عندما اكتشفوا أن "رامى" و "مارك" قد قضوا آخر سنتين من عمرهما يخشون بعضهم,كل منهما يتعاطى الحشيش فى بيته وراء بابه المُغلق فى نفس البناية وقد خاف كل من الاثنين أن يكشف الآخر أمره,الكثير من الضحك سيطر على الجلسة حتى هانى الذى أخذ عنه الجميع انطبعا يوحى بثقل الظل نجح فى أن يوقع بذلك الايحاء عندما بدأ يشكو من مشاكله الدراسية و اقترح نادر عليه أن يأخذ كورسا إضافيا فى المادة فأجاب ذلك هانى ضاحكا : "أنا لو روحت لأبويا وقلت له أنا عايز آخذ كورس تانى هايقوللى كورس أمك",

و زاد الضحك عندما أتى عمرو سلامة ليتعرف بنادر هذه المرة دون أى ضغوط عائلية، و لسخرية القدر كان نادر يرتدى على سبيل المصادفة القميص الذى استعاره من عمرو فى زيارته الأخيرة بدلا من ذلك الذى أفسده البصاق غير المقصود، تلقى أثناء ذلك "خالد" مكالمات هاتفية غير مرغوب فيها من "ريم"، رد على إحدى تلك المكالمات فى حنق فأثارة صوتها من السماعه: "أيوه يا خالد، كنت عازمة أتكلم معاك شوية" - "مش وقته خالص أنا قاعد مع ناس، هاتصل بيكى كمان ثلاث ساعات كده، ماشى؟ سلام"

ازداد غضبها: "بقولك فى حاجة تعبان تقوللى سلام، فى حاجة حصلت، مامتى تعبت و نقلوها المستشفى، ألو ألو".

لم يأقها أى رد، إلا صوت صفارة تحذيرها بأنه قد أغلق هاتفه بالفعل، أعاد الهاتف إلى جيبه ليعود إلى الجلسة، و رغم أن جرس هاتفه لم يتوقف بعد تلك المكالمة أن يعلن عن مكالمات جديدة صادرة من ريم، تجاهل خالد الأمر تماما، بغض النظر عن صعوبة التحدث إلى ريم أمام صديقها السابق "محمد البارودى"، كان لتفادى خالد لريم أسباب أخرى غير ذلك الأخير، كان مستمتعا بالفعل الجلسة لا يريد أن ينهيها ولا يريد أن يفوته منها شىء، كانت مُمتعة بالفعل، و كأنه كان من المكتوب لهما أن يتفاهما، و لم لا؟ كيف لا يتفاهم عمرو سلامة الشاعر مع الموسيقى نادر، كيف لا يتفاهم مارك القبطى

الحكيم مع هاني المسيحي الماكر و محمد البارودي اللثيم مع  
رامي جاره في العمارة، كيف لا يتفاهم خالد المندفع مع كريم  
المتسرع في غضبه؟ كل ما كانوا يحتاجونه هو فرصة أفضل  
للحوار معلومات أكثر عن الآخر ليكتشفوا أنهم يهربون من  
قرنائهم، كانوا يحتاجون إلى لقاء يجمعهم فيه ما يثير  
اهتمامهم، هذه المرة كان الحشيش، هذه المرة كان هروهم إليه  
من هموم مشتركة و متشابهة،

أصبحوا بعدها أصدقاء، بمعنى الكلمة خرجوا برفقة بعضهم  
أكثر من مرة، و لكن هل سيستمر الوضع على ما هو عليه؟

\*\*\*

الوقت هو نائر قديم، رافض لكل القواعد، الوقت لا يخضع  
للأرقام، سرعته لا تكبحها عقارب الساعة.. مرور الأيام لا يعنى  
تغييره، الوقت نسي.. الوقت كالشباب المراهق يرى ما يريد منه  
أن يفعل فيقوم بعكسه لمجرد إغاضتنا و مخالفة توقعاتنا، الوقت  
الكئيب يمر ببطء لأننا نريده أن يختفى، الوقت السعيد يمر بسرعة  
لأننا طلبنا منه البقاء، و هذا ما حدث مع "أحمد  
شمس" و "مى"، منذ أن طلب منها أن تتكلم عن نفسها، منذ  
اللحظة التي أعطاهما فيها الفرصة لتكشف عن أسرارها أكثر  
وهما منسجمان تماما، غطتهما السعادة، تتكلم فيسمعها، يسكت  
فتفهمه، يعترض فتوافق، تمزح هى فيضحك هو، تكشف عن

أسرارها الدفينة فيكشف هو عن أسرارها، و كان أحد أسرار "مى" كامرأة مطلقة هو أسرار فشل زواجها السابق.

"قعد يقوللى، أنا لو كنت عايزك محجة، كنت دورت على واحدة محجة من الأول"

اعترض أحمد: "يا ساتر!"

أجابت مى فى هم: "هو كان تفكيره كده بقى، هنعمل إيه؟"

هنا تيقن "أحمد شمس" بأنه قد وجد المرأة المناسبة التى يستطيع أن يحكى لها عن أسباب فشل زواجه هو، و لكن ككل توقعاتنا التى تثبت خطأها و ككل الأوقات السعيدة التى تنتهى بسرعة، كان لابد من مُفسد للبهجة، هذه المرة كان هذا المُفسد هو هاتف "مى" الجوال، أخرجته من جيبتها نظرت إلى شاشته لتهتف فى دهشة إيه ده دى هبة"

اقترح أحمد: "ردى عليها شوفيها عايزة إيه؟"

"أيوة يا هبة؟"

-

- "أنا مش فاهمة منك حاجة"

-

- "أهو مستشفى طيب؟ طب اقفللى اقفللى أنا جايلك"



أعرب "أحمد" عن انزعاجه و قلقه : "إيه إالى حصل ؟ فى حاجة حصلت لهبة ؟"

قامت "مى" من مكانها لتعلن فى صرامة "إحنا لازم نمشى دلوقتى حالا"

\*\*\*

وظيفة البارمان فى كباريه غير مُحترم (حتى إن كانت قادرة على تقديم مُرتب يومى لا بأس به على الإطلاق)، فإنها غير قادرة على تأمين المُستقبل، الوظيفة لا تتضمن معاش ما بعد الخدمة، و لا تتضمن تأميناً صحياً أو أى حقوق للموظفين، و لا حتى شهادة خيرة، فى أماكن كذلك يجب أن تضمن مُستقبلك بنفسك، فكان لابد من "سيد" أن يحفر طريقه للحفاظ على وظيفته، علمه قضاء الوقت هناك أنه على عكس أى مكان آخر فى العالم، عدم تدخله فى شئون غيره سوف يُسرع من رحيله، وجد ضرورة فى أن يفهم قواعد اللعبة التى يقوم عليها المكان ليشارك فيها، و كان قد أنشأ علاقة جنسية تكاد تكون يومية مع الراقصة، و إختار الراقصة لأنها على علاقة بنفس النوع مع صاحب المكان، فضمن بذلك لنفسه الكثير من الثناء والزيادة فى المُرتب دون أى مجهود يُذكر، و أنشأ مكانه فى شبكة العنكبوت التى يمشى الجميع فيها، قدم على حسابه بضع أكواب الخمر للبودى جاردات و حُرّاس المكان، و بجانب كل ذلك نشأت بينه وبين "فتحية" لبيسة الراقصة علاقة حُب بريئة

خالية من أى شهوات شيطانية، فيلم رومانسى جميل خال من  
أى مشاهد جنسية ساخنة و غير مطلوبة، و يكون بذلك قد  
أنشأ علاقة حب بلا جنس و علاقة جنس بلا حب و مُرتبا  
حاليا ضخما بلا أى مجهود يوازيه و مستقبل مضمون و تعب  
لكسب رضا الجميع بدلا من المال

وهذا الوقار مُزيف، أو التزييف المُوقر ليس وضعاً غريباً أو  
غير مُعتاد فى بلادنا فـ "سيد" ليس أول الفقراء الذين يسعون  
للتحكم فى حياة الأغنياء، هناك ألف سائق أجرة يوصلونك إلى  
بيتك بطريقتهم الخاصة .. و هناك الموظفون الحكوميون الذين لا  
يأدون عملهم فى تعمير الأرض إلا بتخريب جيبك بالرشاوى، و  
هناك "فراشين" مشرحة كليات الطب الذين يديرون الكلية من  
تحت لتحت، و الكثيرون و الكثيرون،

\*\*\*

و يحكى أحمد شمس :

طوال المدة التى جلستها داخل سيارة "مى" (التي تقود) لم  
أفهم منها أى شىء، سيطر عليها القلق فلم تنجح فى تكوين  
جملة مفيدة، أو إيصال أى معنى يوضح لى نوع الضرر الذى  
أصاب "هبة" زميلتنا فى الشركة، كل ما نجحت فى استنباطه من  
حديثها المتقطع هو أن شىئا ما حدث لوالدة "هبة"، حاولت أن

أفهم منها طبيعة هذا الشيء فأجابتنى "شكلكها تعبت تانى"، أصبح من الواضح أنه مريض، ففهمت الجزء المتعلق بالتعب و لم أفهم كلمة "تانى" هذه، فلم أكن مدركا حينها أن لـ "هبة" هذه والسدة مريضة بشكل مُتكرر.

وصلنا إلى موقف السيارات المجاور لمستشفى "المدينة الطبية"، دخلنا إلى المستشفى، وصلنا إلى الطابق المقصود، ولوجد هناك "هبة" مُنهارة بشدة أمام باب إحدى الحجرات، اتجهت مى لتهدئة "هبة"، و أوقفنى الارتباك مكانى لاحظت فتاة جالسة بعيدا عنا، فتاة فى سن أخى الصغير تقريبا، اكتشفت فيما بعد أنها أخت "هبة" الصغيرة، و لأنها الأهدأ طبعا نسيناها و اتجهنا إلى أختها صاحبة الصوت البكائى العالى، اقتربت منها و جدتها تحمل فى يدها هاتفها الجوال، بمن تتصل فى وقت كهذا؟!، شخص قريب إليها تشكو إليه ربما، و بدا لى كذلك أن هذا الشخص لم يجب ندائها المتكرر، عرضت عليها "ممكّن تستعملى موبايلى لو عايزة، أنا عندى شبكة هنا"

"لأ مرسيه أوى، مش مشكلة خلاص" قالتها فى حزن قبل أن تتبعد عن ناظرى ليسود مرة أخرى صوت نحيب "هبة" و صوت محاولات "مى" لتهدئتها: "خلاص بقى يا هبة هو مش السدكتور طمنك؟"

لم تضيف "هبة" أى رد بل ظلت على بكائها، فقامت "مى" واتجهت إلى لتهمس فى أذنى: "أنا رايحة أجيلها حاجة

تهددها، خللى بالك إنت منها يا أحمد على بال ماجى" قالتها  
لترحل لتجدى أهروول وراءها فى قلق: "إنتى سايبانى كده  
وماشيه؟ أنا ميعرفش أتصرف فى المواقف دى"

"مجاتش على دى يا أحمد، هى خمس دقائق عقبال ماجى"

انتهى الاقتباس من أحمد لأحكى أنا كراو للأحداث ما  
حدث من وجهة نظرى:

بالرغم من حرصه ألا يرتدى غير البدل فى معظم المناسبات  
التي لا تستدعى ذلك على عكس أى شاب فى أوائل  
الثلاثينيات و تصفيفه لشعره بطريقة محددة تظهره بشكل أكبر  
من سنه الحقيقى و ذلك الشكل التقليدى الذى يختفى وراءه  
والذى يوحى لك بأنه من السهل التنبؤ بتصرفاته، بالرغم من  
كل ذلك كانت شخصية أحمد شمس هى أكثر شخصية  
متناقضة يمكن أن تتعرف بها فى حياتك، عندما كان فى الثانوية  
العامة كان يشرب الحشيش و كل أنواع الخمور لكنه لم يكن  
يشرب السجائر لأنها مضرّة بالصحة و لأنها حرام !، لم يستطيع  
قط فى حياته أن يأكل من محلات الفول والطعمية بعد الدروس  
لأسباب لها علاقة بالنظافة، و لكنه يتجاهل تلك الأسباب  
عندما يجلس و يشرب القهوة فى أحقر القهاوى الشعبية ..  
كان فى ذلك السن من أحسن أبناء دفعة مواليد ١٩٧٦ شكلا  
وكان هو يعرف ذلك عن نفسه جيدا، و بالرغم من ذلك كان  
يحتفظ بذلك الخجل غير المبرر و الذى كان فى (وجهة نظره)

يزيده جاذبية، و الاختلاف الواضح ما بين طريقتيه في التعامل كـ"شاف" (قائد كشافة سابق) في كشافة الكورفايون، تلك الطريقة المليئة بالشدة، و التغير المفاجيء الذى يجده كل من يحاول أن يتعامل معه خارج الكورفايون كان يتحسول إلى شخص لطيف إلى حد السذاجة أحيانا، و غيرها مئات و مئات من التناقضات، ربما تكون تلك التناقضات هى السبب السذى منعه من البكاء على الطريقة المأساوية التى انتهت بها زواجه بمروءة، و لكن أهم تلك التناقضات، أهمها على الإطلاق هو لإيمانه الشديد بعدم قدرته على حل مواقف محددة، مواقف فى الحقيقة لا يستطيع أحد أن يتصرف فيها غيره، نظير إلى هبة الجالسة أمامه تبكى لثلاث ثوان بالضبط كأنه يفكر فيما سيفعله، ثم تحرك و جلس بجانبها، لو إنك سألت أحمد شمس عن الذى قاله فى تلك الليلة لهبة لما تذكر و لو سألتها ستجدها هى أيضا غير متذكرة، غير متذكرة متى توقفت عن البكاء، و متى بدأت الكلام مع أحمد بعد أن كان يتكلم هو و هى لا ترد عليه، و ما الذى قاله بالضبط ليجعلها تضحك، إنه أحد تلك المواقف التى يتذكر فيها الإنسان أنه ضحك بشدة و لكنه لا يتذكر النكتة، فقط يتذكر أن فلانا قد ساعده على ذلك، و من هنا بدأت نقطة تحول فى علاقة أحمد شمس بهبة، أو بهذا أقنعت هبة نفسها.

\*\*\*

لم يستطع "هان" أن يمنع غضبه بعض رجيل "مارك"  
و أصدقائه، باختصار لم يكن "هان" يحترم في "محمد" أية صفة إلا  
موهبة في التحكم بالبشر.

"أنا مش عارف إنت إيه إللى خلاك تحيب العيال دول  
أصلاً؟ ناس مدت إيديها عليك و سرقوا منك حاجات، و هو  
ده إللى ربنا قدرك عليه؟ تجيبهم يتكيفوا ببلاش على أفلاك  
وهما أولريدى (أصلاً) إنت عايز منهم فلوس؟" صاح هان بتلك  
العبارة بعد انتهاء الحفل

أجابه محمد بغیظ: "إنت عارف كويس إني لو كنت عايز  
أفرج عليهم إسكندرية كلها كان زمان عملت كده من زمان"  
امتزج غضب هان هذه المرة ببعض الحيرة: "لأ مش فاهم،  
أمال جيبتهم هنا ليه؟ بتحور عليهم علشان موضوع ريم يعني؟"  
أردف محمد في ضيق: "جرى إيه يا "هان"؟ و أنا إللى بقول  
عليك عارف تفهمني!، إيه إللى جاب سيرة ريم دلوقتى، ريم  
ملهاش أى علاقة بالليلة دى؟"

- "أمال بتحور عليهم ليه؟"

أوما محمد برأسه أسفا على ما وصل إليه حاله: "واضح إنك  
من كتر ما شوفتنى بحور على كل الناس، اطبعست خلاص في  
دماغك إن أنا كل كلامى نصب و تحوير، و هو ليه كل حاجة  
بعملها في حياتى لازم تطلع في الآخر إني بحور أو بضحك على

حد؟ليه كل حاجة أعملها لازم يكون وراها مصلحة؟ إنت  
نسيت إنى بنى آدم قبل أى حاجة؟! ليه مكونش عايزهم يبقوا  
صحابى فعلا؟

اعترض هانى: دول؟ دول ملهوش فى أى حاجة، دول  
آخرهم حشيش.

أوضح محمد فكرته أكثر: "و علشان كده أنا عايزهم يبقوا  
صحابى، بص أنا بسبب ظروف أهلى و الطلاق و الليلة إللى  
إنت عارفها دى كلها سابوللى حرية زيادة، أنا دلوقتى زعلان  
إن ده حصل، و بمحاول أنضف نفسى شوية، مش مرة واحدة  
بس، بالتدريج، عمر ما واحد كل صحابوا بيضربوا حقن  
وبرشام و بودة هيبقى عنده أى أمل إنه ييطل"

ساد الصمت لفترة بين الاثنين، قبل أن يتذكر البارودى شيئا  
ما: "آه صحيح يا هانى كنت هنسى أسألك، كلمتلى يارا؟"

أجب هانى سؤاله بسؤال: "يارا مين؟"

أوضح محمد: "يارا إللى قابلناها فى قهوة المصريين"

- "ما أنا عارف إنها يارا إللى قابلناها فى زفتة المصريين،

وإنت مالك و مال يارا دى؟ عايزها تعمل بيها إيه؟"

- "يعنى كلمتها و لا لأ؟"

أردف هاني بقرف: "آه لأ ما هو أنا مليش كلام معاها  
الحقيقة للدرجة دى"

قرأ محمد ما بين السطور ليومىء برأسه للمرة الثانية  
أسفا: "ملكش كلام معاها هه؟ ماشى.. ماشى"

\*\*\*

الآن هو بداية شهر أبريل، أكثر شهور السنة تقلبا و اختلافا  
عن بقية الشهور.. أوشك الفصل الدراسى الثانى على  
الانتهاء، و على عكس الجميع كان هذا هو الميعاد الذى يقل فيه  
الوقت المخصص للدراسة لدى نادر، نادر تغاضى عن الدراسة  
فقط لأن الجميع اهتم بها فى تلك المدة من العام، هو يفعل كل  
شئ على عكس ما يهوى بقية البشر لمجرد رغبته فى الاختلاف  
و لفت الأنظار إليه، يقول "لا" لمجرد الاعتراض، مجلته المفضلة  
هى "روز اليوسف" (بالطبع و ماذا غيرها) و يفخر بحقيقة أن  
مجلته المفضلة لا تناسب سنه (أو دينه كمسلم على أى حال)،  
وهذا النمط التفكيرى يفسر شعره الطويل بلا مناسبة و ملابسه  
الصارخة بلا قضية، فهو يهتف بلا مظاهره، خائن بلا حرب  
دائرة، قائد بلا تابعين، نادر يسكت عندما يتكلم الجميع، و يتكلم  
عندما يسكت الجميع، يجلس عندما يقوم الناس، و يقوم  
ويتحرك فى كل الاتجاهات عندما يجلسوا، و لعل هذا هو أحد



أسباب وصفنا لنادر بأنه غير اجتماعي و لكن ذلك ليس السبب الوحيد، فكما تعلمون من أهم صفات الشخص الذكي اجتماعيا هو أن يدرك من نفسه متى يكون وجوده غير مرغوب فيه، و كانت تلك هى أهم الصفات التى لا يتميز بها نادر على الإطلاق، تأكدنا جميعا من انعدام تلك الصفة فيه خلال التحضير لمهرجان الكيرماس السنوى، حين سمحت له ظروفه كأحد أعضاء كشافة الكورفايون المشاركة فى الحدث بكثرة الالتقاء بريم التى تمتلك لقب قائدة فى كشافة "الكاريتاس"، رغم تفاديهما الواضح له ظل يلح عليها بجذب أطراف الحديث، لم تكن تكرهه بشكل شخصى بل كانت تنفذ نصيحة خالد بالابتعاد عنه فحسب، و لكنه لم يئأس، هذا ليس من عادته، و ليس من طبعه، فظلت تلك الحرب دائرة ما بين إصراره هو و ما بين تجاهل ريم له، بدأت أول معركة فيها عندما قابلها لأول مرة دون وجود خالد، عندما استيقظ فى أحد الأيام ليتذكر فجأة أنه اليوم على موعد مع أعضاء حركة "الكورفايون" التى (من المفترض) أنه ينتمى إليها، لم يكن ناشطا فيها لم يكن مهتما بما يفعلونه فيها، هو نفسه لا يدري لماذا سجل اسمه فيها من المقام الأول على أى حال، فهو لا يمتلك أى فكرة عن الأهداف التى تأسست عليها تلك الجمعية من الأصل، رغم تحذيرات قائدي الحركة المتكررة لطرده

من المنظمة لعدم التزامه بالمواعيد، إلا أنه قرر ألا يأبه هو فلن يذهب إليهم إلا على هواه الشخصي، أو عندما لا يجد في يومه أى شىء آخر ليفعله، و اليوم كان أحد تلك الأيام، استيقظ من النوم، لم يجد ما يشغله، أفراد فرقته الموسيقية كلهم خارج الإسكندرية، وجد نفسه يستقل أول سيارة أجرة تمر أمام بيته لتوصله إلى مبنى مدرسة سان-مارك، وعلى عكس ما توقع وصل إلى هناك قبل مواعده، أضاع الكثير من الوقت في البحث عن أى بائع سحائر ثم عن أى بائع للولاعات ثم أخيراً وليس آخراً عن بائع يبيع نوع معين غير منتشر من المشروبات الغازية (كان اسم المشروب "ماوتن ديو")، أضاع كل هذا الوقت لكي لا يصل إلى هناك قبل أو في مواعده، كان يجب أن يصل إلى أى موعد متأخراً، فالتأخر عن الاجتماعات تلتفت إليه كل الأنظار حتى إن لم يرد ذلك، دخل نادر بعد الموعد بنصف ساعة كاملة غير مرتدي للملابس الرسمية للمجموعة، فشلت توقعاته للمرة الثانية عندما فوجئ بعدم وجود أى اهتمام من الموجودين به، كانوا منشغلين، الاجتماع نفسه لم يكن اجتماعاً بالمعنى المفهوم كان ورشة بناء و تحضير للحدث المهرجان الذى قد اقترب مواعده، هناك من يحمل الخشب و هناك من يحمل الحبال المستعملة في نصب أماكن البيع و هناك من ينصبها بيده، لم يلتفت أحد إليه، فقرر - دون أى وعى منه - أن أفضل طريقة

في جذب الانتباه إليه هو مشاركته في العمل، توجهه إلى  
الـ"شاف" الذي يصدر الأوامر للجميع،

توقف عن إصدار الأوامر و التفت إليه مُردفاً في سخرية  
غاضبة: "لا و النبي !!؟ هو إنت لسه فاكّر تيجي دلوقتى؟"

- "سورى والله أنا مطبق من إمبارح، كان عندى بروفة"

- "و فين الیون فورم (اللیس المتفق علیه) بتاعك؟"

- "معلش أصله اتحرق"

- "اتحرق!"

- آه سيجارة مسكت فيه.

قاطعت فتاة حديثهما و هى تتوجه بكلامها إلى الشاف:

"إحنا محتاجين حد من عندكو يساعدنا فى الديكوراشن"

أجابها القائد المزعوم: "سورى والله يا"شافتن"(مؤنث كلمة  
شاف)، إحنا أولريدى غايب مننا كتير و الكيرماس كمان كام  
يوم شوفى حد من كشافة وادى النيل"

أثناء إجابة الشاف كانت ريم قد لاحظت لأول مرة وجود  
نادر فى مكان، نادر صديق "خالد"، نفس الصديق الذى حذرها  
خالد من الاقتراب منه، أدارت وجهها إلى مكان آخر متجاهلة  
وقوفه مع محدثها الأساسى، و لاحظ نادر ذلك التجاهل فما

كان منه سوى أن يهتف في لهجة احتفالية: "إيه ده يا ريم إنسى بتعملى إيه هنا؟"

أجابت ريم بجفاء مقصود: "عامل إيه يا نادر إزيك؟" قالتها بروتينية و لم تنتظر منه أية إجابة بل توجهت بكلامها بسرعة إلى الشاف لمجرد الهرب من الحديث مع نادر: "مش هينفع حد؟" ومن ثم توجه كلامها بسرعة إلى الشاف قبل أن يرد نادر عليها:

أنا لسه سائلة وادى النيل دلوقتى و قالولى مش هينفع برضه.  
أجاب الشاف فى ضيق: "طب و أنا كمان مش هينفع بالنسبة لى"

- "إنتر هتفعدوا ترمونا لبعض؟"

- "مش الفكرة بس إحنا فعلا شغالين"

- "طب ما إحنا كمان شغالين, المفروض إن دى أصلا المدرسة بتاعتكوا.. مش كل سنة الكاريتاس هو إالى هيشيل شغل الكبير ماس كله, و إحنا إالى ضيوف عندكوا ساعدونا شوية بقى!!"

تدخل نادر لحل المشكلة مقترحا: "مفيش مشكلة يا شاف, أنا ممكن أساعدهم"

إلتفت إليه الشاف معترضا: "لأ, آمال مين هيعمل البوية؟"  
أجاب نادر: "أنا برضه ..هساعدهم و أعملها, إيه إल्ली  
يمنع؟"

نظر إليه الشاف بشك للحظات قبل أن يردف بصرامة:  
"ماشى ساعة إلا ربيع بالكثير تكون عندى"

و أصبحت ريم فى مأزق اكتشفت أن حل المشكلة اللى  
افتعلتها لمجرد عدم التحدث لنادر هو نادر نفسه, لم تشأ أن تبدو  
أنها هى التى ترفض الحلول, كان لابد و بسرعة أن تجد سببا فى  
نادر يمنعه من مساعدتها فأردفت: "ثانية واحدة إنت عملت  
ديكوراشن قبل كده الأول؟"

هنا اعترض الشاف فى غيظ واضح من تخليه عن  
الألقاب: "إيه يا ريم إنتى هتتامرى؟ مفيش غير ده, كلهم شغالين"

قبلت ريم بنادر مضطرة, فى الأحوال العادية لم يكن هذا  
القائد يسمح بأحد تابعيه بالمساعدة و المشاركة فى تحقيق  
أحلام حركة أخرى, و لكنه لاحظ اعتراض ريم على شخص  
نادر فقرر أن يفرضه عليه من سبيل العقاب لأنها أثارت  
سخطه..

رحلت ريم ورحل وراءها نادر الذى بدت عليه السعادة  
لسبب غير واضح, فلتبدأ إذن أولى معاركه فى حرب التجاهل,

إنه يوم من تلك الأيام الصعبة التي اعتادها "شريف الكفراوي" في المحكمة، حركة سريعة لم تعد تناسب سنه، مجهود لم يعد يناسب قدرة رثتيه اللتين أدمنا السحائر على العطاء، ما بين قضيتين سرق الوقت لنفسه ليشعل سيجارة، وضعها في فمه ليجد أن أحدهم يقرب قداحة من وجهه ليساعده على الإشعال، أرجع "شريف" رأسه إلى الخلف ليتطلع في هوية الرجل، كان أخوه الأكبر محمود، فأصبح سؤال شريف بديهيا،

"إيه ده إيه إلی جابك هنا؟"

- "جای أشوفك"

ازدادت دهشة شريف: "إنت جای من إسكندرية مخصوص علشان تشوفني؟"

ابتسم محمود أكثر: "إيه بلاش؟"

- "لا مش قصدي، إنت غيرت رأيك في موضوع القضية ولا إيه؟"

- "إنت خلصت و لا لسه وراك حاجة؟"

- "أ خلاص دي كانت آخر جلسة النهاردة"

- "طب تعالى نتكلم في مكان هادي شوية"

\*\*\*

هناك مفهوم رجعي خاطيء يزعم أن البغاء و التجارة الجنسية هما من أعمال النساء فقط، و البغاء هو أن يقدم الإنسان نفسه كسلعة جنسية لمقابل مادي، ألا يفعل بعض الرجال ذلك؟ و إن كنا أكثر تحديدا، أليس هذا هو بالضبط ما يفعله "سيد" الآن في شقة الراقصة "دلال"؟ أنهيها ما كانا يفعلانه للمرة الخامسة على التوالي، هذه هي ميزة أن تبلغ الثامنة والعشرين من عمرك مثل "سيد"، ترك فراش الجنس و هاجر من جمهورية السرير ليرتدي ملابسه و هو يغفم بلا حرج: "دلال! ملاقيش معاكى خمسميت جنيه؟"

لم يمنع التعب التي لا زالت دلال تعاني منه من الاعتراض وهي تنظم أنفاسها المتلاحقة: "هو انت مبتشبعش؟ خمسميت جنيه مرة واحدة ليه؟" .. ابتسم في داخله، شيء ما كساد أن يدفعه ليربط عدد مرات النكاح الخمس بالخمسة جنيه و كأنها تسعيرة محددة، و لكنه بدل من ذلك أردف في وقاحة: "لازمي" سألت دلال في تلاعب باللهجة لتقول شيئا و تعني شيئا آخر: "لازمينك؟ و لا هاتروح تصرفهم على البيت فتحيصة بتاعتك؟"

حاول سيد أن ينكر: "و هو إيه إلهي جاب فتحية للـ" ولكنها قاطعته في صرامة: "جري إيه يا سيد؟! تكونش فاكركي محتومة على قفايا؟ و لا مش شايفاكو إنتو الاتنين وإنتو عمالين تتودودوا في الرايحة و الجاية؟!"

أعلن سيد عن رفضه للتدخل في شؤونه الخاصة و هو  
يستكمل ترزير قميصه: "طب و دى فيها إيه أنا بتودود مع  
دلال و إنتى كل يوم بتروحى عند جمال زفت صاحب  
الكباريه, أنا كده مبسوط و إنتى متكيفة, لو مش عاجبك نفضها  
سيرة أحسن"

قامت دلال لأول مرة من على السرير لتستقر على قدميها  
في سرعة غريبة: "خلاص خلاص هو إيه ؟ ما صدقت؟  
الخمسميت جنيه بتوعك أهم"

ابتسم سيد و هو يتناول المال: "من يد ما نعدمها"

لم يكن ذلك نوع الشكر الذى توقعه دلال  
وتتظره, كانت تريد عودته إلى الفراش, ليعودا إلى ما كانا  
يفعلانه مرارا و تكرارا ..

\*\*\*

"ممكن لحد بالليل حتى, و ممكن أمشى دلوقتى, معرفش والله  
مش بإيدى, خللى بالك إنتى من ماما لحد ما جيلك, معلش  
هاحاول متأخرش" قالتها "هبة" فى الهاتف, كانت تتحدث إلى  
أختها "رم", أمهما الآن خرجت من المستشفى هذه المرة, لا  
تستطيع أي منهما أن تغادر المنزل دون أن تبقى الأخرى  
فيه, منذ خروج الأم من المستشفى و هما ينسقان مواعيد  
الخروج و العودة عن طريق الهاتف, أغلقت "هبة" الخط, لتفاجأ



بأحمد تنس أمامها يسألها: "إيه يا هبة؟! عيسوى قاللى إن  
عندك مشكلة فى جهازك"

أجابت هبة و هى تشير إلى شاشتها :

"آه ال Presentation بتاعى هاقدمها بكرة, و عملت  
لكل شغلى Save على السيرفير Server, و مش لاقياه..  
جيت أفتح لقيته اختفى"

جلس أحمد مكانها و هو يغمغم دون أن ينظر إليها: "عادى  
عادى, الحاجات دى بتحصل هنا كتير, إنتى اسمك إيه على  
السيرفير إنتى هبة عبد السلام دى؟ صح"  
اعترضت هبة: "هبة عبد السلام مين؟ هبة محمود إالى  
تحتيها"

أحمد يفكر بصوت عالى: "هبة محمود, هبة محمود, افتكرت"

سألته هبة فى حيرة: "إيه افتكرت إيه؟"

"افتكرت أنا أعرفك منين, كنتى بتقعدى فى فاست بريك  
بتاع الوطنية؟ إالى فى سموحة ده؟"

أجابت فى صرامة: "لا"

اعتذر أحمد: يبقى لخطبك مع حد تانى,

قبل أن تعود إليه حماسه ليستكمل: "بس إنتى كنتى ساكنة  
فى لوران صح؟"

- "أنا من ساعة ما اتولدت و أنا ساكنة في سموحة"

- "سموحة، طب كنتي بتروحي مول زهران و كده؟"

- "لا برضه"

\*\*\*

لم يجد "شريف" و "محمود" مكانا هادئا و قريب يسمح لهما بالكلام فيه دون إزعاج سوى قهوة شعبية على بعد حى سكنى من المحكمة.

"إنت بجد كنت فاكركي هاخش معاك في موضوع القضية دى؟ و أنا إللى جاي أرجعك في كلامك" قالها محمود فأجاب "شريف": "بصراحة أنا كنت فاكرك جاي تقابلني علشان فهمت أنا عايز إيه مش علشان ترجعني أنا في كلامي"

اقترح محمود للمرة الثانية: "متسيك يا شريف من الكلام الفاضى ده، لو إنت كنت رافع القضية دى علشان توصلهم رسالة مُعَيَنة فأديها وصنت"

أردف شريف بقرف: "لا ملكش دعوة بيا، إنت عايز تتنازل اتنازل، أنا هفضل مكمل في القضية دى لحد الآخر، حتى لو صبحى هو راخر طلع منها، أنا معاك إن ليلي دى ملهاش ذنب في الدوشة دى بس برضه: ده حق ابني"

\*\*\*

الظالم تماماً كالمجنون، لا يدرك علته، هل سمعت في حياتك شخصاً مجنوناً يعترف بمجنونه؟ فلو اعترف به سيكون حينها من أعقل العققلين، هل رأيت بحسباً من قبل مدركاً ليخله؟ مستحيل، فالبخلاء يرون أنفسهم في غاية الكرم و يرون أن كل من غيرهم مُسرف مُبذر، وكذلك هو حال الظالم.. الظالم يظن أنه أكثر الناس عدلاً على وجه الأرض، مع اختلاف بسيط و هو أن العدل حينها هو العدل الذى يراه الظالم فقط، والديمقراطية الوحيدة المطروحة حينها هى الحوار المتفاهم والعقل ما بين عقل الظالم و نفسه فقط، عندما يعيد التفكير في أمر ما،

و "دلال" الراقصة هى إحدى هؤلاء، إحدى الذين يغطون الديكتاتورية بصيغة ديمقراطية، و يأخذون السلام سبياً للحرب، ينفذون ما على هواهم بطريقة غير مُباشرة لإراحة أنفسهم من وجع الضمير و لوم الناس.

هذه هى الليلة التى سُنِفَذَ حكم "دلال" الراقصة على خادماتها و عشيقه حبیبها "فتحیه" بطريقة أو بأخرى بغض النظر عن إدراء الجميع و اعتراضهم،

بدأ كل شئ عندما كانت دلال تستعد لفقرتها التالية،  
"بقولك إيه يا فتحیه ! من النهاردة ملكيش دعوة بالاسم  
سيد ده؟"

صدرت منها تلك الجملة الأخيرة هكذا دون أى مناسبة أو تمهيد.

أجابت فتحية فى اضطراب واضح: "ليه بس يا هانم؟"  
إستكملت دلال بغضب صارم: "من غير ليه و كلامى يتسمع"  
- "من عنيا الإثنين بس أفهم"

- "نفهمى إيه؟ إنتى فاكرة نفسك إيه ؟ ده إنتى كلك عبارة عن ليسة, إيش حال إن مكتتش أنا إللى لماكى من الشوارع يا وسخة يا بنت ال---؟" كان صوت دلال الرفيع قد بلغ أعلى درجة من الممكن أن يصل إليها, كان مزعجا للدرجة أجبرت "جمال" صاحب الكباريه أثناء مروره فى المكان على البحث عن مصدر الصوت الذى يعلن نشوب كارثة, لتجده دلال وفتحية قد دخل إلى الحجرة و معه اثنان من حراس الكباريه ذوى الجثث الضخمة ليسأل الراقصة فى قلق واضح:

"فى إيه يا دلال صوتك جايب آخر الدنيا؟"

ازادت دلال من صراخها بعد أن أثبت مفعوله: "تعالى والننى اتفرج على الست منى و هى بتشوف نفسها علينا"  
سأل جمال صاحب المكان فتحية برفق: "فى إيه يا فتحية عملتى إيه؟"

لم تكذ فتحية أن تجيب حتى أجابت دلال بدلا منها "الهسام  
بتسرق من هدومي و تروح تبيعها"

اتسعت عينا فتحية من الصدمة لتهتف تلك الأخيرة في  
غضم عارم: "أنا برضه إلى يسرق منك يا بنت الكلب!!؟"  
هنا اللحظة التي تحولت فيها المشادة الكلامية إلى محاكمة  
سرية، القاضي هو صاحب المكان، قوته التنفيذية متمثلة في  
الحراس الذين أتوا معه و الذين يمثلون الآن قوى الأمن المركزى  
للكباريه، فلصالح من سوف يصدر الحكم؟؟..

دلال - الفرخة التي تبيض ذهابا للكاباريه و التي أصبح من  
البديهى الآن أنها على خطأ؟- أم لصالح فتحية - المغلوبة على  
أمرها و فقرها وقلة حيلتها و التي أصبحت الآن برائتها واضحة  
للعاية ؟

في أى عالم نعيش؟ عالم عادل؟؟ أم عالم مادي؟؟ سوف  
تصبح الإجابة الغامضة معروفة بعد لحظات "بنت الوسخة دى  
تترمى بره الكباريه و مشوفش وشها هنا تانى" قالها "جمال" و هو  
ينظر في اللا مكان و كأنه يتحاشى تلاقى عيناه مع  
عينى "فتحية" التي ملأتهما الدموع.

\*\*\*

إحساس قوى يتتاب "هبة" الآن.. إحساس ممزوج ما بين الغضب و الحيرة و الشعور بالذنب, غضب لأنها تشك في حقيقة إن كان أحمد يتذكرها و يتظاهر بالعكس مع سبق الإصرار و الترصد فقط لإذلالها, و الحيرة لأنها ليست متأكدة من ذلك الشعور السابق, و الذنب لإحساسها القلم بأنها السبب في فشل علاقتها بـ "أحمد" في التسعينيات, و زادت تلك المشاعر مع زيادة إلحاحه على تذكره بالمناسبة التي جمعتها قديما عندما كان منشغلا بتصليح العطل الذي تشتكى منه: "لأ بس أنا فعلا حاسس إنى مش أول مرة أتعامل معاكى, إنتى مش قادرة تفتكرى إنتى مفروض إنك تعصرفينى منين برضه؟ أنا حاولت أفتكر معرفتش, و كمان مى أنا مش فاهم منها حاجة أساسا, أنا فهمت منها أن إحنا مفروض كنا متصاحين سيادتك"

ازداد غضب هبة من وقاحته: "لا و الله؟! إالى أنا فهمته منها إنك كنت عايز تصاحبينى, و أنا مرضيتش"  
أردف هو فى سخرية: "آه, إن شاء الله"  
غمغمت فى ملل: "معرفش بقى يا أحمد يمكن كنا صغيرين ساعتها"

- "يمكن!! مين عارف؟! على فكرة يا هبة لو عايزة تروحي روحى, أنا هاعرف أهندل الموضوع ده عادى يعنى"

أصرت هي "معلش خليتي بس علشان أشوف الموضوع ده  
بيتحل إزاي، لو حصل تاني أعرف أتصرف"

استكمل في الموضوع القلم: "كنتي بتروحي كارفور  
طيب؟"

"مكانش فيه كارفور ساعتها"

- "آه صحيح مكانش فيه كارفور ساعتها طبعاً، ماشي طب  
ما هو ساعتها ده كان إمتى بقي؟"

- "معرفش، بس أكيد قبل ما كارفور يفتح"

- "بقد إيه؟ قبل ما يفتحوا كارفور بقد إيه؟"

قررت هبة أن تغير الموضوع الذي يثير غضبها. بموضوع  
آخر، هذه المرة اختارت بلا قصد موضوع يثير غضبه هو "هو  
أنت و مي لسه متخاصمين؟"

صمت أحمد لفترة، تلاشت ابتسامته، وبات تغير لهجته  
واضحاً عندما أوضح: "مين إल्ली قال إن إحنا متخاصمين؟ إلية  
سمتيها خصام يعني؟ إلية متكونش فترة تفكير، أنا اتجوزت قبل  
كده و عارف، أي اتنين في الدنيا قبل ما يتخطبوا على طول  
زى ما تقوللي كده، بيخافوا من الالتزام، و بتحسى إن الشخص  
إल्ली إنتي كنتي بتحببيه باختيارك ابتدى يبقى أمر واقع، بتبتدى

عيوبه تظهر ساعتها بس، بتبقى أسهل فترة تقوم فيها خلاقات على حاجات هابله...- "قطع حديثه بنفسه ليمنع خروج لفظ غير لائق ليستكمل بسرعة مصححاً" جدا، بتبقى حاجات هابله أوى يعنى"

تفاضت عن خطاه فى اختيار الألفاظ ليتها تركيزها إلى المقصد الأصلي من وراء كلامه: "حاجات هابله يمكن بالنسبة لك بس بالنسبة لها بتجرحلها كرامتها، إنت بتقول إنك فاهم فى الحاجات دى و بتاع، متبقاش بارد معاها بقى"

وصل إلى قمة العصبية بالفعل دون أن يشعر: "بارد، هه؟ إنتى إزاي؟" ثم قاطع نفسه ليمنع خروج إهانة فى حقها ليستكمل "بصى يا هبة إنتى متعرفينش كويس لدرجة إنك تكلمينى كده، عايزة تقعدى ترغى فى الحاجات دى مع مى إنتو صحاب و حرين مع بعض، لكن أنا ولا عمرى شوفتك و لا من بقيت أهلك علشان تتعودى عليا للدرجة دى"

زاد غضبها نتيجة لغضبه: "إنت فاكر نفسك مين؟"

زادت وقاحتها نتيجة لغضبها: "إنتى اللى فاكره نفسك مين؟ هبة بقولك إيه روحى بيتك دلوقتى، كفاية كده النهارده"

- "إنت مش من حقك تطردنى!"



"لأ من حقى، أنا المهندس المسؤول عن العطل ده و مبحبش  
حد معايا، ميعرفش أشتغل، اتفضللى حضرتك اطلعى بره"  
صدمها سلوكه المفاجئ، فتمكن منها الإذبالل لتقف أمامه  
و قد اتسعت عيناها وفتح فمها من الدهشة حتى كاد فكها  
السفلى أن يلمس أرضية المكان،  
التفت إليها ببرود ليستكمل إهانتته : "إنتى لسه واقفة قدامى؟  
على فكرة، الباب من هنا"

\*\*\*

كان مشهد "فتحية" قليلة الجسم و الخيلة و هى تخرج  
مطرودة من الكباريه مُصاحبة بأيدي الحراس الغليظة، مُستفز  
لأى عين، حتى هؤلاء الذين لا يدركون سبب الخلاف، حتى  
للذين لم يروا فتحية من قبل، فما بالك بـ "سيد" الذى وقع فى  
حبها؟ فما بالك بـ "سيد" ذي الفكرة الجيدة عن تفاصيل  
المؤامرة القذرة التى وقعت للتو؟ اتجه إلى الرجلين الذين كادا أن  
يجرا "فتحية" التى غلبها البكاء، لستغل صداقته مع الحراس، فى  
البداية تدخل فى المشهد و كأنه ثالثهم و كأن طردها هو همه  
الأول هو الآخر، لم تقاطع مسيرة الرباعى (سيد و الحارسين  
و فتحية) سوى صرخات رجل مجهول كان الخمر قد انتصر  
عليه، ليهتف بلا أدنى سبب و ليحطم الأكواب و معها كل ما

حوله، مشهد معتاد للغاية في الكباريه، معتاد إلى حد الملل أحيانا، في العادة يتجهون (أقصد الحارسين) إلى الرجل ليرميه خارج المكان، ما منعهم هذه المرة كان "فتحية" لم يعتادا أن يهتما بمشكلتين في نفس الوقت، هُنا اقترح سيد عليهما في ذكاء: "روحوا إنتو شوفوا شغلوكوا معاه و أنا هاخذها أطلعها بره"

نظرا إلى بعضهما في شك للحظات قبل أن يسلموه المسؤولية، مشى معها نحو باب الكباريه ليدور بين الحيين الحديث الآتى، و التى بدأته هى لتوضح براءتهما قبل أى شىء: "والله العظيم يا سيد ما سرقت حاجة"

نظر إليها سيد في بؤس ليردف: "إننى هابلة يا بت ؟ ما أنا عارف طبعاً، على العموم متقلقيش أنا هاخليها ترجعك الشغل تانى و رجلها فوق رقبتها"

- "لأ أنا مش هاعتب المكان ده تانى" قالتها بصرامة شديدة لا تناسب مع موقعها الحال من غلبة، كانا قد وصلا إلى الشارع بالفعل، فتوقفا أمام الباب ليسألها في قلق: "أمال ناوية تعمللى إيه ؟ هتشتغللى فين؟"

- "أرض الله واسعة، إنشالله أشتغل فى البيوت حتى، ما تعمل زبي، يعنى إنت مبسوط أوى بشغلتك دى؟"

- "مش مبسوط ولا حاجة، بس لو سيبت هنا هاروح فين؟"

- "ربنا يرزق بالحلال بقى!"

- "انا آسف يا منى مقدرش"

قالها فى حرج قبل أن يتركها فى الشارع ليختفى فى زحام  
رواد المكان.

\*\*\*

حتى أنا كراو لتلك الأحداث, حتى أنا السذى عاشرت  
الشخصيات الحقيقية التى أحكى عنها, لا أعلم ما هو السبب  
الأساسى لمحاولات "نادر" المتكررة لجذب أطراف الحديث  
مع "ريم" صديقة "خالد" دون أية مناسبة أو داع, سألت الكثيرين  
ممن يعرفون "خالد" معرفة تفوق معرفتى به و فهمى لجوانب  
شخصيته المعقدة,

عندما تطلب من الناس توضيح انطباعاتهم حول شخص  
الأصل فيه هو الإثارة للجدل لا بد أن تتوقع أن تأتى الإجابات  
مختلفة و متناقضة إلى أقصى حد, زميل قديم له فى المدرسة أكد  
لى أن "نادر" يحب أن يتقرب من الأشخاص السذين يرفضون  
وجوده تماما كما يحب أن يتعد عن هؤلاء الذين يحبون التواجد  
معه, زميل له فى الكلية أكد لى أن محاولة اقترابه من ريم المرتبطة  
بصديقه خالد ما هى إلا محاولة انتقام قذرة من خالد السذى  
سرق صديقة نادر السابقة نادين من يده منذ زمن بعيد.

ريم لا تأبه لكل ذلك، أو أن هذا هو ما أردتنا أن نظنه  
ربما، الله أعلم.

كما ما نعرفه أنها اضطرت للحجوة لمساعدته وقوته الجسدية  
في حمل الأشياء الثقيلة أثناء التحضير للكيرماس، وأنها حاولت  
على قدر ما تستطيع أن تسكته و تحرس أسلته المزعجة ، وأن  
تفشل محاولاته المتكررة في التقرب منها، مثل ذلك الحوار الذى  
دار قبل الكيرماس بحوالى أربعة أيام، بدأ هو بالكلام بالطبع بينما  
كان يساعدها على حمل شىء ما : "هو إنتي دخلى الكاريتاس  
إمنى صحيح؟"

أجابت بملل مقصود : "من فترة كده" أشارت برأسها إلى  
الحمل الذى يحملانه : "أنا عايزة أحطها وراك هنا"

وضعه نادر حيث طلبت تماما ليستكمل : "طب أنا أعرف  
واحد اسمه أحمد على معاكوا تعرفيه؟"

- "لا"

- "بس إنتي شكلك كده زبي أول مرة تحضرى للكيرماس"

- "لا"

- "مم، بس إنتي شافتي" بقالك مدة قصيرة صح؟"

ريم و قد ازدادت صرامتها : "لا"

سألها ضاحكا : "هو إنت دائما بتقوللى لأ على كل حاجة كده؟"

توقفت ريم عن تحريك الأشياء لتنظر إليه بملل قبل أن تجيب مرة أخرى: "لأ"

غمغم ساخرا : "لأ واضح إنه"لأ"فعلا , "

سكت لفترة لكي تعتليه الحماسة مرة أخرى ليهتف بمرح: "طب بما إنك مقضيها كده , عايز أجرب حاجة.. استنى .. ممكن متجيش الحفلة إالى الفرقة بتاعى هاتعملها الأسبوع إالى جاي فى هاندز الساعة ثمانية؟"

أدركت هى محاولته الطفولية لاستغلال رفضها لكل شىء فأجابت ببرود: "حاضر, مفيش أى مشكلة, أوعدك إنك مش هاتلاقينى هناك, هاتلى الحبل إالى وراك ده"

نادر و هو يناولها الحبل: "هو إنتى ليه متضايقة كده؟"

- "أنا مش متضايقة, مش حاسة إن أنا متضايقة"

سألها فى رومانسية ساذجة للغاية : "أمال حاسة بإيه؟"

- "دلوقتي و أنا واقفة معاك حاسة بإيه؟"

- "آه"

- "صدقنى مش هاتحب إن أنا أقولها لك, مش هاتحب إنك

تسمع الكلمة إالى توصف إحساسى دلوقتي حالا"

"بيض، عندنا كل أنواع البيض إلى ممكن تتخيلها، بيض  
مقلي، ونجمة، أو مليت، تحب تفطر إيه يا شريف؟"

أجاب شريف عرض أخيه صبحى بأدب: "لا والله مش  
قادر، أنا بس كنت جاي أكلمك في موضوع القضية"

كان من الطبيعي بالنسبة إلى "شريف" أن يتجه إلى  
الإسكندرية مرة أخرى بعد زيارة أخيه محمود له في القاهرة، فما  
أدراه أن "محمود" لن يحاول أن يؤثر في تفكير أخيهما الثالث، أتى  
دون أي موعد مسبق إلى بيت أخيهما الثالث "صبحى" المأطل  
على شاطئ ستانلى في الإسكندرية، رحب ذلك الأخير  
بشريف، جلسا في الصالون ليدور الحديث الآتى،

"الست بصراحة وقفت معانا وقفة متتنساش وماتستاهلش  
مننا كل ده هي بس المشكلة في إخوانها"

كانت تلك العبارة صادرة من شريف أراد أن يعلن قبل أى  
شئ حسن نواياه في القضية، إلا أنه فوجئ بأخيه يجيبه ساخراً:  
"طول عمرك هتفضل عبيط مش فاهم، ما أنت معذور كنت  
صغير ساعتها مكنتش دارى بحاجة"

تملكت الحيرة شريف: "لأ مش فاهم حاجة مكنتش دارى  
بإيه بالظبط؟"

أوضح صبحى أكثر: "ليلى و محمود و هما صغيرين كانوا  
يحبوا بعض"

هتف شريف فى دهشة: "محمود مين ؟ محمود أخويا؟ .."

أردف صبحى ساخرًا: "طول عمرك ذكى أخواتك"

من المفترض أن يغضب "شريف" حينها أن يشعر بالخيانة من  
أقرب الناس إليه، شعر بذلك و لكن على طريقته بدلاً من أن  
يصرخ أرجع ظهره إلى ظهر الكرسي ليضحك و هو يفكر  
بصوت مسموع: "يا بن الكالب، بقى محمود يطلع منه ده  
كله؟ أتاريه بقى، أنا دلوقتى بس فهمت، دى آخر حاجة كونت  
أتوقعها"

و لم تكن تلك هى نهاية المفاجآت، المفاجآت لم توشك  
حتى على البدء، كما تبين فيما بعد.

\*\*\*

هناك عامل مهم لم يتم ذكره فى لعبة  
الإيستيميشن، الوقت، فالغرض فى تنظيم الأوراق قبل بدء اللعب  
هو توفير الوقت، شركاؤك فى اللعبة لن ينتظروك إلى  
الأبد، عندما يأتى دورك يجب أن تحسم أمرك فى أقل من نصف  
دقيقة، مهما فوجئت بحقائق لم تكن تعرفها، مهما سُحب من  
تحتك بساط الفوز المضمون، لا وقت للإندهاش، لا وقت  
للتردد، مهما زادت المفاجآت تظل مسؤولاً عن اللعب

وبسرعة، لن يتوقف العالم لحيرتك و لن تتوقف حركة عقارب الساعة فالجميع ينتظر منك قرارا و اختيارا ما وورقة تعبر عن سياستك للفترة القادمة، و إلا ستجد أحدهم قد تطلع إليك بمثل ليرد في ضجر: "الوقت يبعدي، هتزل بأهو ورقة؟؟؟"

\*\*\*

الفترة التي كادت "فتحية" أن تيأس تماما من العثور على أى وظيفة خارج الكباريه، هى نفس تلك الفترة التي كاد نفس اليأس أن يعتلى الأختان ("ريم" و "هبة") لعدم عثورهما حتى الآن على خادمة ترعى أمهما بدلا منهن لتكون لتلك الأخيرات حرية الخروج من البيت في أى وقت و إلى أى مكان.

"فتحية" وجدت الكثير من البيوت التي تحتاج إلى خادمة ولكن المشكلة أن معظم تلك البيوت كان بها رجلا (على الأقل واحد) يطلب إليها التقرب الجنسي بشكل مقزز، و "فتحية" ليست من هذا النوع.

أما "ريم" و "هبة" فكانتا تبحثان عن خادمة "شكلها نضيف" على حد تعبير هبة، فهبة ظاهرية و سطحية بطبعها تحكم على الناس من مظاهرهم، و ظل الوضع على ما هو عليه، حتى وجدت "هبة" و "فتحية" بعضهما، نقطة الالتقاء هذه المرة كانت أحد مكاتب التخليص، و اختارتهما هبة لبراءة



ملاحظتها, فوجئت "فتحية" بـ "هبة" تقترب منها و تسألها عن مدى براعتها في استخدام الحقن, أعلنت فتحية بالتجربة الحية عن براعة لا مثيل لها في استخدام كل أنواع "السرينجات", و هذا طبيعي فـ "دلال" الراقصة كانت مدمنة لحقن الهيروين, لم يمنع الموقع كله "فتحية" من الابتسام لم تتوقع هي نفسها أنها سوف تستخدم في يوم من الأيام تلك المهارة لهدف نبيل مثل العناية بمريض, و اليوم هو يوم "فتحية" الأول في بيت "هبة" و "ريم", طغت على الأخنتين السعادة .. الآن, و الآن فقط سوف تنقذن ما يمكن إنقاذه من الحياة الاجتماعية التي فاتهن جزء كبير منها بسبب مرض أمهما.

اليوم سوف تخرج "ريم" مع "نيفين" و "مارك" و "خالد" وأخيرًا وليس آخراً "نادر" غير المرغوب فيه على الإطلاق "هبة" سوف تجد الفرصة لأول لحضور مناسبة اجتماعية تجمعها مع زملاء العمل, و اليوم سوف تحضر عيد ميلاد ابن "إيهاب عيسوى" في كسارفور, "بصى مش مهمم التنضيف, روقي على أد ما تقدرى وكل حاجة بس المهم متبقاش ماما في أوضة و إنتي في أودة تانية, تخللى بالك منها كويس أوى, لو جاتلها الأزمة دى البخاخة بتاعتها, و لو حصلت أى حاجة اتصلى بيا على طول, ماشى؟" قالتها برفق

لفتحية، قالتها قبل أن تزل هي و تزل ريم، ليصبح البيت فارغا  
تماما لا يحتوى إلا على "فتحية" و المرأة العجوز المريض، جلست  
فتحية، جلست تفكر، تفكر في سيد الذي أبعدته عنها الحياة  
القاسية فجأة تماما كما جمعتهم فجأة،

\*\*\*

نحن لم نتحرر من الاحتلال الأجنبي كما تزعم كتب التاريخ  
الخاصة بوزارة التربية و التعليم، كل الزمن قد تغير، فبالنسبة  
تغيرت معه ملامح كل شيء ليبقى المعنى واحد، الاستقلال الذي  
نحتفل به كل عام هو استقلالنا عن الاحتلال العسكري، نحتفل  
لأن شوارع مصر الآن خالية من الجنود الإنجليز، الاحتلال لم  
يمت، بل تطور، الاحتلال الجديد مكانه داخل عقولنا، كل كلمة  
إنجليزية قفزت بلا سبب في كلامنا، ملابسنا، ثقافتنا، أفلامنا التي  
أصبح معظمها مسروقا من أفلام أمريكية، أغانيها، آهاتنا العربية  
المُغناة على ألحان تركية و أوروبية، المدارس التي نسأى بعزة  
وكبرياء أن ينتسب إليها أبناؤنا إلا إذا احتوى برنامجها على  
الشهادة الأمريكية، بعد كل ذلك ما حاجة المحتلين لبعث جنود  
للسيطرة علينا إذا كنا قد أصبحنا أكثر وفاء لدولتهم من أي  
جندى سوف يعثوه؟؟؟ أدركنا المؤامرة فقط بعد أن أصبحنا  
جزءا منها، فأومأنا برؤوسنا أسفين بعد فوات الأوان، نخفف على  
أنفسنا الشعور بالذنب لأننا لم نكون نتوقع، لم نكون نتوقع أن  
يكون عدونا بهذا الذكاء، لم نكون نتوقع.

أنا-ككاتب- لست سياسيا أو حتى مُثقف بشكل مبالغ فيه  
بطبعي،و إن قابلتني ستجدني أصغر سنا و أتفه بكثير مما  
تتخيل،و لكنني لا أستطيع رغم كل ما سبق أن أمنع كل تلك  
الأفكار الكثيرة من الدوران في ذهني عند كل مرة تلتقي عيني  
مع حرف الـ M الأصفر الشهير الذي اشتهرت به سلسلة  
مطاعم ماكدونالدز المنتشرة،المشكلة ليست فيما وقع من ضرر  
بالفعل للهوية العربية،المشكلة هي الأجيال القادمة،ماكدونالدز  
لم ينجح فقط في إخفاق توقعاتنا بهذا الانتشار،بل إنه يخطط  
للمستقبل،ماكدونالد يحاول أن يثبت نفسه في أذهان  
الأطفال،مرة واحدة أكل فيها طفل في سن أخى الصغير عند  
مطعم فول و فلافل شعبي حقير ليصيبه التسمم و مرة بعدها  
يأكل في ماكدونالد ليأكل بنهم و يجد المكان الذي يلعب فيه  
بعيدا عن الزحام،هاتان تجربتان كفيلتان بإرساخ مفهوم في  
عقل هذا الطفل بأن الأجنبي أفضل إلى أن يُثبت العكس،هنا  
تبدأ عقدة الخواجة و نتوقع الأفضل و الأصح عند ذكر أى  
شئ غربي، أحد أهم أنشطة ماكدونالدز في هذا المجال هو  
تنظيمه الرائع لحفلات أعياد الميلاد،اشتهر بذلك على مستوى  
العالم،و لا يجد المطعم أى صعوبة في وجود أهالى يجذبون أن  
يقيموا حفلات أولادهم أنصاف العرب فيه،كانت زوجة  
إيهاب عيسوى هى إحدى هؤلاء،و بما أن اليوم هو عيد ميلاد  
ابنهما،فلن نجد الزوجة اليوم إلا في فرع ماكدونالد الخاص  
بكارفور سيتي سنتر،الحفلة بسيطة وغير مُكلفة،جلس فيها

زوجة عيسوى و والدته، أحمد شمس، مى، و مروة، بجانب  
الكثير من صديقات زوجة عيسوى، و زملاء ابن عيسوى فى  
الحضانة الأمريكية، كل هؤلاء و عيسوى نفسه لم يحضر بعد  
لسبب غامض،

"جراندا جراندا... هو بابا مش جاى؟" لفظ الطفل بتلك  
العبرة نصف العربية نصف الإنجليزية، فأجابته الأم بملل :  
"بابا جاى دلوقتى"

Go now play with ur friends he's on "  
the way

رحل ابن عيسوى، لتقول الجدة زوجة عيسوى: "هو إنتو ليه  
مبتعودهوش على العربى أول بأول كده"

أجابت الزوجة فى ضجر : "كده أحسن بقى يا طنط" أدارت  
دفة الحديث لتغير الموضوع بسرعة، توجهت تلك المرة بكلامها  
إلى "هبة" التى تجلس الآن وحيدة دون أى معارف : "إيه يا هبة  
أمال مى و أحمد فين؟"

أجابت هبة: "معرفش قاموا مع بعض من شوية"

\*\*\*

استغل "أحمد شمس" و "مى" أول فرصة للاحتلاء بأنفسهما  
بعيدا عن الزحام منذ بداية عيد الميلاد.. كان "أحمد" يتحاشى

اللقاء بها حتى أتى هذا الحفل، جلسا في كافيه "بينوس" في نفس  
المجمع التجارى،

"أنا آسف لو كنت في الفترة الآخرانية دى زعلتك، بس أنا  
بجد أعصابى مش مستحيلة" قالها أحمد قبل أن تردف.

مى في حنان: "لا يا أحمد أنا مش زعلانة، أنا مضايقة من  
الموضوع ده أكثر منك"

استكمل أحمد تبريراته بعصبية أكثر وكأنها لم تقل شيئا:  
"أصلها مش سهلة عليا مهما كان حرقه الأعصاب دى، يلعب  
أبو المحاكم على اللى اخترعها في يوم واحد، يرضى مين ده؟ إن  
أنا أبقي قاعد هنا و ابني بعيد عني في آخر الدنيا؟"

- "هو مش المحامي بتاعك قالك كل حاجة هاتتحل، خلاص  
بقي ماتعملش في نفسك كده.. كل حاجة هتبقى تمام"  
- "ربنا يستر"

قالها واتسعت عيناه فجأة و كأن فكرة ما قد خطرت على  
باله: "و قوللى صحيح لبة إن آسف، أتعصبت عليها أصلى من  
كام يوم"

و قبل أن تستفسر عن الحادثة التى يريد أحمد أن يعتذر  
بسببها، قاطع حديثهما شاب في حوالى الثامنة عشرة من  
عمره، أسمر اللون، ناعم الشعر، إذا أردت الاختصار فإنه يحمل

كل الملامح المحفورة في الأذهان عن الأقباط، وإذا أردت الدقة  
كان ذلك الشاب هو مارك، اقترب منهما ليطلب في أدب: "لو  
سمحت معاك ولاعة؟"

ابتسم أحمد بعد إشعال السيجارة ليردف ساخرًا: "لا شد  
أحمد علشان تولع، إنت شكلك جديد على السجاير و لا إيه؟"  
أجاب "مارك" في حرج غير مفهوم: "معلش بقى أهو  
بنحرب"

تدخلت "مى" في الحديث مع هذا المجهول: "بس أنا متهيأ للى  
التدخين ممنوع هنا" وقبل أن يجيب "مارك" على تعليقات هذان  
الغريبين كان أحمد قد أجاب بدلا منه في وطنية بدت مبالغ  
فيها خاصة مع تلك اللهجة الأبوية التى صعدت في السر على  
لسانه: "مش من حقهم إهم يمنعوا علينا التدخين ما دام إحنا  
إللى بندفع الحساب، ما دام البلد دى بلدنا يبقى من حقنا نعمل  
إللى أحنا عاوزينه، مش كده و لا إيه؟"

أجابه "مارك" بابتسامة مُرتبكة، لم يكن قد فهم حرفا واحدا  
مما قال، شكر ذلك الأخير "أحمد" على السيجارة المُشعلة، ليعود  
إلى مكانه الأصلي في نفس الكافيه، و ليستكمل المناقشة التى  
أجلها بسبب إشعال السيجارة.

كانت إحدى "خروجاته" المنفردة مع نيفين، بمجرد أن جلس  
سألته في قلق: "هو إنت خلاص بقيت مُدمن سجائر؟ أنا كنت  
فاكراها كام يوم و خلاص"

أجاب في اضطراب "أنا ما بشربش سجائر هي كل فين  
وفين يعني، هو أنا باين عليا أوى إني مش متعود على السجائر؟"

لم تحب على سؤاله الغريب بل أردفت في حزن: "معرفش يا  
مارك أحوالك مش عاجباني، النهاردة بالذات إنت تقريبا عامل  
كده من قبل ما نخش الفيلم، أنا مش قادرة أتخيل إن في حاجة  
مضايقك و مش عايز تكلمني فيها"

اشترط مارك: "يعني مش هاتزهقي مني لو كلمتك في  
موضوع يارا تاني؟"

أجابت و هي تحاول أن تتظاهر بالغضب الذوقي: "أنا  
عمري ما هازهق منك يا مارك إيه إللي إنت بتقولوه ده؟"

أوماً مارك برأسه في أسف و هو يعترف لأول مرة في  
حياته: "هو فعلا حاجة غلط إني أثق في يارا، حتى لو هي غلطت  
في حقى أنا مؤمن إن أى شخص ممكن يتغير للأحسن، و جت  
كذا مشكلة من ضمنهم موضوع الصورة بتاعة شرم دى، بس  
أنا قولت لأ"

إزداد اهتمامها و إن كان هذه المرة ممزوجا بالفضول : "إيه  
بقى صحيح موضوع شرم,إللى كل مابتيجوا سيرته بتقلب  
وشوشكوا إنتوا الثلاثة,و بتغيروا الموضوع"

- "فاكرة رحلة شرم إللى عاملناها فى تانية ثانوى؟"

استكملت هى : "إللى إنت مانفعش تروح معاهم فيها  
علشان"

و استكمل هو على إستكمالها السابق: "خالقى كانت لسه  
متوفية,و روجت لغيت الحجز بس يارا كانت  
أولريدى(خلاص) حجرت"

قاطعته فى عجلة : "أيوة أنا عارفة الرحلة,إيه إللى حصل  
بقى"

--- "يارا كانت طبعت معاهم من غيرى و إللى حصل إن أنا  
الوحيد إللى كان عندى رايتير (ناسخ إسطوانات) فى  
البيت,فخالد كلمنى على الموبايل وهما جايين,فاتفقنا إنه  
هايدينى الكاميرا أول ما يوصل علشان أخذها و أنزله الصور  
على سيديهاية,و أنا بتزل الصور لقيت صورة ليارا و هى  
بتبوس خالده"

\*\*\*

على عكس ظنون و توقعات الحبيين القديمين "محمود  
الكفراوى"(أخي شريف الأكبر) و"ليلى هانم الكفراوى"ابنة



عمه لم يعد جيهما سرا، ليس بعد الآن، ليس بعد أن عرف شريف من أحيهم الثالث صبحى كل شىء، و جيهما ليس ذنبا، على الأقل ليست من وجهة نظرهما، وقعا فى الحب عندما كانا فى الكلية، أجلا زواجهما حفاظا على العائلة، و مع الوقت تحول التأجيل إلى إلغاء، رغم إنه قد تزوج ورغم موت زوجته إلا إنه لم يحزن لفراق تلك الأخيرة، فلم ير نفسه محبا صادقا إلا مع "ليلى كفراوى"، بعد كل تلك المنحنيات المتغيرة، كان لابد أيضا أن يتغير جيهما مع الزمن، لقد كاد الاثنان أن يلغا من السن أرزله، نُزعت الرغبة الجنسية من كل منهما، فلم يعد باقيا لديهم إلا الحب العُذرى، ظلا طوال تلك السنين يتقابلان فى أماكن عديدة يتبادلان الشكوى من أحوال الحياة التى تسوء يوما بعد يوم، هذه المرة عندما تقابلا فى نادى سيورتنج كان موضوعهما الأساسى هى تلك القضية التى يصر شريف على رفعها، غمغم "محمود" فى هم اشتهر به كبار السن: "ما هو الواد ده كده، طول عمره دماغه ناشفة". و شريف الذى يتكلم عنه محمود ليس بعيدا عنهما، كان واقفا وراءهما يتأكد من خبر ارتباطهما، فجأة قفز أمامهما دون إنذار أو تنبيه مُسبق ليهدف فى سخرية غاضبة: "تحبوا أجليكو اتنين ليمسون؟ لأ حقيقى يعنى؟" .. قالها بشكل طفولى يكاد يصل إلى الطرفاة لولا الكتابة المُحيطة بالمشهد.

هتفت ليلي في دهشة: "شريف إنت بتعمل إيه هنا؟"  
لم يجيب عن سؤالها بل أردف في غضب: "أنا حمار بقرنين  
إني كنت فاكرك أخويا الكبير و عاملك اعتبار"  
صرخ محمود بعصبية تفوق عصبية أخيه الأصغر: "احترم  
نفسك يا شريف"

استكمل شريف عرضه المسرحي: "طب ليه بس كده يا  
محمود ؟ إنت ناسى هما عملوا فينا إيه؟ و مش خايف"  
قاطععه محمود: "خايف ؟ خايف من مين هو أنا عيل صغير؟  
إنت فاكرك نفسك ماسك عليا زلة ولا إيه ؟ على العموم كويس  
إنك عرفت, على الأقل دلوقتى عرفت لو القضية دى اترفعت أنا  
هاقف فى صف مين"

هنا تدخلت ليلي لتضيف فى حكمة مطلوبة: "مفيش داعى  
للكلام ده يا محمود"

أصر محمود و قد أعماه الغضب: لأ فيه داعى.

أردف شريف ساخرا: "خلاص ماشى هايل" ثم استكمل  
بغضب: "أنا مش هارفع القضية, عارف ليه؟ علشان أنا أخلاقى  
أحسن منك و مرضاش إني أقف فى محكمة قصاص أخويا, بس  
غير كده إنت و لا أخويا و لا أعرفك ولا عايز أشوفك تانى"

قالها شريف ثم رحل عن المكان, كادت "ليلي" أن تلحق به  
لتهدئته لولا أن منعها محمود قائلا: "سيبيه, أكيد هايجيلو وقت  
ويفهم أن العيلة دي ملهاش مستقبل غير لو حطت إيديها في  
إيد بعض"

\*\*\*

حققت "نيفين" الرقم القياسي في طول المدة الزمنية التي  
تتمكن الدهشة من السيطرة على الناس فيها إثر خبر واحد.

"متبرقيش أوى كده, طلع في الآخر إن الصورة دي في  
جراند كافيه و إهم كانوا سكرانين و بتاع, أقعدت أنا و خالد  
نتخايق على الحوار ده كثير, و بعديها نادر دخل علشان يهدي  
الموضوع و كده, خلصت إن إحنا قولنا إن صحوية البنات  
بتروح و تيجي بس إحنا إल्ली هنفضل مع بعض, مش هنخسر  
بعض بسبب حاجة زى دي, و خالد قعد يقوللي إنت بس  
عارف تسيطر على نفسك علشان الموضوع لسه حاصل بس  
إنت كمان كام شهر هاتضحك على حاجة زى دي, عدت  
ستين مش عارف ليه لسه مش عارف أضحك" أردفت نيفين و  
قد نسيت أن تستغنى عن اتساع عينيها: "مارك خللي بالك إنت  
بتقول إيه, خالد و نادر سكرانين و أقولك ماشي لكن واحدة  
زى يارا علشان تبقى سكرانة لدرجة إن هي ماتبقاش مجمعة  
هي بتعمل إيه صعب أوى"

أجاب مارك ساخرا و قد غطت شفتيه ابتسامة جريئة: "آه  
يعني إنتي إल्ली دلوقتي بقيتي تفهمي في الكيف و السطلان أوى  
يعني"

عاد بنيرة حديثه إلى شعور ممزوج ما بين الملل  
والخيرة: "مش عارف، عمرى ما حسيت إن يارا إल्ली خالد  
ونادر بيتكلموا عليها دى هى نفسها يارا إल्ली أنا أعرفها.. أنا  
عارف إن هو مابيحوروش و لا بيوقعوا و كل حاجة، بص  
برضه أنا طول عمرى من أول خمس دقائق مع أى حد بفهم  
شخصيته، ما بالك واحدة أنا معاها ليل لمار"

أجابته نيفين في اهتمام: "أنا مش قادرة أتخيل نفسى بقولك  
الكلام ده.. بس تحب أكلمهالك تاني؟ لو ده هيربحك"

\*\*\*

"إيه ده هو عيسوى لسه مجاش؟"

كانت تلك هى أول جملة صدرت عن "أحمد" منذ أن عاد هو  
و"مى" إلى عيد الميلاد،

غمغمت الزوجة في حرج: "أنا اتصلت بيه زمانه جاي في  
السكة دلوقتي"

لم تكذ أن تنهى جملة حتى وصل "عيسوى" بالفعل إلى  
الحفل، رفع يديه فوق رأسه في تعبير يشبه تكبيرة الصلاة ليسلم

على كل الجالسين بحركة واحدة مُعتذرا: "معلش يا جماعة  
اتأخرت شوية، كنت في التدريب، عاملة إيه يا مِى إزيك؟"

\*\*\*

مر الكثير من الوقت، أوشك الليل على منتصفه، ثلاث  
ساعات كاملة قضاها المدعرون بلا أى شىء يشغلهم، محور  
الاهتمام الأساسى و الوحيد هو الطفل، انطوى أحمد شمس بعيدا  
و ظل يراقب الجميع و هم يحيطون بالطفل و ينقلون إليه  
فرحتهم، ظل نظره متعلقا بالمشهد، لم يكن كلامهم واضحا  
بالنسبة إليه، و كأن موسيقى حزينة قد غطت على تلك الصورة  
في عقله، لسبب ما تذكر ابنه "على"، فبالطبع لم تمر دقائق إضافية  
قبل أن يهمس في آذن "مِى": "بقولك إيه أنا مش قادر أقعد أكثر  
من كده هموت و أنا،م، تيجى أوصلك معايا؟"

- "طب ناخذ هبة معانا، أنا كنت المفروض هاوصلها"

أجاب في سخط: "يا دى هبة! إلسى طالعالي في كل  
حاجة، هاتيها ماشى"

\*\*\*

كان الحديث التالى هو إحدى الهمسات الجانبية في عيد  
الميلاد، اقترب "إيهاب عيسوى" من زوجته ليوضح شيئا ما قد

تذكره: "آه صحيح كنت عايز أقولك بكرة متعملش غدا، أنا هاتغدى فى النادى مع حسام، مش هاجى غير بالليل"  
أجابته الزوجة فى غضب: "حسام مين؟"  
تملكته الدهشة: "حسام مين؟ حسام الولد إالى بدره"  
- "إيهاب مش ملاحظ إن"

قاطع حديث الزوجة دون قصد أحمد شمس عندما وقف هو و مى و اقترب من الاثنين ليعتذر: "معلش بقى يا عيسوى هنروح بقى إحنا دلوقتي"  
رسم عيسوى على وجهه ملامح الانزعاج "ليه ؟ ما تخليكو قاعدين!"

أردف أحمد: "يا دوبك أنا بكرة مفروض أعمل الباك أب" بتاع" السيستم" كله، حاجة كده بنت كلب مفروض أناملها بدرى"

غمغم عيسوى مُبتسما: "خلاص خلاص ماشى، مع السلامة"  
أردفت هبة فى مرح: "قول لطارق كل سنة و هو طيب بقى"

بدت الدهشة على وجه عيسوى و هو يسألها: "إيه ده ؟ هو إنتي كمان مروحة معاهم؟"

\*\*\*

أحمد شمس لا يحتاج إلى صحبة هبة غير المرغوبة لتكتمل أحزانه، بداخل ذهنه كوايس كافية لإيقاظه لسنين قادمة، يكفى بعده عن ابنه، وجد منفذ من كل ذلك في الارتياح الذى يعسم بمجرد بدء حديثه مع مى، لم تكن تلك أول مرة يحاول أحمد أن يفرد بـ"مى" ليشكى إليها أحزانه فتقفز "هبة" بلا دعوة و تفسد كل شىء،،الآن هو واقف مع مى و هبة خارج المجموع التجارى، يلعن سرا اليوم الذى ظهرت فيه "هبة" فى مكان عمله، وكأى لقاء يجمع الثلاثة يجب أن يسيطر على الحديث نفس الموضوع المكرر و الممل "لماذا لا يتذكرا بعضهما؟"، هتفت "هبة" فى وجه أحمد: "إيه ده! ثانية واحدة أنا افكرتك على فكرة، أنا مش قادرة أصدق إنك مش فاكركى"

أجابه بقرف: "خلاص متصدقيش، أنا فعلا مش فاكرك، حاولت أفتكرك معرفتش.. رمقته" مى "بنظرة غاضبة بعد تلك الجملة الأخيرة.. أردفت "هبة" فى فرحة غير مفهومة بالمرة: "كنت عارفك من العجمى"

ابتسم أحمد إبتسامة صفراء: "بيجد والله؟"

استكملت هبة: "آه كنت ساكن إنت عند كنتاكى كده"

أضافت "مى" فى لهجة احتفالية: "هو كان عندهم فيلا هناك فعلا يبقى افكرتيه بجد" ثم التفتت لأحمد لتسأله: "إنت إزاي يا أحمد مش فاكرك؟"

أجاب و هو يحاول الحفاظ على هدوئه: "معرفش يا جماعة  
مش فاكرو خلاص"

استكملت هبة: "ده أنت حتى كنت كتبتلى جواب"

سألتهامى فى دهشة: "جواب؟"

زادت سخرية هبة: "آه جواب غرامى و بتاع ! كنا اتخانقنا  
وكده قام كتبتلى جواب" قالتها لتعيد على مسامعه نفس  
السؤال الأزلى ذو الإجابة الواحدة: "إنت يجد يا أحمد مش  
فاكر؟" .. و بدون سابق إنذار تحول رفض أحمد للموضوع إلى  
صراخ غاشم: "لأ مش فاكرو.. أنا مش فاكرك و مشوفتكيش  
قبل كده, إيه الغريب يعنى؟ إيه الصعب فى إالى أنا بقولوه .."

وصل صياحه بوضوح إلى مسامع العشرات من الشباب  
المتسكعين خارج كارفور, لم تكذب ابتسامات الفتيات تتلاشى إثر  
سلوكه المفاجيء, حتى سمع الثلاثة أحد الشباب الذين اتخذوا  
باب الـ "الموول" مكانا للخروج: "خلاص بقى الراجل مش  
فاكرك" قالها فانفجر أصدقاؤه من الضحك, أستلم صديق آخر  
منه راية التحرش اللفظى: "طب تعالى كده أنا بشبهه عليكى  
أصلى" و ازداد ضحكهم.

نظر إليهم "أحمد" و قد تسلفت ملامح الغضب وجهه لكى  
يرز بشدة عرق فى منتصف جبينه اشتهر به حين



غضبه, حاولت "مى" أن تهدئه بحمل و عبارات من نوعية "سيك  
منهم يا أحمد دول عيال هابلة"

\*\*\*

لم تكن مجموعة الشباب هذه إلا أعضاء الفرقة الموسيقية

**Born in hell**

التي يتزعمها نادر منذ أكثر من سنتين, اشتهر أعضاء الفرقة  
بإثارة المشاكل في كل مكان يذهبون إليه,

\*\*\*

حاولت "مى" أن تهدأ أحمد ولكن على غير هواها, لم يصل  
من عباراتها الأمومية حرف واحد إلى مسامع "أحمد" الذي سيطر  
اللون الأحمر على وجهه, اقترب من مجموعة الشباب ليقف في  
وسطهم و يقول بهدوء: "إيه يا كباتن في إيه؟ مش عيب برضه"

هتف أحدهم ساخرا: الله ده بيتكلم!!

فاستكمل الآخر الدعاية: "أقلبه على وشه يمكن يقول ماما  
ولا حاجة"

انتظر أحمد حتى ينتهى ضحكهم ليردف بضجر  
تحذيرى: "طب ليه القلش ده بس؟ هاتخلينى آخد على خطرى  
منك بعدين"

هتف أحدهم: "تاخذ على خاطرك؟ لا يا حبيبي خذ مايهمكش.. تحب حضرتك تخذه هنا و لا تروح بيه تاخذه تيك أوای؟"

ابتسم احمد من باب المُجاملة و التهكم في آن واحد: "هاهاها لا لا مش ممكن، إيه اللذاذة دى؟"  
تلاشت ابتسامة أحدهم لتحتل مكانها ملامح القرف:  
"شوفت إزاي بقى"

أجاب أحمد ساخرا: لا شوفت يا حبيبي شوفت،  
قالها أحمد ليأخذ سيجارة من يده دون إستأذان و هو يضيف: "هات بقى السيجارة دى علشان محدش يتلسع بس"  
أخذ أحمد نفسا مُعلا و بطيئا من سيجارة الشاب ليغمغم في ارتياح عجيب: "لأ بس إنتوا شباب زى الفل والله العظيم."  
- "ربنا يخليك"

أضاف أحمد و هو يأخذ نفسا آخر: "لأ حقيقى يعنى، شوف الواحد مبطل سجائر بقاله قد إيه ."

قاطعه أحدهم، كانوا قد شعروا بالغرابة من سلوكه الذى لا يُحسب سلما أو حربا: "طب إنت جاي تقول حاجة ولا تعمل حاجة يعنى في يومك ده ولا إيه نظامك؟"

أوما أحمد برأسه مُتفهما: ثانية واحدة أسحب آخر نفس  
بس، و بعد كده تتخافق"

قالها أحمد و هو يسحب ذلك النفس الأخير و يرمى  
السيجارة داخل تى شيرت الأول.

ثم يلكم الثانى بقبضته و يضرب الثالث ما بين رجليه.

هذا كله قبل أن يأتى نادر الذى لم يكن واقفا معهم ليهتف  
مهدئا: "خلاص خلاص إحنا أسفين"

نظر إليه "أحمد" و هو يلتقط أنفاسه قبل أن يهتف بغضب  
ليرحل بعدها عن المكان: "و لما إنتو مش قد المزاولة، بتزاولوها  
ليه؟ ده إنتو جيل ابن وسخة مجابش راجل صحيح"

\*\*\*

"مشكلة الجيل ده هو التسرع، و إنسه عايز يظهر  
و خلاص، لازم الولاد إللى عندهم تمتاشر و تسعتاشر سنة  
يتعلموا إنهم يقعدوا مع الأجيال إللى أكبر منهم علشان يتعلموا  
من خبرتهم .."

كانت تلك واحدة من مجموعة ضخمة من حمل بنفس  
النوعية لم يكف "إيهاب" عن إصدارها منذ أن وصل هو  
وزوجته إلى بيتهما بعد انتهاء عيد الميلاد، استكمل رغم عدم

اهتمامها لما تقوله "يعنى مثلا حسام ده, بيلعب حل أوى له  
مستقبل فعلا بس ما بيعرفش يتقبل النقد من أى حد عارفة لو"

قاطعت الزوجة حماسته الزائدة بشأن موضوع  
تدريب "حسام" ككل: "مش ملاحظ إنك مدّى للواد إالى اسمه  
حسام ده اهتمام زيادة عن اللزوم؟ مش ملاحظ إن ابنك أولى  
بالاهتمام ده منك؟"

لم يجد "إيهاب عيسوى" أى رد مقنع يستعين به لتكوين  
إجابة منطقية للسؤال الذى لم يتوقعه,

\*\*\*

آخر ما كان "نادر" ينتظره بعد نجاح محاولته فى إخراج أعضاء  
فرقة الموسيقى من الورطة التى أوقعوا أنفسهم فيها مع أحمد  
شمس, هو السخط غير المفهوم الصادر من أعضاء الفرقة, هتف  
أحدهم فى غضب: "هو إنت إيه إالى دخلك فى الحوار ده من  
الأول!"

أجاب نادر: "أمال عايزنى كنت أعمل إيه؟ أسيكم تقعوا فى  
المشاكل و أعمل نفسى مش شايف؟"

فهتف الآخر (و كان هذا الآخر يُسمى أحمد على): "ما  
تسيينا يا أخى فى حالنا, ماتسيينا نعمل إالى إحنا عايزينوه, هو  
حد فينا كان عيّك تمشينا كلنا على دماغ أهلك"

و كانت تلك هى أول مؤشرات فشل فرقة Born In Hell  
كان هذا هو بداية الانقسام.

\*\*\*

مرت الأسابيع ليأتى اليوم المُنتظر, اليوم هو الموعد المحدد  
للاحتفال بمهرجان الكيرماس السنوى, و هو مهرجان ترفيهى  
يُعقد كل عام لصالح القضايا الخيرية, هُنا تتجمع الطبقة  
الوسطى لكى يأكل الفقراء, الكل موجود, الجميع هُنا, انظر  
حولك و سوف تجد معظم من تعرفهم فى الإسكندرية, هناك  
المشاهير, الكثير منهم, ستجد المطرب مصطفى قمر, قد تتعثر  
دون قصد فى وسط الزحام لتضطدم بإحدى أعضاء فرقة واما  
الشهيرة, ستعرف لأول مرة بأحد معالم الإسكندرية السياحية :  
شاب يُسمى "برازيلى" قد حقق الرقم القياسى فى المدة القصوى  
لعدم التعامل مع أى حلاق لتصل قمة شعره الحشن إلى السقف  
حتى لو وقف فى مكان مفتوح و ليصبح مُشاهما للغاية  
لشخصية "هيثم" فى مُسلسل "تامر و شوقية", كما أن هناك من  
الأناس العاديين من لم يحصلوا على أى نصيب من الشهرة  
الإعلامية, ستجد البارودى و هانى مع أصدقائهم الجدد, نادر  
وخالد و نيفين, ستجد يارا, ستجد أحمد شمس و إيهاب عيسوى  
و هبة و مى, فقلما ينسى خريجو المدارس الفرنسية حضور ذلك

المهرجان الذى يُعيد إلى أذهانهم قديم الذكريات، إن سألت أيسا من هؤلاء عن سبب وجوده هنا فسيجيب بأنه أتى باحثا عن المرح و لم الشمل مع أصدقائه القدماء، و لكن هل يُعد هذا هو السبب الحقيقى؟ بالطبع لا، لكل منهم أهداف خاصة و أجندة سرية أتى هنا لتحقيقها، مُصطفى قمر قد أتى لأحياء الحفل دون أن يُطلب منه أى شخص ذلك فى محاولة يائسة لدفع مبيعات شريطه الجديد و الذى بدأت عملية توزيعه فى الإسكندرية منذ أيام دون أى رد فعل من الجمهور، برازىلى ترك التحضير للامتحانات و نزل من بيته خصيصا ليقضى بشكل فئائى على إشاعة مُغرضة و حقيرة مُفادها أنه قد نوى تقصير شعره ليصبح شكله مُشاهبا لبقية البشر العاديين الذين يسكنون كوكب الأرض (!)، حتى غير المشاهير كانت لهم أهدافهم غير المُعلنة، أحمد شمس أتى مع مى ليفاتحها بنوايا الارتباط بها، لسبب غير مفهوم عندما سمعت "هبة" بذلك جمعت الكثير من زملاء العمل بما فيهم إيهاب عيسوى لإفساد فرصة أحمد شمس، يارا أتت لأنها أرادت أن توضح لخالد أنها لن تنكسر لفراقه، أردت أن يراها و هى تضحك و تستمتع بوقتها دون الحاجة إليه، محمد البارودى أتى ليوثق صداقته مع أصدقائه الجدد، هانى قد أتى ليحرص على فشل محمد فى ذلك، نادر لم يكن من زوار المهرجان بل كان من المشاركين فى الحدث، كان واقفا عند

أحد الأكشاك يحاول جذب الناس لتجربة لعبة التنشيط، الكاريتاس شارك هذا العام بعدد أكبر من الأكشاك ليجد نادر أن الكشك الذى وقفت فيه "رم" يقع بجانبه تماما، من الواضح أن نادر قد أتى خصيصا ليراها، أما نيفين فقد أتت من أجل يارا، فى آخر لقاء ما بين نيفين و مارك ازداد إلحاح ذلك الأخير عليها لمساعدته فى الرجوع إلى يارا، وعدته بأنها ستكلمها فى أقرب فرصة، و كان هذا المهرجان هو أقرب فرصة،

ظلت نيفين تراقب يارا لساعات عدة فى انتظار الوقت المناسب للحديث معها، ببعض التشجيع من مارك قررت أن تقترب منها دون أى مناسبة، و يا ليتها ما اقتربت، "و هى دى حاجة تنسى أساسا ؟!، إشمعنى أنا كل سنة بفتكر عيد ميلاده يعنى؟"

قالتها يارا و قد تمكن منها الغضب بشدة، نعم هذا صحيح، السبب الذى اتخذته "يارا" للافتراق عن "مارك" كل تلك الفترة هو تخلفه عن حضور حفلة عيد ميلادها (١)، فكان من الطبيعى أن تجيب "نيفين" فى رد واضح: "أنا أول مرة أسمع عن بنت تفر كرش مع حد علشان نسي عيد ميلادها، سورى يا يارا إننى كده بتلككى يعنى"

أجاب تلك الأخيرة في برود: "و هاتلكك ليه مانا لو عايزة  
أخلع من الموضوع ده من غير سبب, هاخلع من غير سبب"

- "ما هو أصله سبب مش مقنع خالص يعنى"

- "محادش طلب منك إنك تقتنعى على فكرة, و بعدين دى  
مش الحاجة الوحيدة, فى حاجات كتير أوى بيعملها أنا  
ماينفعش أحكيها لك"

- "عملك إيه يعنى؟ ما هو مهما عمل مش هيقى زى إالى  
إننى بتعمله فيه و هو يفوتك و بيعمل نفسه مشافش  
حاجة"

رغم إن يارا إى أكثر المنافقين مهارة إلا إنها هى نفسها لم  
تكن تحب أن تستمع إلى تلك الجمل التى تقول شيئا لتعنى شيئا  
آخر, فازداد غضبها: "بجد و الله؟ زى إيه طيب, فكسرينى كده  
يمكن أنا مش واحدة بالى و لا حاجة"

- "كفاية أوى حوار شرم"

قالتها نيفين قبل أن تعقد يديها أمام صدرها و كأنها تنشفى  
فى محدثتها.

أردفت أو بمعنى أصح صرخت: "شرم؟ الموضوع ده قرب  
يعدى عليه سنتين!, إننى جاية تصلحى المشكلة ولا توقعى ما  
بيننا؟!"



"إننى إالى قولتلى هاتلى مثل، قومت قولتلك مثل، اصلك  
حسستى بكلامك إنك ملاك مثلاً، وإن يا عبنى مارك هو إالى  
ظالمك و بتاع"

سألها يارا على سبيل التأكد لى أكثر: "جاية توقعى  
يعنى؟"

- "مش عارفة، شوفى إننى بقى، أنا السبب الوحيد إالى  
خلانى آجى و أكلمك إن مارك قعد يتحايل عليا علشان أعمل  
كده"

- "و لو مكانش اتحايل ؟ كنت هاتعملى إيه إن شاء الله ؟  
كان صوتهن قد ارتفع بشكل نسي رغم حساسية  
الموضوع،

- "مش عارفة كنت هاعمل إيه بالضبط، بس مهما كان  
إالى كنت هاعملوا، أكيد، أكيد مكنتش هاجى و أقف معاكى  
و أقولك الكلام ده"

و بعد أن تحولت المناقشة إلى حدث إعلامى، أصبح الانتصار  
هدف غير مقبول التنازل عنه، لى أمام ذلك الحشد من  
الناس، فاستكملت "يارا" بذكاء تُحسد عليه: "روحى بلغيه  
وقوليلوه يشوفله واحدة تانية لو هو شايف إنه أنصف منى ولا  
حاجة، و هى فرصة تظبطيه"

حل الاندهاش محل الغضب عند نيفين و هي تسأل في حيرة  
و حذر: "أضبطه إزاي يعني؟"

- "إيه ده يا نيفين مش معقولة مش عارفة معنى إيه  
تظبطيه؟ المفروض تبتدى تخرجى مع بنات فى سنك مش معقولة  
كده، تظبطيه معنى تصاحبيه معنى تخليه يعبر أهلك من الآخر"

كل ما قيل بعدها لم يصل إلى آذان "نيفين"، كل ما حدث  
وأتى بعد ذلك لم يعد مهما، فالرصااص الحديد لن يقتل رجلا  
قد مات مُسبقا، فلقد وصلت نيفين إلى قمة حزنهما بالفعل لا  
شئ فى العالم يمكن أن يخفف من حادثة إخراجها أمام جمع  
غير قليل من الناس، رغم كل ذلك استكملت "يسارا" عرضها  
المسرحى: "إيه مالك بتبصلى كده ليه؟ هو إنتى فاكدة كل ده  
إنى مش حاسة ولا إيه؟ ولا مش شايفاكى و أنتى عمالة  
تتلزقى فيه و هو مش معبرك، إنتى صعبانة عليا أوى على  
فكرة، أنا مشوفتش بنت بترخص نفسها زيك كده"

لم تسنح ليارا الفرصة لكى تستكمل كلامها، كانت نيفين  
قد شقت طريقها وسط الناس و هى تجرى هاربة من الموقف  
تختفى قبل أن يرى أى شخص دموعها، لم يكن "مارك" قد أتى  
إلى الكيرماس لكى يرى هذه الحادثة فيشارك فيها سواء  
بالسلب و أو بالإيجاب، كان لهذا المشهد متفرجان أساسان

آخرين هذه المرة "محمد البارودي" الذي ظل يدرس ذكاء يسارا الاجتماعى و قدرتها على قلب موازين المناقشات و لباس الباطل بالحق، أما المتفرج الثانى فكان "نادر" الذى رغم كونه بعيدا عن الحادثة إلا إن بصره قد وقع على "نيفين" و هى تتعد عن الزحام.

\*\*\*

استغلالا للفرص التى أتاحتها الظروف قرر "نادر" مساعدة زميلة "ريم" فى الكشف المجاور، من سبيل التعرف أكثر بريم نفسها، و لكن هذا لم يحدث، فكانت لدى "ريم" خطة مضادة تتكون من وجه غاضب و أعين لا تقع عليه و لسانها الذى لا يتحدث معه، كان قد سئم من الحديث إلى زميلتها القبيحة بدلا منها فقرر المخاطرة، و توجيه الكلام إليها بغض النظر عن العواقب "على فكرة شوفتك فى هاندز يسوم الحفلة بتاعتي، مسمعتيش كلامي و جيتي برضه"

لم تجد ريم ما تحيب به حتى لو أرادت فهى لسبب أو بآخر كانت هناك بالفعل مع صديقات لها.

استكمل هو فى نشوة إنتصار: "طب المرة إلیى جاية ييقى هاتى غمرت كلمنى قبلها أخليهم يقعدوكوا فى مكان أحسن"

هنا أجابت في عصبية مندهشة من وقاحتها : "إنت عايزين  
أدبك غمرتى؟"

هز نادر كتفيه و مط شفتيه في لا مبالاة: "آه إيه المشكلة"  
وضعت يديها حول وسطها و هى تسأله غاضبة : "ليه بقى  
إن شاء الله؟"

أجاب بنفس البرود: و ليه لأ؟.

- "بص يا نادر من الآخر كده أنا كل ده ساكتالك عشان  
إنت صاحب خالد بس والله العظيم لو ما اتلميت"

كان من الطبيعى أن يكون رد فعل نادر القادم في نفس  
درجة الاستفزاز التى كانت عليها كل عباراته السابقة، أو على  
الأقل كان هذا هو المتوقع، لكنه لم يفعل لم يرد بل لم يعر إنتباها  
من الأساس، أراد أن يفعل بالطبع و لكنه فوجئ بحدث أهم  
أولى بأهتمامه، فوجئ بـ "نيفين" تجرى و هى تخفى دموعها"

كانت ريم مازالت تصيح في وجهه، جرى و ترك تلك  
الأخيرة وكأنها مجنونة تكلم نفسها غاضبة لسبب لا يعنيه فما  
كان منها إلا أن تهتف في استكثار: "إيه ده هو أنا مش  
بكلمك؟!"

لم يسمع تلك العبارة الأخيرة كان قد رحل بالفعل، كان قد  
ابتعد عن الزحام الذى ينتمى للجميع إليه،

لاحظ هاني متأخرا وجود يارا في المهرجان , لم يتوقف للتفكير في سبب الزحام المحيط بها, لقد اعتاد أن يراها دائما في وسط هالة بشرية من المعجبين, إقترب منها مُبتسماً, لم يكذب أن يسألها عن شيء أو شيئين لكي تسأله هي : "هو مين ده؟" قالتها وهي تشير إلى شخص ما في الساحة المجاورة , لم يفهم قصدها في البداية ليكتشف فيما بعد أنها تقصد بسؤالها محمد البارودي الواقف بعيد نسبيا عنهم , سألها هو في قرف وانزعاج: "و هو إنتي تعرفيه منين؟"

- "يوم ما قابلتك في المصريين و أداني موبيله أتكلم منه"

أردف في صرامة هادئة "ملكيش دعوة بالواد ده يا يارا"

- "ليه؟"

- "علشان وسخ"

- "وسخ بيعمل إيه يعني؟"

- "كل حاجة ممكن تتخليها"

استفسرت بلهجة سادت عليها السخرية "حاجة أنا مكونش باعملها مثلا؟!"

ازدادت صرامته "بصى أنا بقولك كده علشان مصلحتك, لو عايزة تتعرفي عليه اتعرفي عليه بعيد عني أنا مليش دعوة"

\*\*\*

كان أحمد شمس قد قضى الكثير من وقته محاولا العثور على الطريقة المثلى ليفاتح "مى" في رغبته بالارتباط الرسمي بها، فكر في مطعم رومانسى في "المنتزه"، ثم فكر في فيلم رومانسى يكشف بعده عما في قلبه، فكر و فكر وفكر، ثم توصل أخيرا إلى فكرة غريبة للغاية، قرر لسبب ما أن يفتحها أثناء إحتفال الكيرماس الذى يقام في مدرسته القديمة في نفس المكان الذى شهد مراهقته و بداية رحلته عن المرأة المناسبة.. الرحلة التى انتهت بالعثور على مى نفسها، و كأنه يحاول أن يثبت لجدران المدرسة العتيقة شيئا ما، و بالفعل إستعان بمكانته كقائد سابق في حركة الكاريتاس **Mouvment du Caritasse** ليعثر على تذكرتين لحضور الكيرماس، وكالعادة وقفت "هبة" في طريقه، كانت في الشركة عندما سمعته يشكر شخص ما هاتفيا على التذاكر فسألته بصوت عال إذا كان يستطيع أن يجلب المزيد من التذاكر لها للآخرين، ليتحول الكيرماس في غصون ثوان إلى حدث دعوته عامة لكل العاملين في الشركة، و ليسأتى اليوم ليحد نفسه وسط جميع زملائه، فهل سيطرح السؤال؟ لم يعرف معنى كلمة "الاستسلام" على أى حال، هو شخص مرن للغاية لم تمنعه تغير الظروف قط من الوصول إلى هدفه بل كانت تغير طريقة الوصول ليس أكثر، لم يحاول حتى أن يتعد هبة عن الجميع ليفاتحها، بل فاتحها في الموضوع على م رأى ومسمع من الجميع، صحيح أنه لم يقترح الارتباط الأبدى بشكل مباشر إنما عندما يكون الحب متبادلا يصبح التلميح

كافيا, أكثر من كاف ,ارتبكت"مى"بالطبع استأذنت الجميع,  
سحبت معها صديققتها"هبة"و ابتعدتا عن الزحام, دخلا فى أول  
حجرة خالية, كانت عبارة عن فصل مظلم غير مستخدم,  
مكان مناسب للغاية للاختلاء بالنفس,نفس الغرض الذى  
إستخدمته"نيفين", لقد أتت هنا لتبكي دون شهود على الدمع,  
لم يدركن"هبة"و"مى"وجودها أثناء دخولهن,و ساعدهن على  
ذلك ظلام المكان, كثرة الضوضاء فيه و انشغالهن بموضوع  
مهم, دخلن فأغلقت"هبة"الباب لتسأل صديققتها المرتبكة فى  
انزعاج. "إيه يا بنتى مالك فى إيه؟ جريتي فجأة كده ليه؟ مش  
وقت هطل خالص على فكرة"

سألتها مى فى فرحة قلقة:"هو على كان عايز يقوللى إيه  
بالظبط؟ هو كان يلمح لإيه؟هو ناوى يطلب إيدى؟"  
هبة (بعصبية)"طب ماتروحي زى الناس العاقلة كده و إنتي  
تعرفى!"

- "أحلفك بأعلى حاجة عندك قوللى,هو يقصد إللى أنا  
فاكرة إن هو عايزه"  
- "أيوة"

ازدادت لفة مى:"أيوة إيه؟أيوة إيه؟"

لم تمنع هبة نفسها عن الابتسام و هى تؤكد:"أيوة عايز  
يتقدملك,هو بس مستنى قضية ابنه تخلص,خلاص ارتحى؟"

كانت "نيفين" تراقب من آخر الحجرة الحوار السابق، كانت آخر ما تحتاجه الآن هو رؤيتها لأخريات قد نجحن في الوصول إلى ما حاولت طوال عمرها أن تصل إليه هي، انتظرت نيفين حتى خرجن الفتاتين الغامضتين، وحتى انخفض صوتهن تدريجياً مع ابتعادهن، لتدفن رأسها بين يديها لتبدأ نوبة جديدة من البكاء، لم تكذب تفعل حتى شعرت بيد على كتفها، استدارت من الفرع لتفاجأ بنادر.. فلم تجد من نفسها إلا أن تقوم و تحضنه وتبكي.

- "خلاص خلاص مفيش حاجة تستاهل"

قالها هو في حنان و يرتب على ظهرها، حاولت أن تتردد دموعها "إنت مش عارف هي قالتلي إيه"

أجاب مهونا: "ما سمعتهاش بس متخيل، دى شخصية وسخة"

"أنا إيه إल्ली جابني النهاردة، إيه إल्ली خلاص أكلتها؟"

"إल्ली خلاص تكلمها إنك بتحبي مارك يا نيفين، بيني وبينك مارك يستاهل"

"مممكن تكون يارا عندها حق ممكن أكون فعلا برمي نفسي عليه، ممكن يا"

قاطعها نادر: "ششش مارك محتاجك إنتي، و مفيش بنت هتفهموه زيك"



- "إنت شايف كده؟"

- أى أعمى يقدر يشوف حاجة زى دى.

- : آمال هو ليه,

نادر (يقاطعها): علشان حمار, مش عارف مصلحته فين.

إبتسمت نيفين إبتسامة مجروحة لبتسم نادر بدوره  
وليقترح.

"تحبى تروحي دلوقتي"

"آه كفاية كده بقى, أنا مش قادرة أقعد هنا أكثر من كده"

- "طب تعالى هو صلك"

"إيه يعنى هتسيب الكيرماس كده و تمشى عادى؟!!"

أجاب ساخرا: "كده كده كل الناس إल्ली فى الكيرفايون  
بيتلككوا علشان يطردوني منها, فمجاتش على دى يعنى"

كان مشهدا مؤثرا بالفعل رغم إنه لم يحظى إلا بمشاهد  
واحد : ريم التى تركت كل شىء لتراقب "نادر", فجأة وجدت  
فيه ما تبحث عنه فى الرجل, رحلت عن المكان حتى لا يلحظا  
وجودها, رحلت بجسدها فقط و لكن عقلها لم يرحل من  
هناك, ما زالت تفكر فيما رآته, لقد قضت عمرها تبحث عن  
الرجل المناسب, و لقد أصبح نادر أحد المرشحين,

في مكان آخر من المهرجان كان "خالد" واقفا مع "محمد البارودي".

لقد ترك الاثنان كل ما حولهما من فرص اجتماعية لكي يتفرغا لتحدي بعضهم، هزم محمد صديقه الجديد في معظم الألعاب تقريبا، أتى الدور على لعبة التنشئين، أمسك خالد بالبندقية بكل ما لديه من قوة وإصرار، أردف محمد البارودي مُحذرا: "خالد على فكرة إنت وشك لونه مش طبيعي"

تجاهل خالد النصيحة اقتربت سبابته من الزناد، أغلق إحدى عينيه ليرى بالأخرى أوضح، نظر إلى الهدف أمامه، وكلما نظر أكثر كلما ابتعد الهدف و قلت دقته، وبدأ العالم تدريجيا في التحول إلى الظلام الدامس، كان ذلك هو آخر ما رآه خالد قبل أن يقع على الأرض، قبل أن يفقد الوعي تماما.

## الفصل الثالث عشر و الأخير

### قلبت صعايدة

لم يقتصر المهتمون بحالة "خالد" و المنتظرون في ردهة المستشفى على أبيه و أمه فقط، بل تضمن ذلك أيضا "مارك" الذى أتى من بيته مُسرعا عند سماعه للخبر "نيفين" و "نادر" الذان سمعا بما حدث قبل مغادرتهم للمهرجان يبحثان عن مكان في الشارع المجاور للمبنى لكى يركن فيه نادر سيارته "ريم" و "محمد البارودى" أيضا كانا هناك، و هذه هى إحدى المميزات التى يتمتع بها شخص ماهر اجتماعيا مثل "خالد"، من الجيد أن تجد الكثيرين ممن يهتموا لأمرك و خالد حالته الآن في طور التحسن كما أوضح الطبيب المسئول عن حالته في مستشفى الـ I.C.C. بعد مكوث الأول لمدة أربعة ساعات في غرفة العناية المركزة،

بعد أن قالها الطبيب ليقبل قلق الجميع نسبيا طلب ذلك الأخير التحدث إلى والدى "خالد" على انفراد، لينحصرهما بشيء ما يخص حالة "خالد" الصحية لا يستطيع أن يعلنه أمام الجميع.

\*\*\*

بعد أكثر من أربعة دقائق قضاها والدى "خالد" مع طبيب ابنهما خرجا أخيرا و قد احتل الشحوب وجه الاثنين؟.

لم تكذ أى شرارة للحديث تشتعل ما بين شريف و  
أصدقاء "خالد" حتى ظهر نادر فجأة هو و نيفين لتسأل تلك  
الأخيرة: "إيه إللى حصل فى إيه؟"

أجابها شريف مُهدئاً: "إيه ده ؟ إيه إللى جابك؟ .. ولا حاجة  
قعد مطبق بقالوه يومين"

قالتا شريف قبل أن يحسك بذراع مارك و ليبتعد به بعيداً،  
سأله شريف: "إنت و ابني خالد صحاب بقالكم كام سنة؟"  
و رغم دهشة "مارك" من طبيعة السؤال إلا أنه أجاب على  
أى حال: "من واحنا عيال"

استكمل شريف: "يقى لو عايز تساعد خالد بجد فى حاجة  
أهم مطلوبة منك"

- "ماشى إيه هى؟"

\*\*\*

رغم أن ريم كانت من آخر الموجودين وصولاً إلا أنها  
كانت أكثرهم قلقاً، عاتبها شريف على كثرة سؤاها و حركتها  
فى المكان بلهجة دبلوماسية موضحة: "إيه إللى جابك يا  
ريم؟، مفيش حاجة ده بيستهيل؟"

تجاهلت هى سؤال الأب تماماً: "بس هو خالد كويس  
دلوقتي يا أونكل؟"

أجاب شريف خافضا صوته: "آه كويس، هو في حد جساى  
معاكى؟"

أجابت ريم: "آه نادر بيدور على ركنة تحت وطالع هو  
ونيفين"

غمغم "شريف" بعدها بكلمات غير مفهومة مُبتعدا،

هذا كله قبل أن ينجح نادر و نيفين أخيرا في الوصول إلى  
الحجرة المنشودة في المستشفى، بعد عشرين دقيقة من وصولهم  
رحل البارودى، كان ذلك الأخير قد أتى تأدية لواجب  
اجتماعى من سبيل الذوق و ليس من سبيل القلق أو الاهتمام  
الحقيقيين، أو ربما رحل لأنه كره أن تجتمع مع صديقه القديمة  
نفس الحجرة، و عندما اختفت "ريم" عن الأنظار هى الأخرى  
ظنها الجميع رحلت لنفس السبب، هربا من البارودى، و ظل  
زائرو خالد على هذا الاعتقاد حتى وجدها نادر بالمصادفة، كان  
في طريقه إلى الخارج لتدخين سيجارة عندما رآها واقفة تراقب  
حالة خالد من وراء حائط زجاجى، تنظر من وراء الزجاج إلى  
خالد الذى غلبه التخدير ليدخل فى سبات عميق، لسبب ما  
ذكرها الموقف بكل شىء فيه، بمرض أمها، لم يمنع "نادر" نفسه  
وهو يراقبها من الإحساس بالذنب، شعر بدنو ذاته، كيف سولت  
له نفسه أن يتقرب منها من وراء ظهر صديقه؟ اقترب  
منها، لتكن تلك من المرات القليلة التى تغلب الجدية على لهجته:

"ريم أنا آسف لو كنت في كلامنا في الكيرماس, يعني وصلتك  
معنى مكانش قصدى إنه يوصل, أنا هزارى كده إنتى بس  
فهمتيني غلط"

لم تعر الكثير من الاهتمام لما قال للتو بل سألتته دون أى  
مناسبة و دون أن تنظر إليه : "هو إيه الأغنية إالى إنتو كانت  
فرقتك بتغنيها في "هاندز" دى؟ أنا أصلى كنت فرنساوى  
فمعرفش أتابع اللي ركس (و كلمات الأغنية) بسهولة"

أضاق عينيه و أرجع رأسه إلى الوراء و قد أصابته الدهشة  
من السؤال الذى لا يمت للموقف الكئيب بصلة : "أنا إالى  
بكتب الأغاني على فكرة بس مش مجمع إنتى بتكلمى على أهو  
واحدة فيهم"

استكملت و هى تتحدث ببطء و كأنها تحت تأثير مخدر  
ما: " : كان إسمها They r all dead "

حاول نادر أن يقترب بذهنه أكثر من الأغنية التى تقصدها :

They r all gone & here is me by  
myself In this living hell  
حاجة كده صح؟

- "أبوة هى دى"

- "الأغنية دى المفروض إنها بتحكى عن بنت كل ما تتعلق  
بجد يموت, فهى بقى بتعانى من"

و قبل أن يستكمل عبارته كانت قد قامت بأغرب شىء  
على الإطلاق، أرمت بجسدها داخل حضنه، و رغم بُعد الاثنين  
تماما عن أنظار بقية الأصدقاء، إلا أن ذلك لم يمنع من  
ارتبائه، علق ذراعيه في الهواء و هو لا يدري إن كان من  
المسموح له أن يحيطها بهما أم لا، و قبل أن يحسم أمره كان قد  
بدأ يسمع صوت بكائها في حضنه، غمغم لنفسه ساخرا: "يلا!!  
دى طلعت مجنونة!"

\*\*\*

كان الطلب الإنسانى الذى طلبه شريف من صديق ابنه  
مارك فى المستشفى هو أن يحرص ذلك الأخير ألا  
يتناول "خالد" أى نوع من أنواع المخدرات أو الخمر أو حتى  
السجائر دون أن يدري خالد نفسه بذلك الاتفاق الذى تم  
عقده للتو ما بين الأب و صديق الابن.. بالطبع  
وافق "مارك" على المساعدة و تحمل بنبل المسؤولية الملقاة على  
عاتقه، حتى قبل أن يعلم التشخيص الحقيقى للمرض الذى يعانى  
منه "خالد"

\*\*\*

لم يكن عيسوى لترك شيئا قد بدأه قبل أن ينهيه، و لم يكن  
من المقبول أن يتخلى عن تدريب حسام خاصة أن بطولته

الجهورية قد اقتربت، فبالتالى كان من الطبيعى أن يستكمل، و أن  
يبدل قـصارى جهده، لم تقل حماسـة "حسام" أو  
حتى "إيهاب" الاثنـين توقعا الفوز هذا العام، حسام الذى يبحث  
عن المجد الشخصى وإيهاب الذى يرى فى تلميذه نفسه و هو  
صغير، و ظلت الأمور على ما يرام حتى ذلك اليوم  
المشئوم، عندما أنهى حسام تدريبه ليستقبل مكالمـة هتفيه من  
صديقه و قريته لنا، اقترحت عليه "لينا" ملاقة "هنى" و "كريم  
شمس" فى سان ستيفانو،

\*\*\*

حالة اقتصادية صعبة للغاية يعانى منها "رامى" تلك  
الأيام، الأموال التى انتظر من أهله أن يعثوا بها من الخليج لم  
تصل بعد، و كان قد أنفق كل ما لديه لدرجة أنه لم يعد يمتلك  
المال الكافى للاتصال بهم هاتفيا، حتى الإيجار، عندما ظهر مارك  
على باب شقته مطالباً بإيجار الشهر الحديد أوضح رامى بـخرج  
حالة الفقر المؤقت التى يعانى منها، تفهم "مارك" و أمهله حتى آخر  
الأسبوع الحالى.

رن هاتفه الجوال، كان كريم هو المتصل: " - أيوـة يا كريم.

- إيه يا رامى مش عارف أوصلك من الصبح!

- آه معلش كنت قافل موبائلى.



- طب بقولك، ما تجيلنا على سان ستيفانو.
- إنت و مين؟
- أنا و هنى و محمد البارودى.
- مقدرش أوعدك بحاجة، معتقدش إنه هالينفع أجيلك،  
عندى حوار كاشات كده.
- إيه ده ؟!! إنت لحقت خلصت ال ٤٠٠ جنيه إالى إنت  
سالفها منى أنا و عمرو ؟
- أعملك إيه طيب؟ الفلوس لسه محتاش، و أخويا بقالوه  
تلات أيام الإم إس إن بتاعه أوف- لاين.
- ماشى سلام، بس حاول تيجى برضه.
- بعد حوالى ثلث ساعة من انتهاء المكاملة وجد رامى أنه لا  
مانع أبدا من اللحاق بأصدقائه فى سان ستيفانو، قاطعه جرس  
الباب و هو يغير ملابسه.
- فتح الباب ليجد أمامه صبي يصغره بستنان، لم يكن أول مرة  
يقابله، بل كان يعرفه، يعرفه جيدا،
- "فهد؟ إنت جيت مصر إمتى؟"
- قالها رامى و هو يرجع برأسه إلى الورا من فرط الدهشة  
وهو لا يصدق ما يرى أمامه، أو بمعنى أدق من يرى أمامه.

لم يكذ كريم ينتهي من مكانته مع مع "رامى" حتى وجد  
ومحمد البارودى أمامهما "حسام" و لينا، أردف مَرَجبا بلهجة  
احتفالية: "إيه ده إنتوا جيتوا؟!"

أردف حسام بصوت مسموع: "بصى نادين لسه  
مجاتش، قولتلك نوصلها معانا أحسن"  
سألهم كريم فى تلقائية: "نادين مين؟"

أجابت لينا غير مكرثة: "واحدة صاحبت؟ هى دايما  
مواعدها زبالة كده"

ازدادت ابتسامة كريم و هو يتأكد: "و اسمها نادين؟" قالها  
قبل أن يغلب الضحك عليه و على محمد، سألتهم لينا فى حيرة:  
إيه ده بتضحكوا على إيه؟

أجابها محمد البارودى من وسط ضحكاته: "لأ أصل زمان  
كريم كان مصاحب واحدة اسمها نادين، و كانت مواعيدها  
كده برضه"

لم تضحك لينا و لو على سبيل المجاملة بل تحولت ملاحظتها  
إلى التهكم و هى توضح: "طب خلاص يا جماعة بلاش كلام  
فى الموضوع ده، علشان هى جاية فمش عايزينها تفتكرنا بتكلم  
عليها هى"

إلتفت كريم برأسه في حركة غريزية إلى الخلف ليتعرف على ناديين المقصودة، و بمجرد أن استدار و التفت عيناهما بعينها أصابته الصدمة، نعم، كانت هسى، بشحمها ولحمها "ناديين" القديمة.

\*\*\*

من الألفاظ المتكررة على ألسنة لاعبي الإيستيميشن "قلبت صعايدة"، تعبير عامي يعلن ضرورة إعادة اللعبة نتيجة لفشل جميع اللاعبين في الحصول و لو على نقطة واحدة، و هذا يعنى أن جميع التوقعات قد باءت بالفشل، و لكلمة "قلبت صعايدة" الكثير من المعاني التي تستحق البحث و الدراسة، من ضمن تلك المعاني وجود الصعايدة في الكلمة رغم عدم انتشار اللعبة في صعيد مصر، و لكن لاعبي الإيستيميشن و محترفيها ابتكروا تلك العبارة المستوحاة من النكتة التي تحكى عن "أربعة صعايدة لعبوا كوتشينة قام الأربعة خسروا"، مفهوم ما قد انتشر في جميع بلدان العالم أن القادم من الريف غبي و ساذج حتى يثبت العكس.

و لا تتوقف معاني تلك العبارة العفوية عند هذا الحد، فإذا عددنا أن صوت كل أذان على وجه الأرض هو إثبات لعظمة الإسلام، أو أن صوت الرصاص و الدبابات إثبات على وسع

حيلة الشياطين في الإيقاع بين البشر، فإن كل مرة تنطق فيها كلمة "قلبت صعايدة" (على قدر ما تبدو سخيفة بالمقارنة بالمثاليين السابق ذكرهما) إلا أنها هي كذلك إثبات حي على أن الإنسان لا يستطيع أن يتوقع المستقبل مهما بلغ من الذكاء ما بلغ، أو أحاط من العلم ما أحاط.

متى كانت آخر توقفت فيها أمام مشهد أو حدث بعينه، لتسأل نفسك، من كان ليتوقع حدوث كذا؟ من كان ليتوقع؟؟؟؟

\*\*\*

من كان ليصدق أن تتطور العلاقة ما بين "نادر" و "ريم" إلى هذا الحد؟! لقد أصبحا حبيبين و عشيقين سرين، و إلا لم تفسر لقاءاتهما المتكررة و الخفية التي استمرت منذ أسابيع بداية من اليوم التالي لمهرجان الكيرماس حتى هذا اليوم؟! (!!)، لماذا يستترا بلقاءاتهما عن "مارك" و "نيفين"، لقد وقعا في حب بعضهما، حتى إن لم يعترفا بذلك بعد.

اكتشفت "ريم" أن شخصية "نادر" أجدر بالاهتمام بكثير مما يبدو عليه من الخارج، كان واسع التفكير يحب ممارسة الفلسفة رغم عدم درايته بالعلم نفسه إلا أنه كان يجيد التفلسف بشكل فطري، تماما مثل ذلك اليوم (في شيكسبير كافييه) الذي صارحته

فيه هى بعدم رغبتها بالسفر إلى الخارج و تمسكها الشديد  
باستكمال حياتها داخل مصر دون كل بلاد العالم محاولة أن  
توحى له و لنفسها بأنه تقوم بذلك من سبيل حب  
الوطن، لتفاجأ به هى و هو يوضح: "عارفة إنتي إيه مخلا كيش  
تسافرى بجد؟"

أجابت فى حماس غير مفهوم: "علشان بحب بلدى  
ومقدرش أسيبها"

هز رأسه ساخرا و هو يؤكد: "لأ مفتكرش بصراحة، عارفة  
إيه إالى مانعك من السفر بجد؟"

- "إيه؟"

- "فكرى فيها بالراحة كده، هنا فى مصر إنت عُملة نادرة  
ويمكن أى شركة تاخذك علشان الكام لغة إالى إنتى درستيه  
فى المدرسة دول، بس فى أى بلد تانية هاتلاقى نفسك بتمسحى  
أطباق، أنا بصراحة شايف السبب: إنك هنا المجتمع بيعتبرك  
بنت ناس لمجرد إنك خريجة مدرسة فرنساوى و إنك بتعرفى  
تتمنظرى بكلمتين إنجلش على كام لغة تانية بعض النظر عن  
أخلاقك كويسة و لا زى الزفت، بس لو روحتى أمريكا مثلا  
هاتتمنظرى على مين بالإنجلش بتاعك؟ إذا كان أعفن واحد  
هناك بيتكلموا زيك و بيلبس أحسن منك، كل الحاجات إالى

بتخليكي هنا في مصر بنت من طبقة اجتماعية كويسة مش  
هاتعرفي تتضحكي بيها على حد بره، لإنك مهما لفيتي العالم  
مش هاتلاقى حد بياخد بالمظاهر زى شعب مصر إللى بيتوقع  
إنك شخصية محترمة لمجرد إنك بتلبسى كويس"

باختصار كان "نادر" مقنعاً للغاية لحدته إذا أراد ذلك، كثرت  
لقاءاتهما و ساعد على ذلك مكوث "خالد" في المستشفى  
وانشغال "مارك" و "نيفين" بالعناية به على قدر المستطاع، كان لهما  
في كل يوم مكان جديد يقترحه أحدهما فيذهب إليه الاثنان،  
واليوم كان هذا المكان هو الاستوديو الذى يتم فيه تسجيل  
أغاني فرقة Born In Hell، جلس الاثنان داخل حجرة  
التسجيل و لم ينتبها حتى للتعليقات التى أعرب بها اثنان من  
أعضاء الفرقة كانا قد ظلا يراقبا الحبيين خلف الزجاج أردف  
أحدهم إلى الآخر بضيق: "مش فاهم يعنى إيه القرف ده؟  
والبروفة إللى إحنا سايين علشانها امتحاناتنا و جايئنا من آخر  
الدنيا مش هاتعمل يعنى علشان هو جايب البرقة بتاعته بروح  
أمه؟!"

أجابه زميله فى ثقة: "برقة مين ؟ لا دى مش صاحبتة على  
فكرة"

- آمال صاحبة مين؟

- عارف خالد إللى دائما معاه ده ؟ دى هى المفروض  
صاحبتة هو.

- كمان؟ يعنى مغلطتش لما قولت عليه وسخ بقى.

قالها ثم رحل الاثنان وسط غضبهما  
ليتركا "نادر" و "رم" وحدهما، ليسرقهما الوقت داخل الإستوديو  
المهجور حديثا، كانت هى تغنى على سبيل المزاح و هو يعزف  
على الجيتار على سبيل المجاملة، تقطع غناءها لأكثر من مرة  
بسبب الضحك الذى يغلب عليها، حتى توقفت تماما لتوضح  
وسط قهقهتها: "بص أنا أصلا صوتى زبالة و يقرف الحمار  
الجربان السقعان فى الصيف"

أجاب ضاحكاً: "طب جربان و فهمناها سقعان فى الصيف  
إزاي يعنى؟!!"

- "علشان حمار بقى، زيبى كده بالظبط لو فكرت إنى صوتى  
حلو"

أجاب بحكمة غير مطلوبة: "لأ ما هو بصى صعب جدا إنك  
تلاقى بنت صوتها لايق على الماتيل، أنا بس عايز أعرف إيه  
رأيك فى الإحساس، إنك تبقى واقفة قدام الميكريفون كده  
وسامعه صوتك فى السماعات ووراه جيتار وبتاع"

- إحساس جامد أوى بصراحة، هو إنت كتبت الأغنية دى  
إمتى؟

-Everybody Is Gone؟ أول لما أمى ماتت على  
طول.

أردفت في حرج : أنا آسفة مكتتش أعرف.

أجابه ضاحكا ضحكة المهموم : "آسفة ليه؟ هو إننى  
إلى كنتى قتلتيها يعنى؟" ثم سيطرت الجدية على ملامحه و هو  
يستطرد: "لأ أنا كده مبعرفش اكتب ولا جملة غير لما حاجة  
جامدة أوى تحصللى, يعنى حد مات بنت قلبتى, عارفة Can't  
say go to hell إلى لسه مسمعاليك دى ؟ دى اتكتبست  
لما كان فيه بنت اسمها نادين, يعنى فر كشنا"

سألته على سبيل الاطمئنان و ليس الفضول: "دى غير نادين  
إلى كانت صاحبة خالد طبعاً"

- لأ هي,

قالها قبل أن يضيق عينيه و ليسألها في ضيق: "هو قالك إنها  
كانت صاحبه هو؟"

ارتبكت و شعرت بأنها قد سببت مشكلة بينه و بين صديقه  
فسألته هي بدلا من الإجابة: "لا مش فاهمة هو إلى حصل  
بالظبط؟"

أجابها بهدوء: "نادين كانت صاحبتى أنا من فترة مش  
قصيرة, أنا بكلمك في حوالى ستيت تلت سنين كده"  
- "و بعديها إيه إلى حصل؟"



نظر إليها بشك للحظات وكأنها يفكر بأمر ما قبل أن  
يوضح: "بصى أنا عادة مبحكيش الحوار ده لحد، أنا ممكن  
أحكيهولك بس على شرط"

- "إيه هو؟"

- "تصدقيني في كل كلمة أنا هاقولها"

- و أنا إيه إल्ली مش هايخليني أصدقك.

- أنا قصدي إنك تفتكرى إن أنا بحور عليكى و لا حاجة  
علشان أوقع بينك و بين خالد.

- و هو خالد كان هو إلى غلطان في الموضوع ده؟

أوما برأسه مهموما و هو يؤكد: "واضح إنك في حاجات  
كثيرة أوى محتاجة تعرفيها عن خالد"

\*\*\*

كان الموقف المادى غريبا و غير متوقع بما فيه الكفاية بالنسبة  
لرامى، لم يحتج ذلك الأخير لظهور أخيه الأصغر المفاجيء لكى  
تزيد أحزانه، لو أنك رأيتهما الآن في شقة رامى لرأيت الارتباك  
واضحاً على رامى، سيطرت عليه الصدمة لكى تمنعه من التكلم  
مع أخيه، و ساد الصمت بالفعل لفترة قبل أن يردف "فهد" في  
ضجر بلهجة تداخلت فيها طريقة الكلام الخليجية بالألفاظ

المصرية: "و هو إنت هتفضل تبصلى كده, مش هتقول حاجة, مفيش يا هلا, هو إنت مكونتش عايزنى آجى ولا إيه؟"  
أجاب رامى بتوتر و قد أفاق من سرحانه : "آه, قصدى لأ لأ, هى معلش المفاجأة, و كده"

- "إيه المفاجأة إल्ली فى الموضوع ؟ هم مش بابا و ماما قالولك فى التلفون؟"

- "ما هم بقا لهم سنة بيقولوا, أنا أفتكرهم بيهيسوا زى كل مرة"

سأله فهد فى حيرة: "يعنى إيه بيهيسوا ؟ بيرقصوا و يفرحوا يعنى؟"

- "آه إنت متعود على الخليجى, هى حاجة زى يفرحوا فعلا" نطقها رامى "دون حتى أن يتسم قبل أن يستكمل :

"طب و إنت لما وصلت مصر ماتصلتش بيا على الموبايل ليه؟ آه ما أنا كنت قافله صحيح, ما علينا مش ده المهم, أهلك بقا لهم أسبوعين الفلوس إल्ली بيعتوها متأخرة, هتصرف إزاي دلوقتي؟"

- "آه ما أنا نسيت أقولك, هم قاللوا بما إني كده كده جايلك بيعتوا الفلوس معايا أسهل؟"

- "طب كويس, هاتما بقى"

نظر "رامى" للعمال الذى اخرجهم "فهد" للثو من الحقيصة التى كانت بحوزته و هو يردف فى حيرة : "إيه دول ؟ هم دول بس؟ الفلوس دى ناقصة"

فهد باضطراب : "لا دول بس شوية صرقتهم فى السوق الحرة"؟

"لا ما أنا فاهم,مش باتكلم على كده أمال فين مصاريف الكلية إالى هانقدملك فيها"

أجاب فهد باطمئنان غريب و كأنه قد نجا من لحظات من خطر محقق: "لا ماهو هم هييعتوها بالبنك عادى مع فلوس الشهر إالى جاي"

غمغم رامى بعدها بوضع الكلمات و هو يقوم من مجلسه فما كان من أخيه إلا أن يسأله فى حرج "بس إنت مالك كنت لابس كويس كده إنت كنت نازل ولا إيه؟"

أردف رامى مرتبكاً: "آه كان فى ناس مستنياى" قالها بحروف خافتة غير مفهومة و غير واضحة وكأنه يتمنى ألا يفهم أخيه ما يقول,

"طب ما تخدنى معاك" قالها فهد بالطبع على عكس ما تمنى رامى.

أجاب ذلك الأخير و قد حاول أن يكون لطيفا رغم  
ارتياكه : "لا أخذك معايا فين الناس دى ماتعرفكش, دول  
أصحابي أنا"

"أيوة يا رامى بس أنا لسه ما بعرف حدا هنا"

"لأ مانت لسه هاتخش الكلية و هتتعرف على ناس و كده"

"خلاص ماشى"

و كانت تلك هى النقطة المحددة التى أراد "رامى" أن يصل  
الحديث إليها, و لا يعلم أحد لماذا لم يستغل تلك الفرصة من  
الخلاص, لماذا لم يدر ظهره و يتعد, حاول بالفعل ذلك و لكن  
شيئا ما أوقفه, شىء ما منعه, استدار قبل أن يصل إلى باب الشقة  
وعاد إلى أخيه الأصغر ليرد فى استسلام : "آه ده هيقعد  
يقرفنى بقى, ماشى تعالى معايا" قالها ثم على صوته لتتحول لهجته  
إلى التحذير : "بس عليا الحرام من دينى, كلمة مالهاش لازمة قدام  
الناس هاخللى أهلك يرجعوك الخليج تانى, آه ما أنا عارفك  
أجاب فهد فى ضجر : "طب ليه بتشتم دلوقتى؟  
غغم" رامى "متهكما: "ما هو للأسف آه" قالها دون حتى أن يتسم  
ليستطرد : "تعالى يللا بينا ولا عايز تفضل قاعد هنا؟"

\*\*\*

الكثير من الناس يؤمنون بأن المصائب لا تأتي إلا دفعة واحدة، إذا كنت من هؤلاء فلن تجد في ما سأحكيه الآن أية غرابة،:

عندما اجتمع كل من كريم ولينا وحسام ونادين ومحمد البارودي أتت المصائب كلها دفعة واحدة بلا هوادة،

و كان كريم شمس على عكس أى شخص أعرفه، عندما يرتبك يبدأ هو بالكلام، فبالتالى لم يمنعه ارتبأكه من وجود "نادين عيسوى" عشيقته القديمة فى التطوع لفتح أطراف الحديث، بدأ كريم بالحديث مع حسام سألته عن أحواله وعن التحضيرات التى قام بها للاستعداد لبطولة الجمهورية، هنا قفزت نادين فى الموضوع دون سبب: "أخويا هو إلتى بيدربه على فكرة"

حاول كريم ألا يبد اهتماما ناقصا أو زائدا عن المطلوب: "إيه ده بجد والله؟"

و كاد أن يضيف شيئا جديدا، لولا شعوره بيد تقبض على كتفه، استدار كل الجالسين برؤوسهم إلى الزائر الجديد، وتوقع "كريم" أن يكون هذا الشخص هو "رامسى" ولكنه لم يكن، بل إنه "عمرو سلامة"، فى أول مواجهة له مع الثنائى السعيد "لينا و حسام" منذ المشاجرة الأخيرة فى "شيكسبير كافيه".

أردف "كريم" في ارتباك ملحوظ: "عمرو؟ إيه إللى جابك ؟  
مش قولت عندك كورس؟!"

أجاب عمرو في لامبالاة عجيبة: "آه، ما أنا روح لقيته  
اتلغى، قولت أجيلكو"

قالها ثم بدأ يتفحص بعينه وجوه الجالسين ليحسد من  
بينهم "لينا" التى لم يلحظ وجودها إلا الآن، ليتوقف هو عن  
الكلام و ليتوقف هى عن الابتسام و ليضع الجميع قلوبهم على  
صدورهم،

لا أعدكم أن يكون ذلك هو آخر اقتباس فى الرواية من علم  
النفس و لكننى أحتاج ذلك التشبيه بشدة لإيضاح ما حدث  
بين "لينا" و "نادر" ليلتها فى الأستوديو، كلاهما يتمتع بنوع مختلف  
من الذكاء الخفى، الذكاء الذى يجبر محدثك على فعل تماما ما  
تريده أن يفعل و قول تماما ما تريده أن يقول على طريقة أن  
الممنوع مرغوب، كان من الطبيعى أن يزداد فضولها مع زيادة  
إصراره ألا يحكى ما حدث بينه و بين "خالد" فى تصارعهما  
السابق حول تلك الفتاة المسماة "نادين"، و هذا هو بالضبط ما  
أراد نادر، أراد أن يحكى و يشكو لها من ظلم صديقه و أن  
ترغب هى فى الاستماع بمنتهى الانتباه و بكل جوارحها دون  
أن يعثر هو بالذنب، و بدأ بالسرد فى الفصل الأول من الخطايا  
الخفية لخالد لتوضح رويدا رويدا تفاصيل و أسباب الخلاف  
القديم ما بين الصديقين، و القصة كالاتى :

نادر أحب نادين عيسوى و هى أيضا أحبته, و ربطت الاثنين قصة حب رائعة بالفعل تكاد تكون مثالية, كان ذلك منذ أكثر من عامين عندما بدأ الشك يساورها أن إيهاب عيسوى أخوها الأكبر (وبطل مصر فى الأسكواش و قائد كشافة الكاريتاس فى ذلك الحين) على علم بعلاقتهم, واستسلمت "نادين" تماما لذلك الهاجس, لم تعد قادرة على العيش بشكل طبيعى, أرهقها الأرق ليلا و أتعبها القلق نهارا خوفا من رد فعل أخوها الأكبر رغم عدم تأكدها من معرفته للأمر ذلك الشك الذى عذبها أكثر, و بات هذا الهم مرثيا للغاية و واضحا عليها لدرجة استفزت نادر و سألها عما يشغلها حاولت أن تنكر فى البداية و لكنها كانت مجرد مسألة وقت قبل أن تكشف له عما يساورها من قلق, و صمم هو رغم رفضها أن يذهب بنفسه ليصارح "إيهاب", ليصارحه بأنه يحب أخته الصغرى و أنه مستعد أن يرتبط بها بشكل جدى للغاية, و فعلا رغم نصائح "نادين" حسم أمره, فى البداية بحث عن صديق موثوق فيه ليكون همزة الوصل بينه و بين عيسوى و لكنه لم يجد, لم يأس بل اقترب فى يوم من الأيام من إيهاب و قد باتت رعشة يده واضحة أمام الجميع , كان إيهاب حينها جالسا بين مجموعة من قائدى الكشافتين (الكورفايون و الكاريتاس), و دار الحديث الآتى,

- "عامل إيه يا ( شف ) كنت عايز حضرتك فى حوار كده"

قالتا نادر مرتعبا و كأنه يتحدث إلى رئيس الجمهورية  
شخصيا ..

هز إيهاب كتفيه في مزيج ما بين الاستخفاف و الاستحقار  
(رد الفعل الذي أكد لنادر بأنه يعلم ) : "طب ما تتكلم هنا يا  
حببي؟"

أصر "نادر" في أدب غريب : "معلش عايز حضرتك في حوار  
مهم كده ثانية واحدة"

قام نادر من مجلسه و معتذراً لأصدقائه و هو يسخر من  
طريقة نادر و قد استعار طريقة كلامه و لدغته في حرف  
الراء. لم يأبه نادر كثيرا من ضحك جميع من في المكان, قام  
عيسوى و إبتعد الاثنان عن الجميع, في البداية تردد نادر في  
الكلام بالطبع, و ظل ذلك الصمت الممل حتى أردف عيسوى  
بضجر: "ناوى تقول حاجة في يومك يعنى و لا إيه؟!"

أجاب نادر مضطربا : "إنت عارف أساسا أنا كنت عايز  
أكلمك في إيه, صح؟"

نظر إليه عيسوى هذه المرة بتفكير عميق و أجاب في خلطة  
كلامية ما بين الرفق و التحذير : "بص يا نادر هو من  
مصلحتك إنها متكونش الحاجة إللى في دماغى"



ابتسم ذلك الأخير إبتسامة مرتبكة ليستكمل و هو يحك  
جبهته و كأنه يتفادى النظر في عيني إيهاب : "أنا معرفش إيه  
إلى دماغك طبعاً، بس أنا كنت شايف إن من الصح إني أقولك  
إن أنا و نادين (يعني) صحاب بقالنا فترة"

لم يجب عيسوى بل ظل ينظر إلى نادر دون أى تعبير على  
وجهه فلم يجد نادر أى حل أمامه سوى أن يستكمل : "هى  
مكانتش عايزة تقولك دلوقتى خالص بس أنا قولت إن إنت  
لازم تكون عارف حوار زى ده"

أردف عيسوى ساخراً و لكن دون أن يتسم : "لا و الله  
فيك الخير .." قالها ثم نزل بقبضة يده على  
وجه "نادر" كالصاعقة، هبط "نادر" على الأرض دفعة واحدة إثر  
الضربة التى لم يتوقعها، و قبل حتى أن يلفظ "نادر" بأى شىء أو  
حتى أن يعتذر، كان عيسوى يصرخ بالفعل : "و رحمة أمى لو  
لقيتك بتكلمنى فى الحوار ده تانى لأكون عاجنك"

كان صوت الصراخ و مشهد الضرب قد جذب بالفعل  
عددا لا بأس به من أصدقاء الاثنين و كان ضمنهم خالد الذى  
أتى قلقاً على صديقه، و كادت مشاجرة كبرى أن تحدث لولا  
أن قام "نادر" و رفع يده ليعلن عن اعتذاره، و هو ينظر إلى إيهاب  
بغیظ : "خلاص يا جدعان محصلش حاجة" ثم توجه بكلامه إلى  
عيسوى "أنا آسف يا شف إن أنا كلمتك فى حوار زى ده،  
وأوعدك الموضوع ده عمره ما هيفتح تانى، أنا إلی غلطان" قالها

بمرارة شديدة قبل أن يتفرق الجمع، و أن يعود الجميع إلى مشاغله.

هنا أوقفته "ريم" عن الاستكمال كان لابد أن تفعل، فقد انتهى كلامه بعيدا عن المنطق الذى بدأ به، ألم يبدأ بلوم "خالد"، فما ذنب خالد حتى الآن فى كل ما حدث؟!، لم يفاجأ "نادر" من مقاطعتها له بل طلب منها أن تعطيه الفرصة لكى يستكمل ما سرد فاستكمل.

هذه المرة إنتقل بحكايته إلى مشهد آخر وقعت أحداثه بعد المشهد الأخير بحوالى يومين، عندما كان خارجا مع خالد و بقية الأصدقاء فى كارفور و اتصلت به "نادين" لتسأله عما دار بينه وبين أخيها، كان من الواضح أن أخيها قد أربها بشكل ممل عند رجوعه للبيت، ابتعد بالهاتف عن ضحيج المول التجارى ليبرر تصرفاته دون أن يعتذر: "مش أنا و الله، ده هو فى وسط ما أنا بكلمه كده لقيته ضاربني، مكوئتش ناوى أردھا .. بس أصحابي، مستحملوش المنظر قاموا افتكروها خناقة و دخلوا بقى"

- "أنا قولتلك متكلموش إنت إالى ركبت دماغك"

- "معلش أنا إالى غلطان"

- "إنت فين دلوقتى ؟ فى إيسيميشن كافيه بتاعكوا ده؟"

- "لا أنا في كارفور"

ارتفع صوتها فجأة في الهاتف : "في كارفور ؟! طب خلى بالك علشان عيسوى المفروض إنه في كارفور بقاله ساعة، فلو قبلك أو قابل حد من صحابك إللى اتخانقوا معاه مش هيسبهم في حالهم، هو الناس إللى إنت معاهم دول غير الناس إللى كانوا في خناقة النهاردة صح ؟"

أجاب مرتبكا : "هه؟ لا لا دول معرفوش التانيين خالص، طب بقولك إيه سلام دلوقتي علشان لازم أقفل، سلام" لم ينتظرها حتى أن ترد السلام، ليعود بأدراجة مسرعا إلى الساحة الأمامية للمركز التجارى، توقف ركضه عندما وجد في وجهه "مارك" التى أتى راكضا بحثا عنه هو الآخر، توقف "مارك" عن اللهاث ليسأل "نادر" في سخط: "إيه! كل ده بتتكلم في التليفون؟"

- "مش مهم كل ده بهب إيه، بقولك إيه، إحنا لازم نخلع دلوقتي حالا، في حاجة كده لازم أروح البيت علشانها" أجابه مارك : "مينفعش نمشى دلوقتي، خالديت خناق مع عيسوى إللى إنتوا اتخانقوا معاه النهار ده الصبح في الكورفايون"

قاطعته" ريم للمرة الثانية : "طب أنا لسه مش فاهمة على فكرة، إيه من كل إللى حصل بخلليك تزعل من خالد للدرجة دى، و إيه إللى بخللى "نادين" تقفش عليك؟! "

أجاب هو فى تنهيدة هم مُبالغ فيها قبل أن يوضح أكثر : "لأ ما هو الموضوع مخلصش على كده، الفكرة إن عيسوى ده شتم كثير فواحد صاحبننا أنا و خالد و مارك طلعله حكمان عريية وضربة ضربة فى رجله خلّيته يطل إسكواش لبقيت عمره"

جزت ريم على أسنانها فى اشمتراز و كأنها ترى المشهد أمام عينها: "طب برضه إنت ذنّيك إيه يعنى؟"

استطرد نادر: "الترباية الأكبر إن فى كلام وصلها إن أنا لما اضربت من حد فى الكلية إني قعدت أتخاّنق معاه و أشتّم فيه" بدت و كأنها تحل لغز جريمة و هى تستكمل : "و إنا لما اتصلت بيك و قالتلك إنه معاك فى كارفور إنت إللى رحبت تتخاّنق معاه"

- بالظبط كده.

سألته فى فضول واضح : مين الحد ده بقى ؟

- "حد و خلاص"

ازداد إصرارها : "أيوه حد مين يعنى؟"

ابتسم نادر بمرارة و هو يجيب : "حد يعرفني كويس ومعاها  
في فنون"

أجابت ريم في صدمة : قصدك خالد؟

هز كتفيه في قلة حيلة و هو يوضح : أنا مش شايف حد  
غيره بصراحة؟

- يعني هو إللى راح قالها كده؟

أوضح نادر و هو يصحح موضع نظارته : "مش شرط يكون  
قاله هي، ممكن يكون قال لحد و الحد ده قال لحد تاني و في  
الآخر الكلام وصلها"

سألته ريم بحذر : و إنت الحكاية إللى إنت لسه حاكيها إللى  
دى صح، إنت إيه إللى مخلبك باقى على واحد زى خالد بعد  
حركة زى دى؟

- "العشرة مش أكثر و الله، متربين مع بعض هاعمل إيه  
طيب؟"

استنكرت سببه بشدة : "إنت ممكن حد يعمل فيك كل ده  
و تفضل معاه علشان العشرة؟!"  
- "عندك حل تاني؟"

- "و إنت إيه إللى يجبرك على كده، إللى بيعك بيعه، من غير  
ما تفكر مرتين"

توقف ذهن عمرو تماماً عن التفكير في اللحظة التي وقعت فيها عيناه على "لينا"، كانت الصدمة كبيرة عليه وغير متوقعة للجميع إلى أقصى حد، و يُحسب لعمرو سلامة أنه كان عاقلاً وحكيماً تماماً، سلم عليها بمتنهي الاحترام و سلم على حُسام بالمثل، و كأن شيئاً لم يكن و كأنه ليس هناك ماض بينهما، فعل ذلك قبل أن يميل على أذن كريم ليخبره أنه يريد أن يكلمه على انفراد، و لم يكدا يتعدا حتى بدأ عمرو بالشكوى من حساسية الموقف، و ظل عمرو لفترة على تلك الحال يلوم صديقه لعدم تحذيره و إخباره بوجود عشيقته السابقة، انتظر "كريم" حتى أنهى عمرو ما لديه لكي ينصحه،

: "بصراحة أنا معاك، لو كنت قولتلى من الأول إنك جاي كان زمان قولتلك متجيش، بس بما إنك جيت و كده كده شافوك خلاص، يبقى اقعد"

ظل عمرو صامتا يفكر جدياً في كلام صديقه، و على الأرجح كان سيظل على هذا الصمت لولا أن جاء "رامى"، حياً ذلك الأخير الاثنين قبل أن يسألها: "مالكو إنتو إلاتنين واقفين بعيد عنهم كده؟"

أجاب كريم بضجر: "عمرو عايز يمشى عشان لقسى لينا قاعدة" ثم توجه بكلامه إلى عمرو عمرو إنت كده هاتقلب الترابيزة و تمشى"

تدخل رامى كالعادة : "عارف لو قومت هيحصل إيه؟"

لم ينس عمر بنيت شقة, فاستكمل رامى على أى حال: "هما كمان هاتقلب معاهم بزعة و هيقوموا وراك و أدبك شايف حسام أهو بيتعامل عادى جدا, اقعد بين لينا نفسها إن مفيش حاجة"

و استكمل كريم موجهها كلامه لعمر و : "هى بينى وبينك مشكلة بس مفيش حاجة تانية ممكن تتعمل"

أجاب رامى مستخفا: "إنت بتسمى دى مشكلة؟, إنت لسه مشوفتش حاجة بص إالى جاي ورايا ده"

نظر الاثنان فى حركة غريزية إلى ما وراء "رامى" ليجدا "فهد" شأنه شأن الكثير من شباب الخليج فى تلك السن, شعره المفروود عند الـ "الكوافير" بجانب طريقة مشيته من بعيد يوحيان لك بأنه أنثى, لن تظنه متشبهًا بالإناث بل ستظنه أنثى بالفعل إلى أن تكتشف العكس, أمعن "كريم" النظر فى القادم من بعيد ليسأل فى حيرة صادقة : "مين دى؟"

وقبل أن يجيبه أحد كان فهد قد اقترب منهم نسيا ليلوم "رامى" بلهجته الغريبة : "إيه يا رامى سييتنى بشترى وجرىت؟"

بدا كريم متفاجئا للغاية قبل أن يردف : إيه ده؟ ده ولد! مين ده؟

سعدت "مروة" للغاية عندما تلقت رسالة SMS من عشيقها "شريف الكفراوي"، تخبرها الرسالة بأنه عاد إلى القاهرة وأنه يريد لقاءها في مطعم فاخر و شهير في القاهرة عند الساعة الحادية عشرة مساءً، حاولت أن تتصل به لتسفسر أكثر ولكنه لم يجب مكالماتها، ارتدبت أفضل ما عندها و ذهبت إلى المكان و الزمان المتفق عليهما، أتى هذه المرة عابس الوجه على غير عادته، سألته عما يدور في باله فأجاب في برود بأنه يعتذر عن الدفاع عنها في قضية حضانة ابنها،

سألته في انفعال: "يعني إيه ملاكش دعوة بالقضية دي؟ هو إنت مش وعدتني؟"

أجابها شريف هامسا دون أن يتنازل عن بروده: "وطى صوتك، الناس بتبص علينا، في حاجات كثيرة أوى اتغيرت من ساعة لما وعدتك لحد دلوقتي، أى حاجة كنت بعملها كده و خلاص لازم أعيد النظر فيها، و أنا عيدت النظر في موضوع قضيتك ده و لقيت إن بكل المقاييس أحمد ده مظلوم، و أنا مش هأخذ حق من ناس مظلومة بعد كده"

- "مانت ياما عملتها، إشمعني دلوقتي؟"

أجاب في حكمة و ألم "ياما عملتها وآدى ربنا ردها لللى في ابني، أنا ابني تعب من كام يوم، و أنا حاسس إن ربنا بيعاقبني فيه"



فوجيء بمروءة تنكشف على حقيقتها: "أنا مليش دعوة  
بابنك، أنا عايزة إبنى أنا"

- "خلاص يبقى الحقى شوفى محامى تانى غيرى"  
نظرت إليه غاضبة لثوان ولم تجد فيما يمكن أن يقال  
سوى: "أنا مش عايزة أشوف وشك تانى"  
أجابها وقد زين وجهه بابتسامة استفزازية: "لسه كنت  
هاقولك دلوقتى حالا إن إल्ली ما بينا ده خلاص خلص، كأنك  
أختيها من على لسانى"

هدأت إثر الجملة الأخيرة: "خلص يعنى إيه؟"  
- "خلص يعنى إنسى إنك عرفتيني خالص، ما أنا علشان كده  
اخترت واحدة أولريدى متجوزة علشان أخلع براحتى لما أعوز  
أخلع، و لو فكرتى تفضحينى أنا كمان هافضحك"

كان قد عقد ذلك الاجتماع فى مكان فخم حتى يضعها فى  
موقف محرج، و أن يمنعها ذلك من الصراخ أو الاعتراض حتى  
بصوت عال، لم يكن يتوقع قط أن تقف لتضربه بكفها على  
وجهه أمام الجميع قبل أن ترحل عن المكان و هى تمسح  
دموعها، لم يهتم بالضربة أو بنظر الناس إليه بل إستكمل قهوته  
و كأن شيئا لم يحدث، كان قد اتخذ قرارا بتنظيف حياته، و كان  
خلاصه من "مروءة" مجرد خطوة مبدئية فى طريق الألف ميل.

عندما عاد كريم و رامي وعمر و معهم فهد للجلوس مع  
البقية، أثار مظهر "فهد" (أو "لبوة" كما أطلق عليه "محمد  
البارودي" فيما بعد) الكثير من الاستنكار و الضحك  
والاستخفاف.

"كريم إنت عمرك ما قتللى إنك ليك إخوات ولاد!!" قالها  
محمد البارودي بارتياح شديد، كان البارودي يسعد عند إيجاد  
لأى عيب لأى شخص.

أجابه رامي فى ارتباك: "لأ ليه؟ ساعات"

أجاب محمد ضاحكاً: "ساعات؟ ساعات إيه؟ ساعات  
أخوك؟ ولا ساعات ولد؟"

على عكس الجميع لم يضحك رامي إحترماً لأخيه:  
"ساعات كنت بقولك بس إنت سقطت"

و هنا استلم كريم راية السخرية من فهد و هو يشاور على  
الكيس الذى فى يده: "هو إنت كنت بتشتري إيه صحيح؟"

أجاب فهد و هو يخرج محتوى الكيس بمنتهى البلاهة: "آه ده  
حزام"

لم يكن مجرد حزام بل كان حزاماً غريباً للغاية، (توكة)  
الحزام عبارة عن شريط أسود تظهر عليه حروف مضيئة  
حمراء، و حتى إذا غضينا النظر عن ذلك المهرجان المسمى

بالحزام فلن نستطيع أن نتغاضى عن العبارة المكتوبة بالإنجليزية  
و التى تظهر وتختفى للفت الانتباه:

### LOOK @ ME – I'M RICH

سأله "عمرو" ساخرا: "فهد بقولك إيه؟ هو مين إالى بيحدد  
الكلام إالى مكتوب؟

- "إنت بتوصله بالكمبيوتر و بتكتب إنت إالى إنت عايزه"

- "هو ميكتبش عربى صح؟"

أجابه فهد: "لا معتقدش"

خبط عمرو كفيه فى حركة مسرحية مقصودة: "خسارة  
كان ممكن أستلفه منك و ألبسه و أكتب عليه من قدام (احذر  
الوقوف المتكرر)، و أروح بيه الكلية و أمشى ملك، و لا يفرق  
معاي حد"

و كاد الضحك أن يعلو مرة أخرى قبل أن يبدأ رامى  
بإرسال نظرات غاضبة خفية تطلب من الجميع الكف عن  
السخرية من سذاجة أخيه، و الغريب أن فهد لم يشعر بأية مهانة  
من ضحكهم بل ظن أن ذلك الضحك ما هو إلا سعادة  
وترحيب به، فاقترح رامى لمجرد صرف الانتباه عن أخيه: "و إحنا  
هنفضل قاعدين كده؟ مش هانلعب حاجة؟"

محمد: حاجة زى إيه يعنى؟

فهد : مانلعب إستيميشن أنا نفسى أتعلمها.  
 عمرو : بصراحة أنا جيتت أخرى من الإستيميشن.  
 رامى : و بعدين الإستيميشن دى بتلعب أربعة.  
 فهد : ممكن نلعب.

### Spin the bottle

أجابه كريم فى ملل : لا مالهاش لازمة و بعدين إحنا عارفين  
 كل حاجة عن بعض.

فهد : أنا معرفش أى حاجة عن أى حد.  
 اقترحت نادين و قد اتسعت عيناها من الاقتراح: طب و ليه  
 لأ صحيح؟  
 هلى فهد : شوفت الناس إल्ली بتفهم.

قالها ثم وضع موبايله على الترابيزة ليدور الموبايل, و جاء  
 دوره ليسأل "نادين": "إيه أوحش علاقة عديتي بيها مع  
 ولد؟" قالها دون أى حرج ليحد أخيه ينهره أمام الجميع: "إيه يا  
 فهد الأسئلة دى؟"

أجابت نادين مُبتسمة : "لأ عادى عادى مافيش  
 مشاكل, كان واحد اسمه نادر, كنت فاكرة إن خلاص هو ده  
 بقى, الحوار انتهى بإنه عمل مشكلة مع أخويا اتخانق معاه  
 و كسرله رجله بطله يلعب إسكواش تانى بقية حياتى"

بدى حسام مُهتماً و هو يوضح : "آ ه ما هو حكاالى على  
الموضوع ده"

كان كريم ينظر إلى نادين و يبتسم, لقد كان هو الشخص  
الذى تركته من أجل نادر, ليس هناك ما يريد أن يسمعه الآن  
سوى اعترافها أمامه بأنها ندمت, و دارت اللعبة هذه المرة لكي  
يأتى دور كريم ليسأل "نادين", : "طيب, لما حوار نادر ده  
باطل, مكنش فى حد سيته علشان نادر ده و ندمتى عليه؟"

ضحكت نادين خجلاً كانت الوحيدة التى فهمت أنه كان  
يقصد نفسه بتلك العبارة الأخيرة,

فهرها ضاحكاً "بتضحكى على إيه؟! ردى على السؤال"

ـ "أيوة ارتحت؟"

مط شفتيه مازحاً : شوية آه.

و ضحك الاثنان, لتستمر اللعبة و ليأتى دور فهد ليسأل  
عمرو: "واضح من كلام رامى على الإم. إس. إن. إن كريم  
ورامى و محمد مصاحبين, إشمعنى إنت إلى مش مصاحب؟"

و جحظت العيون للمرة الثانية و لترداد حساسية الموقف,

و يحكى لى "عمرو سلامة" بنفسه عن تلك الحادثة  
المُخرجة: "طبعاً لما فهد رزع السؤال كلنا اتخضينا, خصوصاً

إن "لينا" كانت قاعدة معانا، و الأنيل من كل ده إن حسام كمان كان قاعد "قالها عمرو ثم رجع في كرسية و هو يحدثني و لتغير لهجته ليحكى الأمور من منظور آخر: "بس عارف، الواد ده صحيح كنا كلنا بنستهبله أول ما شوفناه بس عرف يسألني السؤال إللى أنا مش راضي أسأله لنفسى، هو أنا ليه مش مصاحب لحد دلوقتي؟ صحيح هو سألهاولى في موقف زبالة، وقدام ناس غلط، بس بيني و بينك أنا كنت محتاج ألم زى ده علشان أفوق من الأوهام إللى أنا معيش نفسى فيها"

و توقف "عمرو" عن السرد، لأجد نفسى أتركه لأتحدث إلى "كريم" هاتفيا لبدأ ذلك الأخير بشرح الموقف من وجهة نظره: "بصراحة أنا على قد ما كنت قلقان من إللى ممكن يحصل، على قد ما كان نفسى أتفرج و أعرف "عمرو" هيتصرف إزاي، بس بصراحة عمرو عجبنى أوى، طول عمرى كنت مقتنع إن عمرو إللى في قلبه على لسانه بس يومها بصراحة فاجئنا كلنا، لقيته بص لفهد و هو مدي Face قفش و قاله: "لا يعنى أنا كنت مصاحب و حصل حوار كده، بص !! ممكن لما تتعود عليا شوية يا فهد أبقي أكلمك في حاجة زى دى" عجبنى أوى عمرو إنه عرف إزاي يوقف فهد عند حده من غير ما يخرج نفسه و يخش في كلام مالوش لازمة"

فلنعد إلى السرد الطبيعي للأحداث، بالطبع بعد أن أبدى عمرو انزعاجه من سؤال فهد، فـ"رامى" أخيه الأصغر للمرة الثانية: "فى إيه يا فهد إنت مالِك؟ إيه الأسئلة دى؟"

تجاهل فهد نقد ذلك الأخير تماماً ليلف هاتفه مرة أخرى، هذه المرة كان دوره ليسأل "لينا"، أردف "رامى" مستنكراً: "هو إنت مافيش حد غيرك بيسأل فى اللعبة دى؟!"

و كان سؤال فهد للينا هو: "لينا إيه أكثر حاجة قليلة الأدب عملتها مع ولد؟"

هنا قفز "رامى" من مقعده و صرخ فى أخيه: "إيه إيه إيه" ثم توجه بكلامه إلى لينا و حسام: "سورى يا جماعة ده عبيط، ده مش عارف هو يقول إيه" ضحكت لينا و هى تحاول أن تخفى ارتباكها.

و نظر إليها حسام ثم إلى عمرو لقد جعله ارتباكها يشك فى تقدير حدود علاقتها القديمة مع عمرو "لا لا مافيش حاجة، أنا لازم أمشى دلوقتى باى"، قالتها لينا مضطربة و هى تصحح وضع خصلات شعرها، (رد فعل لا إرادى اشتهرت به عند إرتباكها) رحلت ورحل معها "حسام" وسط شكوكه، ولم يوشك الاثنان أن يرحلا حتى علا صوت "رامى" إلى أقصى الحدود كان قد تحمل الكثير من الهراء من أخيه، و كانت تلك العبارة الأخيرة هى القشة التى قسمت ظهر البعير "إيه إالى إنت

قولتوه ده؟ إنت مجنون يا بني ؟ إنت عبيط، إنت خلاص  
المهروين لحس إल्ली كان فاضل فى عقلك ما بقتش عارف إنت  
بتقول إيه و لا بتعمل إيه "قالها رامى و استمع إليها أكثر من  
خمسين شخص كانوا قد خرجوا لتوهم من إحدى قاعات  
السينما، فاقترب "محمد" من رامى الذى قد تحول لون وجهه إلى  
الأحمر : "خلاص يا رامى الراجل كان بيهزر، مكانش عارف  
هو"

توقف رامى عن الكلام لبرهة من الوقت وكأنه يعطى لنفسه  
الوقت ليملك زمام أعصابه، و نجحت محاولته، بدا أقل غضبا  
وأهدأ صوتا و هو يردف لأخيه بغضب: "على العموم يا فهد  
إحنا مش هنتكلم هنا، لما نروح لينا كلام تانى"

و قبل أن يرحل رامى توقف وعاد إلى أصدقائه ليتذكر شيئا  
كاد أن ينساه،: "آه صحيح يا عمرو قبل ما أنسى إنت كان  
ليك عندى كام إنت و كريم ربعمية ولا خمسميت جنيه؟"

غمغم عمرو فى حرج : "مش مهم دلوقتى يا رامى"

- معلىش بس علشان منساش.

أردف كريم هامسا: "لو مصمم تعرف فتيهم ربعمية  
وخمسين"



و فى أثناء انشغال "رامى" بتسديد ديونه، تفرد "محمد  
البارودى" بـ "فهد" ليسأله الأول: "هيوين هه؟ لا بس إنت  
ليك فى البودرة و كده يا فهد؟"

\*\*\*

على رغم مما قمت به من عمل، و ما بذلت من جهد على  
قدر استطاعتي، إلا أننى لم أجد شخصا واحدا فى الإسكندرية  
يعلم بالطببط كيف استطاع "محمد البارودى" أن يلتقى  
بـ "يارا" مرة أخرى، البعض يقول أنه قد وجدها عن طريق  
الصدفة. و هو يشتري (ورق بفرة)، و البعض يقولون إنه عثر  
عليها عن طريق الـ Facebook، و البعض يؤكد أنها هى  
التي وجدته أولا، لا أحد يعلم، المهم أنهما الآن صديقان مقربان  
للغاية، ليسا حبيبان فلقد منعه فرق الديانات و اختلاف العقائد  
من ذلك، و لكنهم أصدقاء، و أظن أن تلك هى فرصة جيدة  
لاستعراض بعض النقاط المشتركة ما بين الشخصيتين، كلاهما  
محب للخمر و الحشيش و المخدرات بأنواعها، كلاهما  
مغضوب عليهم من المجتمع لسبب أو لآخر، فالتالى كلاهما يحب  
أن يجلس فوق كرسي عال ليشاهدا بوضوح عيوب و أمراض  
المجتمع الذى يظن أنه أفضل منهم، و ازداد الارتياح فيما  
بينهما، و وصلت الصراحة فى حديثهما إلى حد الغرابة  
أحيانا، كانا يجلسان فى أى مقهى، و يراهنان بعضهما على هوية  
المارين من الناس، فتشير يارا إلى عائلة و تتوقع أن يكونا من

القاهرة، توقعت ذلك بسبب لهجتهم العدوانية و تراهن على ذلك بخمسمئة جنيه و يراهن محمد بنفس المبلغ على العكس، فتقوم يارا من مجلسها لتؤكد و لتخبر العائلة أن هناك سيارة ملاكى الإسكندرية "راكنة غلط" فيجيبا بأنها قد تكون سيارتهم .. فبذلك تكون هى قد خسرت الرهان.. و تمتد جراءة اللعبة بأن يشير "البارودى" إلى رجل و زوجته و يتوقع أنهما مسيحيان، بل و أنهما أقباط على وجه التحديد و يبنى توقعه ذلك على تصفيفه شعر و طريقة ملبس محددة فتذهب هى لتمر بجانبهم و تلقى عليهم التحية "السلام عليكم" فلا يجيبان فيكسب محمد الرهان، وهكذا، كانت السخرية من الناس لعبة بالنسبة إليهما،

و أثارت صداقة "يارا" و "محمد البارودى" الكثير من علامات الاستفهام فى المجتمع السكندري بشكل عام، كان ذلك واضحاً عندما أراد أن يعرف "كريم" و "رامى" و "عمرو سلامة" بصديقته الجديدة، اجتمعوا فى قهوة المصريين و رأوها لأول مرة بعد حكايات البارودى التى لا تنتهى عنها، لم تكن بهذا الجمال كانت مثيرة جنسياً و لكنها ليست جميلة على الإطلاق (فهناك بالطبع فارق ما بين الاثنين)، و فى اليوم التالى سأله "كريم" صراحة أمام "عمرو" و "رامى" عندما كانا يلعبون Winning Eleven لعبة البلاى ستايشن الشهيرة فى شقة ذلك الأخير مستغلين فرصة غياب فهد: "مين بقى البنت دى؟"

أجابه "محمد" في دهشة "يارا"

أستطرد "عمرو" ضاحكا: "لأ ما إحنا قابلناها و قاطعين على اسمها أكيد بلاش غباء, كريم قصده مين دى ؟ بتعمل إيه معاك يعني؟"

أجاب محمد في سخط وقد فهم تلميحاتهم: "و لا حاجة يا رامى مش كل حاجة تفهمها كده"

و بالطبع لم يقتنع الثلاثة بكلامه بل زادهم عبارته الأخيرة إلا سخرية إستسلم لها حتى نهاية الليلة, لم يشعر محمد البارودى بالظلم كما شعر فى ذلك المساء, ظل يسأل نفسه عائدا إلى البيت عن سبب تلك الفكرة التى أخذها الجميع عنه, كأنه غير قادر على الصداقة أو على الحب, و حتى إن ارتكب جرما وأحب من كل قلبه, أیطلب محمد الكثير من العالم عندما يعلن حبه؟ أن يصدق الجميع أنه يشعر شأنه شأن سائر البشر ؟ وظلت الفكرة فى ذهنه ترفض الخروج.

\*\*\*

لقد انتهى الأمر, و انتشر خبر النهاية بين جميع كنائس الإسكندرية, لقد انتهت علاقة "مارك" بـ "يارا" هذه المرة بشكل نهائى معترف به من الطرفين, لم تعد تعنيه فى أى شىء, ليس بعد الآن, اتصل بها بنفسه ليحدد موعد يعيدا فيه هداياهما

لبعضهما، تقابلا في الكنيسة، ظل الاثنان لدقائق طويلة على حال واحد، يعيد إليها أشياء و تعيد إليه أشياء، دون حرف واحد، دون أن يتم أحدهما بينت شفة، ظلا على هذا المنوال حتى أمسكت هي بأحد أغراضه لتدورها في يدها و كأنها تتفحصها من كل جانب قبل أن تردف في قرف: "البتاعة دي مش بتاعتي على فكرة"

أجاب مارك في إصرار ممزوج بالدهشة: "لا بتاعتك كنت جايهالك في الفالنتين قبل إल्ली فات"

مطت شفيتها في لا مبالاة و هي تقول: "يمكن بقي"

استفزها سلوكه فكان لابد أن يسأل: "هو إنتي مش فاكرة حاجة خالص يا يارا؟ لأ مش على الهدية دي بالذات، أنا قصدي عاما، إحنا مع بعض أكثر من سنتين، مش فكرة حاجة خالص تخليكي ترعلى على إن الموضوع خلص؟!"

أجابت دون أى إحساس و كأنها تقرأ ما تقول من ورقة أمامها: "كان وقت للذيد و كل حاجة و أنا عمري ما اتبسطت مع حد زيك بس"

- "أمال أنا حتى مش حاسس إنك متضايقه؟"

يارا(بيروود): "لأني مش متضايقه" قالتها قبل أن تهز كتفها في  
لا مبالاة لتستكمل: "أقولك إيه يعني ما أنا عيسى أصلى إن  
مابعرفش أكذب, و مبقدرش أمثل على حد"

أجاب مارك متهكماً: "لا و المسيح الحى!! مبتعرفش تمثلى  
على حد؟! ,بقالك سنتين بتمثلى عليا, إيه مش فاهم معنى!  
طلبت معاكى الأمانة فى الخمس دقائق دول؟"

أجابته يارا بعصبية: "يعنى إيه عايزنى أمثل عليك معنى؟"

اتجه إليها قبل أن يردف ببغض عالى الصوت: "يارا إنتي"

قاطع نفسه بنفسه بعد أن لاحظ أن عددا كبيرا من رواد  
الكنيسة قد التفتوا إليه فجأة, اقتربت هى منه فى جرأة تحسد  
عليها: "سكت ليه ما تقولها؟"

أجاب مارك بمرارة: أنا مقدرش أقول كلمة زى دى  
علشان ده بيت الرب, على العموم لو عايزة تعرفى اسألى أى  
حد فى إسكندرية كلها و هو يقولها لك"

\*\*\*

"احلف إنك قولتلها كده قدام الكنيسة بتاعتكوا كلها" قالها  
خالد, كان ذلك الأخير قد خرج للتو من المستشفى و كان

ذلك اجتماعا في إستيميشن كافيه حضره هو و مارك و نيفين  
و نادر،

أجاب مارك على السؤال متظاهرا بالبرود: "آه قولتلها كده  
عادى جدا"

سألته نيفين (التي لم تندم يوما على عدم ذهابها للكنيسة  
سوى ذلك اليوم) بلهفة: "و هي قالتلك إيه بقى؟؟؟"

- "و لا نطقك أنا كده كده، كنت أولريدى مشيت  
وسبيتها أساسا، بس عارفين حاسس إني بجد مش زعلان؟"

أعلن أحدهم: "لأ بس إنت فاجتتى يعنى، كان إल्ली باينلى  
قبل كده إنك بتحبها و بتاع"

أوضح صاحب الشأن (مارك) بحكمة كعاداته: "يارا ما كنتش  
حب و كده، يارا كانت إدمان، زى الحشيش بالطبط، حاجة كده  
بتبقى حلوة فى أولها بس حتى لو كرهتها بعد كده متقلدرش  
تسييها، اتعودت عليها يعنى"

هنا أردف خالد: "عمرى ما قدرت أفهمك، يعنى إيه  
اتعودت عليها؟!، المفروض أول ما تلاقى نفسك مش دايس فى  
حاجة تخلع منها طول، إيه إल्ली فى دنيا يجبرك على حاجة إنست  
مش عايزها؟! .. أهى مارك الحديث بحكمة أخرى: "حوار

إني أخلع مش سهل زى ما إنت فاكر كده، على الأقل بالنسبة  
لى أنا، أنا تعبت أوى عقبال ما عرفت أبطل يارا"

\*\*\*

رغم أن دراسة فهد كانت قد بدأت بالفعل، إلا أنه كان  
منشغلا بأمور أخرى كثيرة، و تلك مرحلة طبيعية يمر بها أى  
زائر جديد فى مصر، بلد العجائب، و على عكس كل السزوار  
الجدد الذين يهتمون بالآثار و الثقافة الشعبية لشعب  
مصر، كانت سياحة "فهد" لتلك البلاد مختلفة بعض الشيء، أراد  
أن يدرك كيف تدار أنشطة الدعارة و المخدرات فى الشارع  
المصرى الذى لا يمتلك رصيفا، و هكذا بدأت رحلته بأن  
يتكيف "فى" بيئة مصر بدلا من أن يتكيف "معها"، و "فهد" سعيد  
جدا فى مصر لا يمتلك سوى مشكلة واحدة، أخيه، فى يوم مسن  
وهو جالس فى بيته يتطلع إلى قناة MBC Action. ينتهى  
الشغف و الاحترام قاطع "رامى" عليه كل هذا بعبارة غير  
واضحة المعنى "على فكرة يا فهد ماما اتصلت بيا"

أجاب "فهد" بارتباك: "بجد و الله و ما قولتلىش ليه؟"

استكمل رامى مجييا خافيا غضبه: "لأ مانست مكوينتش  
جنى، إيه إالى إنت قولتلهوها ده؟ أنا برضه إالى بسحلك قدام

صحابي على موضوع الهيرودين و لا إنت إल्ली بفتضح نفسك  
باللى إنت بتعمله؟"

- لأ إنت فهمت غلط.

- و إيه كمان حوار إن أنا بستنى فلوس كل شهر علسشان  
أروح أفرقها على صحابي؟

- تقدر تنكر إن ده حصل؟

رامى (بعصبية): الفلوس إल्ली أنا كنت بديهاهم دى هى  
فلوسهم إल्ली دفعوا بيها فواتير البيت ده لما الفلوس اتأخرت.

أجاب فهد و قد أصبح صوته خافتاً فجأة: خلاص ماكتتش  
عارف إيه إल्ली حصل يعنى.

تغاضى رامى بعدها عن الأمر و طلب من فهد: "طب خد  
الفلوس دى إطلع إديها للناس إल्ली فى الدور الرابع، قولوهم  
الإيجار المتأخر جيه"

خرج فهد بالمال من الشقة، و طوال طريقه إلى شقة مارك، لم  
تسيطر على تفكيره سوى فكرة واحدة، كيفية تخلصه من سطوة  
أخيه الأكبر عليه، و أثناء صعوده السلام رن هاتفه الجوال  
كانت أول مرة يكون المتصل هو شخص آخر غير أمه منذ أن  
وصل إلى مصر، رقم غير معروف، ظن فى البداية أن "النمرة  
غلط" و لكنه عندما أجاب المكالمة تأكد أن المتصل المجهول



يريده هو بعينه، صوت غليظ، و لهجة ساخرة بلا سبب، سأله  
فهد في حيرة صادقة: "مين إنت؟"

أجاب المتحدث: "أنا محمد البارودي؟"

- البارودي مين؟

أجاب ضاحكا: "أنا إللى ممشى البلد دى كلها على  
مزاجى"

- آه إفتكرتك آه، على العموم أخويا مش جننى دلوقتى.

- أنا لو كنت عايز أخوك كنت اتصلت بأخوك، أنا  
عايزك إنت، إنت لسه ليك فى البودرة؟

\*\*\*

أثناء سردى لتلك الرواية، نقلت العبارات الكاملة من على  
لسان البعض تركتهم يحكون بدلا منى لأفهم عايشوا ما أتكلم  
عنه أكثر، و لو أننى وُضعت أمام الاختيار الصعب ألا أستعير  
سرد شخص آخر خلال ترك الرواية إلا مرة واحدة فقط  
فسأختار تلك الآتية، ما حدث بالتحديد أن خالد قد اختفى لم  
يعد له أثر شيء ما أحزنه إلى درجة الهروب من بيته، و يحكى  
نادر: "كان محتفى عن الأنظار من مدة ليست بقليلة، وجدته فى

المكان الذى توقعته فى مكان ما على لسان البحر حيث كنا  
نجلس فيه عندما كنا فى التاسعة من عمرنا، كان فى أسوأ  
حالاته، لحيته التى طالت لتعطى الإيحاء أنه قد كبر خمس سنين  
فى الخمسة الأيام التى اختفى فيها، و ذهب ذلك الإحساس  
بمجرد أن فتح فمه ليبدأ يتكلم فشعرت كأنه طفل، كان يتكلم  
و ييكنى فى نفس الوقت بتلك النبرة الشهيرة التى يضع فيها  
نصف ما يقال و يختنق بالبكاء، فلم أجد إلا التظاهر بالفهم  
وحاولت تهدئته، المشهد كان غريبا حتى بالنسبة لى، إننى أعرفه  
من عشرة سنين تقريبا لم أره ييكنى من قبل، كان دائما قوى فى  
وجه أى مشكلة، لقد كان سدا منيعا لكننى أنا الذى  
هددته، جلست بجانبه وقلت دون أن أنظر فى وجهه كأننى  
منشغل بمنظر البحر و الحقيقة ببساطة هى أننى لا أطيق رؤيته فى  
هذه الحالة "كنت متأكد إنى هلايك هنا" قلتها و أنا أحاول أن  
أضيف بعض المرح على لمحتى و لكننى فشلت، لم يجبنى هو من  
الأساس و كأننى لست موجودا، سألته عما يحزنه إلى هذا الحد  
فأجاب و ياليت ما أجاب : "ريم مصاحبة واحد تانى غيرى"

و على قدر ما حزنت للشعور بالذنب على قدر ما سعدت  
عندما أدركت أنه لم يفهم أن هذا الشخص هو أنا، تظاهرت

بالدهشة : "إيه ده ؟ ريم و إنت عرفت مين؟ إنت شوفت شكله  
يعنى؟"

- لا بس شوفته من ضهره.

تنهدت بارتياح قبل أن أستطرد: "تلاقيه واحد من العيال  
بتوع سان جابر ايل دول, رامي و كريم و العيال دى"

- "مش عارف, أنا مابقيتش عارف أى حاجة فى أى حاجة  
يا نادر" قالها قبل أن يغوص فى نوبة جديدة من البكاء المستعيرى

- طب قوم يا خالد قوم بس.

- أروح فين؟

- هتروح بيتك تعالى بس.

قام معى لم يكن قادرا على المشى من تأثير الخمر و لم  
أقدر أنا على المشى كذلك من تأثير الذنب, فمشينا نسند بعضنا  
بعضا, حتى نهاية الطريق.

\*\*\*

"أنا بقاللى سنة مبفكرش غير فى يارا بس, بطلت سحاير  
علشانها, و بقت حياتى كلها بتدور حواليتها, لدرجة إنى لما  
عرفتها على حقيقتها, مجاش حتى فى بالى إنى أفرکش معاها لأن

الفكرة أساسا مش واردة، فكنت بضطر أقبل بكل حاجة غلط  
أنا شايفها فيها، لأنى مش متخيل نفسى مع واحدة غيرها أصلا،  
مارك هو قائل تلك الجملة الأخيرة، استيقظت "نيفين" هذا  
الصباح على مكالمة تليفونية منه، أراد أن يقابلها لسبب  
ما، جلسا فى إيستيمشن كافيه و كانت تلك العبارة السابقة هى  
بداية كلامه، واستكمل هو "يمكن لو جربت أشوف نفسى مع  
بنت تانية، الموضوع هيبقى أسهل بكثير، مش كده؟"

أجابته و هى تخفى السبب الحقيقى لسعادتها: "بالضبط"

قالتها ثم رشفت رشفة أنيقة للغاية من كوب الشاى الذى  
أمامها؟

اقترب منها فاقتربت منه، و قالت لنفسها أنها تلك هى  
اللحظة المنتظرة سيعترف لها بأنها سيحبها و أنها هى التى قضى  
عمره كله بحثا عنها، و سيعتذر عن غيابه طوال هذا الوقت لأنه  
لم يرها، فتح فمه و لم تستطع هى أن تتوقع سواء إن كانت  
تلك بداية قبلة أم كلام يشبه القبل "طب ما تظبطينى مع  
حد" قالها بعنفوية شديدة دون أن يدري أنه قد ضرب كل  
توقعاتها فى الحائط، وقع كوب الشاى الذى كان يسكن يسدها  
على الأرض، و انكسر قلبها معه إلى ألف جزء ..

\*\*\*

ليس هناك ما هو أكثر إرباكاً من إجراء حديث ودى مع شخص لا تدرى نواياه تجاهك بالتحديد، فالأشخاص الذين نكرههم نعاملهم بالكراه بأسلوب دفاعى فى الكلام و النظرات و الأشخاص الذين نحبهم نثق فيهم و نتكلم براحتنا معهم، أما هؤلاء الذين يرفضون أن يفصحوا عن حقيقة مشاعرهم أولئك هم أسباب الارتباك، الارتباك كله، و هذا هو الحال الآن ما بين "أحمد شمس" و "هبة"، فجأة و بدون أية مقدمات، أمرهم رئيس الشركة بالعمل سوياً لتقديم presentation فى فندق هيلتون الجزيرة فى القاهرة، كانت هى التى ستقوم بالعمل كله على أية حال و لكن لأسباب يطول شرحها كان لابد من وجود مهندس كمبيوتر و لو بشكل احتياطى،

المهم، قبل الاثنان و قد غطاها الإخراج من بعضهما، وصلاً إلى الفندق، كانت تبقى على الـ presentation ساعتان كاملتان عندما أرادت هى أن تلقى نظرة على مكان الاجتماع لتخلصها من بهيمة المكان، و أراد هو أن يصعد إلى الكافيتريا ليشرب قدحاً أو قدحين من القهوة، و تقابلوا فى المسعد، لم يتبادلا سوى النظرات و الابتسامات الصفراء، قمنى كل منهما سرا أن يصل إلى مقصده لكى يتخلص من هذا الارتباك،

و انكسرت كل توقعاتهم بالخائط عندما توقف الأسانسير، تماماً.

لقد اكتشفت بالطريقة الصعبة وهي التجربة أن الحب من أول نظرة لا وجود له إلا في أغاني عمرو دياب و محمد حماقي، أو بعض أفلام محمود ياسين.

الحب من أول نظرة ما هو إلا فكرة إعلانية تجارية بحتة، ساعدت على ترويجها إعلانات العطور و الملابس المستوردة، و لم أستطع قط أن أخفى اندهاشي من هؤلاء الذين يحددون مواصفات فتاة أحلامهم من قبل أن يروها، الغريب أنهم يصفونها بدقة شديدة و كأنهم يرونها أمامهم، شعرها أصفر و صدرها كبير و فمها صغير.. و بقية الصفات الشكلية الدقيقة للغاية و التي تكاد تنتهي بـ"و أول حرف من اسمها هيفاء وهي"، الحقيقة المرة أن كل ذلك وهم، كل هذا سراب، الحب الحقيقي يأتي بالتفاهم و ليس بممارسة العادة السرية و أنت تتخيل فتاة ما.

أثناء تعلمي للعبة الإستيميشن كنت كثير الأسئلة بسشكل مزعج للغاية، و كنت دائما ما أسألهم "هو المفروض البنت إللى من لون معين تزول مع أهو ولد" و كانوا دائما ما يجيبوني بنفس الإجابة "ولد إيه؟ و بنت إيه؟ مفيش ولسد مناسب لبنت معينة، حسب الدور و حسب ظروف كل Game" و حتى بعد أن فقدت اهتمامي باللعبة ظلت الجملة تدور في ذهني،

وبدأت تحتل جزءا كبيرا من تفكيرى فى كل شىء يخص  
الحب, ليس هناك ولد و بنت مثاليين لبعضهما, إنما هى الحياة  
التي تلعب بنا,

لا تسيثوا فهمى فأنا من أشد المؤمنين بالحب و لكن ليس  
هذا النوع الذى يمتلك Option من أول نظرة, هناك حب  
من أول موقف و أول جملة و أول فهم حقيقى لشىء... صية  
النساء . أنت الذى تصنع فتاة أحلامك, تجتهد أنت, و أنا أكر  
تعيشوا فى تبات و نبات ..

و فى نظرى أن ذلك الفهم الخاطيء هو أساس كل المشاكل  
العاطفية لذلك الجليل, ينتظرون فتاة ما شديدة الجمال و الذكاء  
معا لكي يقعوا فى حبها كالجنانين دون النظر فى كواليس حياتها  
الخفية, هذه هى مشكلة "عمرو سلامة" و حتى إن لم يعترف هو  
بذلك, و هذه هى أيضا مشكلة "مارك", الذى أضاع عمره فى  
البحث عن الحب من أول نظرة,

و "مارك" حتى لحظة كتابة هذه السطور لا يمتلك أدنى فكرة  
عن السبب الذى أربك "نيفين" و تسبب فى كسر الكوب الذى  
تحمله فى يديها,

"سورى بجد والله مش عارفة مالى النهاردة؟" قالتها هى فى  
منتهى الإحراج و هى تحاول أن تجمع ما تبقى من الكوب, أتى

أحد العاملين بإيستيميشن ليساعدها، اعتذرت للجرسون قبل أن  
تلتفت لمارك و هي تسأله : "إنت كنت بتقول إيه ؟"

- كونت بقولك نظبطيني مع حد.

- الحد ده بنت يعني ؟

- أمال راجل إن شاء الله !!؟

- فكك مني يا مارك إني أعملك حاجة زى كده.

- طب لو قولتلك علشان خاطرى؟

وها قد بدأ فصل جديد من الدموع الخفية و الآهات  
المكتومة فى حياة نيفين التى اختارت بملأ إرادتها أن تخفى عن  
الآخر مشاعرها.

\*\*\*

عندما استخدم أحمد شمس هاتف الطوارئ المثبت داخل  
المصعد تم إخباره أن هناك عطلا سيدوم لمدة نصف ساعة و  
هذا بسبب أن هذا الجزء الفندق ما زال فى طور المراحل  
الأخيرة من البناء و التشييد، أغلق السماعه و أخبرها بما  
سمعه، كل منهما شعر بأنه تم حبسه رغم أن إرادته مع آخر  
شخص يتمنى أن يتعامل معه، و زاد الارتباك،

كان لا بد من حديث ما، حتى و لو كان تافها.



مرت أكثر من عشرون دقيقة و"أحمد شمس" يلقي النكات  
اللاذعة عن زملائه بعمله القدم بالقاهرة،

"لأ وبعدين كان راجل غريب أوى فعلا كان ألدغ"

سألته هبة في وسط ضحكاتها: "ألدغ في الريه؟"

- ألدغ في الكاف عمرك سمعتي عن حد ألدغ في الكاف

بينطقها خاه؟؟!

- هاهها لأ بس وحشة أوى بصراحة إن السكرتير بتاعك

إللى هو مفروض بيتكلم باسمك يبقى ألدغ، كنت مستحمل

إزاي؟

أجاب أحمد و هو يستعير أسلوب عادل إمام: "لأ عادى ما

هو أصل الحاجات دى خلقة ربنا أنا مكانش عندى أى مشكلة

لحد مابتدينا نتعامل مع واحد اسمه الأستاذ شاكر، ساعتها

المصايب كلها جت" ثم استكمل أحمد و هو يقلد سكرتيه:

"الأستاذ شاخر مستنى بره و زعلان جدا علشان الماردات إللى

طلبها لسه موصلتش"

وظلت الضحكات المتبادلة حتى بعد أن عاد المصعد إلى

العمل، نظر إليها بحزن غير مفهوم "أنا نازل الدور ده، هاشوفك

في الاجتماع"

أجابته ضاحكة و هو يخرج من الأسانسير : "باى باى يا أحمد, ده إنت طلعت مسخرة"

نظر إليها بنفس الحزن : "و إنتى ضحككت زى ما هى من وإحنا صغيرين"

لم تنتبه فى البداية لما قال, و عندما فهمت وجدت الوقت قد فاتها, كان باب المصعد قد أُغلق بالفعل, وكان قد ابتعد عنها.

\*\*\*

احتفالاً باقتراب موعد عيد ميلاد و بمناسبة حصول "محمد البارودى" على مفتاح فيلا مارينا الخاصة بأبيه بشكل مؤقت, والله أعلم لأى أسباب أخرى .

قام "البارودى" و "نادر" و "يارا" و "هانى" برحلة أو ما يسمى "طلعة" إلى مارينا ٣, لم يجد نادر أى مشكلة أن يشترك فى تلك "الطلعة" مع "يارا" التى من المفترض أنها أساءت لـ "مارك" صديقه, أينعم ضايقه ذلك و لكن كل هذا لم يمكن أن يُقَارَن بالراحة النفسية التى سيجدها فى البُعد عن الإسكندرية و مشاكلها و علاقته برم التى تؤنب له ضميره, و خرج الأربعة لأحد الكازينوهات فى مارينا, تكلم الثلاثة فى الحشيش بينما كانت "يارا" ترقص مع شخص ما لا يعرفانه,

"المهم يعنى معاك قد إيه دلوقتى؟" قالها هانى بقرف لازم  
لهجته طوال الفترة الأخيرة كلما تكلم مع "البارودى"

أجاب "محمد" الذى جذب رقص "يارا" مئة فى المئة من  
اهتمامه: "قد إيه فى إيه؟" قالها بمنتهى البلاهة و كأنه قد استيقظ  
لتوه من النوم مفزوعا،

أجابه نادر بملل: "هيكون إيه يعنى؟ حشيش، محمد إنت  
سامعنى أساسا"

هذه المرة لم يعر محمد و لو نصف اهتمام، سألهم هو: "مين  
إللى بيرقص مع يارا ده؟"

أجاب نادر بعد تمنعن: "معرفوش"

واستكملوا بعدها هم الكلام و ظل هو بعيدا عنهم  
بذهنه، ظل يراقب بمنتهى الغيظ رقص يارا و الشاب المجهول  
على أغنية Akon — That Smack كانت مسألة وقت  
قبل أت يفقد شخص مثل البارودى السيطرة على أعصابه

لم يستطع هو التغاضى عن حقيقة أن الشاب كان قد لامس  
مؤخرة "يارا" أكثر من مرة و بمنتهى البطء و الئذ و  
الوقاحة، لاحظ "هانى" ما لاحظته "محمد البارودى" فاقترب ذلك  
الأول من أذن البارودى ناصحا: "ما لاكش دعوة بإللى إنت  
شايقة ده خالص، هى مبسوطة كده و هى حرة"

و لكن كان الأوان قد فات, كان محمد قد تحسرك بالفعل  
ليلكم الشاب و كأن قوانين الجاذبية الأرضية قد ألغيت لثلاث  
ثوان, طار الشاب بظهره إلى الوراء إثر الضربة ليقع على ترابيزة  
و يكسرها, و ليبدأ أصدقاء الشاب بالنظر إليه و السخرية منه, و  
قبل أن ينطق أي من "نادر" أو "هاني" أو حتى يارا بحرف واحد  
كان محمد البارودي قد أصدر فرمانه : "يلا بينا من هنا"

\*\*\*

منذ أن خرجت هبة من المصعد و هي تجرى لاهثة في محاولة  
للعثور على "أحمد شمس", و أخيرا وجدته في أكثر أماكن الفندق  
وحدة و ظلاماً يشرب كأساً من الخمر, سألته مباشرة و دون  
مقدمات السؤال التي تعرف هي إجابته مسبقاً: "إنك طول  
الوقت ده كنت مجتمع أنا مين صح؟ من ساعة ما جيت الشركة  
أستلم الشغل؟"

أجاب حزينا دون أن يلتفت إليها : من قبل كده كمان من  
ساعة ما "مى" قالتلى إنك جاية.

- و ليه؟! ,

قاطعها و يستدير ليرى وجهها للمرة الأولى منذ بداية  
الحديث : ليه عملت نفسى مش عارف؟ علشان مضايقت  
مى.

و استكملت هى و قد بدأت تفهم : "و علشان متحرجنيش"

- و إنتى إيه إالى حصلك ممكن تتحرجى منه؟ أنا إالى اتثبت إنتى نسيق ولا إيه؟

- مكانش ده مقصود إنه يحصل يا أحمد إنت عارف كده كويس.

أجاب و قد تجاهل تماما ما قالته : عارفة لو كنتى بس ساعتها قولتى أبوة كان فى كام حاجة ممكن تتغير, على الأقل مكانتش هادور عليكى فى مروة و فى مى و فى كل ست أقابلها, إحنا كان ممكن نكون متحوزين دلوقتى؟

و هنا على عكس كل التوقعات اقتربت هبة منه, وقبلته قبله طويلة مطلوبة و مُحَرمة,

\*\*\*

فلنلقى نظرة سريعة إلى ما آلت إليه حياة "عمرو سلامة" فى الفترة الأخيرة, أصبح مدمنا للسجائر والحشيش بشكل ملحوظ, لم تكن السجارة لتفارق فمه أو لعبة "السجاير" أن تفارق جيبه كان لديه ميعاد ثابت مع أصدقائه يتجمعون فيه فى شقة رامى تم الاتفاق عليه من قبل ويدخنون الحشيش ساعات

وساعات وساعات دون أن يشعروا بمرور الوقت ثم يعود كل منهم إلى بيته.

و بالطبع بيته هو أبغض مكان في الأرض إلى قلبه، كان لا يستطيع أن يدخل أو يخرج منه دون مشاجرة عنيفة مع أسرته ما إن يدخل إلى تلك الفيلا حتى يتحول "عمرو سلامة" من ذلك الشاب خفيف الظل إلى شخص حاد الطباع منطوي إلى حد عجيب يحرص لسبب ما أن يظل باب غرفته مغلقا بالترباس مما يثير دهشة أفراد أسرته جميعا لكن ما يلبث هذا العجب أن يزول بعد أن تأتيه مكالمة ما على هاتفه الجوال من أحد أصدقائه الذي يطلب منه أن يقابله "الآن" في مكان ما فيترل مسرعا من بيته ويترك باب غرفته مفتوحا على مصرعيه، يدخل إلى الحجرة أبيه أو أمه ويكاد الفضول أن يقتلهما ويدفعهما دفعا ليعرفوا ماذا كان يفعل في الحجرة، ما الشيء الذي يفعله يستوجب كل هذه السرية؟

يأتيهم الرد بعد ثوان معدودة داخل الحجرة من رائحة الحجرة التي تكاد تصرخ وتقول أن شخصا ما كان يدخل السجائر في هذا المكان.

لم يعد يهتم بأن يخفي علبة سجائره عندما يدخل إلى بيته بل كان يضعها بمنتهى الوقاحة على مكتبه، هكذا، بجانب هاتفه

المحمول وبجانب كتب الدراسة التي قلما يأبه أن يقرأ منها شيئاً" ما دام أهله يعلمون أنه يشرب السجائر فلماذا يخفى ذلك؟! "كان هذا مبدأه ويا له من مبدأ.

رغم كل ذلك لم يكن يشعر أنه شخصية منحلة ولو حدث أنه سمع بالصدفة فلانا أو علانا يقول عنه إنه "صايع" مثلاً يشور عليه ويسبه بأهله وقد يصل معه إلى حد تطاول الأيدي أحياناً مما يدهش الذى قال ذلك فإنهم أحياناً كثيرة كانوا يقولون ذلك على سبيل المجاملة .

لم يكن يشعر أنه يعيش الحياة التي يتمنى أن يعيشها لم يكن يحب قط أن يتشاجر مع أهله كل فترة لم يكن يحب إدمانسه للسجائر وللحشيش ولأنواع أخرى من المخدرات. شئ ما كان يدفعه إلى كل ذلك أصدقاؤه ؟ .. لا إنما يمكن القول العكس فهو السبب في انحراف معظم أصدقائه، أهله؟ .. نعم.

كان يظن أنهم السبب لما هو فيه إن لم يكونوا هم السبب الوحيد لماذا يصرون أن يحولوا حياته إلى جحيم؟ لماذا؟

لماذا لا يحاولون تقويم سلوكه بدلا من المشاجرة معه ليل نهار؟

كان كلما يهم بالخروج من البيت يهبط عليه ذلك السؤال الكريه المعتاد "رايح فين؟" فيجد نفسه كل مرة يرد على السؤال "وانت مالك؟" وقد يكون صاحب هذا السؤال هو أحد

والديه إلا أنهما لا يتفاجآن بهذه الإجابة لقد اعتاد الجميع على وقاحته ..

كان ملجأه المفضل بعد كل مشاجرة عائلية هو أصدقاؤه، يترك البيت بمشاكله التي لا تنتهي ويترنل إلى الشارع يتصل بأصدقائه من هاتفه المحمول أو من أى هاتف عام إذا أخذ منه أيه هاتفه الجوال على سبيل العقاب.

و هذه المرة لم يكذب يسمع الرد من الطرف الآخر من الاتصال حتى قال: "أبوة يا رامى.. أنا عمرو أنا اتخانقت مع أهلى، مش عارف حاسس إن أنا مخنوق من الدنيا كلها عايز أقابلك دلوقتي حالا"

كان أصدقاؤه قد اعتادوا على ثلاثي الجمل هذا ( أنا اتخانقت مع أهلى - أنا مخنوق - عايز أقابلك) بعد كل مرة يتشاجر فيهما مع أهله تلك المرة أناه صوت رامى فى ملل قائلا:

بص هو مش هينفع تجيلى البيت علشان فهد، عارف القهوة اللى قدام بيتى أقابلنى عندها,, ok,؟ سلام"

\*\*\*

فى الساعة العاشرة تقريبا دخل رامى إلى المقهى الشعبي الواقع أمام منزله تماما أخذ يبحث بعينه عن صديقه "عمرو



سلامة" وجدته في ركن منعزل من القهوة كان وجهه مليئا  
بعلامات السخط والضجر هذه المرة سحب لنفسه كرسيًا  
وجلس بجانب صديقه سأله في فضول "إيه يا بني مالك؟" رد عليه  
عمرو في ملل "ماليش يا عم خناقة عادية مع أهلى زى كل مرة"  
رد عليه رامى في دهشة: "خناقة عادية مين ؟ ده أنا أول  
مرة في حياتى أشوفك متضايق كده ده إنت من ساعة ما .."

قاطعهم عمرو وكأنه لم يكن يقول شيئاً "بقولك إيه أنا  
تعبان، عندك مكان أبات فيه كام يوم؟" بالطبع كان اختيار  
المبيت عند رامى غير مقترح بسبب فهد الذى أتى على  
غفلة، تراجع صديقه بظهره واتكأ بيده اليمنى على المنضدة  
المحاورة وأخذ يراجع في ذاكرته كل أسماء معارفه وأصدقائه  
ولكن جاءت الإجابة محبطة للغاية "لا ما قدرش أدبر مكان على  
الأقل مش دلوقتى"

كان من الواضح أن الإجابة لم ترق لـ عمرو كثيراً أخذ  
نفساً عميقاً من سيجارة كان قد أخرجها للتو من علبة  
سجائره قبل أن يخرج الدخان من أنفه وفمه في ببطء شديد  
وهو ينظر في اللا مكان قبل أن يلتفت لصديقه مرة أخرى وقال  
باحثاً عن أمل أخير "حاول تفتكر كويس" هز رامى رأسه نافياً  
ثم جحظت عيناه فجأة وانتفض برأسه إلى الوراء كأنه تذكر

شيئا أو قفزت إلى ذهنه فكرة مُذهلة عبر بها عن طريق هذا السؤال العجيب: "إنت طلعت بطاقة مش كده؟" نظر إليه عمرو للحظة ثم أجاب "طلعتها من كام شهر إشمعنى يعنى ؟ رد عليه رامى "ما دام معاك بطاقة يبقى تقدر تبات فى أى فندق و.."

- "إنت فاكِر يعنى إنى مفكرتش فى كده ؟ مينفعش طبعا.

- وإيه إللى مانعك.

- معيش فلوس.

ظهرت ابتسامة على شفَى رامى ثم سحب السيارة من يد عمرو وقال وهو يضع السيارة فى فمه دون استذان "يعنى هى دى المشكلة يعنى ؟" قالها ثم أخرج من جيبه مبلغا من المال واستطرد "خذ مئى الفلوس دى ولما إنت وأهلك تتصالحوا يبقى رجعها لى" حاول عمرو جاهدا أن يرفض عرض صديقه لكنه بعد فترة ينس أمام إصراره فإضطر إلى قبول المبلغ.

\*\*\*

كان نادر أول من رجع سريعا من مارينا، ترك محمد البارودى و يارا و هانى هناك و عاد، لم يكن ذلك بيده بل كان عليه أن يجتمع بأفراد فرقته Born In Hell، أرادوا هم ذلك الاجتماع، و ذهب ليخبروه أولا بأنهم قد أصبحوا أول فرقة Heavy Metal تنجح فى توقيع عقد مع شركة إنتاج

تمهيدا لبدء إنتاج ألومات لحسابها، فرح جدا للخير و سألهم أول شيء عن مكسبه الشخصى فأجابوه بأنه لم يعد من الفرقة، فرغم أنه هو المؤسس إلا أن كل أعضاء الفرقة يروه متقاعسا عن المشاركة فى كل ما هو مهم للفرقة، ليكتشف رويدا رويدا أن خطيئة خيانة صديقه بدأت ترتد إلى وجهه، وتقبل "نادر" الأمر على عكس ما توقع كل أفراد الفرقة، قام من مقعده فى Hands Cafe مهدوء غريب و تركهم دون أن ينيس بنيت شقة، اتجه إلى سيارته، شرب داخل السيارة الخمر، الكثير منه و هو يدور المدينة الساحلية من شرقها إلى غربها، و عندما مل من التنقل لم يجد فى الإسكندرية مكانا يرتاح له قلبه سوى "إيستيميشن"، دخل فلم يجد أى وجه مألوفة فحمد الله سرا على ذلك، فرغم ندرة حدث الدخول إلى إيستيميشن دون لقاء أحدهم إلا أن نادر كان سعيدا للغاية بذلك، فهو لم ييغ رؤية من يلومه على شرب الخمر أو ما غير ذلك، جلس على البار، و بار إيستيميشن هو من البارات القليلة فى العالم التى لا تقدم الخمر، فقط القهوة، و رغم أن تلك هى ثالث قهوة يشربها نادر إلا أن كل ذلك الكافيين لم يؤثر فى "الدماغ العالية" التى كان قد وصل إليها، ما زال يترنح حتى وهو جالس، ما زال يشعر بدوران الأرض بشكل شخصى، ما زال يجذب اطراف الحديث السكير مع النادل الذى لا يريد أن يسمعه،

"أمال سيد مايبيحيش ليه يا فتحى"

"لا ما هو أصله ساب الشغل هنا من زمان, إنت لسه فاكر؟"

رجع نادر برأسه إلى الخلف في دهشة: "يا راجل, و هو بيشتغل فين دلوقتي"

- علمي علمك.

- فين علمي علمك ده ؟

- معرفش بقي، إنت بتتكلم كثير ليه؟

- علشان سكران, هو الباب إللى دائما مقفول عندكوا.

أجاب فتحى ضاحكا : هاتعرف دلوقتي.

كان نادر في سؤاله الأخير يقصد بابا ضخما مغلقا بشكل دائم, و المعروف أن هذا الباب يخفى وراءه قاعة للمناسبات إلا أن "نادر" السكير لم يتذكر ذلك, و ظل نادر يخطر النادل فتحى بأسئلته الطفولية البلهاء حتى دخل "خالد" و مر بجانب "نادر", لم يتسم "خالد" للقاء ذلك الأخير, بل لم يرحب به على الأقل بل اقترب منه بوجه غاضب للغاية و همس في أذن صديقه: "نادر, عايز أكلمك ثانية, أنا واقف هناك عند الباب ده"

نظر نادر إلى صديقه بقلق, أرعبته مجرد فكرة أن يكون "خالد" قد اكتشف علاقته بـ "ريم", سأله بحذر: "عايز تكلمني في إيه بالظبط؟"

أجابه خالد و قد زادت عصبيته : "متستعبطش أنا عرفت  
كل حاجة قوم من نفسك نتكلم مفيش داعى نسيح لنفسنا  
قدام الناس" رحل خالد ليقف بجانب باب قاعة  
المناسبات, قام "نادر" من على كرسيه و لا يدري هو نفسه كيف  
استطاع المشى على قدميه بعد أن اجتمعت عليه جيوش السكر  
و القلق, و اقترب من صديقه الغاضب "إيه كنت عايزنى فى إيه؟"  
وصل غضب خالد هذه المرة إلى مرحلة تعبيرية يطلق عليها  
مخرجى السينما.. "Over أوى"

"لا والله بجد يعنى إنت مش عارف هو فى إيه؟"

هنا استسلم "نادر" تماما و أيقن أن كابوسه قد أصبح  
حقيقة: "ماشى بس إدينى فرصة أشرحلك"  
"يا عم كفاياك كذب بقى"

قالها خالد و هو يدفع نادر بكلتا يديه و لينفتح الباب أثر  
الإصطدام بجسد "نادر", و وقع نادر على أرضية الحجر المعلقة  
سابقا, وقبل أن ينطق بأى حرف كانت أنوار الحجر قد  
أنارت فجأة مما أذى عينه, و صوت موسيقى صاحبة تم تشغيلها  
حالا, نظروا إلى داخل الحجر ليجد  
الجميع "مارك" و "نيفين" و "كريم" و "رامى" و "ريم" أيضا و الكثير من

أصدقائه في سان مارك, كما منهم قد لبس طرطور عيد ميلاد  
وصرخوا مبتسمين في نفس واحد "Surprise", لم  
يفهم "نادر" شيئا مما يحدث خاصا عندما إلتفت إلى "خالد" الذي  
كان غاضبا منذ لحظات ليحده غارقا في الضحك,

\*\*\*

ما حدث كان كالآتي اليوم هو عيد ميلاد "نادر", وهم  
أقاموا له Surprise Party فبالتالي كان كل ما حدث  
مقصودا, و كان من المطلوب من "خالد" أن يفتعل معه مشاجرة  
ليستدرجه نحو الباب, و المهم في كل هذا أن "خالد" لا يعرف  
شيئا بل هو سوء تفاهم, و بعد مرور الوقت ازدادت الحفلة  
جمالا, انخفضت الموسيقى و رحل كل من أتى إلى الحفل مجاملا  
ليبقى الأصدقاء الأتيم, أخبرهم نادر بالخبر المؤسف بانفصاله  
عن فرقته, فحففوا عنه, و أخبره خالد أن انفصاله عن فرقته يوم  
عيد ميلاده قد لا يكون صدفة بل هو إشارة من القدر أن  
انفصاله عنهم سيكون ميلاده الحقيقي كفنان,

\*\*\*

عندما انتهى الحفل و اقترح "نادر" أن يوصل ريم علشان هي  
بيتها على سكته "لم يمانع خالد على الإطلاق, بل كان سيطلب  
من نادر ذلك لولا أنه هو الذي اقترح قبل منه, كان قد شرب

كثيرا فى عيد ميلاد نادر, لم يكن مهتما بمساعدة أى شخص فى الوصول إلى منزله سوى نفسه, دخل إلى البيت, و فى البيت كان أبوه "شريف الكفراوى" جالسا أمام برنامج القاهرة اليوم, و رغم الابتسامة المريرة التى صدرت عن "شريف" عندما جاء الفاصل الإعلاني ليكتشف أن برنامج القاهرة اليوم برعاية "مجموعة الكفراوى للإنشاء و التشييد", إلا أن شريف لم يكن مهتما بكل ما يجرى فى التلفاز, كان فى انتظار ابنه "خالد" الذى أتى أخيرا.

"كنت فىن لحد دلوقتى يا خالد؟"

قالها خالد فى مزيج عجيب ما بين الفضول و الغضب والصرامة و النصيحة, لم يكن ابنه الذى دخل للتو مترنحا فى مشيته قد لاحظ حتى نطق تلك الجملة وجود أبيه,

- إيه ده بابا؟ إنت جيت.

ازدادت صرامة شريف: إنت سكران يا خالد؟

- طب و دى فيها إيه يعنى؟!

- فيها إن إحنا اتفقنا إن مفيش حمرة تانى.

- فكك بقى يا شريف؟

شريف بعصية : فكنى إيه بس؟ إنت عارف إنت عندك إيه  
يا خالد إنت عندك سرطان!

\*\*\*

حتى بعد أن رحل البارودى و هانى عن الحفل  
ونزل "نادر" إلى الإسكندرية دون أسباب واضحة ،  
ظلت "يارا" عابسة في وجه "محمد البارودى"، سألتها عندما كان  
معها في سيارة هانى بعد أن نزل ذلك الأخير لجلس وجبة  
العشاء من مطعم K.F.C. (العربي مئة بالمتة إوعوا تنسوا ):  
"أنا مش قادر أفهم برضه إيه إللى مضايقتك؟"  
أجابته "يارا": "مكانش ليها لازمة إن تخرجنى قدام الناس دى  
كلها كده"

- معلىش يا يارا مكانش بإيدى.

- إيه مكانش بإيدك عايزة أفهم أنا، غيران عليا مثلاً؟!

رد محمد مرتبكاً: غيران إزاي يعنى؟ إنتى إيه الهبل إللى إنتى  
بتقوليه ده؟ أنا بس مش حابب إنى أشوفك ماشية مع واحد  
زى ده.

استكملت في خبث: "يعنى محصلش إنك أول لما شوفتنى  
كلمت هانى إنه يظبطنى ليك على صحوية؟"



ازداد ارتباكاه: صحوية إيه يا يارا؟ إنتى بجنونة؟ أنا مسلم  
وإنتى مسيحية، إنتى لسه سكرانة شكلك، أقولك حاجة بقى أنا  
كمان لسه سكران، يا ريت منفتحش الحوار ده دلوقتى.

- يعنى فيه حوار فعلا !!

.. -

- من الآخر يا محمد هو إنت بتحبين؟

توقف محمد عن الاضطراب بعد سؤالها الذى حول الحديث  
إلى اللعب بالأوراق المكشوفة بشكل لا يحتمل المراوغة، تحول  
ارتباكاه وهربه من السؤال إلى التفكير العميق و هو ينظر إليها:  
"أنا متعودتش إنى يكون حد ماسك عليا ذلة، عودت نفسى  
دائماً أن الإيد إल्ली توجعنى أقطعها، إنت بجمعة إن لو إجابة  
السؤال ده أيوة إنتى عمرك ما هاتشوفينى تانى؟"

أجابت هى فى صرامة: "مش أحسن مافضل أشوفك كل  
يوم و أقعد أسأل نفسى؟"

أوما برأسه حزينا و هو يردف: "لا خلاص، متسألش  
نفسك و لا حاجة، امسحى غمرتى من على موبيلك، ولو حد  
سألك إنتى عمرك ما شوفتينى فى حياتك" قالها فى برود غريب  
قبل أن يتزل من السيارة، لم يكذب يتعد عنها حتى انزوى لركن  
مظلم و بكى، نعم بكى، مثله مثل سائر البشر، ما لن تفهمه هى

أبدا أن القوى السياسية التي يجب أن يتمتع بها البارودى لها فمن  
فادح يجب التضحية به،

\*\*\*

تماما كما تمحت من كل قلبها، استقبلت "نادين" مكالمات هاتفية  
هذا الصباح من "كريم شمس"، اقترح عليها "خروج  
سينما" فوافقت، كانت قد افتقدته بكل ما تعنيه الكلمة من  
معنى، جلس الاثنان يشاهدان فيلما أجنبيا ما في سينما جسر  
بلازا، ظلا يتبادلان النكات و الأحاديث و الله أعلم إن كانت  
هناك قبل متورطة في ذلك التبادل، و فجأة دون أدنى إنذار  
وجدته قد بدأ يخفى وجهه بيديه، كأنه خائف من أن يراه أحد  
معها، التفتت "نادين" في حيرة حولها في القاعة لتعرف على  
الشبح الذى يخيفه لتجد أمامها "هنى" التي كانت قد أتت مصادفة  
إلى نفس قاعة السينما مع أهلها، و باتت كل الإجابات  
واضحة.

\*\*\*

بسبب بعض المتاعب التي يعاني منها الجنيه المصرى المسكين  
و بسبب حياة مترفة اعتاد عليها "عمرو"، لم تكن السبعمئة جنيه  
التي أعطاه لها "رامى" تكفى لأى شىء فعلا، ليس لأكثر من ليلة  
واحدة على الأقل، فكان لابد إذن أن يفكر في مكان رخيص

يقضى فيه الأيام القادمة لكى يتبقى له من المال لكروت الشحن  
و الغذاء فى مطاعم التيك - أو اى، و بالفعل فى أحد الفنادق  
الرخيصة فى حى المنشية دخل عمرو إلى هو فندق متواضع  
للغاية، الجدران لم يتم طلاؤها منذ وقت طويل السجاجيد  
الحمراء التى قد انتشرت فى كل مكان فى الفندق لا تجد فيها  
شبرا خاليا من آثار الأقدام المتسخة أو آثار طفف السجائر،  
الكراسى فى هو الفندق تشبه كراسى القهاوى الشعبية، الروائح  
فى المكان متعددة روائح السجائر والحشيش وروائح العطور  
التواضعة التى تضعها بعض النساء فى الفندق، لو رأيت بعينك  
هذا الفندق ومن فيه لن تستبعد أبدا بل ستكون متأكدا بأن  
هناك أعمالا غير مشروعة تدور فيه .. اتجه "عمرو" إلى موظف  
الاستقبال وسأله فى مزيج بين القلق والتوتر: الليلة هنا بكام لو  
سمحت؟ .. أصيب الموظف بالدهشة من شكل "عمرو" كان من  
الواضح أن هذا الصبى ينتمى إلى طبقة مرتفعة فى المجتمع ما  
الذى يأتى بشخص مثله إلى هذا المكان؟ رد عليه  
الموظف "تلاتين جنيه او ستين، على حسب" رد عمرو  
بسرعة "على حسب إيه؟" كان من الواضح من شكل الموظف  
أنه خاضع تحت تأثير مخدر ما، ترنح برأسه بعض الشئ كأنه  
يقاوم النوم قبل أن يقول فى خبث وبلسان أثقلته  
الخمور "حسب هتبات لوحدك ولا معاك حد" لم يفهم تامر

قصده فرد بشكل تلقائي "لا أنا لوحدي عايز أوضه بسرير واحد" ابتسم الموظف في خبث أكثر وقال ما هو أنا بقى بتكلم على السرير ده هتبات فيه لوحذك ولا معاك حد؟ كان من الواضح من تعابير وجه تامر أنه مازال لا يفهم شيئا فقال الموظف في ضجر "يعنى عايز مزه معاك فى الأوضة ولا إيه؟. ثم تحولت تعابير وجهه من الغضب إلى ابتسامة ساخرة و هو يقول "ما هى أصل الحاجات من خدمات الفندق بتاعنا زى الفطار والعشاء كده"

ضحك عمرو الذى فهم قصده أخيرا ضحكة مجاملة صفراء قلقة و حائرة،

\*\*\*

رحلت "هنى" من قاعة السينما دون أن يقع نظرها على "كريم" "نادين" ستكون هى مصدر المشاكل له الآن "نادين" التى كادت أن تقع فى غرامه ثانية، تركته غاضبة وهروا هو ورائها كالمجنون ، توقفت أخيرا عن المشى، التفتت إليه و أعلنت فى لهجة أهدأ مما توقع بكثير: "أنا مش زعلانة، أنا بس نحدث بالى من حاجة كان مفروض أشوفها من زمان عارف إيه؟"

- إيه؟

- إنك بتحب هنا.

أردف كريم مرتبكا : لا طبعا,إيه الهبل ده؟

اقتربت نادين منه حتى بدأت تشعر بأنفاسه غير المضطربة  
وهو واقف أمامها : أوكيه,بصللى فى عيني و احلف إنك  
مبتحبهاش,أسهل حاجة أهيه.

نظر إليها كريم أراد أن يؤكد ما أرادت هى أن تشكك فى  
حقيقته,أراد أن يقول بمنتهى البساطة إنه لا يحبها,لكنه لم  
يستطع توقفت الحروف فى حلقه,شئ ما منعه.. كادت نادين  
أن ترحل و تتركه للمرة الثانية إلا أنه منعها,كان لابد أن  
يوضح لها موقفه الغريب,أكد لها أنه لن يستطيع أن ينطق بنفس  
الثلاث كلمات إن سألته "هى"عنها هى,لقد أصبح معلقا ما  
بينها وما بين "هى" إلى الأبد,كل انفصال عن واحدة منهن عنه  
نزع منه شيئا ما,ليس هنا و نادين فقط بل عشرات و عشرات  
من الفتيات من قبلهن كلهن استحوزن على جزء من  
شخصيته و رحلن به بعيدا ليتركه ناقصا مشتتا,قالها و لم يهتم  
برأى "نادين" فى كل هذا,أرادها فقط أن تعرف,ثم رحل بعيدا  
عنها وعن غيرها,على الأقل للفترة القادمة,

\*\*\*

أيقظها إنه أحد تلك الأسئلة التى توقفت عندها لفترة, لماذا لم  
يغادر "عمرو سلامة" فى اللحظة التى اكتشف فيها أن هناك شيئا

ما ليس على ما يرام في المكان؟ لماذا لم يفعل كما فعل في تجربته  
السابقة في الملهى الللى ؟

تملكه الصمت برهة من الزمن وهو يفكر فى عرض الموظف  
لماذا لا ؟.. إنه الآن فى أشد الحاجة لذلك إنه يعيش الآن فترة  
من التوتر والمشاكل التى لا تنتهى لولا قلة المال الذى أعطاه له  
صديقة لولا حياؤه أن يطلب المزيد ما كان لىأتى إلى ذلك  
المكان الفقير فهو لا يعلم إلى متى ستدوم هذه المدة التى سيعيش  
فيها خارج منزله جاء إلى المنشية باحثا عن فندق رخيص أشار  
إليه كل من سألهم فى الشارع إلى ذلك الفندق وثلاثون جنيه  
زيادة لن تحدث ضررا كبيرا فى ميزانيته الدقيقة قطع جل  
أفكاره صوت الموظف المزعج "هاه قولت إيه خلصنى" أخرج  
عمرو من جيبه ستين جنيه ووضعهم أمام الرجل الذى عادت  
إليه نبرة الخبث وهو يقول "ماشى كلامك"

\*\*\*

لم يكن أغرب الزبائن الذين التقى بهم سيد, على الأقل حتى  
الآن, كان رجلا خليجيا يمتلك قدرة إعجازية على ارتجاع  
كميات ضخمة من الخمر دون الترنح الملحوظ الذى يمنع عن  
المشى أو الإغماء, كان يستطيع أن يثبت بسهولة عند مرحلة ما  
تسمى "الدماغ الحلوة" وهى السكر غير المضر, و غير المؤثر  
سوى على الحالة المزاجية للشارب, لم يكذ الرجل العربى ينهي

كأسه حتى طلب من سيد كوبا آخر، هُنا نظر سيد حوله ليتأكد من عدم وجود أى مستمعين ثم اقترب من الرجل : "مش شايف إن كده كفاية؟"

ابتسم الرجل أكثر و هو يخطط على جيب قميصه : "ما تخاف أنا معى أموال"

أوضح سيد : مقولتش حاجة، أنا بتكلم عليك إنت شكلك تعبت.

استطرد العربى ضاحكا : من الواضح إنك لم تعمل فى مثل هذى الأماكن من قبل.

غمغم سيد و هو يقلد لهجة الرجل : "مشتغلتش فيها من قبل و لا عايز أشتغل فيها تانى"

بدا على الزبون نصف السكير الاهتمام الصادق بسيد و هو يسأل ذلك الأخير : "و إنت إيش جابراك على هيك؟"

استكمل سيد مغمغما : "ظروف بقى"

رفع الخليجى سبابته إلى الأعلى و هو يؤكد بنبرة تكاد تتلامس مع خطبة الجمعة : "ما فى شى اسمه ظروف، أنا كنت بشتغل سواج (-سواق- باللهجة الخليجية) عند عيلة كبيرة فى الخليج، و أول لما لجيت (لقيت) الشغل ما هو جى على هوايا، سييته مع إنى ما كان معى ولا دينار، هما سنتين و بقيت

صاحب أكبر شركة تصدير في السعودية، إنت إल्ली بتختار مو  
حدا غيرك (ليس أحدا غيرك باللهجة الخليجية)"

نظر الرجل في ساعته قبل أن يكتشف أن عينيّه لم تعودا  
قادرتان على رؤية أى شىء بدقة قبل أن يسأل سيد: "لـساعة  
تيجى كام في يدك"

نظر سيد إلى ساعته: "ثلاثة و نص"

غمغم العربى : سبعة الصبح، ده النهار قرب يطلع علىّ و أنا  
قاعد هون.

وضع المال على البار، ثم قام بصعوبة، قال وهو يتطسوح:  
"السلام عليكم، خللى الباجى (الباقى) علشانك"  
- و عليكم السلام و رحمة الله.

كان ذلك هو أول ناطق للتحية الإسلامية داخل ذلك  
المكان، رحل الرجل، و رغم أن سيد لم يتعرف باسمه إلا أنه ظل  
يفكر فيما قال، و ظل سيد يردد كلام الرجل في ذهنه "إنت إल्ली  
بتختار مش حد غيرك"

\*\*\*

استهلك عمرو سلامة الكثير من الوقت للتفكير في عرض  
موظف الاستقبال، حتى حدث ما حسم تفكيره لتلك  
الليلة، وقعت عينيّه على تلك الفتاة، رغم نحافتها وصغر إمكاناتها



شمالا و جنوبا إلا أن وجهها كان به شيئا جذابا البراءة ربما، لم  
يبد عليها الانتماء للمكان على أى حال، مال "عمرو" على أذن  
الموظف و سأله إن كانت تلك الفتاة تعمل هنا، لم يجيب الرجل  
سواء إن كان بالنفى أو بالإيجاب بل أردف مبتسما: "أربعين  
جنيه في الليلة"

\*\*\*

و كأنهما مجرمسان أو ثنائي من اللصوص أو  
القتلة، ظلا "نادر" و "ريم" يتلفتان بمنتهى القلق حتى ابتعدا تماما عن  
كل المعارف، توقف "نادر" بالسيارة على جانب الطريق،  
وصارحها بمخاوفه، تحدثا في ضرورة إخبار "خالد" بعلاقتهما من  
عدمه، و اتفقا على تأجيل تلك الخطوة إلى أجل غير مسمى، و  
فتح ذلك نوع آخر من الحديث أنساهما مرور الوقت و الصباح  
الذى أو شك على الظهور، خوفهما من النهاية المحتملة لعلاقتهما  
جعلتهما يتذكران بدايتهما، تذكر هو و ذكرها معه بداية  
اهتمامه بها، الأسوار التى بناها خالد حولها جعلها أكثر جاذبية  
من سبيل أن الممنوع مرغوب.. و جاء دورها أن تفصح عن  
أول مرة جذبا هو، أول مرة أرادت أن تتجاذب معه أطراف  
الحديث و لو على سبيل الاستكشاف، كان ذلك قبل أن  
تتعرف به بشكل شخصي، فى بداية قصتنا عندما كانت جالسة  
قريبا منه هى و لينا و هنا و حسام فى إستيميشن كافيه

وسمعتة يحكى عن حادثة تقبيل والدته فتاة تسمى مايا في العجمى عندما كان طفلا، و حضرها سؤال، ما الذى جعله ينجل بشدة من قصة كتلك لا تحتوى على ما يهينه أو ينقص من رجولته و لو إنشا واحدا، و هنا دون أى سابق إنذار دخل هو في نوبة من البكاء، كانت هي دون أن تقصد قد ضغطت بكل ما لديها من قوة على جرح عميق في نفسه. دخل عمرو إلى حجرته بالفندق و معه الفتاة التى اصطفاها، فتاه في السابعة عشرة من عمرها كانت أصغر بائعات الهوى سنا في ذلك المكان كان من الطبيعي أن يختارها هي بالذات لتقارب السن بينهما وإن كان ذلك لن يؤثر من قريب أو من بعيد على المتعة الجنسية في حد ذاتها إلا أنه لسبب ما في نفسه أراد أن يفعل "ذلك" مع فتاه في سنة أو قرية من سنه، ربما لم يكن يريد أن يشعر أنه يقيم علاقة محرمة أراد أن يشعر أنه يفعل ذلك مع صديقه له، أراد أن يريح ضميره بحجة أنها قد فعلت ذلك برضاها، فمهما زاد اعتياد الإنسان على أنواع المعاصى المختلفة من نعمة وخمر و... و... و... فإن معصية الزنا لا تزال تحتفظ بمهابة وقلق خاص بها أكثر بقية المعاصى العادية، على الأقل في البداية، و كأن عمرو قد أراد أن ينتهى من هذا الـ "النشاط" قبل أن يغير رأيه، اقترب منها بالقبل فإذا بها تبتعد عنه في اشمزاز، وقبل أن يسألها عن سبب ذلك سألته هي: "إيه في إيه إنت

بعدت كده ليه؟" هز كتفيه فى دهشة قبل أن يجيب: "أنا مابعدتش، إنتى إالى بعدتى"

قررا أن يجربا مرة أخرى، اقترب منها فوجدتها تبتعد للمرة الثانية، و قبل أن يعلن عن غضبه فاجأته هى بالسؤال: "إنت سامع صوت أذان؟"، و إتسعت عيناه مع السؤال.

أحيانا نتفوه بعبارات مُخرجة لمحدثينا دون أن نقصد، نفعل ذلك دون حتى أن ننتبه، و إن كان عدد مرات حدوث ذلك له علاقة بذكائنا الاجتماعى فإن المفترض أن ريم هى آخر شخص متوقع منه الوقوع فى خطأ كهذا، كاد فضولها أن يقتلها و هى تسأل "نادر" عن سبب بكائه، و أخيرا أفصح لها عن أحد أهم أسرارها، و المشكلة فيما حدث فى العجى لى له فى طفولته كالاتى، تخيلوا معى أن فتاة فى العاشرة من عمرها قد مارست الجنس مع رجل بالغ فكيف سيؤثر ذلك على حياتها الجنسية فى المستقبل، إن تخيلنا ببساطة أنه بدلا من أن يحدث ذلك لفتاة حدث لفتى فى العاشرة من عمره، و أن هذا الفتى قد مارس الجنس مع امرأة بالغة، هنا تتضح الصورة، أثرت عليه الحادثة القديمة سلبا، زرعت بداخله خوفا غير مفهوم من الجنس الآخر، و زاد حب نادر لريم بعد أن أفصح لها عن أكثر صفحات كتاب حياته ظلاما، كان يظن أنه لو كشف هذا السر لأحد سيضحك أو سيخاف منه و لكن هذا كله لم يحدث لم

يصدر منها سوى أنها قد فتحت ذراعها ليرمى برأسه في أحضانها، حضن مأساوى عذرى للغاية، من كان ليتوقع ؟

السر الذى ظن "أحمد شمس" و "مروة" أنهما نجحا في إخفائه عن الجميع هو استجائهما للحجرة في الفندق و مبيتها معا لتلك الليلة، و نعم، استكملا مسلسل القبلات، و بالتأكيد مارسا الجنس أكثر من مرة، سألته و هى عارية بين أحضانه "طب ومى؟" أجاب فى عدم ارتياح "مش عارف"

\*\*\*

"أمال مين إللى يعرف ؟ أمى ؟!"، إنها إحدى تلك اللحظات التى تجد نفسك فيها واقفا فى أروقة المستشفى، و قد ملأك القلق على أحدهم فلا تجد من يفصح إليك بمعلومة واحدة مفيدة، و لم يكن شريف الكفراوى أو زوجته مستعدين نفسيا لخوض تجربة كهذه، فلقد دخل خالد فى نوبة ليس لها علاقة بالمرض اللعين مباشرة بعد أن أخبره أبيه بحقيقة مرضه، حالة هياج عصبي و تسارع فى ضربات القلب، حالة أقرب إلى الصرع دخل فيها إثر صدمة فهم حقيقة المرض نفسه، أجابت الممرضة الباردة على سؤال "شريف" الغاضب "أكيد الدكتور نظمى عنده فكرة هو إللى متابع حالة ابن حضرتك" و بعد بحث دؤوب دام أكثر من نصف ساعة عن هذا "الدكتور نظمى" وجدوه أولاد

الحلال يتناول طعام الغداء في كافيتيريا المستشفى، و أعلن الدكتور في نفس الوقت المخصص لبلع الطعام "لا لا إن شاء الله مفيش حاجة، بالنسبة للى هو فيه دلوقتى، هو نائم دلوقتى حتى من غير مانديللو حقنة مهدئة، أما بالنسبة للسرطان فأحنا بعد كده هانحتاج ندخل خالد في برنامج تحاليل و علاج كيماوى"، أغمضت الأم عينها لمجرد اقتران كلمة "علاج كيماوى" بابنها الوحيد، سأله شريف في توتر خافت الصوت: "طيب ماشى بس برنامج العلاج ده هيكلف كام ؟

أجاب الطبيب بلا مبالاة : "مليون و نص"

لم يتفاجأ شريف كان يتوقع هذه الأرقام المبالغ فيها خاصة من مشفى خاص رأسمالى كهذا،

غمغم شريف وقد غطاه الأسف و الإحراج : طيب بص إحنا هيقى عندنا مشاكل في الدفع،

توقف الطبيب عن المشى للحظات، أضاق ذلك الأخير عينيه و دار أصبع سبابه في الهواء للحظات محاولا ليضاح فكرة ما لم يرتبه في ذهنه بعد : "لأ ثانية واحدة ! هو مش إنتوا خلاص دفعتموا؟!"

اتسعت عينا شريف الكفراوى (و هذا رد فعل لا يحدث كثيرا) و هو يسأله في دهشة: "دفعتموا؟!"، لقد آن الأوان لشريف الذى فاجأ الجميع بشكل مستمر أن يلتقى هو بأكبر مفاجآته.

كثير من عاداتنا و ردود فعلنا الدقيقة للغاية قد اكتسبناها بالوراثة قبل أى عوامل أخرى, رويدا رويدا بدأت أكتشف أن طريقة تخطي "عمرو" للأزمات هي نفس طريقة عائلته, التجاهل التام, هذا لا يعنى أنه لم يتفاجأ, بل لقد اتسعت عيناه عند سؤالها عن الأذان, سألها "هو في أذان دلوقتي أصلا ؟!! الساعة ثلاثة بالليل" و لكن مفاجأته تلك لم تتعد الجزء من الثانية قبل أن تبدأ مرحلة التجاهل و ليستكمل مقترحا وكأن شيئا لم يكن: "بقولك إيه تيجي نشرب كاسين الأول؟"

أبت في أدب غريب, فأصر هو أكثر عن طريقة الترغيب: "إللى أنا أعرفه إن الحوارات دى بتبقى أحسن بعد الخمرة"

- حوارات إيه ؟

أجاب في خجل: يعنى, إللى إحنا هانعمله.

- و الخمرة إيه علاقتها بالموضوع ؟!!

- بتخليكى تتعودى أسرع.

- خلاص يبقى إنت بس إللى تشرها, إنت إللى محتاج تتعود, أنا (في حالة إن مكانتش لاحظت) أصلا بشتغل هنا ومتعودة على الحاجات دى.

- لينا هو إنتي مينفعش مرة واحدة تثقى في كلامي؟

هنا استوقفته فتاة الفندق لتسأله: "لينا مين؟",

التفت إليها فجأة و قد زاد اراتباكه و انفعاله و رعبه: "أنا  
مقولتش لينا"

أصرت فتاة الهوى أكثر: "لا قولت"

ابتسم ليخفي انفعالاته: "أنا كنت أعرف بنت اسمها لينا  
بس أنا مقولتش اسمها دلوقتي"

عقدت الفتاة يديها أمام صدرها و تصر أكثر: "أمال أنا  
عرفت اسمها إزاي؟؟"

سمعها ليقع الكأس من يده, عسى أن يكون ذلك الكوب هو  
آخر ما ينكسر في تلك الليلة, لا أقول إن هذا هو ما سوف  
يحدث إنما هو توقع متساوى الاحتمالات.

\*\*\*

لم تشعر فتحية بأى ضرر نفسى إثر انتقالها من العمل في  
الكباريه إلى العمل عند "هبة" و "ريم", بل بالعكس حتى إذا لم  
نغض النظر عن لهجة الكبرياء التى تلقى بها "هبة" الأوامر إلا أن  
كرامتها في هذا المكان أفضل بكثير, رغم قلة المرتب عن  
الكباريه ألا أنها مرتاحة هنا أكثر و هذا وحده هو  
المهم, الهاجس الوحيد الذى لم تستطع أن تبتره من تفكيرها

هو "سيد" تعلقها به أكبر مما كانت تتخيل، جلست على مقعد بجانب المرأة المريضة و باتت ليلتها تفكر فيه، تتساءل عما يفعله هو بعينها، فيمن يفكر، أما زال يحبها؟ و كانت إجابات أسئلتها أقرب إليها مما تتوقع، عندما رن جرس باب الشقة ليقطع حبل تفكيرها لم يكن القادم هو ريم أو هبة، بل كان هو، ذهلت عندما رآته، تنفسه المتسارع و عرقه الغزير يؤكدان أنه قد أتى جريا من مكان ما بعيد، ألم يأبه بأهل البيت الذى تخدم فيه؟! و كيف عرف مكانها؟! كل هذا لا يهم، المهم أنه أمامها الآن بشحمه و لحمه، كان أشبه بالمجانين و هو يهتف مُحتفلا: "أنا سيبت الكباريه يا فتحية .. من النهاردة محدش يقدر يتحكم فينا، تتجوزين؟"

وقبل أن يمتص عقلها المفاجأة، قبل أن تنبس بنيت شفة قاطعها صوت خبط على أرضية الشقة، و كأن شيئا ما ثقيلًا قد وقع و اصطدم للتو، شيء ما أوحى لها أن تتجه بأسرع ما لديها إلى مصدر الصوت، لترى بأم عينها والدته "ريم" و "هبة" وقد فارقت الحياة، لتصبح مجرد جسد نحاو، و لتنطلق صرخة نحبية عالية من "فتحية"، صرخة اعتاد ملك الموت أن يسمعها من النساء بعد أن ينتهى من عمله مباشرة،

\*\*\*



"يلا نحدث الشر و راحت ده حنة كاس ولا راح و لا  
جه" قالتها فتاة الفندق في محاولة يائسة للتحويل على عمرو  
سلامة، من الجميل أن ترى أحدهم يفعل ذلك، هي لا تعرف  
عمرو سلامة، لا تعرف حتى ما يضايقه و لكنه اختارت أن  
تهون عليه على أى حال، حتى عندما وصل حزنه إلى مداه لم  
تحف منه، عندما عزف عن الكلام، عندما غطى عينيه، عندما  
بكى، عندما خبط يمينه على زجاج منسدة لتعرف منها  
الدماء، عندما قام فجأة، عندما صرخ: "لأ حرام إشمعى  
أنا"، قامت وراءه حاولت أن تحتويه بوضع كلتا يداها على  
كتفاه المرتجفتان: "طب اقعد كده بس و اهدى، طب اربط إيدك  
دى بحاجة، علشان الجرح مايتلوثش"

ابتسم بمرارة و هو يتمتم: "سببها في حالها و النى، إنتى إيش  
عرفك بالجروح بس؟"

أجابته بتهكم: "على رأيك، إيش عرفنى أنا؟ حايا لله في تانية  
طب"

\*\*\*

"ادفعت، مش كده؟ طب ممكن تعرفلى اسم إالى دفعها؟"

بدا شريف كالطفل الملهوف و هو يطرح ذلك السؤال على  
موظفة الاستقبال في المشفى الطبى، نظرت إليه المرأة بمثل قبل أن  
تخبره: "حامد الكفراوى"

تجمدت ملامحه، لم يتحرك في وجهه سوى فمه و هو يسأل  
:"حضرتك متأكدة من الاسم ده؟"

لم تكذب المرأة تجيب حتى أتاها صوت رخييم من خلفه : "إييه  
غريبة أوى للدرجة دى؟"

استدار شريف ليجد حامد بالطبع، و لكن ليس  
وحده، كانت معه "ليلي" و "عبد الرحمن" و "محمود" الأخ المتسهم  
بالخيانة، تزاوجت الأسئلة في رأس شريف، ماذا يفعلون هنا؟ ما  
الذى دفعهم إلى تحمل تكاليف علاج تفوق الميراث الذى طلبه  
منهم؟ و فعل شريف كما يفعل عند استجواب الشهود في  
المحكمة، انتقى أكثر الأسئلة أهمية: "إنتوا مين قالكوا؟"  
أجاب صبحي : أنا.

عاتبته ليلي : هو إنت ليه مطلبتش متنا و لا كنت فاكر إن  
إحنا مش هانساعدك.

صرخ شريف باكيا: و هو مين قال إني محتاج  
مساعدة تكوا؟, إنتوا فاكرين إن إنتوا كده بتساعدوني؟, ده أنتوا  
دبجتوني"

لم يظل شريف على تلك الحال كثيرا، رويدا رويدا تحولت  
كلماته الغاضبة إلى دموع، دموع في أحضان العائلة القديمة، التي  
طلما حلم بها.

رغم أن فتاة الفندق بدت كالملاك إلا أنها لم تكن كذلك، بل كانت بشر، لديها حد أقصى لعدد المعلومات التي تستطيع أن تغض عنها النظر، لديها فضول يقتلها أرادت أن تعرف، من هي، من هي تلك الفتاة التي أبكته: "هي" لنا "دى حد متوفى عندكم فى العيلة"

سمع عمرو تلك الجملة لينفجر فى الضحك، رغم نظرات اندهاشها إلا أنه استكمل وسط قهقهته: "متوفية ها ها ها ها" حاولت أن تقاطعه بأدب و أن تبعد عن هذا المجنون إلا أنه استكمل على أى حال: "متوفية هه ؟ أنا آخر أخبار وصلتنى عنها.. قالولى إن هى عايشة، عايشة أوى أكثر منى و منك ومن أى حد تعرفيه لأنها لقت الإنسان إالى بيحبها، و لو أنا دلوقتى كنت بيكى زى العيال علشان هى سابتنى، تلاقىها هى حتى مش فاكرة اسمى"

بات الآن من الواضح أن تلك الليلة لن تحتوى سوى على النكد، فاستمر الإثنين على أى حال، استكملت أسئلتها: "قعدتوا مع بعض سنين على كده"

مط عمرو شفتيه و هز كتفيه، أوضح و هو يلوح بيده غير مكترثاً: "أقل من شهر، أيام، ساعات، هى فعلاً المدة بتفرق الحاجات دى؟ لأ حقيقى يعنى، أنا أعرف ناس بقالهم أكثر من

أربع سنين مع بعض، و ما حسوش بربع إلیی أنا حاسيته معاها، و أنا نفسی دخلت فی مدد طويلة سنتين و بتاع مع بنات تانية، عمری ما حسيت إن لیا مستقبل معاها، و كل ما قعد مع نفسی باستغرب أنا مكمل معاها لیه؟ لكن دی "توقف عن الكلام لفترة و استكمل و علی وجهه إعجاب و كأنه یصف مخلوقا خرافيا: "دی حاجة تانية من أول خمس دقائق عرفتها فيهم، قولت هی دی، خلاص، و یا ريت توصل لجواز"

- إنت قولتها الكلام ده؟

- أهبل أنا مش كده؟ كل اللى حضروا الموضوع ده قالولى كده.

أضافت بحذر: هو بينی و بينك عندهم حق.

أردف عمرو مصححا: الناس دی معندهاش حق، الناس دی عندها عقل، بيستعملوا عقلهم أكثر من قلبهم، و أنا عمری ما هاجب كده، لأن ده مش حب ده شطرنج، كانوا بيحسبوا كل حاجة قبل ما يعملوها، فطبيعى واحد عمل إلیی أنا عملته ده بالنسبة لهم يبقی مجنون، و هم مش عايزين يقولولى كده علشان مزعلش منهم بس الحقيقة إلیی أنا بحسها هی إن معظمهم لحد دلوقتی فاكرين إن أنا ما بحبهاش و إني بوهم نفسی.

- عن تجربتي أنا فی حياتی و كده، فی حاجات ممكن نحصل فی خمس دقائق و تفضل مآثرة معاك العمر كله..

ابتسم رغما عنه و كأنه تذكر فجأة هوية محدثه و بعده عن  
همومه الشريفة: "شكرا على التشبيه, مع احترامى لتجربتك  
الفريدة فى الحياة, بس أنا متأكد إنك مش فاهمة حاجة من إالى  
أنا بقولها, حياتى غير حياتك"

أصرت الفتاة و هى ترد إهائته غاضبة: "أنا مش قصدى  
كده, أنا حياتى مش كلها بارات و مُكن, أكيد ما دمت بنى  
أدمة يبقى أكيد حبيت زى زى غيرى, كلامك ده مش محتاج  
دكتوراه علشان يتفهم, و حتى لو محتاج كمان كام سنة هبقى  
معايا دكتورة علم نفس"

ازداد ضحكها و هو يغمغم: "علم نفس, آه أهلا .." وضع  
إحدى قدميه فوق الأخرى, قرر لسبب ما أن يعرف ما وراء  
تلك الشخصية: "و إنتى بقى حبيبتى قبل كده؟"

- لسه بحب, بس زى إالى حصلك برضه هو مش حاسس  
بيا

ضحك سرا و هو يسألها: "إيه؟ عنده بنت خالة هو كمان  
و لا إيه؟"

بدت الحيرة على وجهها, لم تفهم ما يقصد بالظبط, أعطاهما  
هو الضوء الأخضر بأن تغض النظر عن المزحة التى ألقاها للتو  
.. لوحت بيدها لأنها لا تريد أن تتذكر, اقترح لأنه يريد أن  
يعرف.. فجاء الرد خجولا :

- ولا حاجة كان حظ أهلى كده بقى,إنى أنا أفقر بنت فى الكلية حبيت أنصف و أغنى و أكثر ولد محترم شوفته فى حياتى.

- شكلك مش فقيرة للدرجة دى على فكرة.

- إنت أصلك مشوفتنيش زمان,من سنة كده أول ما دخلت الكلية لما كنت بستلف علشان أصور ورق المحاضرات

- و بعد كده إيه إالى حصل ؟

- شوفتوه,وبرضه زيك كده من أول خمس دقائق قولت هو ده,لازم نبقى لبعض,و لأنه مكانش ينفع يصلى و أنا عاملة كده,كان لازم فلوس.

-و ده مخليكى قاعدة معايا دلوقتى أكيد,بصراحة مش حاجة سهلة,

- هى إيه؟

- إن يكون الحل الوحيد إالى يخللى اللى بتحببه يلاحظ وجودك هو إنك تخونيه من قبل ما تعرفيه.

ضحكت رغم إرادتها: عندك موهبة إنك تعرف تخللى كل حاجة كتيبة يا عمرو.

ضحك هو أكثر: لأ والله أنا من نوع الناس إالى يبقوا من  
جوه بيتحرقوا و من بره بيضحكوا و لا كيان فيه أى حاجة  
خالص، اللحظات إالى بفتح فيها المواضيع دى عادة مبيتجيش  
كثير، ساد الصمت بعدها لفترة، صمت مرتبك جاء  
متأخرا، تذكر الاثنان فجأة أنهما هنا من أجل الجنس و ليس من  
أجل العلاج النفسى.

قطعت هى ذلك الهدوء بأغرب ما يمكن أن يقال على  
الإطلاق "بس خلاص، هانت، دى آخر ليلة ليا فى المكان ده"  
حاول هو أن يبدو مهتماً: "بجد؟ طب والله حظى  
كويس، إشمعنى النهاردة يعنى؟"

هزت كتفها فى لا مبالاة: "معرفش أنا حاسة بكده"  
-حاسة؟؟-

- مش بس حاسة يعنى، إمبراح حلمت بأن ده آخر يوم ليا  
هنا.

- حلمتى؟؟؟

قالها ليقرر بعدها أن يتغاضى عما قيل للتو، أحب أن يتأكد  
من بضاعته: "على فكرة إحنا لسه مهدومنا، حاجة زى دى غالباً  
محصلتش فى تاريخ المكان ده"

و لم يكن هذا هو أغرب حالة قد وصل إليها الحديث, ليس بعد, ليس قبل أن تطلب بأدب: "معلش ممكن أستحمى الأول"

- أنا معنديش مانع.

- طب ممكن تكمل جميلك و تنزل تحت؟

- تحت فين؟

- تحت في الريسيشن.

ظهر غضبه لأول: إشمعى يعنى؟

- عايزة أستحمى و أصلى.

ثم أمتزج غضبه بكثير من الدهشة و العجب: تصلى؟؟

- إيه فيها حاجة ؟

اختفت كل انفعالاته لتحل محلها اللهجة الساخرة: "لأ مفيهاش, أنا نازل, تحى أعدى عليكى كمان قد إيه؟"

- ماتجيش قبل ربع ساعة, علشان ألحق أنا.

ما أثار جنونه فعلا أن تلك الفتاة كانت تتكلم بشكل طبيعى للغاية وكأنها تلفظ و تطالبه بأشياء عادية, كأنه هو المجنون, سألها "تلحقى إيه؟"

- إنت مالك إنت؟ لو سمحت ممكن تنزل؟



لم يستطع أن يمنع نظرة الغضب التي احتلته، لتلفظ هي بعدها  
بالكلمة التي لم يستطع عمرو في حياته أن يتجاهلها إذا صدرت  
من فتاة، عادت نبرتها إلى الهدوء لتقول بصوت أقرب إلى  
الهمس "أرجوك"

\*\*\*

الغريب أن "خالد" عندما استقرت حالته، لم يأبه بمشهد  
التصالح العائلي الذي رآه على باب حجرته، لم يأبه لأى  
شئ، رغم معارضة أبيه و أمه صمم على أن يترك المشفى، أراد  
أن يختلى بنفسه قليلا، ساعده عناده على الخروج إلى الشارع  
رغم أن أنف الجميع.. أخرج هاتفه الجوال من جيبه، و اتصل  
بأحدهم:

- ألو يا مارك إنت بتعمل إيه دلوقتى؟
- عادى قاعد فى البيت.
- تعرف تنزل دلوقتى؟
- هو أنا ممكن أنزل براحتى و كل حاجة علشان أهلى  
مسافرين، بس هانروح فين؟
- معرفش، بس أنا عايز أتكيف، مستعد أعمل أى حاجة  
علشان أشرب حشيش.

- ماتفككك من الحوار ده.

- بقولك إيه, أجيلك و لا أشوفللى حد تانى؟

\*\*\*

آخر ما كان يحتاجه عمرو فى فترة النقاهة السبى اقتطعها لنفسه بعيدا عن بيته و عائلته و أصدقائه هى تلك الفتاة الغريبة الأطوار, من يكن يدرى أن يترك كل هذا وراءه ليقع حظه مع بائعة الهوى الوهمى هذه, تلك العاهرة مع وقف التنفيذ,

"فى إيه يا أستاذ ماتقعدلك فى حنة بقى, خايلتنى رايح جاي رايح جاي" لفظها بعصبية عاملة الاستقبال المسطول, كان "عمرو" قد ألقى سيجارته السادسة فى انتظار إنقضاء الربع ساعة التى قد وعد بها الفتاة, لم يكذب أن يلفت للعامل حتى قاطع المشهد رجل فى الخمسين من عمره لا يرتدى أى شىء سوى فوطة لفها حول وسطه ليخفى بها عورته, صرخ الرجل بكل ما لديه من صوت فى وجه الموظف "يا ولاد الكلب أنا هاوديكوا فى داهية, أنا هاطربق المكان ده على إल्ली فيه"

حاول الموظف أن يتفهم ما يحدث: فى إيه بس يا حاج صابر؟

استكمل الحاج صابر بعصبية أكثر و صوت أعلى و وجه أكثر احمرارا: "فى إيه؟ عايز تعرف فى إيه؟ فى إن النسوان إल्ली

عندكم حرامية ولاد وسخة، تسهينى أخش أستحمى تقوم  
تسرق فلوسى"

لم يبرح "عمرو" فى مكانه أكثر منذ ثانية واحدة فى مكانه بعد  
أن سمع ما قاله الرجل المجهول، لم يحتاج لأكثر من ذلك الجزء من  
الثانية ليربط الأحداث ببعضها، الفتاة التى أخرجته من حجرته  
وحقييته التى لا تزال بالأعلى، هاتفه الجوال، أموال صديقه، جرى  
بكل ما يملك من سرعة، لم يهتم بالاعتذار بكل العاهرات  
والعاهرين الذين اصطدم بهم أثناء هروله، وصل إلى غرفته فى  
وقت قياسى، فتح الباب ليرى ما ظن أنه لن يراه يوما .

\*\*\*

كان مارك فى منتهى الذكاء عندما استدرج خالد للمجىء  
إليه بدلا من أى صديق آخر، حيث أن رغبة خالد فى الحشيش  
باتت واضحة، و بات من الواضح كذلك أن خالد سوف ينفذ  
ما فى رأسه بمساعدة مارك أو بدونها، فرأى "مارك" أنه من  
الأفضل أن يشرب بنفسه على الجرعات التى يتناولها خالد بقدر  
الإمكان، و لكن ذلك الأخير لم يستطع، شراهة خالد اليوم  
للمخدرات غير طبيعية من الصعب التحكم فيها، و غضبه اليوم  
عند إبعاد الحشيش عنه لا يخضع لأى منطق، فلم يكن من مارك  
إلا أن يئأس و أن يستكمل "قعدة الحشيش" فوق سطوح عمارته  
على أى حال، أخيره "خالد" بالطامة الكبرى أخيره باحتمال

موته قريبا، لم يفهم مارك إن كان ذلك حق أم إحدى تخاريف  
الدماغ العالية، و تغيرت أولويات مارك، هدفه الآن هو إخراج  
خالد من حالة الحزن "لأ بس قليل لما أهلى يسافروا  
ويسيبون، شكل الحوار ده هيتكرر كثير و هنعيش بقى" قالها  
وهو يحاول أن يتسمم، غمغم خالد و هو يضحك ضحكة  
المهموم: "هنعيش آه"

استكمل مارك (بارتباك): آه هبقى كل يوم هنا حشيش  
بقى و بتاع.

- مش فارقة أنا كده كده مفضليش كثير كلها كام أسبوع  
و هاموت خلاص.

قالها مُصاحبة بدمعة، ثم أخرى ثم صرخة قام فصرخها، و هو  
يتحدث إلى السماء غير آبه بعلو صوته أو بانتقاء ألفاظه.

\*\*\*

لم يجد عمرو عندما فتح باب الغرفة سوى الفتاة قد اتجهت  
إلى القبلة، تأكد أن كل ممتلكاته في مكانها، اطمأن قلبه، جلس  
على سرير، أشعل سيجارة، انتظر حتى تنتهى صلاتها وظل ينتظر  
وينتظر، دقائق عديدة، ساعات عدة، لكنها لم تقم من سجدها  
شعر بالقلق ربما نامت مثلا من الإجهاد التي قامت به الليلة مع  
من قبله من الزبائن حاول أن يوقظها من نومها و بمجرد أن  
لمسها وجدها ترقى على الأرض كانت ميتة تحلل لوفا الأسمر

بلون شاحب كانت هذه هى أول مرة يرى فيها جثة أصابه  
الفرع كان لا يزال صغيرا وكانت هذه أولى تجاربه فى الحياة  
القاسية

\*\*\*

"ليه بس كده يا رب إشمعنى أنا؟ هو أنا كنا عملت إيه؟  
شربت حشيش؟؟؟ طب و إيه يعنى؟؟؟ هو فيه مين مبيشربش؟  
و أهو كل الناس هاتعيش أهيه، آمال أنا أموت ليه؟ هو مش  
كلنا عصيناك، آمال يوم القيامة قام عليا أنا لوحدى ليه؟ أستغفر  
الله العظيم يا رب، أستغفر الله العظيم، أنا خلاص يا رب مابقتش  
فارقة معايا حاجة، ياتسببني أعيش يا تموتنى دلوقتي"

مرت الأسابيع و الأشهر و مضى كل من أبطال قصتنا فى  
طريقه، الغريب أن خالدا لم يموت، تم علاجه من السرطان بشكل  
نهائى، أصبح ملتزما دينيا لفترة ثم عاد كل شىء كما كان،  
والأغرب أن خالدا قد واجه بسبب شفائه العديد من المشاكل  
فيما بعد، بدلا من أن يفرح أصدقائه بتأخر موته اهتموه إنه قد  
اختلق قصة المرض من خياله ليحصل على إستعطافهم!، شريف  
خصص جهوده لخدمة مشاريع العائلة، لا أحد يستطيع أن ينكر  
أن نشاطه الجديد يتضمن بعض الكذب و النفاق إلا أنها أكثر  
استقامة بكثير عن طريقه السابق كمحام فاسد، فى مكان ما

التقت نيفين بهاني ارتبطا لفترة ثم انفصلا قبل موعد خطوبتهما  
المحدد بشهر واحد، حسب قولها إن الانفصال سببه هو تحكمه  
الزائد فيها و في أفعالها و إن أسباب الانفصال لا تحتوى على  
أى حب لأى شخص آخر (الله أعلم)، حسام بعد أن انفصل  
عن لينا نتيجة لكثرة شكه في إخلاصها له أو في وجود علاقة  
ما جنسية بينها و بين عمرو سلامة من قبله، و بعد أن خسر  
البطولة نتيجة لانفصاله عن تلك الأخيرة بدأ رحلته مع  
المخدرات، و ما زال في منتصفها حتى لحظة كتابة تلك  
السطور، رامى عرف مؤخرا من "يمنى" نفسها ألما على وشك  
الارتباط بأحدهم، ما زالت ليلي الكفراوى حتى الآن لا تجرأ  
على النظر في عينيه إذا التقيا بالمصادفة، كلما رأت ذلك الفتى  
شعرت بذنب، كان من الخطأ على أى حال أن توعده بشيء لا  
تملكه هي، قلب يمنى.

كريم انفصل عن هنى و عن نادين، و عن كل النساء وكأنه  
يئس منهن، رقم هاتفه قد تغير، أوراق حياته في مرحلة إعادة  
الترتيب و عينه تختفى وراء نظارة سوداء و قلبه مغلق  
للتصليحات، أما أحمد شمس فقد ربح القضية التي رفعها أمام  
زوجته بمساعدة أدهم، تزوج بـ "مى" و ظل على علاقة غير  
شرعية بـ "هبة" رويدا رويدا و موقفا تلو الآخر يدرك "أحمد" أنه  
قد أصبح هو الرجل الذي يكره، تحولت الفريسة القديمة إلى

وحش جديد بلا ضمير، لقد أصبح "أحمد شمس" هو "شريف الكفراوي"

أما فهد فقد استطاع أن يهرب من مصائد "محمد البارودي" الذي لم يكف عن محاولة تحويل هذا الأخير إلى مجرد تابعاً له، بين بدلاً من ذلك صداقة وطيدة مع "عمرو سلامة" في أحد الأيام سأله "فهد": "تقدر تعلمني الإستيميشن؟"

كيف جرت الأيام بهذه السرعة ؟ من كان ليتوقع أن يقف عمرو الآن في موقف المعلم .. ألم يكن تلميذ البارحة ؟ ألم يكن مبتدئاً في الإستيميشن ؟ أخرج عمرو أوراق لعب أصبح يحتفظ بها مؤخراً في جيب معطفه و بدأ في شرح قواعد اللعبة ..

"الإستيميشن زى الدنيا، يعنى كل حاجة موجودة فى الدنيا موجودة فى الإستيميشن لو فكرت فيها، يعنى بص دلوقتى لـو إحنا معانا اثنين كمان و بقينا أربعة بنلعب ينفع إحنا الأربعة نكسب؟ أكيد لأ، بس ممكن إحنا الأربعة نخسر، أى حد يقدر يبقى غنى، بس صعب يقدر يحسب إالى ها يحصل، الإستيميشن هى لعبة الاحتمالات إنك عن طريق حسابات معينة ( إيه إالى نزل و إيه إالى ما نزلش ) تقدر تتوقع إالى هيحصل، السبى آدم من ساعة ما ربنا خلقه و هو بيحاول يعرف المستقبل عن طريق حسابات معينة، كل مرة الإستيميشن فيها بتتلعب بتثبت فيه إن مفيش حد يقدر يعرف بالظبط إيه إالى هيحصل، لأن دائماً فى

على الأقل واحد يطلع غلط، و ساعات يطلع كل إللى قاعدين  
غلط، الإستيميشن إللى بيكسب فيها هو إللى يقدر يتوقع عدد  
اللمات إللى هايلمها لو لم لمة زيادة أو قلت منه لمة يبقى  
خسر.. برضه زى الدنيا ساعات الواحد مبيقاش عامل حسابه  
الخير هيجي منين، يعنى ممكن تطلب مثلا ست لمت، تجيب  
خمسة إنت عامل حسابك عليهم و تروح واحدة بس بعد كده  
تلبس واحدة زيادة فتبقى كسبت، و لو أخذت ريسك كبير  
و كسبت يبقى إنت أكثر واحد كسبان و لو أخذت الريسك  
ده و إنت مش قده هتبقى أكثر واحد اتجبت الأرض لأنك  
مطلبتش على و دائما دائما بعد ما تفكر إنك كسبت و إن كل  
حاجة ماشية تمام تطلعلك ورقة إنت مكونتش عامل حسابها

- مش فاهمها أوى لسه ، بس شكلها مسلية

- ما هي بتبقى كده فى الأول

(آخر ورقة نزلت)